

АЗЫКЫЛ

Религиозной книгаосъя уноез авторъёс чем дыръя гожъяло Инмарлы оскисъёс но богословъёс понна. Туж öжытэз религиозной книгаос вуо огшоры лыдзисъёс кие. Нош таиз книга сйезмын öвöл богословъёслы яке фило-софъёслы, со сйезмын „урамысь адямилы“. Со адямилы мынам возматэме потйз выль сямен улонэз, со улонэ сюресэз, кудзэ возматйз вал кык сюрс ар талэсь азыло Галилеянин, солэн кылыныз ик вераны тырши та огшоры адями сярись, „сюресчиос чакласькисътэмесь ке но, медам йыроме“ шуыса.

Мон öй тыршы сыче аспöртэмлыко темаосты бугыръяны, кудъёсыз чем дыръя христианской черкез куашка-тъямон люкылйзы, но, со дыре ик, христианство сярись ас малпанъёсылэсь палэнэ но öй кошкылы, берлань но öй чигналля.

Мон оскисько, огшоры адямилэн визьмыз но улон сямыз куанермемын, соин ик со вите Инмарен дуннеез.

Мон валасько, та книгаез оgez курлалоз, мукетыз дунъялоз но, оло. Асьсэды зэмлыко дйсен ветлйськомы шуыса малпась туалала фарисейёслы со уз кельшы; уз кельшы со асьме вералэсь пуштроссэ палэнтйсь туалала садукейёслы но... Водородной бомбалэн ванез но кобальтовой бомбалэн кылдыны луонлыкез выль ужпумъёсты эскерыны дыртыто. Асьмеос туалала улон шоры сайкыт синъёсын учкыны кулэ.

Соослы, кин выль религиез утча но соин улыны мал-

па, та книга уз юртты. Кудзэ ке мукетсэ лыдзыны утчалэ. Ас азиям одйг гинэ ужпум пуктй: нуыны тйледыз Иисус Христос Кузё-Инмарез валанэ; христианинэз ас оско-нэзлы юнматон но муромытон валысь зеч кыл вераны.

Одйг ласянь учконо ке, „Инмарен дунне“ книгае уно аръёс чоже кылдйз. Мукет ласянь – со гожтэмын вал туж дыртыса кёня ке арня куспын...

Уноез верано кылъёсы – аслам өвёл, соос уно аръёс чоже пöртэм интыосысь басьтэмын. Куд-ог кылъёс гож-тэмын ке кавычкаосы пыртытэк, тодэ, со кылъёс вунэ-мын ини кытысь басьтэмын, нош йыре кылемын со кылъёслэн сюләме пычам, сугйсь пуштроссы.

„Инмарен дунне“ книгае пыдесъяськыса кылдйз, шу-ыны луоз. Мон зэмзэ но Инмарез шöдыса гожъяськи. Соин ик нуналлы быдэ вöсясько, та шукуырес но кышкыт вакытэ мынам книгае мед юрттоз тйледлы Инмарен дуннеез шедьтыны.

Б. Г.

ПУШТРОСЭЗ

1-тй люкетэз: УЖПУМ

1. Валаны тыршон	9
2. Библия	23
3. Инмар	35
4. Съӧлык	48
5. Убир	66
6. Мар вите асьмемыз кулэммы бере	79

2-тй люкетэз: УЖПУМЕЗ ЭСКЕРОН

7. Малы лыктйз Христос?	99
8. Кызбы но мар бордысен кутсконо?	123
9. Ӗпкелён	135
10. Оскон	145
11. Выльдйськон	160
12. Утиськонлы оскон	172

3-тй люкетэз: МАР ПӖРМИЗ

13. Христианинлэн тушмонъёсыз	183
14. Христианской улонлэн куронъёсыз	198
15. Христианин но черк	211
16. Христианинлэн обществоын улонэзлэн куронъёсыз	226
17. Христианинлэн азьпалан улонэз	241
18. Дунне	252

Библейской книгаосысь вакчиятэм кылъёс:

Вуж Сйзёнлэн Книгаосыз

Бытие	=	Моисейлэн Нырысетй книгаез
Исход	=	Моисейлэн Кыкетй книгаез
Числа	=	Моисейлэн Ныылетй книгаез
1 Цар.	=	Царств Нырысетй книга
Неем.	=	Неемиялэн Книгаез
Иов	=	Иовлэн Книгаез
Псал.	=	Псалтирь
Притчи	=	Соломонъёслэн Притчаосын Книгазы
Исаия	=	Исаия Пророклэн Книгаез
Иер.	=	Иеремия Пророклэн Книгаез
Иезек.	=	Иезекииль Пророклэн Книгаез
Дан.	=	Даниил Пророклэн Книгаез
Мих.	=	Михей Пророклэн Книгаез
Софон.	=	Софония Пророклэн Книгаез
Мал.	=	Малахия Пророклэн Книгаез

Выль Сйзён Книгаос

Матф.	=	Матфейлэн святой зёч иворез
Марк	=	Марклэн святой зёч иворез
Лук.	=	Лукалэн святой зёч иворез
Иоан.	=	Иоаннлэн святой зёч иворез
Деян.	=	Святой Апостольёслэн Ужъёссы
Иак.	=	Иаковлэн Посланиез
1 Петр	=	Петрлэн Нырысетй посланиез
2 Петр	=	Петрлэн Кыкетй посланиез
1 Иоан.	=	Иоаннлэн Нырысетй посланиез
2 Иоан.	=	Иоаннлэн Кыкетй посланиез
3 Иоан.	=	Иоаннлэн Кыкетй посланиез
Иуды	=	Иудалэн посланиез
Римл.	=	Римлянъёслы послание
1 Кор.	=	Коринфянъёслы Нырысетй послание
2 Кор.	=	Коринфянъёслы Кыкетй послание
Гал.	=	Галатъёслы послание
Ефес.	=	Ефесянъёслы послание
Фил.	=	Филиппиецъёслы послание
Кол.	=	Колоссянъёслы послание
1 Фесс.	=	Фессалоникиецъёслы Нырысетй послание
2 Фесс.	=	Фессалоникиецъёслы Кыкетй послание
1 Тим.	=	Тимофейлы Нырысетй послание
2 Тим.	=	Тимофейлы Кыкетй послание
Тит.	=	Титлы послание
Филим.	=	Филимонлы послание
Евр.	=	Еврейёслы послание
Откр.	=	Иоанн Богословлэн откровениез

Нырысетй люкет

УЖПУМ

Нырысетй глава

ВАЛАНЫ ТЫРШОН

„Утчалоды Монэ но шедьтоды, утчады ке
Монэ вань сюлмыныды“.

Иер. 29,13

Быдзым утчан тй понна кутскиз со дырысен, ку тй вордскиды. Чик дугдылытэк утчаськоды шуыса валанды йырвизьмады пычам дырысен ортчиз ни, оло, уно гинэ дыр: утчаськоды сое, кудйз тйляд ноку но ой вал, утчаськоды сое, кудйз тйледлы тужгес но кулэ. Куд-ог дырья тй со сярсы вунэтыны тыршиды. Куд-ог дырья туннэ нуналлы гинэ кулэ луись ужъёсы выиськоды, дырды но, малпанды но медам ни кылы мукетызлы. Куд-ог дырья шөдйды но, луоз, мае ке утчанлэсь мозмытскиды ни шуыса, кудйзлэн нимыз но өвөл. Луылийз сыче но дырды, куке тй куштйськыны дась вал со утчанъёслэсь. Но тйледыз кыче ке кужым нош ик ас сьöраз нуылийз но, тй нош ик мае ке утчанэ пыриськылйды.

Улонады чылкак огнады кылён дыръёсы тй учкылйды мукет пиосмуртъёс но кышномуртъёс шоры но юалляды асьтэлэсь, нош утчало-а соос но – сое ик, мае вераны уг быгато, нош со сярсы мöзмо но соослы со туж кулэ. Куд-өгез соос пöлысь шудоесьгес потылйзы тй сярсы, соослэн ас вылазы нуонзы кап-

чигес кадь потылйз тйледлы. Огез, шуом, капчиен лулзиз семья куспын улыкуз. Мукетыз – дан но узырлык утчаны кунгож сьоры кошкем бераз. Куинетйез гуртаз кылемезлы шумпотйз. Соос шоры учкыса, тй малпады, луоз: „Та адямилэн чик но өвөл быдзым мае ке утчанэз. Со шедьтйз ас сюрессэ, Со тодйз, мае утчаз но шедьтйз сое. Мон гинэ со сюрестй мынйсько, кудйз нокытчы уг нуы. Аслым юанъёс сётъясько, мынйсько, чөмтылйсько та пеймыт сюрес вылын, кудйз собере вуттэ мылкыд куашканэ, малы ке шуоно, со сюрес вылын өвөл кытчы мыныны возматйсь пусьёс“.

Но тй огнады өвөл. Вань калык тйляд сюрес вылады, вань калык со утчанэ пыриськемын. Вань калык аслаз секыт юанъёсызлы, нравственной куашканэзлы, буш мылкыдызлы валэктон утча, кудъёсыз зйбо дунне вылэ. Вань калык возма но өте кивалтйсез, со сярись мед сюлмаськозы шуыса, солы оскымон улон сётозы шуыса.

Асьмелы верало, „бугырес вакытэ“ ульськомы шуыса. Историкъёс шуо, дуннелэн историяз адями көнә ке пол гинэ таңе осконтэм но кышкан вакытэ ульз. Ваньмыз дышем амальёс кыляло яке быдэсак куашкатэмын. Асьмеос вераськомы тупаса улон сярись, нош кытын ке витё ожмаськонэз. Асьмеос уно пөртэм планъёс лэсьтйськомы асьмеды утён понна, но со планъёсмы өвөл. Асьмеос котькуд пичи арбери борды кутйськыны дась, нош киямы сюре ке со, соку ик кытчы ке ыше.

Уно дауръёс чөже улонлэн сюрестйз мынймы, кышкам нылпиос сямен, одйг гу дорысь мукет гу доры. Собере котьку шуылймы: „Та шонер сюрес, со вуттоз

асьмемыз отчы, кытчы мыныны малпаськом“. Озы ке но, котьку янгышамы.

Одйгез сюрес, кудзэ асьмеос бырйимы, нимаськиз „политической эрик“. „Сётэлэ котькудйзлы политической эрик но, – шуимы асьмеос, – дунне луоз шудо“. Сётэлэ милемлы асьмелы бырйыны асьмелэсь кивалтйсьёмес но милям луоз сыће правительствомы, ку ми адыми сямен улыны кутском. Сыће вераськонъёсын басьтыны быгатймы политической эрикмес, нош дунне луиз-а умойгес? Газетъёс нуналлы быдэ ивортыло, кызы вылй кивалтйсьёс кузьым октыло, кызы гажано муртъёссэс кивалтйсе пуктыло, кызы мукетъёссэ зйбыса возё, нош вылтйяськон но пёяськон сямзылы паймысалзы, дыр, лек сямо туж вашкала корольёс но. Политической эрик – со туж дуно но кулэ маке, но огназ кузьманы уз быгаты со дуннеез, кудйз сярись асьмеос малпаськом.

Мукетыз сюрес, кудйзлы туж осказы вал, нимаське „дышетон“. Политической эрик но дышетон – самой усто эмъюм, шуылйзы соос, нош соолэсь кылзыса, асьмеос пыдмы чигымон бызимы дышетон удисэ. Сыће яркыт, визьмо инвис усьтйськиз кадь асьме азе, отчы дыртймы асьмеос бурдьяськыса. Кытчы бен вуттйз со сюрес? Кытчы вуттэмез ваньмызлы тодмо. Асьмеос али, ваньзэ ортчем дыръёсты ёшатоно ке, тодон-валаммыя учконо ке, туж вылйын сылйськомы, нош со дыре ик самой жаляноосыз. Студентъёсмы дуннелэсь физической законъёссэ мургес тодо, Аристотель вакытэ самой быдзым учёнойёсын ёшатоно ке. Озы ке но, тодон-валанъёсын туйылэм йырынымы артэ улэ тырттэм сюлэммы.

Вылй верам сюресъёслэсь но яркытэз, ас бордаз

кыскисез сюрес вал „вылй улон стандартэ“ кылдытон. Котькудйз сямен адыми оскиз вал, со ачиз, автомат сямен, вуттоз шумпотон но тыр дунее. Таиз сюрес самой шонерез шуыса лыдъямы. „Кнопкае гинэ зйб но – ваньмыз дась луоз!“ Та сюрес нуиз журналъёсын туж чебер, яркыт буям ялонъёс пыр, чилиась выль автоматъёс, холодильникъёс, автоматической мистаськон машинаос, курегъёсты ачиз жарить карись кастрюляос вамен. Асьмеос оскимы, таиз ини сюрес – самой шонерез. Мукетъёсыз сюресъёс палэнэ ке вуттйзы, шуимы, таизлы оскыны луоно!

Умойгес учке ай табере котырак. Тани басьтоме Америкаез, кытын политической эрик сыче выльозь жутйськиз, кудйз сярись мукет странаос уйвöтазы но öз адзылэ на. Америкаын кылдытэмын дышетонъя самой выльй система, улон юртъёс но ачиз улон амал, улон стандарт. „Америкаын сямен улон“ – озы нимаськомы быдэсак электрифицировать, автоматизировать карем улонэз, хромен но никелен чилиась экономикаез – но шудо кариз-а со асьмемыз? Сётйз-а со шумпотон, аслыд ачид оскон, усътйз-а улонлэсь пуштросэ, кудйз сёры татчыозь уиськимы?

Öз. Куке данъяськиськомы сыче лэсьтэм уженымы, кудйз сярись малпазы туж уно дауръёс чоже; куке океанэз көня ке час куспын выжиськомы; куке кылдытйськомы туж кышкыт висёнъёсты бурмытйсь эмъюмъёс; куке Жутйськомы сыче юртъёс, кудйныз артэ Вавилонской башня кузыли муçлы кельше; куке мур но мур тодйськом океанэз но космосэз – ум шödйське-а асьмеос самой со зеч ужъёсынымы данъяськон вакытамы сюлмамы-мылкыдамы мар ке но уг тырмы шуыса? Быгато-а со паймытйсь лэсьтэм ужъёсмы мыл-

кыдмес буйгатыны, ваньзэ лэсьтймы ни шуыса, быгатомы-а валэктыны малы улэммес, быгатомы-а вераны, марлы дышетскыны кулэ на асьмелы азыпалан?

Мылкыдмылэсь бушсэ возьматйсь малпан уз улы шат азыланяз но? Котькудйз бадзым открытие мылкыдмес буйготовоз шат, бурмытоз шат со огнады кылён сярысь куректыса висёндэс? Луоз шат шедьтыны адямилэн кышканэзлэсь, адзонтэм каронэзлэсь, лексямызлэсь бурмытйсь эмъюм яке мукет со выллем маке, кудйз кылдытэмын луоз, шуом, лабораторной пробиркаын яке телескоплэн трубаяз?

Асьмеос ум палэнтйське сое, мар вань, мар лэсьтэмын. Наука адямины сётйз туж уно сое, мар кулэ вал адямины улыны. Но со дыре ик наука асьмелы кузьмаз сыће шимес кузьым, кудзэ өз адзылэ ортчем даурёс. Наукалэн со кузьымез кийн асьме музъем-мылэн ваньмыз улэп дуннеез. Со пеймыт вужер кадь сылэ сайкась йырвизьмы вадьсын. Со кышкыт уйвөтэн пыре нылпиосмылэн визьмазы. Асьмеос адзымтэ улэ кариськиськомы сое. Асьмеос вераны выриськомы, сыће кузьыммы өвёл шуыса, ваньмыз со лөпшан гинэ вылэм, соин ик огпол чукна сайкаломы но адзюмы, водородной бомба чик но кылдытэмын вылымтэ, атомной бомба но ноку вылымтэ, – только вот киямы чукна вуэм газетъёс нош но нош соос сярысь тодамы вайыто малы ке.

Вань на, конешно, мукетъёсыз сюресъёс, кудъестйз уноез вамышъяло тани самой та дыре. Со данэ потэм но удалтэм, кивалтонэз гажаса кудзем адямиослэн сюрессы. Огзы но соос нокытчы уг вутто, выёнэ сяна. Асьмеос йыромемын асьмелэн ик малпаськонэнымы, асьмеос сюремын асьме кийнымы ик лэсьтэм сыће

четлыке, кытысен туж шуг адзыны со висёнлэсь кыл-дэм мугзэ но, со висёнэн нюръяськон амалэз но. Соин ик асьмелы туж секыт.

Но шуо ук: „Котькуд висёнлэн аслаз эмъясез вань“. Зэмзэ ик озьы ке, асьмелы дыртоно сое шедьтыны. Цивилизациялэн часэзлэн векчи луоз уллане но уллане ваське, соин ик вань на ке сыће сюрес, кудйз нуыны быгатоз на югытэ, вань на ке выллане, духовной тазалыке нуись сюрес, – асьмелы одйг часэз но ыштыны уг яра!

Уноез таће кризисъёс вакытэ канжаськыло но малпало, соослэн тыршемзы эшшо но мургес выйытэ. Кылем арын американецъёс тунаськисъёслы тыриллям сю кызь вить миллион доллар! Сю кызь вить миллион доллар куштэмын йыромем но мае ке утчась адямиосын сыће ик пеймытысь потыны быгатйсьтэм адямиослы, юанъёслы умой валэктонъёс сётэм интые соослэн пöяськон кылъёссы понна!

Кылем арын дас куать сюрслэсь уно американецъёс, туно-пеллёослэн пöяськон кылзы выллемзэ но шедьтымтэенызы, ас улонзэс куспетй каризы, соослы акыльтйз, луоз, адымилэн киыныз кылдытэм цивилизация шуон джунглиын йыромыса ветлыны.

Озьыен, юан кылдэ: „Кытын бен асьмеос туннэ“? „Кытын асьмеос та дыре но кытчы мынйськомы?“ Сётэлэ мыным вераны, кытын тй но кинъёс тй асьтэос. Асьмеос чылкак бушатэм нацилэн адымиосыз. Асьмелэн йырмы тырмытэмын тодон-валанъёсын, нош со дыре ик сюлэммы-мылкыдмы – тырттэм. Асьмеос жаляса вераськомы: егитъёслэн öвöl ни жутскем мылкыдзы, осконзы, ужез яратонзы но азылане мынон мылкыдзы.

Нуналлы быдэ кылйсько мон анай-атайёслэсь ас нылпиоссэс валамтэзы сярэсь верамзэс: соос, пе, чик уг ярато кыће ке уж ужаны, но куро ваньзэ, мар кулэ соослы. Анай-атайёс уг но шөдйсько, вылды, соослэн уно тодон-валантьёсын но умой воспитать карем нылпиоссы пуштроссыя чылкак буш луэмын шуыса. Соослы пычатэмын өвөл ужез шумпотонлы берыктон сям. Соос дышетэмын өвөл азылане мынон сюрес вылын нюръяськонэз данъяськымон карыны. Малы бен соос уг тодо кытысь лыктэмзэс, малы соос татын но кытчы мыно соос!

Мон малпасько, соос кельшо радэн сыйсь автомобильёслы, кудъёсылэн детальёссы паймымон зеч волятыса лэсьтэмын, нош бакъёсазы бензинэз өвөл. Озыен, вылласянь туж синмаськымон, нош пушласянь – буш, вырзыны кужымзы өвөл. Соин ик сыло соос интыязы но сыномо... Сыномо мөзмыса.

Верало, Америка, пе, дуннеын нырысетй интыын сылэ мөзмонья. Ми тодйськом сое, малы ке шуоно, милям самой уно но пөртэмлыко шутэтскон интыос но амальёс. Адямиос сыће бушомемян, асьсэды асьсэос шулдыртыны мылкыдзы уг ни тырмы. Соос мукетъёслы коньдон тыро мед шулдыртозы, мед серекъятозы шуыса, кылдытыны выро көня ке дырлы ке но шуныт но капчи мылкыд, вунэтыны буш мылкыдзэс, кудйз кылдытэ кышкан, астэ ачид ыштон но оген улон.

Оло, тй малпаськоды, улонамы мөзмон сыће ик кышкыт мае өвөл. Котькуд адямилэн мөзмон дырыз луылэ ук. Но син азяды пуктэ ай со кышкыт куашкам мылкыдэз, кудйз кекатэ быдэс странаез, калыклэсь визьзэ но сүлэмзэ.

Огез но мукет лулоос, адямиос сяна, мӱзмонэз уг валало. Со туж паймымон, малы ке шуоно, Кылдытйсь номыре но огшоры уг лэсьты, соин ик адямилы Со мӱзмон сӱтэм ке, кулӱен сӱтэм, луоз. Мӱзмон пыр асьмеос адзиськомы адямилӱсь кӱнъялы буш кылемзӱ! Со сыӱе ик шонер возматӱ, кызыы возматӱ термометр, соя валаны луӱ мылкыдлӱсь кӱнъялы куашкамзӱ. Котьку мӱзмыса улйсь адями улӱ но ужа буш интыын. Пушкыз солӱн буш, нош инкуазь уг яраты ук буш интыез. Со ласянь инкуазьлӱн аслаз законӱсьыз, со соку ик тырмытӱ буш интыез.

Асьмелы вашкала даурӱесты тодамы ваӱнӱз ик ӱвӱл, кытын куашкам мылкыдо калыкӱӱслӱсь мар луӱмзӱс тодон понна. Куд-ог европейской страна-ослӱн выль историзы шоры учкыса но умой адзиське, кыӱе жӱглыкӱен тырмытӱ инкуазь буш интыез. Но-кыӱе „измӱӱс“ уз шедьтӱ инты адямилӱн сьулмаз, соос Инмарлӱн Кылыныз тырмытӱмын ке, но со „измӱӱс“ ик туж жӱг тырмыто бушам но куашкам калӱ вуӱм адямилӱсь лулзӱ. Инкуазь буш интыез уг яраты шуиськомы бере, асьмелы котькудмылы тодыны кулӱ, маин бен асьмелӱн лулмы тырмытӱмын луоз.

Тйни кыӱе паймымон учыре вуӱмын асьмеос туннӱ – бушам нациялӱн адямиосыз. Бушам лулмес асьмеос тырмытыны тыршимы наукаен но дышетско-нӱн, чебер улонӱн. Асьмелӱн малпаммыя, мылкыдмылы соос туж тупало вал кадь – но малы ке буш ик кылимы ук. Малы бен асьмеос таӱе куанер но буш? Малы ке шуоно, Кылдытйсь асьмеды Аслыз кылдытйз; соин ик асьмеос ноку но ас кужыменымы но визьмынымы ас кожамы луыны ум быгатӱ, Инмарен герзаськытӱк.

Иисус Христос кемалась шуиз вал ини асьмелы: „Адями нянен гинэ уз улы“ шуыса (Лук. 4,4), но асьмеос та кылъёсты пель сьӧртӥмы лэзимы. Асьмеос мар сюрем, сое сиыны кутскимы. Сиимы висъыны кутскытозямы.

Асьмелы нокызы но чиданы уг яра бушась лулмы шоры учкыкумы, мыноно сюрес выламы огнамы кылеммылы. Асьмеос вераны луонтэм жадимы ини ог-огмес адӟонтэм каронлэсь, мултэссэ капыртонлэсь но мылкыдмы лопыръяськонлэсь, но кужыммы уг тырмы соослэсь люкиськыны, ум тодӥське, маин тырмытоно бушам лулмес.

Бадӟым инты басьтэ-дыр. Асьме кие вуэмын асьмеды асьмеос ик быдтон орудие, соин ик ум быгатӥське ни ветлыны йыромытӥсь сюресъёс вылтӥ, ум ни быгатӥське тодмотэм интыюсты утчаны но пеймыт интыюсы сюрлыны. Со понна асьмелэн өвӧл ни дырмы! Малы ке шуоно, асьмелэн поколенимы йылпумъяз сое, мае кутскизы вал асьмелэсь азыло поколениос яке со сярись малпаськыса улӥзы самой кӧшкемыт сямо дыръязы бадӟым кивалтонлэсь шӧмзэ валам муртъёс. Асьмеос шедьтыны быгатӥмы сыӵе оружие, кудӥз соку ик ваньзэ быдтыны быгатоз. Асьмеос улӥськом атомез пыргытэм вакытэ!

Кыӵе серекъясалзы, дыр, демонъёс самой визьмо адямиюсты, кинъёс шузимыса кадь ужазы музьем вылын со кышкытлыкез кылдытон понна! Атомез расщепить карон! Люкылы но кивалты! Пилылы но куашкатъя, зуркатъя, сӧрпалля! Кин зӥбыны быгатӥз, со ас ужзэ лэсьтӥз, нош адямиос солы юрттӥзы. Асьмеос адӟиськомы табере убирлэсь уж бервылзэ, солэсь „визьмо“ туссэ – Инмарлэсь таласа кадь бась-

тэм тылызлэсь пырдем тылгизыыоссэ. Табере убирлэн но, Инмарлэн тылзы вылласянь лыкто, ваньзэ сутыса, мар сюре пумитазы. Только кыҕе пөртэмлыко соолэн сутонзы! Огез куашкатэ но кулонэ вуттэ, мукетыз выльдэ но инбама жутэ!

Асьмеос али улйськомы сыҕе вакытэ, куке ваньмыз йырчукин берыктэмын. Тодэлэ бен, ваньмыз со убирлэн планаз пыртэмын. Библия асьмелы вера, убир, пе, – ноку адзылымтэ пöяськись, ассэ сйзиз асьмеды пöяны но дунне вылысь вань калыкжесты пöяны. Со асьмемыз оскытйз улон умой луоз шуыса, нош ваньмыз луиз йырчукин.

Тодмо английской учной, д-р Генри Битт, шуэ: „Укмыстонэтй аржёлэн утёнзылы оскон, куке ваньмыз радъямын луоз но дунне ачиз, ас кужымезъя выльдйськонэ вуоз, – сыҕе малпан табере куашказ. Дышетон, ог-огдэ гажан, „прогресс“ малпам улонад одно ик вуттозы шуон быдэсак пазыгемын вал берло кызы вить аржёсы. Ваньмыз ик со огшоры гинэ өвөл уго. Убир өз кулы. Кивалтон но съод кужым улэп на, быдэс дунне убирлэн киулаз, шуыны луоз“.

Ваньмы тодйськомы но валаськомы, таиз даур вордскем дырысен музьем вылын улон туж шөдскымон воштйськиз шуыса. Ми валаськомы солэсь дыртйсь улонзэ, революциен пыҕам пуштроссэ, кудйз сэрпалля куке кылдем но тупатэм кунгожжесты но йылолжесты сыҕе жоглыкен, кызы воштйськизы вераськон кылмы, модаос, улон сямжес но улон интыос, визьмы. Көня ке ар талэсь азыло гинэ ай нылпиосмы шумпотыса мыно вал пристане баджым парожжесты учкыны. Туннэ соос чик паймытэк учко геликоптержес но турбинной самолётжес шоры. Асьмемыз

телеграф но паймытэ ке вал азьвыл, табере дышимы ни телевиденилы. Кӧня ке дыр талэсь азьло куд-ог висёнъёсты бурмытыны уг луы шуо вал. Табере асьмелэн вань ини сыӛе эмьюмъёс, кудъёсыз пересь мугорлэсь висёнзэ но бурмыто. Туж уно азинсконъёс, веранэз ӧвӧл. Но со дыре ик адями лэсьтыны, малпаны ӧз быгаты аслыз самой кулэзэ. Лэсьтыны быгатйськомы туж жужытэсь коркаос, жог ветлйсь пароходъёс, туж кузесь выжъёс – но со дыре ик киямы кутыны ум быгатйське асьмемыз, ум быгатйське ог-огмес ултйятэк но куспамы тупаса улыны!

Асьмеос усьтыны быгатйськомы искусствоя но музыкая туж бадӟымесь школаос, шедьтыны умойлэсь но умойёссэ витаминъёс, нош сюлмаськонъёсмы кылизы соос ик. Со сыӛе ик сюлмаськонъёс, кудъёсыз адямилэн вал котьку, только али соос уногес но бадӟымесьгес. Соос асьме доры вуыны быгато выльымнырын; соос адямиез мургес но вӧсьгес бышкалтыны быгато, уногес сюлмаськон ваё; нош адями борды кылизы сыӛе ик сямъёсыз, яратонэз, сыӛе ик адӟонэз, кудйз адями борды „лякиськызы“, дыр, кылдэм дырысеныз.

Бен самой со дырысен ик уго, куке Эдемлэн садаз адями, Инмарлэн косэмезъя улэмез потымтээн, бырйиз аслэсьтыз улонзэ, адямиез сюлмаськытйзы со ужпумъёс ик. Малыез возматэмын Бытие нырысетй книгаын. Кыӛе секыт улонэ вуиз адями со сюрес вылэ султэм бераз, верамын Римлянъёслы Посланилэн нырысетй главаяз. Нош Иисус Христослэн Евангелиез со куректонъёслэсь утиськыны визьнод сӛтэ.

Сьӧлыкен но умойтэм сямъёсын тырмем адями бордысь кылдэ йыркур, вожъяськон, узырмыны тыр-

шон. Сьӧлыкез понна ӧпкелӧн адямиез уйылэ сопал дуннеын улон сярсы кышкаменыз. Солэн котьмае выльзэ лэсьтыны быгатӧсь визьмыз ӧз лэсьты на ассэ адямиез воштон но выльдон мае ке. Малы ке шуоно, „прогрессэн“ ушгъяськись адями кылиз сыӹе ик, кыӹе со вал нырысь вамышаз.

Сьӧлык но сыӹе ик кылиз, адями сое воштыны выриз ке но. Асьмеос сое мукет нимгӧсын ниманы вырими. Асьмеос мукет кылгӧсын гожтэм кагазгӧс лякылӧмы со ядэн ик бутылка борды. Асьмеос тыршимы вуж сараез вылласянь чеберьяны. Асьмеос сьӧлык кылэз воштыны вырими „янгыш“, „йыромем“ яке „сознаниез улӧын“ кылгӧсын, нош сьӧлык сьӧлыкен ик кылиз. Адями ассэ котькызы утыны ке но выриз, со котьку сьӧлыко вал; сьӧлык бордысь ик уг лыкто шат пӧртэм висӧнгӧс, куашкам мылкыд, куректон но кулон.

Кайгу но чик ӧз воштӧськы. Со кутскиз соку, ку Адам но Ева сюлэмзы пилиськымон куректонэн учкызы вием Авель пизы шоры но нырысьсэ валазы кайгулэсь ӹушкась кужымзэ. Со кужым кыстӧське туннэ нуналозь, дуннеысь вань калык сое одӧг кад вала но тодэ. Огез но адями сое тодытэк уг кылы. Огез Иовез буйгатӧсь мурт малпаз, кайгу – ӧвӧл-а со улонлэн пуштрӧсэз, соин но, лэся, шуиз:

„Адями вордӧське курадзӧны, тылгизы сямэн, собере инбаме тубыны“ (Пов. 5,7).

Кулон но сыӹе ик кылиз. Адямиос тыршизы солэсь тусбуйзэ воштыны. „Корос лэсьтӧсь“ луиз „похоронной бюро“. Асьмеос тыршиськомы кулэм муртэ ватон секыт йылолгӧсты ӧжытак „небзӧтыны“; но котькызы вошгъя, котькызы чеберья адями ватонэз,

кулонлэн кышкыт ымнырыз кылдэм дырысеныз өз воштйськы.

Куинь зэмос учырѐс кылдыто адымилэсь улон историзэ: солэн азьвыл улонэз сьӧлыкен тырмемын, али улонэз куректонэн пачылмемын, азыланяз сое вите кулон.

Библия вера:

„Адымиослы кылдэмын огпол кулыны, нош собере суд“ (Евр. 9,27).

Огшоры адымилы та верам шимес кылйське но осконзэ куашкатэ. Соосын философской теориос но уно религиос кылдытэмын вал Инмарлэн Кылызлэсь палэнтон понна. Туала философѐс но психологѐс али но вераны тыршо на, Христосэ сюрес сяна, мукетыз сюрес вань на шуыса. Но адымиос ваньзэсты соосты пырпотйзы ук ини, огез но со сюресѐс нокытчы өз вуттэ.

Дуннеысь калык азын вашкала даурѐсысен туннэ нуналозь мылкыдэз бугыръясь юанѐс сыло сьӧлык сярись, курадзон но кулон сярись. Самой та куинь юанѐсслы валэктон сётыны лыктйз асьме улонамы Иисус Христос. Только Иисус Христос, только Со огназ, кылдэмын даурѐсслы но воштйськисьтэм. „Иисус Христос толон но туннэ но вань даурѐсслы Сыѐе ик“ (Евр. 13,8).

Ваньмыз мукетыз быгатоз воштйськыны, нош Христос кылёз азьвыл сямен ик. Адыми сямѐслэн пыдэстэм океаназы Христос сылэ керзегьяськытэк но йыг-йыг, со дась ваньзэс зеч мылкыдын пумитаны, кин вазиськиз Сола но кузьманы дась тупаса улон но утён. Малы ке шуоно, асьмеос улйськомы мылкыдымылы тупась сыѐе дыре, кудаз Инмар кылзэ сётэ

юрттыны солы, кин Со доры лыктоз но Солэсь Пизэ ас сюлмаз пычәтоз (Иоан. 1,12). Но мылкыдмылы тупась даур пумтәм-йылтәм өвөл. Асьмеос улйськомы на Инмарлән чидась луэменыз гинэ (2 Петр. 3,9).

Кыкетй глава

БИБЛИЯ

„Ин но музъем бырозы, нош Мынам
Кылъёсы уз быре“.

Матф. 24,35

Дыр ортче. Часлэн стрелкаосыз возматом ни уйшорез. Дуннеысь калыклэн азылане сюресэз пытсаськиз. Кыче сюрес быръёно табере солы? Кылиз-а асьмелэн кыче ке авторитетмы, кинлы мед луысал оскыны? Вань-а сыче сюрес, кудйзтй мыныны луоно? Вань-а пиштйсь тылси пеймыт гуын? Шедьтыны быгатомы-а юанъёсмылы ответъёс? Вань-а сыче авторитет, кинлы вазиськыны быгатомы? Оло, асьмемыз кыче ке тодмотэм кылдытйсь яке кужым сэрпалтйз та дуннее но номыр өз но куареты, өз но вера, кытысь лыктймы асьмеос татчы, малы асьмеос татын но кытчы мынйськомы?

Ваньмызлы та юанъёслы одйг гинэ ответ вань: та юанъёслы ответ сётыны луоно! Со нимо-дано ошмес. Со ошмес пöзе вашкала исторической книгаысь, кудзэ асьмеос нимаськомы Библия. Та книга асьмедорозь вуиз туж уно дауръёс пыр потыса. Со ортчиз лыдъяса быдтонтэм киос пыр, уно пол вылтуссэ вошъяса но солы пумит султйсьёсын нюръяськыса. Варварстволы но, цивилизациялэн тужгес ик тодйсь-

валась луэмезлы но со өз сётйськы. Тылын но, ултй-
яса серем каронэн но сое быдтыны өз быгатэ. Солэн
ворекъясь пуштроез өз воштйськы дуннелэн пöртэм
бугырьяськон вакытьёсазы но.

Табере, ку асьмеос матэктйськомы всемирной исто-
рилэн выль, самой главной вакытаз, нош ик вазисько-
но луиськомы та ноку но кылясьтэм, визьмо, азьлане
учкыны дышетйсь Книгалы; шедьтыны тыршомы со
мугез, кудйзлы луыса та Книга вань шуг-секытьёсты
чидаз но адямилы котьку оскон кылдытылйз.

Вань сыће адямиос, кинъёс Библияз лыдъяло, Со,
пе, Израиль калыклэн историез. Мукетъёсыз шуо, Со,
пе, ноку но адзылымтэ зеч сямъёслы дышетон. Соиз
но, таиз но шонер. Но Библиялэн главной темаез –
Иисус Христос пыр Инмарлэн утёнэзлэн историез.
Кин ке Вуж Сйзёнэз лыдже литературалэн самой усто
произведениез кадь гинэ потыса, паймымон усто поэ-
маез яке историез сямен гинэ, Солесь дуннеысь калы-
кез утён историез вунэтыса, – сыће лыдзисьёслэсь
вольтчыса кадь кошке Библиын верам зэмос малпан
но зеч ивор.

Библия гожтэмын Инмарлэн мылкыд каремезъя,
адямилы Инмарлэсь утён планзэ возматон понна. Со
гожтэмын, Солэн нылпиосызлы валамон мед луозы
Солэн вошъяськисьтэм законъёсыз, Солэн быдзым
визьмызлэсь кылзйськыса мед улозы шуыса, нош Со-
лэн яратонэз мед буйгатоз улонзылэн котькыће вакы-
таз шуыса. Библиятэк дунне зэм но тём-тём пеймыт
но кышкыт луысал, отысь потыны нокин валэктйсь
но ой луысал.

Библиез соку ик валаны луэ, со огназ гинэ сыће
книга шуыса, отысь адзыны луэ Инмарлэсь асьмелы

устьїськемзэ. Пöртэм религиослэн уно книгаоссы вань: вань Магометлэн коранэз, буддистьёслэн священной книгаоссы, Заратустралэн Зендавестаез но браминьёслэн Ведаоссы. Ваньмыз соос асьмелы тодмо луизы со кылъёсысь оскымон берыктэмен, соин ик вераны быгатїськомы дунзы но кулэлыксы сярысь. Но жоген тодмо луиз, ваньмыз ик та христианской луисьтэм библиос умойтэм сюресэти азыланьтїсько. Ваньзы соос, кутско ке но яркыт тылси бордысен, йылпумьясько тём-тём пеймыт уен. Вылтїзы гинэ но лыдзїсь туж валалоз, Библия мукетъёслэсь чылкак пöртэм шуыса, со – одїг гинэ книга, кудїз адямилы сётэ утиськон но юаньёсызлы быдэсак валэктон.

Дас куать дауръёс кулэ луизы, Библияз кылдытон понна. Со бордын ужазы куамынлэсь уно авторъёс, котькудїз соос пöлысь Инмарлэн летописецъёсыз вал. Та адямиос, ог-огзылэсь уно дауръёслы люкемъёс, огшоры гинэ өз гожъялэ, мар соос малпало но марлы оско. Соос сыће арберилы кельшылїзы, кудїз одїг ёзэ тэчылэ Инмарлэсь косэмзэ; соос гожъязы, нош гожъясьёсын кивалтїз Со. Инмарлэн мылкыд сётэмезъя, соос адзїны быгатїзы быдзїм но вошьяськисьтэм валанъёсты, гожъяны тыршизы азыланяз улїсьёслы, соос но озыы ик адзїны но валаны мед быгатозы шуыса.

Та дас куать дауръёс чöже гожтэмын вал пöртэм кылъёсын но пöртэм дауръёсысь пöртэм странаосын улэм адямиосын Библиязлэн куатьтон куать книгаосыз. Но ваньзылэн ик соослэн веранзылэн пуштросэз одїг вал. Инмар вераз котькуд адямилы солэн вераскон кылыныз но со адямилэн улон вакытэзлы, но Солэн ивортонэзлэн пуштросэз котьку ик одїг кыль-

ылйз. Куке быдзым ученойёс огинэ люказы еврей, арамей но греческой кылъёсын гожтэм вашкала манускриптъёсты но берыктйзы туалала вераськон кылэ, адзызы: Инмарлэн сётэм кылъёсыз но зеч иворез вошьяськемын өвёл. Лыдзиськомы ке туннэ пырак дауръёслы сйзем со кылъёсыз, адзиськомы, вашкала летописецъёсын возматэм улон правилоос туннэ но сыче ик сайкытэсь но мур пуштроемесь, соос озы ик чеч тупало туалала улйсьёслы, кызы тупало вал соос Христос улон вакытэ адямиослы но.

Соин ик чик паймонэз өвёл, Библия дунне вылын вань книгаос пöлысь самой вöлмемез шуыса! Огез но мукет книга аслаз пуштроезъя, поэтической чеберлыкезъя но азылане учкыны быгатемезъя Библиен чöшатскыны уз быгаты. Со критикъёс, кинъёс шуо, Библияын, пе, юри тупатыса гожтэмъёсыз уно, укыргес будэтыса верам мадёнъёсыз но быдэстыны луонтэм сётэм кылъёс уно шуо, самой со кылъёс возматэ: Библия чик но янгыш өвёл, янгыш асьсэос озы вераськисьёс. Туж-туж умой эскерем бере, тодмо луиз, со тупамтэос Библияз умойтэм берыктэмез бордын вылэм. Нош азыпала учкон – ваньмыз шонер. Библияз тупатъянэз өвёл, тупатъяно на ассэ адямиез.

Озы ке но, унояз семьяосын но вылй дышетскем адямиос пöлын улэ на Библия шоры чиньы пыр учкон, со, пе, Инмарлэн Улэп Кылыз өвёл, со, пе, книга жажыос вылын кыллыны кылдытэмын. Куке священник одйг пичи нылашлэсь юаз, тодэ-а со, ма вань Библияын, нылаш чик малпаськытэк шуиз, тодйсько, пе. Собере бöрсьысь-бöрсьысь лыдьяса кадь вераз: „апаелэн эшезлэн туспуктэмез, анаелэн ярато-

но кремезлэн рецептэз, пичи вынызлэн йырси ван-дэтэз но атаезлэн часэзлы квитанция!“ Тйни сыће тодйсез но вань Библиязез. Туж уноез Библия вискы тыро вуж гожтэтъёсты, куасьтэм сяськаосты но чик уг малпасько со юрттэт но оскон сярысь, кудйз, Инмарлэн малпамезъя, та книга сётыны быгатысал.

Асьме дыре Библия шоры сыће учкон туж жог воштйське! Улон ачиз палэнтэ ваньзэ чик малпаськы-тэк лэсьтэмзэ. Пöяськыса ог-огедлы сётэм кылъёсты валало табере йыромемез сямен. Нош куке котырак учкиськомы зэмлыкез утчаса, нош ик амалтэк малпа-ськомы та вашкала Книга сярысь, кудйз буйгатылйз но, утён но сётылйз туж вашкала дырысен милли-онъёсын калыкъёслы.

Бен, адямиос нош ик Библиязез „валазы“! Соос вуж-мем книгаоссы вылысь тузонзэ ёушыло яке выльзэ басьто. Соос отысь шедьто туж тодмо но кемалась вунэм кылъёсты, отын верам кылъёс тыныд туж матынэсь, соос толон гинэ гожтэмын кадь, бен Библия уго ас пушказ возе сыће тодонъёсты, кудъёсыз адями-лы кулэ ас тодон-валанзэ тырмытон понна но кылдэм юанъёсызлы валэктон шедьтон понна. Библия уго – Лэсьтйськись Инмарлэн планэз, солэн валэктэмезъя гинэ лэсьтыны быгатомы кема дыр ёоже утчам улонмес.

Милям Америкаын вань на эшшо одйг быдзым-лэсь но быдзым документмы, кудзэ ми гажаськом но дунъяськом. Со гожтэмын вал ог сю витьтон ар талэсь азьло кöня ке адямиен, кинъёс кема тыршизы но эшшо кемагес споръяськызы документлэн полже-ниосызъя ратификация пумысен. Конституцимес дасясь адямиос тодо вал эрико адямиослэн кивалтон-

зылэн кутсконэзлы документ луоз со шуыса; соос умой валало вал, адымиос эркын улозы соку гинэ, кукке котькудйз тодоз но валалоз законэз, тодоз аслэсьтыз мар каронзэ, мар солы сётэмын но ваньзэ со привилегиосты ортчонтэм вылысь возматэм гожез. Соос огкадь луыны кулэ суд азын, малы ке шуоно, судъя но со законэн ик герзэмын, соин ик котькуд учырез эскерыны кулэ солы гинэ тупась ужпумез чакласа.

Озыы ик, кызыы Америка будйз но юниаз аслаз Конституциезъя улэменыз, озыы ик Библияын чаклам законъя вöлмиз христианство. Озыы ик, кызыы Конституция та странаын, мыдланьтытэк но вошъятэк, огкадь кутйське вань калык понна, озыы ик Библия но луэ быдэс дуннеысь калыклы, солэн но законъёсыз ваньмыз понна огкадесъ луо чик мыдланьтытэк но чик вошъятэк.

Озыы ик, кызыы Конституция луэ страналэн самой выльй законэз, Библия но озыы ик луэ Инмарлэн выльй законэз, бен Библиын ук Инмар Аслэсьтыз законъёс-сэ юнматйз. Библиын Инмар котьку дырлы тупатйз Аслэсьтыз сётэм кылъёссэ. Библиын Инмар усьтэ дуннеысь калыкез утён планзэ.

Инкуазьлэн паймымон улоньсытыз асьмеос адзиськомы Инмарлэн законъёсызлэсь ужамзэс. Кин меда паймыса өз учкылы инме кизилиослэн вореkjамзы шоры? Кин меда өз шöдылы сjолэмзылэсь жугиськемзэ тулыс куазь шоры учкыса, кукке котырак улэе но выль улон лулын шока? Асьмемыз котыртйз чеберлык но узырлык – ваньмыз со пöртэмлыкъёс Инмарлэн кужымезлэн кибервылыз но Кылдытйсьлэн ноку но кысйсьтэм но малпаса лэсьтэм планэз, но

инкуазь ачиз уг куареты асьмелы Инмарлэсь яратэмзэ но нуныямзэ. Инкуазьысь ум шедьтйське котькудмес утён сярысь верам кылзэ.

Асьмеос лужкемак малпаськылйськомы Инмарлэн ванез но зечлэн но леклэн пөртэмлыксы сярысь; но со ваньмыз зеч ивор сярысь веранлэн өжыт гинэ кылйськись куараез асьме доры уг вуы, соин соосты асьмеос туж ик валаны но ум быгатйське, кызыы валаськомы Библиялэсь дышетэмзэ. Солэн страница-осысьтыз гинэ шедьтйськомы валамон но янгышатэк верамез, ма вылын кылдытэмын зэмос христианство.

Христианстволэсь ваньзэ дышетэмъёссэ шедьтыны луэ Библияысь, нош зэмос христианин, отын нокудйзлы но верамлы пумит луэм гинэ өвёл, Инмарлэн Кылыз борды номыр но выльзэ будэтыны уз быгаты. Шуом, США-лэсь Конституциязэ дырын-дырын вошъяны ке луэ, Библияз вошъяны но, выльдыны но луонлыкез өвёл, малы ке шуоно, Библияз гожъясьёслэсь кизэс нуллйз ачиз Инмар, со ик гожъяськон дыръязы ас веран Кыльёссэ соослы вераз. Шуиз ук апостол Петр: „Азылане оскон ноку но верамын ой вал огшоры адымилэн косэмезъя, со верамын вал Инмарлэн святой лулыныз лөпкытэм адымиосыныз“ (2 Петр. 1-21). Апостол Павел асьмелы шуэ: „Ваньмыз гожъямъёс Инмар Лулэн пычамын улонэз валан понна, со улонэз валэктон, дышетон понна; дась мед луоз Инмарлэн адымиез котькыче умой ужлы, ассэ ачиз умой мед кароз“ (2 Тим. 3, 16-17).

Асьсэлэсь зэмлыко веранзэс гожтыкузы, Библияз дасясьёс ноку но өз тыршелэ улонэз чеберъяса возматыны. Соос ватытэк веразы пичизэ но, бадзымзэ но съёлыктьёсты, озыы соос возматйзы адымилэн сямыз-

лэсь вошъяськемзэ но лябзэ, веразы, кыче улонын улий адыми библейской вакытгёсы. Адымиослэн самой паймымон лэсьтэм ужгёссы но со ужгёсты лэсьтытйсь муггёссы чэпак туннэ нуналлы тупало ук! Библиез лыдзку таке ик шөдйськод кад аслэсьтыд визьдэ но сюлэмдэ, данъяськемдэ но малпангёстэ, куректонгёстэ но ултйяне вуэмдэ, аслэсьтыд сьöлыкгёстэ но сюлмаськонгёстэ.

Зэмлык уг чакла дырез. Одйг даурысь зэмлык тусызья уг висьяськы мукет даурысь зэмлыклэсь, мукет калыкгёслэсь но мукет шаергёслэсь. Ог-огзылы кельшыны уз быгатэ идеяос гинэ, вошъяськыло йылольгёс, улон амальгёс, нош быдзым зэмлык огкад луэ вань даургёслы.

Иисус Христослэн, асьмелэн Утисьмылэн, лыктэмез – Библиялэн быдэс пуштроез, со луэ асьмемыз утён сярись ивор. Библияз мур-мур эскерем адымиос Иисус Христослэн лыктонэз сярись иворез чаклазы Вуж Сйзёнлэн самой кутсконысеныз, малы ке шуоно, Со сярись история – со Вуж Сйзёнлэн но, Виль Сйзёнлэн но главной темазы луэ.

Улон Книгаын Со луэ Кышномуртлэн Кидысэз.

Исход Книгаын – Со Быдзым Нуналлэн Ыжпиез.

Левит Книгаын – Со Пунэмзэ Берыктонлэн Лулыз.

Числ Книгаын – Со ву сөтйсь Из Гурезь.

Второзакониын – Со Азыланез Верась.

Иисус Навинлэн Книгяз – Со Кузё-Инмарлэн воингёсызлэн Кивалтйсьы.

Израильысь Судьяослэн Книгязы – Со Утись.

Руфьлэн Книгяз – Со инмысен Утись.

Царствлэн ньыль Книгаосаз но кык Паралипомонгёсын – Со музейем вылысь Эксэй.

Неемиялэн Книгаяз – Со Израильысь калыкез
Улзыйсь.

Эсфирьлэн Книгаяз – Со Утись.

Иовлэн Книгаяз – Со мынам Утисе.

Псалтирын – Со мон понна Ваньзэ но Ваньмыз.

Соломонъёслэн Верам Книгаязы – Со мон понна
Адзем карымон.

Экклезиастлэн Книгаяз – Со мынам азыпала Уч-
конэ.

Кырзанъёсья Кырзан Книгаын – Со мынам Шум-
потонэ.

Пророкъёслэн Книгаязы – Со Дуннелэн азыланьын
луоно Эксез.

Евангелиосын – Со Христос, кудйз лыктйз кулэмь-
ёслэсь кылзэс юаны но утыны.

Апостолъёслэн Деяниосазы – Со Улзем Христос.

Посланиосын – Со Атай Инмарлэн шокчем Хрис-
тосэз.

Откровениосын – Со Азыланез но Кивалтыны пук-
сем Христос.

Со – Библиялэн дауръёслы иворез. Со – улон, дунне,
инбам но ноку быронтэм улон сярысь веран. Библиын
өвөл лушкем малпанъёс. Сое кулэ өвөл олокызы но
берыкъяса вераны. Отын туж валамон, кышкатэк
сётэмын вань улэпъёслы веран кыл – Христослэн
лыктэмез но Инмарен валче улон сярысь өтёнэз.

Иисус Аслаз дышетскисьёсыныз пукиз, луоз, огпол
Капернаум дорысь гурезьын. Соос люкаськизы Со
котыре. Петр пукиз, дыр, Солэн огпалаз, нош Иоанн –
мукет ласянь. Иисус учкиз, дыр, Соны оскись дыше-
тскисьёсыз шоры лачмыт синмын но гажась мылкы-
дын, кызы учке яратйсь атай аслаз семьяез шоры,

котькуд нылпизэ нимаз-нимаз яратыса, котькудзэ кыће ке йылолыз понна, нош нылпи со нимаз яратонэз вала сое выліе жутэмен, солэсь умой сямзэ адэмен. Озы кулэ вал яратыны Иисус аслэсьтыз дышетскисьёссэ.

Солэн озы учкемезлэсь та көня ке адямиос малпаськись луо вал. Соос шыпак кариськылйзы валаса, али тани верамын луоз ноку но вунонтэм кыл, соос сое собере мадэзы мукетъёслы, быдэс дуннеысь калыкъёслы, кинъёслы өз кылды та кылэз соослы сямен аслэсьтыз Иисуслэсь кылыны.

Отын, гурезьысь оливковой писпу улын сылыса, Иисус вераз, дыр, Аслэсьтыз самой быдзым проповедьзэ, кудаз валэктэмын христианской улонлэн пуштросэз. Веранзэ быдтэм бераз, адямиосты сыће мылкыд лөпкытйз, кычез ноку ой вал на, бен Со дышетйз уго чылкак мукет сямен, озы өз, кызы дышето вал книжникъёс но фарисейёс, Со дышетйз „кузё мурт кадь“ (Матф. 7, 29).

Зэм но, Со дышетйз кивалтйсь выллем, Инмарлэн сётэм кивалтон кужыменыз; Солэн кылдытэм законъёсыз – Аслаз Инмарлэн законъёсыз, кудйзья улыны кулэ котькудйз христианин, возе ке со ас сюлмаз утиськон сярысь малпанэз.

Тйляд коркады өвөл ке Библия, али ик шедьтэ но басьтэ сое, утчалэ асьтэлы лыдзыны тупамонозэ букваосызья но, быдзалаезья но, лыдзелэ но валаны тырше, малы та книга, дауръёс пыр потыса, асьме дорозь вуиз. Асьтэос валаны тырше, малы со адями-лэн вань юанъёсызлы валэктыны быгатэ, кытысь со шедьтэ вань калыкъёсты азылане нуыны оскон но кужым.

Библияз кемалась ке ни лыдземды, нырысь-валысь усътэмды луоз Иоаннлэсь Евангелизэ. Библиязе пырысь книгаос пöлысь со самой валамонэз но пуштросэзъя самой мурез. Со гожтэмын вал уго адымиез утёнлэсь кызы но малы лыктэмзэ валэктон понна, соин ик со котькудйзлэн мылкыдызлы тупа.

Иоаннлэсь Евангелизэ лыдземды бере, кияды кутэ Марклэсь, Лукалэсь но Матфейлэсь Евангелиоссэс, тодады вайыса сое, кызы та гожъяськонзыя но, сямзыя но туж пöртэмесь адымиос одйг кадь возматйзы Иисус ивор ваись утиськонэз. Соку тй оскоды быдэс дуннеысь зэмлыклы, кудйз вылын лэсьтэмын Евангелиослэн ваньмыз дышетонзы но валалоды Павел Апостоллэсь таёе кылёссэ: „Иисус Христос толон но туннэ но вань даурёслы но Сыёе ик“ (Евр. 13,8).

Ваньзэ Евангелиосты лыдзем берады, лыдзыны кутске Выль Сйзёнэз. Сое лыдзиды ке, асьтэос шöдоды, Библияз капчиен сётйське ни шуыса, тй отысь шедьтыны быгатоуды улонады кулэ луись визь-кене-шёсты, туж уно пöртэм валэктонёс, собере со книгаез нуналлы быдэ лыдземды потыны кутскоз.

Библияз тодыны кулэ улондэс узырмытон но муромытон понна. Татысь тй шедьтоды вань юанёстылы валэктонёс.

Но Библияз нырысь ик усътоз тйледлы Инмар сярыйсь валанэз. Уно даурёс ёже ини философёс тодыны тыршо Выль Инмарез. Кин Со? Мар Со? Кытын Со? Зэмзэ но вань ке сыёе Дух, малпа-а Со мон сярыйсь? Озы ке, тодыны но валаны быгато-а мон Сое? Талы но Инмар сярыйсь сюрсёсын мукет юанёслы валэктон сётэмын священной Книгаын, кудзэ асьмеос нимаськомы Библияз шуыса.

Куинетй глава

ИНМАР

„Шедьтод – а тон Инмарез исследование пыр?“.

Иов. 11, 7

Кин Со Инмар? Кыче Солэн тусыз? Кызбы асьмеос оскыны кулэ, Со вань шуыса? Ку Со луыны кутскиз? Быгатомы-а асьмеос Сое тодыны?

Котькудйз аслыз ачиз та выллем юанъёс сётылйз, малы ке шуоно, котырысьтымы дунне шоры учкыса, солэн чеберезлы но валаса кылдытэмезлы паймонлэн пумыз өвёл. Асьмеос нуналлы быдэ пумиськылйськомы улонлэн пуштросэныз но кулонлэн кышкытэныз, сяськаясь писпулэн крезьёсыныз. Кин кылдытйз ваньзэ сое? Кин кутскон сётйз ас бордаз кыскытйсь законэз, малы луыса ваньмыз ас интыяз сылэ? Кин косйз луыны нуналлы но уйлы, арлэн берганэзлы?

Ваньмызлы та юанъёслы одйг валэктон гинэ сётыны луоно: со Вылй Кылдытйсьлэн ужез. Кызбы котькуд час кылдытэмын изобретателен, озы ик дуннелэн шонер лулыз кылдытэмын Быдзым Кылдытйсьлэн-Изобретательлэн планэзъя. Асьмеос Сое нимаськомы Инмар. Та ним тодмо быдэс дуннеысь калыккылы. Самой пичи дырысенемы та ним шоканэн чөш асьме пушкы пыриз. Библия дышетэ, Инмар, пе, Кудйз ся-

рысь асьмеос вераськом, Инмар, Кудзэ асьмеос данъяськом, Инмар, Кудйз бордысь лыктэ ваньмыз умоез но синмаськымонэз (Иоан. 1, 17), луэ самой Со Инмар, Кудйз кылдытйз та дуннеез но асьмелы отын улыны инты бырйиз.

Но „кин Со?“ – юалоды тй. „Кытын Со?“. Асьмеос ваньмы тодйськомы Солэсь нимзэ. Асьмеос отиськомы Сое секыт курадзон но куректон дыръямы. Уноез тыршо, Со сярись малпанэн тырмемын мед луоз солэн котькуд шокчон дырыз. Мукетъёсыз шуо, Со, пе, ум оскиське, Со, пе, малпамын гинэ. Вань на сыёеосыз но, тазы верасьёсыз: „Валэктэ мыным Со сярись но, соку, оло, оскыны но кутско“.

Тй но озы ик малпаськоды ке, тй но вань улытозяды кылйды но верады Инмар сярись, нош витиды кинлэсь ке Со сярись валэктэмзэ, Со, пе, мед оскоды шуыса, ваелэ бен учкомы, кызы Со сярись вера Библия.

Быдэс дунне вылын улон-вылон туж секыт луэмен, котькудйз юаны быгатысал: „Кыёе Со – Инмар?“. Котькудйз та юанлы умой валэктон вите, котькудйз малпаны кулэ кадъ Инмар вань но Со котьма лэсьтыны быгатэ шуыса.

Инмар сярись тодымтэмы но адямилэн Со, пе, йыбырттэмез потымтэен ик кылдо уно пöртэм курадзонъёс. Инмарлэсь планзэ валамтэмы дуннеез суранпожанэ вуттэ. Сон тодыны-валаны тыршымтэлэн мугез ик луэ сюлэммес зйбись малпанъёс. Соин ик тыршоно Со сярись уногес тодыны!

Кытысь бен умой-умой тодыны луоз со сярись? Кин Со сярись пыр-поч вераны быгатоз? Ваньмы асьмеос Сое тодон ласянь огкадесъ ук. Нокинэ өз

бырйы ук Инмар Ас сярэсьтыз зэмлыкез вераны. Одыг гинэ Аядми вал музъем вылын. Со улйз кык сюрс ар талэсь азыло, Сое но пу кирос борды кортчо-гамы! Кыззы бен тодоно Инмар сярэсь? Асьмеос вазиськыны быгатомы ученойёслы но соос шуозы, Инмар – Со быдэс улон, кудйз герзамын инкуазен но Асэныз Инмарен, улон со Инмарлэн пуштросэз. Соос шуозы, Инмарез тй адзиськоды пичи ву шапыкысь но огъя инбамысь.

Юалэ философлэсь но со шуоз, Инмар – со нырысь кылдэм, вошъяськисьтэм кужым, кудйз бёрысь ваньзэ Ачиз кылдытйз, Со – быдэс дуннеез бергатйсь Духлэн кужымез, Со сыче кужым, кудйзлэн кутско-нэз но, пумыз но өвёл. Философ шуоз, улонлэн асьмелы адзиськись чеберез но быгатонлыкез – ваньмыз со кужым сётйсь лул бордысен пальккиськись но нош ик со доры лыктйсь бадзым тулкым.

Юалэ на эшшо, но эшшо нош мукет валэктонгёсты шедьтыны уд ни быгатэ, тйледлы шуозы, Инмар – Котьку но Котькытын. Инмар сярэсь верангёс туж уно. Котькуд страна, котькуд раса яке калык, котькуд семья, котькудйз нимаз аядми ас сяменыз вераны тыршиз дуннеен бергатйсь Вылй Дух сярэсь. Котькуд даурёсы аядмиос валаны тыршизы Кылдытйсьез, Кинлэсь ужгёссэ адзылйзы, нош Ассэ өз адзылэ, Ассэ өз тодылэ. Кудйз бен со валэктонгёс пöлысь шонерез луэ? Кудзэ со теориосыз асьмелы кароно? Кудйз со авторитетгёс асьмелы уже кутымон луоно?

Кыззы адзймы ни кылемысьтыз главаысь, Инмар Ассэ Ачиз усътйз Книгаын, кудйз Библия шуыса нимаське. Оскимы ке Библиын Инмар сярэсь шонер верамын шуыса, асьмеос визьмес но, сёлэммес но

буйгатйсь мылкыд шедьтомы. Соку асьмеос буйгатскомы Инмарез валаны но тодыны шонер сюрес бырйимы шуыса.

Инмар Ассэ Ачиз быдэсак усътэ Библиын, соин ик Библиез, газетъесты сямен ик, нуналлы быдэ лыдзимы ке, асьмеос Инмар сярись озыи ик умой тодомы, кызьы тодйськомы политикаез но яратоно спорт-сменъёсмес!

Бриллиантлэн чиясь сэрегъёсыз туж уно. Инмарлэн но Ассэ усътэмез сыће уно пöртэмлыко, соос сярись гождяны нимаз-нимаз бадзым книгаос кулэ луысалзы. Но интымы пичиен, ми ньыльзэ, тужгес но син шоры йöтйсьсэ, возматыны тыршом.

Нырысез: Библия Инмарез Дух шуыса нима. Иисус, Сихар дорысь колодча вöзын кышномуртэн вераськыса сылыкуз, Инмар сярись таће зэмоз кыльёс вераз: „Инмар со Дух“ (Иоанн. 4, 24).

Мар малпаськоды тй, дух шуэмез кылйськоды ке? Кыће суред пуксе син азяды? Оло, инбамысь тöды пилям? Яке лыдьяськоды, дух со нылпиосты кышкатйсь пöртмаськись? Яке, дух со мугортэм, номырлы кельшисьтэм оломар? Öд малпалэ-а, самой та сярись ик вераз Христос, „Инмар со Дух“ шуыса?

Умой-умой валаны понна, мар со зэмоз „Дух“ но кыће пуштросэн вераз Христос самой та кылэз, асьмелы нош ик усътоно луоз Библиез но шедьтоно со интыез, кытын возматэмын Христослэн улзэмез бере суред; Христос отын шуэ: „Йöтйське Мон борды но учкелэ; уго духлэн мугорыз но, лыосыз но öвöl, кызьы Мынэсьтым адзйськоды“ (Лук. 24, 39). Соин ик оскыса вераны быгатйськомы, дух МУГОРТЭМ шуыса, но солэн вань улонэз но кужымеэ. Асьмелы

шуг сое валаны, малы ке шуоно, сое валаны тыршиськомы мугоренымы герзам визьмынымы но малпанэнымы.

Асьмелы, адымиослы, Инмар сюбегатысагес сётэм дунне но улон шоры учконмес, соин ик быдэсак адзыны ум быгатйське со Духлэсь данзэ но чеберлыксэ, бен Со асьме валанлэсь но адзонлэсь туж паськыт но кыдэкин уго. Куке асьмеос кылйськомы „дух“ шуэ-мез, соку ик тыршиськомы сое асьме дорозь сюбегатны, асьмелэн сюбег малпанамы туйнаны. Со кельше таёе ёшатонлы: океанлэсь мылкыдэз паймытйсь быдзалазэ верад ке сое адзымтэ муртлы, со одно ик син аяз пуктоз зор бере пукись вуэз! Былатоз-а со адыми зэмос океанэз валаны? Кыззы со адыми валалоз, пукись ву шоры учкыса, океанлэсь пыдэстэм мурдалазэ но солэсь улонзэ, ваньзэ куашкатйсь кужымзэ, дугдылытэк гыамзэ, жалясьтэм тулкымёссэ но төлтэм дыръя каллен гинэ гыась паймымон чеберымнырзэ? Валалоз-а со адыми ваньзэ тае? Кыёе кылёс кулэ луозы океанлэн быдзалаез сярэсь сое оскытон понна? Кыззы оскытоно сое, таёе паймымон улон зэмзэ но вань шуыса?

Макем секыт асьмелы валаны Христослэсь „Инмар со Дух“ шуэмзэ. Нош Иисус Христос тодэ вал сое! Солэн йырвизьмыз асьмелэн кадь сюбег малпанэн ой вал. Со дырзэ өз быдтылы улонмылэн кырсь вуэз шоры учкыса улыны Со лыктйз валэктыны но возьматыны со Духлэсь паймымон ужёссэ, адыми понна тыршемзэ, со Духлэсь дуннезэ.

Асьмеос тодйськомы, Дух со сыёе маке, кудйз герзамын өвёл мугорен. Дух мугор сямен уг пересьмы. Дух мугор сямен уг воштйськы. Библия дышетэ, Ин-

мар со сыҗе Дух, кудйз мугорен гинэ герзамын өвөл. Солэн тусыз но мугор кадь өвөл, границаосыз но мугорлэсь паськыт. Со номырин герзамын өвөл, мертаны но сое, адзыны но уг луы. Билия дышетэ, со Дух номырин герзамын өвөл бере, Со одйг дыре ик котькытын луыны быгатэ. Со ваньзэ адзыны, кылыны, тодыны быгатэ.

Асьмеос сыҗе луыны кылдэмын өвөл, соин ик асьмелэн луонлыкмы дорозь сюбегатыны выриськомы со Лулэз. Асьмеос Инмарлэн котьма лэсьтыны быгатэмезлы ум оскиське, малы ке шуоно, солы асьмеос дышемын өвөл, ум но дыше. Соин ик вераны выриськомы, асьмеос котькытын котьма лэсьтыны ум быгатйське бере, малы сое лэсьтыны быгатоз Инмар! Асьмеос кельшиськомы сыҗе адямины, кудйз океан сярись кылэм но, солэн ярдураз лыктыса, кырым пыдэсаз зарезь вуэз омыртэм.

„О, – шуэм со, – океан табере мынам киям! Мон сое киям возисько бере, со мынам!“ . Зэм но, океанлэн одйг люкетэз со киян ук, но самой со дыре ик мукет ярдурьёсын сюрсьёсын адямиос тазы ик омыртыны быгатозы океан вуэз. Миллион адямиос, зарезь ярдурьёсы люкаськыса, кырымазы ву шапыктьёс бастыны быгатозы. Мед бастозы соос, көня бастэмзы потэ, нош океан океанэн ик кылёз. Солэн быдзалаез но кужымез азьвыл кадь ик кылёзы, солэн вуосаз улон но озы ик азинскоз, котькуд адямилэн кырымаз уно шапыктьёсын люкаськиз ке но, дуннелэн котькуд сэрегаз улйсьёс со доры кизэс урдыса лыктйзы ке но.

Озы ик Инмарен но. Со котькытын луыны быгатэ тани та одйг вакытэ, Христослэн нимыныз Сое өтисьёслэсь молитваоссэс кылэ, дуннеез паймымон ужь-

ёсын тырмытэ, кизилиосты асьсэ интыязы возе, ю тысьёсты удалтытэ но зарезьёсысь чорыгъёслы сюрес возьматэ. Инмарлы кунгож өвёл. Солэн кужымеzлы люкетйсь өвёл. Солэн яратонэзлы но люкетйсь өвёл. Солэн гажан мылкыдызлы но.

Инмарез сюбегатыны малпады ке – дугдэ! Эн тырше Сое сюбегатыны яке сюбегатыны Солэсь ужъёссэ кыче ке одйг интыен яке удысэн. Уд малпалэ ук тй океанэз сюбегатыны. Тй уд дйсьтэ толэзьлэсь берганзэ воштыны яке музьемлэсь берганзэ дугдытыны! Озы ик паймымон луысал Инмарез сюбегатыны, кудйз ваньзэ кылдытйз но та узырлыкез азинтэ!

Мон анаелы тау карисько туж уноез понна, но самой кужмоез, мар пычаз мынам сюлмам, вал со, кызы монэ дас аресысен ик ини дышетйз Инмар Дух луэ шуыса, со Дух пумтэм-йылтэм, вань даурёслы но вошъяськисьтэм. Анаелэн озы валэктэмеz быдэс улытозямлы тырме, нош куке адыми ас сюлэмаз нуллэ Инмар пумтэм-йылтэм, вань даурёслы но вошъяськисьтэм шуыса валанэз, со юрттэ солы Инмарез сюбегатон сярысь малпанлэсь палэнскыны. „Инмар быгатэ сое лэсьтыны, кудзэ уг быгаты лэсьтыны адыми“ – та кылъёсыз валаны но юрттэ.

Библия Инмарлэн зэмос Кылыз шуэмлы оскисьтэмъёс туж уно. Соослэн оскымтэзы валамон: асьсэос ваньзэ лэсьтыны уг быгато бере, Инмар кызы быгатыны кулэ ваньзэ лэсьтыны, малпало соос. Библия сярысь кыче ке осконтэм мылкыдды кылдэ ке тйляд – лыдзелэ сое нош ик. Учкелэ со шоры зынмем тымет дурысь океан доры вуэм адымилэн синмыныз! Оло, тй соку гинэ валалоды Инмарлэсь котьма лэсьтыны быгатйсь кужымзэ. Оло, тй соку гинэ валаны

кутскоды Сое сычѣен, кычѣ Со вань. Зэм но, Инмар самой со Дух ке, Кин сярысь вера Христос, нокычѣ юангѣс уз ни кылдэ азылане учкон сярысь, адямилэн азыланяз улоназ Инмарлэн пырыськемез сярысь, Библияз гожтйсь адямиосты „Бурдъямез“ сярысь. Ваньмыз радъяськоз соку гинэ, ку тй валалоды Кин но Мар луэ зэмос улонын Инмар.

Кыкетйез: Библия Сое усътэ АСПӨРТЭМЛЫКО АДЯМИЕН (ЛИЧНОСТЕН). Библияын кутсконысеныз пумозяз верамын: „Инмар яратэ“, „Инмар шуэ“, „Инмар лэсьтэ“. Ваньзэ, мар адями лэсьтэ, сое ик лэсьтэмен вераськомы Инмар сярысь но. Аспөртэмлыко Адями – со сычѣ Дух, кудйз шөдэ, малпаське, кулэ каре, куре. Солэн аспөртэмлыкез – Солэн аслаз олокычѣ но амальѣсаз.

Музьем вылын асьмеос адямилэсь аспөртэмлыксэ солэн мугорыныз герзаса сюбегатйськом. Малпанмы но мугорен гинэ герзамын бере, асьмелы шуг валаны, кызыы адямиез мугортэк син азе пуктыны луоз, кычѣ адями луоз мугортэк. Но со дыре ик тодйськомы, котькуд адямилэн улонэз ас мугореныз пыраклы герзамын өвөл шуыса, дыр ке вуэ, солэн лулыз мугорызлэсь люкиське но мукет улонэ выже. Со сярысь тодйськомы ке но, мугоренымы герзам улон шоры учкыны дышмененымы, асьмелы ваньзэ сое валаны туж секыт.

Туж бадзым инөс усътйськысал, дыр, асьмелы, аспөртэмлыко адямиез асьмемын одйг радэ пуктыны уг луы шуыса валасалмы ке. Инмар өвөл ук герзамын мугорен, өвөл Солэн мугорыз, нош Со аспөртэмлыко Адями (Личность). Со шөдэ, вала, малпа, яратэ, прощать каре, соиныз яке тайныз шуг-секытэн пумиськыку, асьме пала пырыське.

Куинетйез: Библия валэктэ, Инмар өвөл на Дух но Аспөртэмлыко Адыми гинэ шуыса, Инмар луэ на Святой но Праведной Маке. Бытие Книгаысен Откровение Книгаозь Инмар Ассэ возматйз Святой Инмар шуыса. Котьку лэсьтэм ужаз Со вылйй зечлыкееен возматэ Ассэ. Аслаз туж вылйй но мур святой луэменыз, Соны шуг герзаськыны котькудйныз сьолько адымиен, чиданы сьолько улонэз. Со Святой но Вылйй зечлыко Инмар.

Асьмеос зэмзэ но валаны быгатысалмы ке Солэсь быдзым луэмзэ, макем воштйськысал улонмы, макем воштйськысал котькудйз адыми но котькудйз калык! Быгатысалмы ке дуньяны со пөртэмлыкез, кудйз висья сьолько адымиез но котьма ласянь чылкыт Инмарез, дунне чылкак мыкет луысал. Священной Писание шуэ, Со, пе, сыче югытлык, кудйзлэн чик өвөл вужерез. Нош мар со вужер? Со мар ке умойтэмез возматон. Инмарлэн өвөл бере нокыче вужерез, өвөл Солэн номыр ласянь кинэ ке пыкылонэз но.

Та верам кыл нош ик валантэм луоз сьолько адымилы. Асьмелы, котькуд вамышамы янгышгёс лэсьтйсьёслы, малпаны ик шуг, мар со святой луон, кыче со святой Инмар, но асьмеос со валанэз тодыны кулэ но со сюресэ кожныны кулэ.

Сьолько адымиез но святой Инмарез люкись мурнюк сярись вераськон мынэ ваньмаз Священной Писанийсын. Отын шуэмын, Инмарлэн Престолэз кылле Солэн Святой луэмез вылын. Соин ик сыче мурнюк люке Святой Инмарез но котьку сьолькась адымиез. Библия дышетэ, асьмелэн законгёсты тйяммы но асьмемыз полэнтйз Инмарлэсь, соин ик Инмарлэн тусыз асьмелэсь ватэмын, соин ик Со уг кылы асьмемыз, вань сюлмысьтымы вазиськиськомы ке но Соны.

Инмар туж чылкыт, соин ик Со лек шоры огшоры но капчиен учкыны уг быгаты. Инмар туж святой, соин ик Со палэнскыны тырше котькыче сьӧлыклэсь. Адями пушкы сьӧлык пыремлэсь азьло Инмарлэн адямиен кусыпез вал на. Табере со кусып куашкамын, адями пырак вазиськыны уг ни быгаты Инмарлы, со кусып возыны быгатэ Соин Иисус Христос пыр гинэ. Иисус Христос вамен гинэ адями куке соку кусыпсэ тупатоз Инмарен.

Адями сьӧлыко бере, ачиз со ноку но ас улонзэ тупатыны яке воштыны уз быгаты, ноку но уз кылы Инмарлэсь Аслэсьтыз верам Кылзэ. Адями кемалась чиптэм-чаптэм быремын луысал ини, Аслаз быдзым яратонэныз Инмар ой ке ыстысал Аслэсьтыз Пизэ со мур нюк вамен кусып тупатыны.

Христослэн кулэмысьтыз ик адзиськомы асьмеос Инмарлэсь Святой луэмэз. Солэн Святой луэмез косйз лек наказать карыны сьӧлык понна, нош Солэн яратонэз пыр Иисус Христос та сьӧлыкез Ас вылаз басьтйз но сьӧче лек курадзон пыр адямины утён ваиз. Инмар, Кудйзлы асьмеос йыбырттйськомы, оскымон Инмар, святой Инмар, валась Инмар, Со ыстйз асьмелы Ас выжыысьтыз кылдэм Пизэ, асьмелы Ас дораз сюрес возматыны. Но Солэн ыстэм юрттэтэз шоры асьмеос валасьтэм синмын ке учкымы, өм ке быдэсьялэ Солэсь законъёссэ, ум быгатэ асьмеос Соны утыса куронэн вазиськыны, асьме вылэ туж секыт курадзон усиз ке но.

Нылетйез: Инмар со ЯРАТОН. Библиез лыдзйсьтэм уноез Адямиос уг быгато валаны, мар шуэм луэ „Инмар со яратон“ (1 Иоан. 4, 8), озы ик, кыззы валантэм луо соослы Инмар сярсы мукет веранъёс но.

Нош асьмеос котьку-а валаса вераськомы яратон кыллэсь пуштроссэ? Ӧм-а пӧськытэ ни сое туж чем вераса? Та кыл пыр чем дыръя герзамын адямилэн самой кырсь кусыпӕсыз но, самой вылй ужӕсыз но. Асьмеос шуиськомы: „путешествовать карыны яратйськом“, „ческыт пирогез яратйськом“; „яратйськом“ выль автомобильмес яке коркасьтыны чебер буям борддормес. Шуиськомы на, чыжы-выжыосмес „яратйськом“, нош чем дыръя со вераммылэсь мурдалазэ ум но валаське! Соин ик ӧвӧл асьмелэн зеч-зеч валанмы, мар бен со Библиын „Инмар со яратон“ шуыса верамлэн пуштроссэз.

Янгышалоды, малпады ке, Инмар яратон луэ бере, ваньмыз умой, чебер, шудо луоз, нокин аслаз сьӧлыкӕсызлы кыл уз куты но со понна наказать уз каре шуыса. Инмарлэн Святой луэмез котькуд сьӧлык понна кыл кутэмез кулэ каре, но со дыре ик Инмарлэн яратэмез со сьӧлыко адямиез ик утыны аслаз амалэз вань. Инмарлэн яратонэз Христосэз вуттйз пу кирос вылэ, но самой со учыр адямилы кузьмаз утиськон но чылкыт сюрес вылэ султон. Инмарлэн яратонэз Иисус Христосэз пу кирос вылэ келяз.

Оскемысь эн дугдэ яратонлы, малы ке шуоно, Инмарлэн со сыӕе ик бадӕым, кыӕе бадӕым Солэн святостез. Туж секыт ке но тйляд сьӧлыкты, Инмар тйледыз яратэ. Солэн сыӕе яратонэз ӧй ке луысал, асьмелэн азылане улонлы осконмы бырысал. Но – Инмар со яратон! Солэн яратонэз котькулы. „Инмар ас яратонзэ возматйз Христослэн кулэмез пыр, куке асьмеос сьӧлыкоесь вал на“ (Римл. 5, 8).

Инмарлэн яратыны но прощать карыны сӕтэм кылӕсыз сыӕе ик зэмесь но оскымонэсь, кыӕе луэ

адямилэн аслыз ачиз самой оскымон кылыз. Но вала-лод но шөдод шат океанлэсь чеберзэ верам кылъя гинэ, ассэ сое ас синмыныд өд адзы ке. Озыы ик луэ Инмарлэн яратонэныз но. Ас сюлмады быдэсак өд ке пычатэ Солэсь яратонзэ, озыен, тй өд вуэ на Со доры, тйледлы шуг на со сярись вераськыны.

Инмарлэсь яратонзэ йырвизьмын валаны уг луы. Асьмелэн йырвизьмы Солэн яратонэзлэсь туж сюбег. Тйляд йырвизьды уз быгаты валэктыны, малы съöd скал вож турынэз сие но тöды йöл сётэ. Нош со йöлэз сииськоды. Тйляд йырвизьды уз эскеры, кызыы пичи гинэ кидысысь кылдэ туж кузь уд но собере будэ вылласянь вож, пушласянь горд арбуз – нош тй сое шумпотыса сииськоды! Йырвизьды уз быгаты валэк-тыны, мар со электричество, кудйз сётэ югыт но тй-ляд али лыдземды луэ тани та книгаез.

Тй лыктыны кулэ Инмар доры осконэн, осконэн Солэн Пиезлы, асьмемыз Утисылы Иисус Христослы. Со осконды кылдйз ке, Инмар сярись пöртэм юань-ёсты уз ни кылдэ, тй тододы Сое.

Мынэсьтым юало ке, кызыы мон оскисько Кин но Мар со Инмар шуыса, тодам ваисько, кызыы одйг пияш омыре лэзьяз кагазлэсь лэсьтэм кыез. Со кыез лэзьяны куазь но туж тупамын вал – тöл пельтэ, ин-метй пилемгёс гылзо. Кагаз кый вылэ но вылэ тубе, собере пилем пушкы ышиз.

– Мар тон кариськод? – юаз пияшлэсь вадестйз кошкись адями.

– Кагазлэсь лэсьтэм кыез лэзьясько, – шуиз пияш.

– Кызыы озыы? Кытысь тон тодйськод сое? Тон кыйдэ уд адзиськы ук?

– Бен, уг, – шуиз пияш. – Мон сое адзыны уг быга-

тйськы, но шөдйсько, кызы со синьысэз кыске, соин
ик оскисько, со отын шуыса!

Адямилэн кылызъя эн мынэ Инмарез утчаны.
Утчалэ Сое асьтэлы, соку гинэ сյүлэмды гомалоз
Солы осконэн, соку гинэ осконды кылдоз, Со вань
шуыса.

Нылетй глава

СЬÖЛЫК

„Малы ке шуоно, ваньмыз сьöлыказы, соин ик Инмар азын данзэс ыштйзы“.

Римл. 3, 23

Инмар ваньмес Утись но Яратйсь ке, малы бен соку со мында керетон, куректон но вöсь луон? Кытысь ваньмыз со адземпотостэм карон мылкыд? Малы асьмеос кылдытймы кинлы ке пöечи дан? Малы йыбыртъяськомы ожмаськон арбериослы, аксым семьяослы но асьмелы гинэ жеч луисезлы? Малы адямиос, Инмарлэн Аслыз тупась луымон кылдытэмъёсыз, сыче улие лэзиськизы, соин сэрен Инмарлы дас заповедьёс кылдытоно луиз, соосты одно ик быдэстон понна? Малы Инмарлы Пизэ ыстоно луиз асьмемыз утён понна? Малы Инмарлэн кылдытэмъёсыз луизы сыче „сöриськем“ пуштосоесь, лекесь но возыттэмесь?

Ваньзэ тае валан но аджон понна, малы огез калык мукетыз вылэ урдске, куашкало семьяос, малы ваньмаз газетъёсын гожъямын жугиськон, виылон, аджонтэм карон сярись – ваньзэ тае валан понна, асьмелы берытсконо луоз самой кутсконаз. Берытсконо луоз Адамлэн райын улэм историез доры, кудйз гожтэмын Бытие Книгалэн нырысетй главаяз.

Куд-огез шуо, адямилэн кылдэмезлэн тазы верам историез, пе, выжыкылын яке солэн чебер кылыз вылын кылдытэмын шуыса. Соос верало, та, пе, нылпиослэн юанзылы самой огшоры валэктон. Но со озы өвөл. Библия туж шонер вера асьмелы, мар вал нырысь, малы со дырысен адями чик дугдылытэк мынэ ассэ быдтон сюрес вылтй.

Та дуннеез Инмар кылдытйз котыр ласянь чакласа но котьмалы но котькулы тупамон кырыса. Со кылдытйз сое туж чебер, котькудйз арбери ас понназ нимаз улэ но со дыре ик ог-огенызы соос люконтэм герзэмын. Адями та чебер дуннеез кулэезъя дунъяны өз быгаты, ветлэ табере ыштэм дуннезэ кайгыронэн утчася.

Та чебер кылдытэм дуннеез Инмар кузьмаз вал сыче ик чебер адямины. Адам котьма ласянь удалтэмын вал, Инмар уго удалтымтэзэ өз кылдытъя, нош со удалтэм адямины Инмар кузьмаз на самой дуно кузьым – эрик. Озыен, Инмар адямины луонлык сётйз бырйыны – соитйз яке таитйз сюрестй мыныны.

Нырысетй адями пещераын улйсь маке ой вал, кудйз нюлэс тыр кесяськыса но дыр-р куалекъяса улйз, сьось пйшуръесты кышкатон понна. Адам вылтусызъя но пуштросэзъя туж чебер вал. Со Инмарен ёш ветлйз но Соин кенешылйз. Со дуннелэн эксэз луыны кулэ вал, кудйз Инмарлэн косэмезъя улонэз лэсьтысал.

Сыче улонэн улйз Адам райысь садын: удалтэм адями, нырысетй адями, музей вылысь огез гинэ лул, кудйзлы Инмар эрик сётйз. Адамлэн КОТЬМА ЛАСЯНЬ эрикез вал, со быгатэ вал палэнтныны яке ас палаз карыны, Инмарлэсь косэмзэ ас тодэмезъя бы-

дэсьяны, луэ вал ассэ шудтэм яке шудо каремез. Бен эрик уг возматы на, кельше-а асьмелэн улонмы, но со, мар кариськомы асьмеос эрикенымы, возматэ, быгатомы-а улонамы шедьтыны шуд но Инмар доры сюрес.

Самой та бордын луэ вераськонмылэн шорсюлмыз, малы ке шуоно, самой соку, ку адымилы сётэмын эрик, со азе усьтйське кык сюрес. Эриклен пуштрорсэз быре, солэн одйг гинэ сюресэз ке луэ. Эрик луонлык сётэ бырйыны, эскерыны, аслэсьтыд лэсьтэм ужъёсыд шоры учкыны.

Асьмеос тодйськомы туж честноесь уно кышномуртъёсты но пиосмуртъёсты, но соос сярись уд шуы, асьсэ мылкыдзыя сыће честноесь соос, умой-гес эскероно ке, соослен улон интызы но соос котырысь адымиос умойтэм сюресэ кожыны уг лэзё. Умойтэм сюресэ кожонэн кызыы нюръяськод, сыће кожон тон азын өвёл ке.

Инмар өз дася Адамлы сыће нюръяськон. Со сётйз солы быръён-бырйы, кудйз тынад сюлэмъяд. Номыр но умойтэмзэ, умойзэ сяна, кылдытыны өз быгаты бере Инмар, Адамлы но Со кылдытйз сыће луонлык, ку со ассэ возматыны быгатысал – Инмарен-а со, өвёл-а.

Нокыће сьолькез ой вал Адамлен райын улыкуз. Со азын вал быдэс дунне. Калыкъёслэн гожтымтэ историзы вал со азын, туж бадзым чылкыт бумага выллем; со бумага вите вал, дыр, Адам отчы нырысетй главазэ мед гожтоз шуыса, со мед верасал, кыће улон сюресэти вамыштоно дунне вылысь вань калыкъёслы.

Инмар Аслэсьтыз кылдытоно ужъёссэ быдэстйз.

Со кылдытйз музъем сад, отын ваньмыз вал, мар кулэ адымылы, Со кылдытйз Аслыз Ачиз кельшись адымиез. Со кужьмаз солы визь но шокась лул, сётйз солы эрик, ас визьзэ уже кызы кутыны но ас мылкыдызъя лулзэ кызы ырак лэзыны. Котькудйз визьмо атай сямен Инмар витиз, кыче сюрес быръёз Солэн нылпиез.

Со вал эскерон! Со вал сыче вакчи дыр, ку Адам аслаз эрикезъя но мылкыдызъя, нокин валэктытэк но со вылэ зйбытэк, кулэ вал бырйыны шонер яке кырыж сюрес, бен со азын уго бырйыны кык сюрес вал!

Со бырйиз. Бырьемез понна кыл кутйз, нош вуоно калыктьёслы со сыче сюрес-пример возьматйз, кудйз ваньмызлы кельшиз. „Одйг муртлэн преступление-ныз ваньзэсты адымиосты пыкылон...“ (Римл. 5, 18).

Бен Адам ваньмызлэн адымиослэн кутсконзы вал ук. Чылкыт ошмес ву выллем музъемысь потйз, табере солы быръёно, луоз-а со узыр но шулдыр ю бусыостй но возьёстй бызись шур, яке дауръёсын шукыяськись но скалаос вискытй, мур нюкьёстй, пеймыт гуостй бызись пож ву – аслыз ачиз но кезыт, шудтэм ву, мукетъёслы но шуд но шумпотон ваисьтэм кулэтэм шур.

Уг яра Инмарез пыкылыны, адымиос пыраклы секыт улонэз адзыны кылдэмын шуыса. Янгыш Адам – со сук, Инмарлэсь алэмзэ кылзытэк, кыйлэн ческыт кыльёсыныз сюрэмзэ шунтйз. Вань калыклэн историяз ноку быдэстонтэм одйг малпан – берыктыны со улонэз, кудзэ ыштйз Адам аслаз улйе усемениз.

– Но шонер өвёл ук со! – шуоды тй. – Малы ми курадзыны кулэ туннэ со понна, кин нырысь умойтэм уж лэсьтйз? Малы ваньмыз адымиос чылкыт луил-

лямтэ та дырозь? Малы ми ас выламы секытсэ бась-
тйськомы вань улытозямы?

Ойдолэ нош ик тодамы ваёме кезыт но кырсь
шурез, кудйз бызе пеймыт гуостй но голык изьёс
вылтй. Малы со шур берлань уг берытскы азьвыл бы-
зем чебер ю бусыосыз но возьёсыз пала? Малы со уг
кожы шимес сюрес вылысьтыз но уг пөрмы нош ик
шудо но шунды шорын ворекаясь шурлы, кыче со вал
куке соку музъем пушкысь потыкуз?

Озы со ноку но уз лэсьты, малы ке шуоно, озы
лэсьтэмез уг луы. Солэн өвөл сыче кужымез, кудйз
мед берыктысал азьвыл сюрес вылаз. Огпол воштйз
бере со чылкыт луоен кисьтаськись ярдурьёссэ пей-
мыт нюкен, уз ни быгаты жутйськыны шундыё шул-
дыр дуннее. Но вылье жутйськыны амалъёс вань, со-
ос артэ кыллэ, только ведь шур уг вала, кызы соосты
уже кутано.

Паймымон учыр луысал, калыкъёс нош ик берытс-
кысалзы ке куректонысь шумпотонэ, только соослэн
яке мылкыдзы өвөл берытскыны яке уг адзо со сюрес-
сэз. Калыкъёс малпало, кылдэмзэ уд ни, пе, вошты,
улод озы ик, кызы Инмар гожтэм, ваньмыз шудэд
кырсь зарезын, пе, сылмоз.

Шудлэн историез – со адымилэн Адам бордысен
кутскем историез, читыр-чутыр, кырыж-мерыж, ну-
наллы быдэ пеймыт гуэ мур но мур выись улонэз.
Кужмо кесяськыса юрттэт куриськомы ке но – Адам
сямен ик умойтэм сюрес бырийськомы. Ма карыны
жудэменымы, Инмарлы вазиськиськомы но пыкы-
лйськомы Сое таچه улонэ вуэмысьтымы. Оскемысь
дугдйськомы Солэн визьмызлы но шонер лэсьтыны
быгатэмезлы. Утчаны кутскиськомы Солэн ярато-

нысьтыз но жечсэ лэсьтыны тыршонысьтыз пиртэш интыоссэ.

Асьмеос вунэтймы Адам вань калыкъёслэн кивалтйсьсы, йырзы луэ шуыса, кызы луэ, шуом, президент. Кызы президент лэсьтэ, озы ик лэсьтэ Америкаысь вань калык. Президент решение кутэ ке, со калыклэн нимыныз кутэм решение луэ.

Адам вань калыкъёслэн йырзы. Куке со сьöлыказ, куке со ческыт кылъёслы оскиз, соин ёош сьöлыказы ни вордйськымтэ адямиос, бен Библия туж валамон шуэ ук, Адамлэн сьöлыкез, пе, котькудйз солэн выжыысьтыз адями вылэ усе но котькудйз адями со понна кыл кутэ. Асьмелы туж тодмо Бытие книгаысь та гожтэм чуръёс. Отын верамын: Адамлэн умойтэм лэсьтэм уженыз валче кайгыроно луомы ваньмы асьмеос. „Музьем но каргамын тонэн валче; курадзыса сиён поттоно луод вань улытозяд. Музьем сётоз тыныд уно жаг турын; сиёно луод бусыын будйсь турынэз. Пöсям мугорыныд бюджетод ю нянь, собере берытскод со музьеме ик, кытысь тон басьтэмын вал; бен тон сись мугор ук, сисьмеме ик берытскод“ (Бытие 3, 17-19).

Нош Евалы Инмар шуиз: „Йылэтэм вылысьтым йылэто кöто дыръяд тыныд куректон, туж висыса но секытэн вордылод нылпиостэ; картэд доры но тон ик кыстйськод, нош со тонэн кивалтыса улоз“ (Бытие 3, 16).

Мукет сямен вераса, Адамлэн сьöлыкеныз валче, азьвыл чебер но таза ю тысё гинэ бюджетйсь музьем, табере бюджетэ умойзэ но аламазэ но. Нош адями, кудйз калгиз азьвыл садэтй но мае сиемез потйз, сое сииз, öз тоды, мар со дйськут, öз тоды, мар со шуныт

корка, нош табере тыршыны кулэ ассэ но, семьязэ но сюдон-шунтон понна. Азъвыл номыр но шуг-секытэз тодйсьтэм кышномурт, табере кусйняк луэмын висё-нъёсын но куректонъёсын; озыы бере, кышномурт-лэсь но, пиосмуртлэсь но одйг кулэлыккен кыл кутэ-мын луоз сопал дуннеын.

Адямиослэн улоназы съöлык пыриз Адам ласянь, нош кызыы тодмо, ваньмыз адямиос, Адам дырысен ини, та съöлыклэсь палэнскыны тыршо. Библия дышетэ, съöлыке пыремезлэсь азьло Адамез Инмар уть-ыны выриз умойтэм вамыш лэсьтэмезлэсь. Со шуиз вал, тодонлык писпулэсь улмозэ сиид ке, кулод шуыса. Библия озыы ик шуэ, Адамлы но Евалы Инмар уно нылпи вайыны но быдэс музъеме вöлдыны чектйз. Асьсэос Адам но Ева Инмар выллем кылды-тэмын ке вал, нылпиоссы соослэн, анай-атайзы съöлыкам бере, соос выжые ик мынйзы. Соин ик Каин но Авель пиоссы борды кулоно съöлык висён лякиськемын вал, соос со съöлыкез анай-атайзылэсь басьтйзы но ваньмызлы вуоно калыклы „кузьмазы“. Озыен, асьмеос ваньмы съöлыкоесь, котькызыы чыл-кыт луыны выримы ке но, съöлыклэсь палэнскыны ум быгатэ.

Асьмеос олокыче но амальёс утчамы ни, Адамлэсь ыштэм шудзэ берыктон понна. Съöлыклэсь но умой-тэм улонлэсь мозмытйськыны философияез но, дыше-тон ужез но, религияез но, правительстволэсь пöртэм ужрадъёссэс но уже кутйськомы ни. Асьмеос, съöлы-кен сюбегам визьмынымы сыче ужъёс борды кутскы-лймы ни, кудъёссэ Инмар косэ вылйысь сётэм чыл-кыт визьмын гинэ лэсьтыны. Со кутсконъёс, веранэз öвöл, умой мылкыдын малпамын вал, но малпан но

лэсьтэм уж одйг радын уггес сыло уго. Ваньмыз тодонъёсмы, изобретениосмы, азыпала лэсьтоно чебер малпанъёсмы вераны луонтэм кыдёкын на, кытысен адыми нырысь вамыш лэсьтйз вал. Соиз валамон: асьмеос со янгыше ик кожиськомы, кудзэ лэсьтйз вал Адам – асьмеос улыны тыршиськомы асьме тодэм-мыя но асьме кужыммыя, нош умойгес ой луысал меда Инмарлэсь законъёссэ чакласалмы ке.

Дуннеысь съёлык понна пунэмзэ берыктйсь Инмаез пыкылэммылэсь азыло тодыны кулэ тани мае: Инмар, асьмемыз туж юн яратэменыз, ыстйз асьме доры Пизэ, шуг-секытысь потыны юрттон понна. Пизэ Со ыстйз сыће ик адзонэ, кудзэ адйиз вал Адам, но со адзонлэсь Иисус выльйынгес луыны кулэ вал. Иисус Христосэз сатана озы ик кёяз-вёяз, кызы кариз вал Адамеэ. Сатана-убир Иисуслы бадзым кивалтон но дан чектйз, Инмарлэсь ке Со куштйськиз; Озы ик Ева пыр сатана-убир Адамлы но выль улон өз чекты шат вал?

Но макем висьясько Адамлэн но Иисус Христослэн вамышъёссы: Иисус Христос со чектонэз палэнтйз ук! Куке убир Иисуслы валэктйз но возматйз ваньзэ со дуннеез но со кие вуись данэз, Иисус, со улонлы кузё луэм но убирен артэ кариськем интые, шуиз: „Палэнскы Мон вёзысь, убир; гожтэмын ук: „Аслад Инмаредлы йыбыртъя но Со лы огназлы гинэ ужа“ (Матф. 4, 10). Со быдэсак палэнскиз ческыт кылын вераськисьлэсь но вань калыкъёслы, алиосызлы но вуоноосызлы но, возматйз аслэсьтыз съёлыктэм луэмзэ.

Асьмелэн лябенымы но вордскем дырысенымы съёлыко луэменымы возматймы Адамлэн зэмос

нылпиосыз луэммес, йырмам мыкыртыса ке но, солэн сюрестйз мынйськомы. Асьмеос пыкылыны выриськомы Адамез, озы ке но соя улйськомы!

Өвөл оgez но Адамлэн улэмезлы кельшисьтэм нунал. Котькуд нуналэ бырйыны луонлык кылдэ убирлэсь кылъёссэ яке Инмарлэсь зэмос Верамзэ. Котькуд нуналэ луонлык кылдэ астэ ачид азинтыны, мукетьёслы но азинскыны юрттыны со чебер райлэн улоназ, кудзэ кулэ өз кары Адам.

Асьмеос мөзмиськомы сыће нуналлэсь, ку пыраклы ышозы-бырозы куректон, висён но кулон, – но со нунал ноку но уз вуы, кылимы ке Адамлэн ик нылпиосыз луыса. Асьмеос кызы ке но вормыны кулэ сьӧлыкъёмес. Вуоноосысьтыз главаосысь аджомы, кызы Инмар адямилэсь улонзэ воштон сярысь малпаськиз.

Улон кутскем дырысен туннэ нуналозь адямилэн, Инмарлэн косэмезтэк, кивалтонэ кыстйськемез, аслэсьтыз улонзэ чебер карон понна гинэ тыршемез вутгйзы сое бырон ярдуре. Туж уно цивилизациослэн музьем вылэ пазыгиськем чальпараоссы возматом адямилэсь, Инмарлэн юрттэмезтэк, аслаз гинэ кужыменыз номыр но лэсьтыны быгатымтэзэ. Виль чальпараос, виль куректонъёс вордйсько нуналлы быдэ, озы ке но калыкъёс азьвыл умойтэм быръем сюрестйзы ик мыныны тыршо.

Ваньзэ сое Инмар, Аслаз яратон сямыныз но визьмыныз, адъйтэк но валатэк өз улы, Со сюлмыз шуген но чидаса чаклаз калыклэсь берланьяськемзэ. Со вите сыће дырез, куке утён сйзыны быгатоз котькудйзлы, кин Сола вазиськиз. Со кык сюресъёс, кудъёсыз усьтйськизы вал Адам азе, соос али но асьме азын.

Асьмеос али но бырйыны быгатйськомы на. Асьмеос ульськомы на Инмарлэн яратон вакытаз, нош, шо-нерзэ ке верано, асьмелы Со кемалась пунэмзэ берыктыны кулэ вал ини.

Сьӧлыкез ванен, аядями ноку но шудо луыны уг быгаты, малы ке шуоно, самой со сьӧлык люкетэ малпам чебер улоназ вуыны. Котькудйз план, котькудйз цивилизация куашка но туж жӧг вунэ, малы ке шуоно, соос лэсьтйсько Инмарез палэнтывса. Куашкатэм цивилизациос возматэ аядмилэн дуннеезлэсь туж сьӧлыко луэмзэ.

Аядями, шӧдске, чылкак вунэтэм, мар со кутскон но сое пумаз вуттон, кудъёсыныз пумиськылйськомы нуналлы быдэ. Пумаз вуисьсэ адзйськомы ик, нош кыӵе вал солэн кутсконэз – вунэтйськомы. Оло, туалэ „чилясь“ философия аядмиез мальдытэ? Оло, аядми аслаз малпам шузи теориезлы сьӵе-сьӵе синмаськемын, куштйськемез уг ни луы солэсь, со малпа, та теория сое вуттоз самой чебер улонэ?

Уноез философъёс чутрак пумит луозы, оло, шуимы ке, дуннелэн али секыт улонэз – со та дырлы гинэ, соос соку ик вералозы историлэсь эшшо но кышкыт вакытӥссэ, со секытӥсьсысь потыны нокыӵе луонлыкӥс ой вал, соин ик уноез цивилизациос куашказы-быризы. Но философъёс со дыре ик шуозы, та курадзонмы выль вордйськись улонлэн курадзонэз! Соос шуозы, аядмиос садике ветлйсь нылпиос выллем на, соос туж кыдӥкын на котьма ласянь быдэ вуэм аядмиослэсь, кудъёсыз луозы уно дауръёс ортчывса.

Библия туж валамон валэктэ сое, кудзэ естественной наукаос мылзы потытӥкгес верало: ачиз инкуазь

возьматэ ук, Кылдытйсь но, мыдлане кыскись но вань шуыса. Адями пыкылэ Кылдытйсьез мыдлане кыскисьлэн ужъёсыз понна. Только адями ачиз вунэтэ, асьмелэн дуннемы таће ой вал, кычэен сое Кылдытйсьмы малпаз вал шуыса; та дунне сөремын но саптамын. Инмар дуннеез туж чеберен но улыны потымонэн кылдытйз, но съöлык сое воштйз. Инмар адямиез но съöлыктэмен кылдытйз вал, но самой со съöлык сöриз сое. Котькудйз умойтэм уж съöлыклэн бервылыз, нош ачиз съöлык, кылдэм дырысеныз, öз воштйськылы, со сыће ик шуш но лек. Со пöртэм тусын возьматйськыны быгатэ, нош пуштросэз одйг: со ик африканской дикарез джунгли пушкытй копьёен нуоз кыће ке пöйшурез виыны, со ик туалала пилотэз, дышетскем но вылй культураё адямиез, нуытоз со джунгли вадьсытй номыр тодйсьтэм гурт вылэ бомба куштыны.

Та кык адямиос ог-огзылэсь люкемын сю аръем культураосын. Огез сярись шуыны луоз, со азинскиз цивилизациын удэменыз, мукетыз улэ на дуннелэн бере кылем даураз, нош лэсьтэм ужзыя туж-а висьясько соос ог-огзылэсь? Кыксы но соос уг кышкало шат артэ улйсьёссылэсь? Кыксы но соос асьсэлэсь лек малпанзэс быдэстыны уг дырто шат, мукетьёсызлы умойтэм ке но луиз? Бомба чебергес но вöсь уггес кары шат копьёлэсь? Огъя вераса, шат та юаньёсмылы валэктонтьёс шедьтыны быгатомы, пöламы улйсь дикарьёс но, вылй культураё адямиос но одйг кадь виён сярись малпанэн уло ке?

Адымилэн улонэзлэн историяз ваньмыз куректонтьёс, эриктэмантьёс, съöсь ужъёс, вöсь луон но возытлык пычамын одйг вакчи гинэ кылэ – СЪÖЛЫК.

Сое туж чѐм уг верало, солэн ушгьяськымон данэз но өвөл, нош кычѐе солэн пуштросэз кышкыт!

Адямиос уг ярато, соосты сьӧлыко ке шуо, тодо ке но, соослэн анай-атайѐссы но, пересьѐсыз анай-атайѐссы но сьӧлыко вал ини шуыса. Но Библия шуэ: „Пӧртэмлыкез өвөл; малы ке шуоно, ваньзы сьӧлыкаськызы, соин ик Инмар азын данзы куашказ“ (Римл. 3, 22-23). Библия шуэ, дунне вылысь котькудйз адями Инмар азын сьӧлыко; соин ик кылйсько ке кин ке сярись со сьӧлыктэм шуыса, тодам ваисько одйг адямиез, кудйз пастор доры лыктйз но солэсь юаз сьӧлык сярись.

– Гажано пастор, – вазиськиз лыктэм мурт, – милям черкамы тй сьѐе уно но пуштроссэ сьѐе мур сэрттыса – пертчыса эн маде сьӧлык сярись. Милям малпаммыя, нылпиосмы, сьӧлык сярись сьѐе уно верамез кылзыса, эшшо но уно сьӧлыканы кутскизы. Тйледлы, оло, верано, „янгышьѐс“ сярись гинэ, яке шуоно, егитьѐсмы „асьсэды умойтэм возѐ“. Сьӧлык сярись ѓжытак ватысагес верано вылэм.

Пастор султйз, жажы вылысь ядэн бутылез басьтйз но лыктэм муртлы возматйз. Бутыль борды лякемын вал бадзымесь горд букваосын гожтэм кагаз: „Яд! Эн йӧтылэ!“

– Мар тйледлы мынэсьтым кулэ? – юаз пастор. – Тй малпаськоды, мон умойгес лэсьто, та гожтэмез басьтыса, со интые мукет кагаз ке ляки, кытын гожтэмын луоз, кылсярысь, тазы: „Ческыт юон“? Уд валаське шат, сьѐе пӧяськыса гожтэм кагаз бутылез эшшо но кышкытгес арберилы пӧрмытэ шуыса?

Сьӧлык – ватымтэ, самой вашкала сьӧлык, кудйз Адамез уллане уськытйз но солы луыса табере вань-

мы курадзиськомы, со сьӧлыклэн пуштросэз ноку но уз воштйськы, котькыче чебер кылъёсын чебер кагазэ гожъяд ке но сое. Асьмелы кулэ ӧвӧл выль кыл. Ваньмыз, мар кулэ асьмелы, шедьтоно со кылэз, кудйз асьмелэн вань ини! Сьӧлык туж ке но вӧлмемын туалала калык пӧлы, вань на сыче адямиос, кудъёсыз сьӧлык кыллэсь пуштроссэ уг тодо. Самой со тодымтэ адямиослэн валанзы люкетто мукетъёсызлы зэмось сюрес вылэ султыны. Сьӧлыклэсь пуштроссэ валамтэмы ик люкетэ Христослы матэ кариськыны.

Вашкала духовной кырзанын таӝе кылъёсыз вань: „Инбам сярысь верась мурт котькудйз отчы уг мыны“. Та кылъёс матын луо сьӧлыклы но. Сьӧлык сярысь верась мурт но котькудйз уг тоды, мар со зэмось сьӧлык, соин ик туж кулэ Библияе учкылыны, мар отын верамын сьӧлык сярысь.

Асьмеос капчияк вераськомы сьӧлык сярысь но „лякиськомы“ сое адямилэн ляб сямыз борды. Асьмеос со лӧпшанэн гинэ лыдъяськом, нош Инмар сое бадзым куректонэн лыдъя. Асьмеос со шоры ӝем дыръя учкиськомы шудтэм учыр шоры сямен, нош Инмар сое адземпотостэм каре. Адыми палэнскыны ке выре сьӧлыклэсь, Инмар со сьӧлыкез валаны косэ но утыны тырше солэсь. Сьӧлык со лӧпшаса шудон ӧвӧл – со туж кышкыт маке, солэсь кышканы кулэ! Тодэлэ бен, мар со сьӧлык Инмарлэн синмыныз учкыса!

Доктор Ричард Биль сьӧлыклы вить валан сётэ:

Нырысез: СЬӦЛЫК СО ЗАКОНЭЗ ТӢЯН, Инмарлэн законэзлэсь палэнэ кожон (1 Иоан. 3, 4). Инмар тупатйз умоез но уродэз куспы нимысьтыз гож, тӣини самой со гожез вамыштйськомы ке, асьмеос янгыш

луиськомы уродэзлэн лэзьымтэ интыяз пырыса, мукет сямен вераса, асьмеос законэз вамыштйськомы, со вамен потйськомы. Куке асьмеос ум улйське дас заповедьёслэн косэмзыя, куке проповедьлэн косэмезлы пумит мынйськомы, асьмеос Инмарлэсь законэз тйяськомы но сьöлык вылэ султйськомы.

Апостол Иаков туж валамон вера, асьмеос ваньмы янгыш шуыса: „Нокин но аслэсьтыз мылкыдзэ вормыны уг быгаты; нош со мылкыд, кылдэм бераз ик ини, вордйськытэ сьöлыкез, нош сьöлык вордйськытэ сьöлыкез, сьöлык вордйськытэ кулонэз“ (Иак. 1, 14-15) Тинй самой соин, Инмарлэсь законъёссэ чакламентэнымы, Солэсь заповедьёссэ быдэсьямтэенымы, асьмеос сьöлыке пыримы.

Кыкетйез: Библия сьöлыкез ЗЭМЛЫКЛЭСЬ ПЕГ-ЗОН шуэ. Пöяськон асьмелэн малпанэнымы герзэмын, адями синмысь но Инмарлэн син азысьтыз мае ке ватонэн. Со чем дыръя сыче лэсьтэм ужъёс, кудъёсыз герзэмын сьöлыко улонэнымы но асьмеос со умойтэм ужъёсты амалтэк лэсьтоно луиськомы.

Иисус Христос адямилэн пушказ каръяськем сьöлыкез сярысь тазы шуиз: „Пушкысь, адями сьöлэмысь пото лек ужъёс, кышноосын костаськонъёс, адямиез виылонъёс, лöпшанъёс, керетонъёс, ултйянъёс, сантэманъёс, вожъяськонъёс, лек кылъёс, вылтйяськонъёс, визьмез ыштонъёс. Ваньмыз со пушкысь потэ но адямиез сапта“ (Марк. 7, 21-23).

Куинетйез: Библия сьöлыкез МЕРТАМ ИНТЫЕ СЮРЫМТЭ УЧЫРен лыдъя, куке малпам ужед уг пöрмы. Инмарлэн малпам ужез – Христос. Котькудмылэн малпанмы – вань улонмес Христос дорозь вуттыны тыршон. Со асьме доры возматыны лыктйз,

мар лэсьтыны быгатэ адыми музъем вылын; нош Солэн улыны валэктэмезлэсь палэнскиськомы ке, мертам интыямы сюрныны ум ни быгатйське, Инмарлэсь кыдёке но кыдёке кошкиськомы.

Нылетйез: Сьöлык со – ПРЕСТУПЛЕНИЕ. Аслад мылкыд каремедъя Инмарлэн властез вылэ кидэ урдэм луэ со. Та сьöлык адземпотостэм, Инмарез яратэмысь дугдэм гинэ öвöл. Сьöлык со валаса лэсьтэм вамыш, кукке Инмарлэсь косоно ужзэ тон ас тодэмедъя лэсьтйськод, вань мылкыддэ но малпандэ ас вылад гинэ берыктйськод, Инмар сярэсь малпам интые. Астэ ачид гинэ тодон но астэ гинэ яратон со сыће ик сьöлык, кыће луо лушкаськон яке адымиез виён. Таиз сьöлыкаськон, оло, öжытак ватэмынгес, син шоры уггес йöты, сое уд лыдзы ядэн бутыль борды лякем бумагаез сямен. Соос, кинёс асьсэлы карон понна гинэ тыршо, асьсэлэсь данзэс гинэ утыны выро, – соос сыће ик сьöлыкоос, кычөөсь луо тордосёс яке кышно вошъясьёс.

Иисус Христос шуиз: „Лулызлы изьян лэсьтыса, быдэс дуннеез аслыз басьтйз ке, кыће пайдаез луоз адымилы?“ (Марк. 8, 36). Туала вераськон кылэ берыктыса, асьмеос но бен вераны öм быгатысалмы шат: „Кыће пайдаез со адымилэн, кин луиз быдэс промышленной районлэн королез, нош солэсь мугорзэ сюпсе ни рак висён, солэн та улонысь номыр но умойзэ басьтэмез уг ни луы ке? Жыны музъемез киултэм диктаторлэн улонэзлэн кыће пайдаез, кукке со дырекъяса улэ лушкем ыбемзылэсь яке пуртэн чөгемзылэсь? Кыће пайдаез атайлэн нылпизэ жугыса будэтэмезлэн, кукке сое нылпиосыз бöрысь куштозы но пересь даурзэ со огназ ортчытоз?“ .

Астэ ачид гинэ тодыса улон сьӧлык – со зэмзэ но кулонэ вуттйсь сьӧлык.

Витетйез: Сьӧлык со ОСКОНЛЭСЬ ПАЛЭНСКОН. Осконлэсь палэнскон Инмарлэсь зэмлыксэ мыскыллям луэ. „Инмарлэн Пиезлы оскись ассэ ачиз валась луэ; Инмарлы оскисьтэм адже Сое пӧяськисен, малы ке шуоно, Солэн ванезлы уг оскы, Инмар Ассэ Пиез пыр возматйз ке но“ (1 Иоан. 5, 10).

Самой со осконлэсь палэнскон инбам ӧсэз пытса но адэ пырон ӧсэз усьтэ. Самой со осконлэсь палэнскон Инмарлэсь Кылзэ ултйя но Христосэз, Утисез, кулэ уг кары. Самой со осконлэсь палэнскон адямилэсь пельзэс чокса но Христослэн паймымон ужъёсызлы оскыны люкетэ.

Сьӧлык вуттэ секыт кулонэ, огез но адями утиськыны уг быгаты сьӧлык понна секыт адӟонлэсь яке сюлэмдэ чылкытатыны сьӧлыклэн кырсеzlэсь. Ангельӧс но, адямиос но сьӧлыкез палэнтыны уг быгато. Христосэз сюлэмад пыртыса гинэ сьӧлыклэсь утиськыны луэ. Христос гинэ утыны быгатоз секыт адӟонэз витись адямиез. „Сьӧлык понна адӟон – со кулон“ (Римл. 6, 23). „Сьӧлыкась лул кулоз“ (Иезек. 18, 4). „Адями ноку но уз уты братсэ, Инмарлы уз сёты со понна дун“. (Псал. 48, 8). „Зарни но, азвесь но уз уты соосты Кузё-Инмарлэн вожез потон нуналаз“ (Софон. 1, 18).

Адямилэн одйг гинэ утиськон интыез – Голгофа, мукет сямен вераса, „Лобной инты“. Мыд-мыд палаз солэн пу кирос вылэ кортчогамын самой кышкыт адямиос, нош шоразы – йыраз куарлэсь тугоко керттэм Адями. Солэн киосысьтыз но пыдъёсысьтыз вир вия, бышкалтэм кӧт урдсысьтыз но вир вия, со вир

соге синъёссэ, нош со азын сылйсьёс серекъяло но котькызы вöсь карыны выро Сое.

Кин со Аядми, Кудйз сыће куректонэз чида, кин со Аядми, Кудзэ мукетъёсыз ултйяны но виыны выро? Со Инмарлэн Пиез, дуннелэн Князез, инбамлэн Лэзёно Муртэз, самой Со, Кин лыктыны кулэ та съöлык музъем былэ. Самой Со, Кин азе ангельёс йыбыртто но ымнырзэс чоксало. Но Со озы ик пу кирос вылын ошиькыса улэ, быдэсак виресь но палэнтэм лул.

Малы Со лыктэмын та шимес интые? Кин Сое таће секыт аджонэ вуттйз, оло, та Аядми асьмемыз яратыны дышето шуыса малпаз? Сое татчы вуттйды ТЙ но МОН, öй вал шат пу кирос былэ кортчогамын тйляд но мынам но съöлыкъёсы понна Иисус Христос. Самой соку дунне вылысь котькудйз аядми самой шимес съöлыке пыриз, лэзиськиз улонлэн самой пыдэсаз, вуиз со кышкыт улонлэн самой дураз. Ма бен паймонэз, со шимес учырен шунды но öз чида бере, ас ымнырзэ чоксаз.

Монэ Утись вирын уяз,
Курадзыса кулйз.
Мынам съöлыкъёсы понна
Со улонзэ сётйз.

Та пу киросын съöлык аслэсьтыз но вылйегес жутйськиз. Но со шуккет, кудйз Христосэз сыће курадзйтйз, аядмилы эрико улонэ öсэз усьтйз. Аядмилэн съöлыкен согиськем возытлыкес но аджонтэм каронэз ваче пумиськизы Инмарлэн яратонэныз но простить каронэныз. Инмарлэн Пиезлэн кирос вылын кулэменыз валче кирос борды кортчогамын вал ваньмызлэн соослэн съöлыксы, кин оске Христослы. Солэн кулэ-

мез асьмелы оскон кылдытйз, вормон ваиз. Христос Аслаз мугорыныз Ачиз тубытйз сьӧлыкмес пу кирос былэ. Со асьмеос понна кулйз но улзиз. Со возматйз Инмарлэсь адями понна тыршемзэ; соин ик тй туннэ Христосэз сюлмады ке пыртйды, тй но сьӧлыктэс палэнтыны быгатоody, эрико но оскись луоды, Иисус Христосэз яратэменымы валче ми сьӧлыклэсь мозми-мы но табере кулонлэсь утемын шуыса.

Витетй глава

УБИР

„Милям чурит кылмы вирлы но мугорлы пумит өвөл, со пумит туалала пеймыт даурен кивалтйсьёслы, пумит музъем вылысь лек лулъёслы“.

Ефес. 6, 12

Ваньмыз, ма туннэ луэ, герзэмын убирлэн кибервылыныз. Библия, та вашкала тушмонмы сярись веракуз, тазы гожтэ: „Быдзым дракон, вашкала кый, кудйз нимаське убир яке сатана шуыса, чебер но ческыт кылыныз быдэс дуннеез сура“ (Откр. 12, 9). Со сяна, ми тодйськомы, со сура адямиосты но вань калыкъёсты. Солэн кибервылыз адзиське котькуд вамышын.

Тани, шуом, ожыт гинэ оскон кылдйз асьме доры ог-огеныд тупаса улон лыктэ ни шуыса, нош самой со дыре ик пуштэ ог-огедлы осконтэм мылкыд, адзонтэм карон, соку тйни кема аръёс чөже секытэн лэсьтэм уж син азын куашка. Убир-сатана озы гинэ уг сётйськы уго, солэн котьку адзёмез потэ адямилэсь съёд вирен бызись улонзэ, со улон секыт мед луоз вапум бырытозь. Тодйськоды на-а, кызы со Адамез Эдемын вормиз вал, али но со малпа Адам выжыысь калыкез ас кияз возыны.

Дуннеын өвөл, дыр, сыңеесь адямиос, кинтьёс өз малпаське на убир сярысь. Солэн ванезлы оскись-тэmez өвөл. Бен солэн кужмыныз но йыртэмаменыз нуналлы быдэ пумиськиськомы. Асьмеос ум юаське, вань-а өвөл-а убир, юаськомы, кызьы но малы со кылдэмын.

Адамлэн но Евалэн историысьтызы тодйськомы, убир нырысь адымилэн кылдэmezлэсь азьло улэм былэм ини шуыса. Лек make былэм ини, со ой ке луысал, кылдытысал шат Инмар сыңе писпу, кудйз-лэн емышез тодытэ, мар со зеч но, мар со урод. Сыңе писпузэ кылдытыны но кулэ ой луысал, солэн кулэез но ой луысал, ой ке луысал лек но урод make, кулэез ке ой луысал солэсь утиськыны.

Али асьмеос вуимы самой валантэmez, самой бадзыmez юан доры, кудйзлы нокуд ласянь но валэктон сётэмын өвөл на. Кызьы бен Инмар – котьма карыны быгатйсь, самой Святой но самой Яратйсь – со уродэз-лекез кылдытэм, убирлэн ассэ кылдытыны куремезлы сётйськем, соглаш луэм? Малы Адамеz сьöлык сюрес былэ келяно вал? Малы Инмар со убирез чашйыса виымтэ, куке со, кый пушкы пырыса, Евалэсь йырзэ поромытэм?

Библиысь та юантьёслы көня ке валэктонтьёс шедь-тыны луэ. Но Библия со дыре ик туж валамон вера, адымилы та валэктонтьёс пумозяз усьтэмын уз луэ со дырозь, ку Инмар лэзылэ на убирез сьöд ужтьёссэ быдэсьяны, кудьёсыз юртто Солэсь туж бадзым мал-пам планзэ быдэстыны.

Адамлэн сьöлыкамезлэсь азьло, ачиз Адамлэн улэ-мезлэсь туж кема азьло, Инмарлэн кылдытэм дуннез люкылэмын вал, дыр, көня ке утёно интылы, котькуд-

зэ эскерыса ульзы, дыр, ангел яке архиангел, Инмарлэн нимысьтыз пуктэм макеосыз. Апостол Павел асьмелы вера, „Инбамын но, музейем вылын но ваньмыз адзыны луонтэм, син сузёнтэм; престольёс но, господствоос но, начальствоос но, властьёс но – ваньмыз Соин но Со понна кылдытэмын“ (Кол. 1, 16). Библия чем гинэ вера ангельёс но архангельёс сярысь, кудъёсыз куспын туж зеч кусып тупатэмын, но соос пöлын вань выль кивалтйсьёсыз но, öжытак ульын сылйсьёсыз но.

Кин тодэ, убир, оло, вал музейемен сыче кивалтйсь, кудзэ лыдяз аслаз кунэныз. Люцифер, яке „югыт ваись“ шуыса тодмо вал со, соин ик Инмарлы туж матысь луыны кулэ вал; тйни самой соку сюлмаз кылдйз вожъяськон, вылтйяськон, тйни самой соку со, Инмарлэн яратоно слугаез луэмез потымтэен, Инмарен огкадь луыны малпаз!

Тйни самой соку Инмарлэн мылкыдызъя кылдытэм котьма ласянь чебер дунне кыклы люкиськиз, одйг люкетэз Инмарлы пумит султйз. Инмарлесь убир кылзйськемысь дугдйз но ассэ кивалтйсен лыдьяны öдяз. Со Инмарен чош кивалтоно интыысьтыз музейем доры ульегес васькиз но ассэ Инмарен ялйз. Бен Инмар зэмзэ но сое музейемен кивалтыны пуктылйз вал ук; Со та убирез интыысьтыз öз на но кушты на, Иисус кулэм бере соку ик сэрпалтэмез ке но луэ вал. Убир музейем вылэ васькем бере, кутскиз Инмар но убир куспын пумтэм-йылтэм керетон, нюръяськон. Туж кужмо эксэй луиз со, лыдьяса быдтонтэм ангельёсылэн юрттэмзыя музейем вылын юнматйз аслэсьтыз царствоэз.

Иисус Христос но Солэн дышетскисьёсыз юн оско

вал убирлэн ванезлы. Матфейлэн Евангелияз возматэмын Иисус Христослэн но убирлэн куспазы вераськемзы (Матф. 4, 1-10). Фарисейёс но убирлэсь ваньзэ тодыса улйзы, малы ке-а соос Иисус Христос сярись шуизы, Со, пе, убирлэн кужмыныз ужъёссэ лэсьтэ! (Матф. 12, 24). Иисус Христос но убирлэсь ваньзэ, солэсь музьемен кивалтэмзэ тодйз.

Убирлэн кужмыз умой возматэмын Иуда Апостоллэн верамаз: „Михаил Архангел, Моисейлэн шойыз сярись убирен вераськыкуз, өз дйсьты солы суд лэсьтыны, но шуиз: „Мед пумит луоз тыныд Кузё-Инмар“ (Иуды 1, 9).

Убирлэсь зэмос пуштроссэ валамтэмы кылдэмын Средневековье дауръёсы сое мултэс серем карыса возматъяменызы. Убирлэсь кышканэз өжытак кулэстон понна, адямиос сое мыскыллязы, тумошо учыръёсын герзаллязы, со, пе, суро но быжо, кышкасез гинэ, пе, солэсь кышка, нош кышкасьтэм муртлэсь со ачиз кышка. Солэн кияз сётылйзы саник, ымныраз котьку шузи муртлэн кадь пальпотон – зэм но, кин бен солэсь кышкалоз?

Шонерзэ ке верано, убир со вылй Инмар кадь ик визьмо, туж кужмо но бадзым таланто, котьмар карыны быгатйсь лул. Асьмеос вунэтйськомы, со Инмар вёзын улйз шуыса, кин тодэ, со, оло, вал Инмарлэн самой быдзымез, самой визьмоез ангелэз. Со вал пуштросэзъя самой вылйе жутйськем дух, соин но, дыр, аслэсьтыз сыче вылйынзэ валаса, со малпаз ваньзэ аслыз карыны, капыртыны, Инмарлэсь вылйегес жутйськыны. Солэн лэсьтоно ужъёсыз котьку пумаз-йылаз вуттыса малпамын, планъёсыз туж кескичесь. Öвёл со серемес лөптылйсь, сюръёсын но

быжын тэтчаса ветлйсь, со – Инмарлэн туж кужмо, визьмо но кескич тушмонэз, котькуд тупась учырез со ас палаз берыктыны быгатэ.

Убир туж капчиен кылдытыны быгатэ пöечи прокез, кудйз сярысь асьмемыз утыны тыршыса вераз Библия. Туала адямиослэн оскымтэзы но ма карыны паймемзы вылын убир кылдытоз пöечи эксэез, антихристэз. Со кылдытоз Утисьтэм религиез. Со усьтоз Христостэм черкез. Со öтёз Инмарлэн Кылызтэк вöсяськыны.

Апостол Павел, тазы луонэз шöдыса, вераз вал: „Кышкасько, кызы кый аслаз кескич кылыныз көяз-вöяз Еваез, озы ик уз пöяськы меда тйляд визьды Христос сярысь вылласянь но туж капчиен валаменыды. Малы ке шуоно, кин ке лыктыса кутскысал ке мукет Иисусэз проповедовать карыны, кудйз сярысь ми öм вераллялэ, яке тйледлы мукет духез ке кузьманы вырысалзы, кудзэ тй ноку но öд басьялэ, яке мукет ивор, кудзэ тй öд кылылэ на вал, ваньзэ соосты тй шумпотыса асьтэлы кароды... Бен ваньмыз со пöечи апостольёс, пöечи кивалтйсьёс Христослэн Апостольёссы тус кариськыны быгато уго“ (2 Кор. 11, 3-4, 13).

Асьмеос тодйськомы, Антихрист лыктоз но калыктёслэсь визьзэс но сёлэмзэс ас палаз берыктыны тыршоз. Солэн лыктон дырыз вуэ ни, солэн ужезлы инты но дасямын: дунне тырмемын кышканэн, куалектэм мылкыдын. Пöечи пророклэн лыктонэз шöдйське ни котькуд вамышын, соин ик уноез адзыны быгатозы со секыт дырез, куке кутскоз даурьёсын орчытйськись драмалэн берпуметй актэз. Со кутскыны быгатоз асьме вакытэ но, малы ке шуоно, улонвылон котыр ласянь туж дыртыса берга, котькытысь

адзыны луэ сыће адямиосты, куд-огез валаса, нош куд-огез валатэк, убир яке Инмар пала карисько.

Со огшоры нюръяськон уз луы, со луоз ог-огдэ виылыса жугиськон. Со жугиськоноын уз луэ вор-мисьёс но vormемъёс, отын уз луэ ог-огедлы юрт-тйсьёс. Адямилэн таће жугиськонэз кутскиз на вал райысь садын, куке убир ческыт кылын адямиез Инмарлэсь палэнтйз, котькуд адямиез ас сюрестйз мыныны косйз, бен со сюресъёсты бырйыны туж уно мылкыдэз бичатйсь луонлыкъёс вал уго. „Ваньмы асьмеос, ыжъёс сямен, йыромыса ветлймы, котькуд-мылэн мынэммы потйз ас сюрестймы; соин ик Кузё-Инмар асьмелэсь сьолькъёсмес Со вылэ понйз“ (Исаия 53, 6). Озы со кыстйськоз дунне но вапум бырытозь, жеч кужым вормытозь но со жеч кужым престолэ Зэмос Эксэез пуктытозь.

Туала исторической вакытэ ваче пумит султйзы кык туж кужмоесь макеос: одйг ласянь – Пресвятой Троица (Атаез, Пиез но Святой Дух); мукет ласянь убирлэн пөечи троицаез (убир, антихрист но пөечи пророк) Святой Иоаннлэн Откровенияз гожтэмын: „Соку аджи мон драконлэн ымысьтыз но, сьось пйшурлэн ымысьтыз но, пөечи пророклэн ымысь-тыз но эбеклы кельшись куинь туж шуш духъёслэсь потэмзэс“ (Откр. 16, 13).

Туж вакчи дырлы но, изыкуды но, сэзь дыръяды но та кык кужымъёс уг кошко тй дорысь; өвөл сыће дырды, куке тй медам малпаське вал, кудзы сьöры мыноно, кыће сюрестй мыноно шуыса. Убир котьку сылэ тй вöзын, ас сьöраз öте ческыт кылын, лöпкы-тыса яке кышкатыса, яке тйляд мылкыддыя карись-кыса. Нош мукет палады котьку сылэ Иисус Христос

Аслаз яратонэныз, простить каронэныз, Солы вазиськемдэс но Солэсь юрттэт куремдэс витись, уродэзлы пумит нюръяськонын вормон понна ноку адзылымтэ кужым сётыны дась луись.

Тйляд самой секыт куректон вакытады, куке юрттэт но витыны некинлэсь, – самой соку тйни тйледлы „юрттэт“ вайыса лыктэ убир, тйлесьтыд вось луись интыдэс эшшо но вось карон понна, тйледыз эшшо но кыдёкегес нуыны со сюрес вылтй, кытй мынйз вал Адам.

Сыће бырон дыре вуыкуды тодады вае, Иисус Христос өз кушты тйледыз. Со өз кельты тйледыз асьтэ коже, утытэк. Озыы ик, кызыы вормиз Со убирез ческыт кылын пъяны вырыкуз но кулон аяз, озыы ик тй но нуналлы быдэ вормисен потылоды убир азын. „Со понна ик лыктйз Инмарлэн Пиез убирлэсь ужъёссэ КУАШКАТОН понна (1 Иоан. 3, 8).

Самой со Библия нош но нош вера асьмелы Кузё-Инмарлэн яратэмез сярысь, нош но нош уте со асьмеды убирлэсь, кудйз пыриське асьмемын но Инмар кусыпе, со убирлэсь, кудйз витыыса гинэ улэ адямиез ас палаз берыктыны. „Сайкиське, эскериське, малы ке шуоно, тйляд тушмонды убир ветлэ ыргетйсь левсямен, кудйз утча кинэ ке нылыны“ (1 Петр. 5, 8). Библия возматэ убирез зэмос кужымен, со кивалтэ съод пилем мында демонъёсын, кудъёсыз киулазы басьтыны тыршо адямиослэсь вань ужъёссэс. „Омырын кивалтйсь князьлэн косэмезя, духъя, кудйз та дыре тырше пумитьяськись пи луыса“ (Ефес. 2, 2).

Одйг дырлы но оскемысь эн дугдэ убир вань шуыса! Со зэмос дух, со зэмос улийсь дух! Со вераны луонтэм визьмо! Учкелэ туннэ потэм газетлэн ныры-

сетй страницаыз, уд ке оскиське, убир зэмзэ но вань шуыса. Кылзэлэ радиоез яке учкелэ телевизорез, котькуд берло ивор вера убир вань шуыса.

Малпаськыны быгатйсь кышномуртъёс но пиосмуртъёс лэсьтысалзы шат умойтэм ужъёс, ой ке луысалзы соос лек кужымлэн киулаз? Быгатысалзы шат Инмарез яратйсь сюлэмо адямиос ултйясь но эриктэмась ужъёс лэсьтыны, кудъёсыз сярысь кылйськомы нуналлы быдэ? Быгатысалзы шат дышетскем, интеллигентной но честной адямиос, конференцилэн жок съөраз пуксьыса, ог-огзэс валасьтэм луыны но мукетъёсызлы куректон вайыны, ой ке луысал соослэн визьзы сурамын но сөремын?

Куке мон кылйсько туалы „вылй дышетскем“ адымлэсь убир зэмзэ но вань, со кивалтэ шимес лулъёсын шуыку серектэмзэ, котьку тодам ваисько Альфред Гуглэсь кылбурзэ:

Ум оскиське ни убирлы, атайёсмы сямен,
Сое азьпаламы лэзим но пытсамы өсэз.
Ум адзйське ни табере убир пытьюсыз,
Кылэм – адзём ум кариське лушкем серектэмез.

Нош кин бен гу гудэ но всяк кышкатэ малы?
Бен кин бусьюсы жуг-жаг вöldэ кизем бере?
Убир өвөл шуим, со зэм, оским ми со кыллы!
Нош кин лэсьтэ со съöd ужез быгатыса сыче?

Милем бен шуизы, өвөл со улоньы;
Нош малы вань лек куараос отын яке татын?
Та музъеммы малы съödэн пачылмемын?
Кышкыт ымныр малы пумиськылэ котькуд сэргын?

Я, кин бен вералоз, кытысь кылдэ аламаез?
 Малы уно луэ ноку адзылымтэ йыруж?
 Шуим ке но, уллям музъем вылысь сатанаез,
 Нош кин меда лэсьтэ музъем вылын туж лек ужез?

Зэмзэ но, кин бен кыл кутоз котырамы ортчись лек ужъёс понна? Кин янгыш асьмелэн куректонъёсмы понна, өвёл ке убирлэн кужымез? Зэм, зэм, туалала дышетскеммы визьмес сураз-пожаз, научной доказательствоосын йырин асьмеос оскемысь дугдймы убирлэн туж кышкыт инбам кужымезлы.

Джордж Гелловэй туалала воспитанилы оскымтээ тазы вераз: „Дунне вылын Инмарлы пумит вылй кужым вань шуыса верась теорины туалала виз пумит луэ“.

Бен, туалала визьлэн убир өвёл шуэмез луэ, нош малы бен уг быры меда ваньмыз уродэз?

Нимо-дано проповедник, доктор Кловис Чеппель аслаз „Притчаос сярысь проповедьёсаз“ гожтэ: „Иисус Христос аслаз Виль Сизёнысь святойёсыныз оскиз ик, дыр, лек кужымлэн ванезлы, кудйзлы убир ним сётэмын. Та дыре сыче оскон палэнтэмын“. Но со дыре ик ватса на: „Асьмеос ум быгатйське вераны убир вань шуыса, со дыре ик ноказыы но синмес кынеммы уг луы уланысьтымы уродэз ласянь, кудъёсыз герзаськемын сьöлыкэн. Нош сьöлык со кырсь зэмлык, котькызы ке но валэктыны выризы“.

Сьöлык зэмзэ но кырсь зэмлык ук! Со ваньмызлы умоезлы пумит жутйське сильтöл кадъ но адямилэн умой доры кыстйськемез чем дыръя жыны сюрес вылысен пазыгиське. Со асьме доры инмысь лыктйсь югытэз сьöд пилемлэн мугорыныз выллем соге. Ваньмы со сярысь тодйськомы. Ваньмы сое адзйськомы.

Ваньмы сое шоддйськомы сюлмынымы, но мылкыдынымы. Асьмеос сое олокызыны но ниманы выриськомы, но солэн ванезлы пумитгьяськеммы уг луы ук. „Малы ке шуоно, асьмеос ум керетйське мугорлы но вирлы пумит, керетйськомы начальствоны, властыны пумит, пеймыт дуннеез пыкыса возисьёслы пумит, инбамысь лек духъёслы пумит“ (Ефес. 6, 12).

Кызыны бен валэкто убир өвёл шуисьёс улонысь ваньзэ уродзэ, кудйз тулыс кошкысь ву кадъ асьме пёлы вёлме? Кызыны валэкто соос шонер сюрес вылэ султыны малпасьёслэн пумитазы могзет пуктйсьёслэсь ужзэс? Кыче кылъёс но лыдпусъёс кулэ луозы возьматыны сое, кызыны музъем зуркаку кадъ куашка ваньмыз лэсьтэмез, нош лэсьтйськисез но лэсьтоноез вырзёлытэк ас интыяз сылэ?

Омыре куштэ ай кыче ке пöяськон кыл, кинэ ке ултйян, мыскыллян кыл – со соку ик котыр ёросэ вёлмоз. Нош верады ке шонерзэ, яке кыче ке умой уж ке лэсьтйды, – адзйськисьтэм пеймыт кужымъёс со уж сярысь иворез соку ик согозы, ватозы. Тйни озыны кысэ умойзэ возьматон, лэсьтон, зечезлы оскон.

Нокин но ас мылкыдызъя уг лэсьты убирлы сйзьыса храм, нокиг но кафедраос уг лэсьты, убирлэсь проповедьёссэ вёлдон понна. Нош солэн кылъёсыз котькытын кылйсько, со гинэ өвёл, солэсь кылъёссэ улонэ пычато. Öвёл ке шуиськомы кужымъёс, малы бен соку ваньмыз туж капчиен кылзо умойтэмзэ, ултйясьсэ, кырсьсэ, нош умоез, чылкытэз доры кыстйськисез туж öжыт?

Асьмеос пöлысь кин ке палэнскысал меда ческыт емышлэсь но басьтысал сисьмемзэ, нымыресьсэ, öй ке косысал озыны лэсьтыны пеймыт но кышкыт ку-

жым? Нош улонын самой озы ик луэ ук. Асьмеос котьку палэнскиськомы чеберезлэсь, узырезлэсь, паймымонэзлэсь, кыстйськиськомы самой улй пуштросьемез доры. Со убирлэн ужез өвөл шат? Самой со төлсяска выллем уг-а вөлмы котырамы?

Мае адзйськомы асьмеос татын, музъем вылын, со выльйысь инбамын умоез но уродэз куспын кужмо нюръяськонлэн чилектыса вуйсь тылызлэн пиштэмез гинэ луэ. Асьмеос малпаськомы, планетамамы быдэс дуннелэн шорсюлмыз шуыса, туж бадзым саклык висьяськомы музъем вылын ортчись ужрадъёслы гинэ. Асьмеос тодыны но валаны тыршиськомы сое гинэ, мае адзыны но валаны быгато адямилэн синмыз но йырыз. Нош мар лэсьтйське быдэс дуннеын, музъем вылын улйсьёслы со валантэм луэ!

Вашкала визьмо адямиос со сярись тодо вал. Соос валало вал, адямилэн адзонэзлэсь палэнын вань на мукет дунне. Туала адями ассэ буйгатэ, радио но телевидение „кылдытй“ шуыса, со, пе, табере кыдёке келяны быгатйсько куараез но тусэз. Нош зэмлык вера мукетсэ: со куара но, со тус но кемалась кылдытэмын вал ини, вань на сычеосыз, кудъёсыз сярись туала адями тодыса но, оло, уз ни вутты. Со паймымон арбериос вань шуыса вашкала пророкъёс тодо вал ке но, соос өз но малпалэ сыче уно луэмзэ, соос „кылыны“ быгатылйзы инбамын ортчись туж кужмо нюръяськонлэсь каллен гинэ кылйськись гудыриоссэ.

Убирлэн кылызлы луыса Адамлэн сьöлыкез сöриз асьмелэсь духовной герзетмес. Ачиз но со, солы луыса ваньмыз калыккъёс но адземысь, кылэмысь но валамысь дугдйзы сое, мар герзэмамын өвөл материальной улонэн. Адам ассэ палэнтйз синмын адзйсь-

кисътэм чебер улонлэсь. Со ыштїз азыланьзэ аджонэз, кудїз туж юрттысал туннэ улонэз тупатыны. Со ыштїз инкуазылэсь ог-огеныз огъя герзаськыса улэмзэ валанэз. Со ассэ Инмарлэсь люкиз но Солэн дуннеезлы тушмон луиз.

Кукэ Адам сьöлыкó сюресэ кожиз, со кельшыны öдъяз сöриськем телевизорлы, кудїз, туж уно волнаос интые, одїг волна вылын гинэ ужа, со но чылкыт уг возьматы!

Телевизормы ляб ке возьматыны кутске, асьмеос ум пыкылїське телестудиез яке телевизор лэсьтїсь учёнойёсты. Асьмеос пыкылїськомы азямы сьлїсь телевизионной аппаратэз, шуиськомы, умойтэм пуктэмын, дыр, антенна, ляб, дыр, кужмыз телевизионной вышкалэн.

Нош асьме вылэ усе ке баджым куректон, асьмеос курадзїськомы ке асьмелэн ик сьöлыкмы ванен, нырысь ик пыкылыны öдъяськомы Инмарез! Асьмеос, вань ужмес куштыса, телевизормес тупатыны куткиськомы, нош Инмарез соку ик пыкылыса тодамы ваиськомы, Солэн дуннеез асьмелы умойтэм ке адзїське.

Сюлмамы кылдэм вожпотон люкетэ асьмелы Инмарлэсь котьма ласянь тупатэм дуннезэ умоен адзїны но шöдыны. Асьмелэн сьöлыкмы быдэс суредэз бездытэ но асьмелос но амалтэк луйськомы Инмарлэн бездэм нылпиосыз. Апостол Павел ваньмы понна шуиз: „Умойзэ, кудзэ лэсьтэме потэ, уг лэсьтїськы, нош умойтэмзэ, кудзэ лэсьтэме уг поты, лэсьтїськó“ (Римл. 7, 19). Апостол Павел тодмаз асьмелы, быдэс дуннеысь калыклы пумит султэм тушмонэз но шуиз: „Куанер адями мон! Кин утёз монэ со кулон мугор-

лэсь? Тау карисько Инмарлы аслам Иисус Христосэным, асьмелэн Кузё-Инмаренымы, Озыен, мон ачим ик тани та дыре визьмыным Инмар доры кыстйськисько, нош мугорыным – сьöлыклен законэз доры“ (Римл. 7, 24-25).

Павел апостоллы тодмо вал кык туж кужмоесь тушмонъёс, со валаз, кызы адымилэсь мугорзэ отчы но татчы кыскало та кужымъёс. Умоез адымилэсь визьзэ но сүлэмзэ кыске Инмар доры, нош со вакытэ ик уродлэн, леклен кужымез мугорез кыске кулонэ но сисьмонэ. Тй одйг дыре кыскемын луиськоды кык кужымен – улонэн но кулонэн. Бырйиды ке Кузё-Инмарлэсь сюрессэ – тй быръёды улон. Бырйиды ке убирлэсь сюрессэ – шедьтоды кулон!

Куатетй глава

МАР ВИТЕ АСЬМЕМЫЗ
КУЛЭММЫ БЕРЕ?

„Монэн но кулон вискын одйг гинэ вавыш“.

1 Цар. 20, 3

Шуимы вал ини, быдэсак улон со кулонлы дасяськон. Псалмгёсты кырзась шуэ: „Улэм адями кудйз бен өз адзы кулонэз?“ (Псал. 88, 49).

Асьме вакытэз эрико вакытэн лыдъяло. Асьмеос дуннеез воштыны тыршиськомы тодон-валан пыр, наука, изобретениос но открытиос пыр, философия но материалистической малпан пыр. Асьмеос престолэ пуктыны вырылймы пёечи инмаргёсты: коньдонэз, данэз, адями визьмез, но котькызыы ке но выримы, лэсьтэм ужмылэн пайдаез одйг: „Адямилы огпол одно кулоно“ (Евр. 9, 27).

Егит дырысенымы кулонэз вавышлы быдэ адзиськомы. Скорой помощь машиналэн сиренаез, похоронной бюролэн рекламаосыз, шайвылгёс, урам шортй мынйсь катафалк – ваньмыз соос верало, кулон чер асьмемыз но вите. Нокин уг тоды, ку со вуоз, но ваньмы тодйськомы, со вуыны быгатоз котькуд дыре.

Доктор Джон С. Вимбиш та сярись умой шуиз:

„Асьмелэн улонмы векчи синьыс бордын возиське. Котькуд вамышамы асьме улын адзиське шайгу. Кулон – быдэс дуннелэн тушмонэз. Эксэйёс но со азын йырзэс мыкыртоно луо. Ученой но врач уल्याны тыршо та съось ымнырез дворец дорысь, но кышкытлыкен кивалтйсь эзель лушкемак гылзе стража вöзтй, коридорёстй мыныса, корольёслэн кöлан интыязы пыре но кужмо кивалтйсьёслэсь мугорзэс съод плащен шобыртэ“.

Арлы быдэ ныйльдон сюрс американецъёс асьсёлэн автомобилиязы пуксё, та соослэн берпум сюрессы луоз, кожаса. Сюрес вылын мынон-ветлон ласянь ваньмыз туж умой чакламын кадь, озыи ке но, тйни со мында бырон. Со сяна, куамын сюрс мурт быре ас юртаз пöртэм шудтэм учырёслэсь, кулон сярись оез но öз малпалля ке но. Озыи тйни, эзель котьку ик адямиен артэ, медицинской наука но, „утиськонъя инженеръёс“ но солы пумит кужмо нюръясько к но, – эзель ас съöраз кулонэз вае но вормисе потэ.

Медицинской наукалэн азинскемын адями быгатйз ик улонзэ öжытак кузёмытыны, но со улон одно йылпумъяське кулонэн, нош огшоры адямилэн улоннэлэн кузьдалаез библейской улонэн сизьымдон аресэзлэсь öжытлы гинэ будэмын.

Адямиосты турнам кадь „чышке“ сёлэм висён. Рак висён мугорез „сюпсе“. Туберкулёз, вир висён, нылпи паралич, ты-мус висён – ваньмыз со син азямы, медицинской исследованиос унолы кулэстйзы ке но соосты. Висёнъесты гормон сярись öжытак оскон кылдэ ке но, кулонлэсь уд мозмы – тйни самой со ик луэ музъем вылын самой бадзымез куректон!

Нылпилэн нырысь шокчemez дырысен кутске

кулонлы пумит нюръяськон. Анай быдэс улонзэ сйзе нылпизэ утёнлы, Со дася ёеч сиён, дйськут, котырысьтыз улонэз, озыы ке но солэн нылпиез – кулон сюрес вылын.

Кöня ке дыр ортчыса, син эмъясь врач очки кулэ шуоз. Ку бызырмыны кутскоз, пельпумтёс лэзиськозы, вамышгёсмы вакчиесьгес, калленгес но дйсьтйсьтэмгес луозы. Висьыны öдьяло суйёс, пыдтёс, зигар быре, ум но шöдйське, асьме вöзын эзель котыръяське ни шуыса.

Кулонлэсь страховать карон но больницаын эмъяськон кулонэн пумиськонэз öжытак капчиято – соос ватыны коньдон люкам выллем луо ук, нош самой со страхование ик возматэ, асьмелэн улонмы кемалась но чик дугдылытэк нюръяськон вал ини кулонэн шуыса. Асьмеос адзöмы, кызыы ёошатскон нуиськомы улонэнымы но кулонэнымы, кызыы со нюръяськонын „таланы“ быгатйськеммы кöня ке ар улон, озыы ке но тушмонмес вормыны ум быгатйське, со одно лыктэ, лыктэ но vorme!

Кыёе лушкем куртчись но валантэм со тушмонмы! Сыёе ик валантэм, кыёе луэ ачиз улон! Бен асьме котырысь улон аслаз турын куареныз, пудо-животэныз, адямилосыныз быдэсак валантэм ук – сое асьмелэн кылдытэммы но уг луы, валэктэммы но уг луы. Кулонэз но нокуд ласянь валэктыны ум быгатйське, тодйськом ке но, со улонэн артэ улэ шуыса. Нош кыёе ум яратйське асьмеос со сярись вераськыны, ватыны выриськомы солэсь кужымзэ! Нылпи вордскыку шумпотйськомы, Адами кулэмен ёош улонэз кошке ке но, со учырез жöггес вунэтыны тыршиськом.

Паймымон öвöл шат, кöня кужым быдтйськомы

музъем вылысь улонэз утыны но туж жог тыбырынымы берыктійськиськомы со улонлэн асьме дорысь кошконэзлы?

Музъем вылын али улэ ог-кык миллиард адями. Сю ар ортчыса, ваньзы соос кулэмын луозы. Мугорзы номыре но уз ни шоды. Нош ма луоз лулынымы – мугорлэн самой паймымон но кулонэз тодйсьтэм люкетэныз? Со ик вань уго самой главной ужпум. Мар кошке, адями ке кулэ? Кытчы кошке со мугорлэсь люкиськем мае?

Кык ар талэсь азыло Колорадо штатысь Денвер городын кулйз одйг журналист. Сое келясьёс шайвылын кылзйзы магнитофон лента вылэ гожтэм куаразэ: „Али тй монэ ватйськоды. Мон атеист вал уно арёс чоже. Мон адземпотостэм карисько попъёслэсь пёртмаськемзэс. Священникъёс – морально кышкатэм адямиос. Паймымон учыр – со йырын кылдытэм висён. Ныль репортёръёс ыстэмын ке луысалзы кызнить каронэз учкыны но озыы ик пёяса гожтысалзы ке со сярсы, кызы гожтйзы апостолъёс Библиын, со репортёръёсты соку редакциысь уллясалзы. Мыным кулэ өвёл религияя но кычё кылан-буранъёс. Монэ ватон – со кулэ луись ужпум гинэ“.

Котьку дауръёсы вал сычё адямиос, кинъёс, Инмарез адземпотостэм карыса, мыскыллязы черкез, Священной Писаниез но Иисус Христосэз. Но кычё доказательствоостэк кесяськыны выро соос Инмарлэн верасезлэсь кужмогес. История возматэ, Джордж Беран Шоу, Роберт Ингерсолл но мукет философъёс пёртэм амальёсын тыршизы кулонлэсь кышканэз быдтыны.

Вае кылзومه, мар вера антрополог джунглиын ку-

лон сярсы. Отын ноқыче но кулэм муртэ ватон богословской йылольёс өвөл, малы ке шуоно, отын уйлсьёс Иисус Христос сярсы веранэз өз но кылэ. Кыче бен отын кулон? Куд-ог племенаос пересьёссэс джунгли пушкы улляло, соосты отын съось пйшурьёс мед кесялозы но солэсь кулэмзэ егитьёс медам адже шуыса. Мукетъёсыз племенаослэн кулйсь муртлэн матысь адямиосыз вылысьтызы дйсьсэс кылё но мугорзэс „траурной“ тōды буёлэн буяло. Уно часъёс чөже кышномуртъёслэн жуштэм но кесяськыса бōрдэм куаразы возматэ, кинлэн ке лулыз тани-тани мугорзэ кельтоз. Христианстволэсь палэнын кулон пачылмемын туж юн кышканэн.

Чошатэ табере та кулонъёсыз христианинлэн кулонэнынз. Куке лыктйз Иисус Христос, Со сётйз асьмелы кулон шоры выль учконэз. Адями котьку учкылйз кулон шоры тушмон шоры выллем, но Иисус Христос шуиз, Со вормиз кулонэз но талаз солэсь лекшизэ. Иисус Христос улонлэсь палэнэ өз кошкылы, со шуиз, кулон зэмзэ но вань, но солы дасяськоно. Кузё-Инмар шуиз: „Эн кышкалэ мугорез виисьёслэсь, нош лулэз виыны быгатымтэослэсь; но ваньмызлэсь но юн кышкалэ Солэсь, Кин быгатэ мугордэс но, лулдэс но кысылйсьтэм тыл пōлын быдтыны“ (Матф. 10, 28).

Библия возматэ, улонын, пе, вань кык кулон: оgez физической, мукетыз ПЫРАК ДАУРЪЁСЛЫ. Иисус Христос утиськыны отьылйз ПЫРАК ДАУРЪЁСЛЫ кулонлэсь. Та кулонэз Со лыдъяллыз адэн, пырак дауръёслы Инмарен люкиськонэн... Со вералляз, мугорлэсь кулонзэ, пе, чөшатонэз ик өвөл луллэн пырак дауръёслы кулонэныз.

Кулйсь муртлэн берпум кылъёсыз туж умой материал сёто кулон сярысь исследованиес нуисьёслы. Доктор Вильбург Смит аслаз „Поэтому остановись!“ книгаяз возматэ христианство пырымтэ куд-ог туж тодмо адямиослэсь кулон аязы асьсэды воземзэс.

Кыће пöртэмесь луо отын возматэм кулонъёсын ёшатыса христианинлэн кулонэз, кудйз сьöлыкез понна простить карыны куриз но Иисус Христосэз аслаз Утисеныз лыдъяз!

Со колледжын, кытын мон дышетски, уно аръёс ёже английской кылэз но литератураез дышетйз доктор Эффи Вилер. Со сыће ик Инмарлы мур оскись вал, кызы тодэ вал дышетоно предметсэ. 1949 арын май толэзе доктор Вилер гожтэм колледжлэн директорезлы, ёш ужась эшъёсызлы но азьвыл студентъёсызлы таће гожтэт:

„Мон асме туж шудоен лыдъясько со минутты понна, кудъёссэ тй висъялоды та гожтэтме лыдзыны, малы ке шуоно, гужем каникулъёсы кошкон азяды тй тодыны кулэ мон сярысь вань зэмлыкез, кудзэ мон ачим тодй арня талэсь азьло гинэ. Мынам враче кема эскерем бераз диагноз пуктйз: операция лэсьтыны луонтэм рак. Со христианин луысал ке, сыће паймемын но кышкамын öй луысал, та иворез та кема мынэсьтым öй ватысал, со тодысал тй но мон сямен ик, улонэз но кулонэз огкадь ёчкылано шуыса, улйськомы ук асьмеос Инмарлэн косэмезъя но Соин ёш Господьлэн Ас дораз ваемез потэм бере монэ, мон шумпотыса лэсьто сое. Пожалуйста, эн куректэ мон понна одйг минут но. Мон уг шуиськы тйледлы кезыт кылын „зеч луэ“, мон шумпотыса шуисько „пумиськытозямы“, бен мон оскисько тйледын нош

ик пумиськыны со паймымон странаын, кудйзлэсь өссэ тйледлы усьтыны кылдоз, оло, мыным. Мынам сюлэмы пачылмемын котькуддэс яратонэн. Гожтйськи: Эффи Джен Вилер“.

Та гожтэтсэ гожтэм безаз кык арня ортчыса, доктор Вилер асалаз Господэз но Утисез доры кошкиз, Кудйз кыл сётйз вал кулонлэсь лек шизэ таланы но быдэстйз сое (1 Кор. 15, 55-57).

Библия дышетэ, асьмелэн лулмы ноку уг кулы шуыса. Со – пырак дырлы но улоз котьку. Мукет сямен вераса, тйляд оскись лулды – ноку но уз кулы. Библия дышетэ, тйляд лулды котьку улоз – райын яке адын. Тй христианин өвёл ке, оскись өд ке луэ, тйляд лулды мыноз со интые, кудзэ Христос ад шуыса нима, кытын тйледыз вите Инмарлэн судэз.

Мон валасько, ад сярись вераськон туж ик мылкыдъя өвёл. Со сярись кылпум поттылыны уггес тыршо. Аслам Евангелилы сйзем командировкаосам одйг жытсэ мон одно сйзисько та темалы. Газетъёсын таёе дискуссиос бере лыдзисьёслэн туж уно гожтэтъёссы вуо, куд-огез мон пала луо, куд-огез пумит, бен Библиын но та темалы со мында ик инты висъямын, кёня мукетъёсызлы. Америкалэн пөртэм сэрегъёсысьтыз студентъёслэн кружонъёсазы мыным ёем гинэ юан сётыло: „Мар со ад? Вань-а адян тыл?“ – но та выллем уно юанъёс. Пастор луисько бере, та юанъёс котырын уно ужано луиз мыным. Мон палэнтныны уг быгатйськы та юанъёсты, соос сюлме пычамонэсь өвёл ке но. Мон валасько, христианстволэн та одйгез секыт ужпумез.

Вань сыёе адямиос, кудъёсыз шуо, котькудйз, пе, утиськыны тырше, нош Инмар со яратйсь Инмар,

огмес но Со адэ уз келя. Соос оско, „пырак но „пырак даурозь“ кылъёс уг возматэ на „пырак дауръёсы“ – шуэмез. Нош со кыл ик, кудйз возматэ Инмарлэсь пыраклы люкиськемез, кутйське на инбамын пырак улэмез возматыны. Кин ке шуиз, „сьöлыктэмъёслэсь шумпотонзэс но сьöлыкоослэсь курадзöнзэс дырез возматйсь одйг кылын верано, бен греческой кылын но со дыр одйг кылын верамын“.

Мукетъёсыз дышето, Инмарлэсь утиськон планзэ кулэ карымтэос чылкак быдтэмын луозы но улэмысь дугдозы. Но Библиез кутсконысен пумозяз учкем берам öй шедьты мон та сярись веранэз. Библия дышетэ, асьмеос быромы яке утиськомы, нош лулмы улоз валась улонэн но улоз пырак дауръёсы.

Куд-огез лыдья, кулэм бере, пе, луонлык вань на утиськыны, Инмар, пе, сьтё луонлык сётоз на. Билия та ласянь но одйг кыл но уг вера, со, асьмемыз малпаськыны косыса, вера: „тани вуэ туж тупась дыр, тани, табере утиськыны вуэм нунал“ (2 Кор. 6, 2).

Билиысь туж уно интыюсты бырйыны луоз, кытын возматэмын, малы асьмемыз дышетэ Библия: коть-кудйз, кин юри, валаса вылысь палэнтэ Христосэз, Кузё-Инмар но Ас вылаз сьöлыкмес басьтйсь луэмзэ тодыса, курадзöз тыл пушкын“ (Лук. 16, 24).

„Соку вералоз соослы, кинъёс паллян палан: „Мынэлэ мон дорысь, каргамъёс, дьяволлы но солэн кылгинъёсызлы дасям ноку но кысылйсьтэм тыл пöлы“ (Матф. 25, 41).

„Нош куроез сутоз кысйсьтэм тылын“ (Матф. 3, 12).

„Пуромыса жуась тылын Инмарез кулэ карись-тэмъёс но асьмелэн Кузё-Инмармылы Иисус Христослы йыбыртъясьтэмъёс наказать каремын луозы

но пыраклы кулозы Кузё-Инмарлэн нимыныз но Солэн кужмыныз“ (2 Фес. 1, 8-9).

„Нош кин „шузи“ ке шуиз – тылысь гееннаын быроз“ (Матф. 5, 22)

„Тазы луоз дунне бырыку: вуозы кылчинъёс но, лекъёссэ умойёсызлэсь люкыса, куштозы соосты жуась гуре; отын луоз бёрдон но пиньын зукыртон“ (Матф. 13, 49-50).

„Со юоз Инмарлэсь вожпотон винозэ, кужмо винозэ, кудйз понэмын Солэн вожпотон чашаяз, луоз со курадзытэмын тылын но сир пöлын святой Ангелъёс азын но Иисус азын; курадзон чынзы соослэн вöлдйськыса улоз уно дауръёс чөже, соос курадзоы нуназе но, уин но, сьöсь пöйшуръёс азын но, соослы кельшись макеос азын но, солэсь нимзэ басътйсь азын но“ (Откр. 14, 10-11).

„Кулон но ад куштэмын тылын жуась зарезе. Со – кыкетйез кулон. Кин öй вал гожтэмын улон книгае, со куштэмын луоз жуась зарезе“ (Откр. 20, 14-15).

„Кышкасьёсыз но осконтэмъёсыз, юрзымъёсыз но адями виисъёсыз, калгисъёсыз но калгонэ кыскисъёсыз, инкуазь инмарлы оскисъёсыз но пöясъкисъёсыз – ваньзэс тылын но сирен пöзись зарезе; со – кыкетйез кулон“ (Откр. 21, 8).

Но мыным пумит вазёзы: „Мон уг оскисъкы адлы! Мон оскисъко Нагорной проповедьлы“.

Ярам бен, ойдолэ учком Нагорной проповедез, отысь но шедьтом таچه кылъёсты: „Бур синмыд тонэ сьёлыке пыртэ ке, ишкалты сое но ас бордысьтыд кушты: быдэс мугорыд кысылйсьтэм тыл пöлы куштйськемлэсь, умойчес луоз тыныд одйг маид ке гинэ быриз ке. Бур кийд тонэ сьöлыке пыртэ ке, чог

сое но ас бордысьтыд кушты: быдэс мугорыд кысылйсьтэм тыл пöлы куштйськемлэсь, улкойгес луоз тыныд одйг маид ке гинэ быриз ке“ (Матф. 5, 29-30).

Татысь асьмеос адзйськомы Иисус Христослэсь адсярысь шонерак дышетэмзэ. Бен зэм ик ук, Иисус Христос со сярысь вералляз но примеръёсын возьматйз, валэктйз, калыкез котьку ик утиз музейем вылын сьöлыко но, сое ватыса, кык ымнырын улонлэсь.

Тодйськом созэ но, сьöлыко, улие усем адямиос татын ик ини, музейем вылын туж мур куректонэн уло. Библия гожтэ: „Сьöлыкъёсыд понна одно ик кыл кутано луод“ (Числа 32, 23). Библиын эшшо шуэмын на: „Мугорысь мугоре кизем улон сисьмоз, лулысь лулэ кизем улон ноку кысйсьтэм улонлы пöрмоз“ (Гал. 6, 8). Озы ке но асьмеос адзйськом, уноез уродлэсьтйсь адямиос котьма ласянь умой уло, нош чылкыт сюлэмоосыз но зеч лэсьтйсьёсыз курадзö. Та ласянь Библия дышетэ, вуоз, пе, зэмос судлэн дырыз, тйни соку котькудйз аслаз лэсьтэм ужезъя „дун“ басьтоз.

Лэзёз-а яратйсь Инмар адямиез адэ? Шуэмын: лэзёз! Но Со Ачиз отчы уз ысты. Адами ассэ ас кыныз отчы нуэ, Инмарлэсь утён планзэ палэнтэ ке, яратэменыз но зеч мылкыдыныз Инмар адямилы чектэ утиськыны но сьöлыклэсь палэнскыны, инмысь каньыл улонлы оскыны но сое адзйны зеч сюрес. Но адями аслаз синтэм луэменыз, валамтэеныз, ваменэс луэменыз, ассэ ачиз гинэ яратэменыз но сьöлыкен герзаськем ческыт улэменыз кулэ уг кары Инмарлэсь возматэм сюрессэ но коже котькулы каргам улонлэн сюресаз.

Шуом, тй висыны кутскиды но врачез öтиды, со

тйледлы эмьюм сётйз. Тй ӧжытак малпаськиды но солэн чектэм эмьюмезлэсь куштйськиды. Кӧня ке нунал улыса, тйледлы урод луиз но тй сое нош ик ӧтиды. Бен кинэ тй янгыш кароды, врачез-а? Со-а тй понна кыл кутоз? Со тйледлы кызы йӧнатскыны чектйз вал, со тйледлы эмьюм чектйз, нош тй кулэ ӧд каре!

Озы ик Инмар но адымилэн ваньмызлэсь висёнъёсызлэсь бурмытскыны эмьюмъёс чектэ. Со эмьюм – асьмелэн сюлмамы оскон но Иисус Христос азын кыл кутон. На ужпумез асьмеос эскеромы на вуонояз главаын. Но асьмеос, асьме мылкыд кареммыя эмьюмез палэетйськомы ке, асьмеос ик чиданы кулэ висёнмес; со понна Инмарез пыкылод шат. Инмар шат янгыш, Солэсь чектэм эмьюмъёссэ кулэ ӧм каре ке?

Вань сыче адымиос, кудъёсыз юало: „Мар со ад?“. Греческой Библиын ад кыллэсь пуштроссэ усьтйсь нбыль кылъёс вань. Огез соос пӧлысь ШЕОЛ, кудйз Вуж Сйзёнын куамын одйг пол берыктэмын „ад“ шуыса. Со корказь выллем, кытын кыллэ кулэмъёс. Со возматэ „адзиськисьтэм луэмез“. Таин валче кутйсько на кылъёс „кайгу“, вӧсь луон но куашкан.

Кыкетйез кыл ХАДЕС, кудйз Виль Сйзёнын дас пол пумиськылэ. Вуж Сйзёнысь ШЕОЛ кыллэн пуштрорсэз ик со. Та кыл но герзэмын суд но курадзон валанэн.

Куинетйез кыл ТАРТАРУС, кудйз огпол гинэ пумиське Петр Апостоллэн 2, 4 посланияз, кытын со шуэ, „сьӧлыкаськем кылчинъёс келямын луозы „Тартарусэ“. Та кыл возматэ судлэсь орточоно интызэ, со тюрма, пеймыт инты выллем, адлэн самой пеймыт гуэз.

Нылетйез кыл ГЕЕННА, кудйз Виль Сйзёнын дас

одйг пол пумиськылэ „ад“ шуыса. Иисус Христос тазы нимаз Иерусалим дорысь Енон улыг интыез, кытын суто вал жуг-жагез но куям арбериосты.

Куд-огез юало: „Дышетэ-а Библия, адын котьку сутйсь тыл жуа шуыса?“ Веранэз өвёл, Билиын туж уно пол пумиськылэ ТЫЛ шуэм, но со зэмос тыл сярись уг вераськы, со образ выллем. Бен Инмарлэн но жуась тылыз вань ук, только со уг суты.

Куке Моисей адйиз тернпулэсь куаксэ, со паймиз вал, куак тылын жуа шуыса, но уг сутскы... Куинь еврей пияшгёс жуась гуре куштэмын вал, но тыл соос борды өз йётскы, одйг йырсызы но соослэн өз жуа.

Мукет ласянь, Библия вера асьмелэн кылмы сярись, кудйз „ачиз геенналэсь аратйське“ (Иак. 3, 6) соку, ку матысь адымины сярись уродзэ вераськом... Со уг возматы, матысь адымины сярись уродзэ веракумы кылмы котьку ик сутйське шуыса. Но малы шонерак валаны кулэ дышетон вылысь верам кылэз. Адын зэмос кыл өвёл ке, Инмар со сярись малпаны косыса гинэ вера, со шуэ, талэсь но уродэз но секытэз луыны быгатоз на.

Умой-умой учконо ке, ад со Инмарлэсь палэнскон. Со кыкетйез кулон, кудйз возматэмын ас мылкыд каремедъя ваньмызлэсь югытэзлэсь, шумпотонлэсь, жечлэсь, зэмлыклэсь но шудлэсь палэнскон. Библиын уно интыяз пумиськылэ луллэн мугорысь потэм бераз туж кышкыт курадзонэ сюремез сярись.

Паймымон, адымиос ваньмызлы дасясько, кулонлы сяна. Асьмеос улонлы дасяськиськомы дышетскыса. Асьмеос дасяськиськомы коммерческой улонлы, карьералы, дасяськиськомы кышно-карт луыны, дасяськиськомы пересымыны. Асьмеос ваньмызлы да-

сяськиськомы, только вунэтйськомы со минутэз, ку кулоно луоз. Нош Библия шуэ, асьмелы одйг пол кулоно луоз.

КУОЛНЭЗ асьмеос лыдъяськомы асьмелэсь палэнэтй ветлйсь маин ке, сое кин ке мукетыз гинэ адзоз кадь потэ асьмелы. Кулон ваньзэ огкадь каре. Со узырез люке миллионъёсызлэсь но кураськисез зустыри дйсьезлэсь. Со быдтэ аксым сямеэз но сйятэ пось мылкыдэз. Нокинлэн но со сярись малпамез уг поты, но амалтэк соин пумиськоно луэ – князь но крестьянин, шузи но философ, адями виись но святой. Кулон уг чакла аресэз, улонлэн кыче пагзаяз тон сылйськод. Солэсь ваньмыз адямиос кышкало.

Кулон азяз Даниил Вебстер вераз, кызы со огпол пичигес гуртысь черкын вöсяськонын вылэм. Пастор вылэм туж огшоры, туж вöсяськись пересь. Куке молитваос но Евангелииысь текст лыдземын вылэм ини, со каньылак но аслыз верамезлы оскыса шуэм: „Гажано эштёсы, асьмеос куломы огпол гинэ“. Даниил Вебстер, та проповедез валэктыса, собере шуиз: „Та кылтёс, оло, лябесь но көсытэсь потозы кинлы ке, нош мон соослэсь юзыр-кезьыр луи, мон ноку но таё огшоры кылтёслэсь ой паймылы на вал“.

Кулонэн пумиськись мукет адямиос сярись валаны капчи, но туж шуг валаны ачид кулонэн куке пумиськонэз. Куке адзйськомы фронтэ мынйсь солдатгёсты яке лыдзйськом виыны судить карем адями сярись, яке лыктйськомы кулон доры вуэм висись эшмы доры, асьмеос шöдйськомы та адямиослэсь жутскем мылкыдзэс. Кулонэз пумиталоз котькудйз, нош ку со луоз – тйни со бордын ужпум. Улонын уно пöртэм пумиськонгёс вань – ужтя но, мылкыдъя но – соослы

котьку ик бадзым саклык ум висьяське, со пумиськонэ өм ке но мынэ яра – но таизэ пумиськонэз нокин но палэнтныны, солэсь куштйськыны уг быгаты. Та пумиськон улонын луэ огпол, со одно ик луоз!

Мугорлэн кулэмез Инмарлэсь кыдёкын улэмезлэн йылпумъянэз ке луэ шуиськомы, со кулонлэсь кышканэз чик өвёл, дыр, но Библия кыкетй кулонлэсь утыны тырше, кудйз котькулы люкоз Инмарлэсь.

Но, мукет ласянь, татын сайкыт палыз но вань на. Кызы Библия сьёлыкоослы ад сйзе, озыы ик со сьёлыктэмъёс рае сюрозы шуэ. Рай сярись валан, ад сярись, капчиенгес сётйське асьмелы. Библиын соиз но, таиз но сярись верамын.

Выль корка улыны выжыкуды, тй умойгес тодыны турттйськоды отын улйсьёс сярись. Мукет городэ ке улыны мынйськоды, умойгес тодыны тыршиськоды со город сярись – кыче сюресъёс отчы нуо, кыче промышленной предприятияос отын вань, кыче паркёссы, зарезъёссы, школаоссы но мукет. Соин ик, малпаськомы ке асьмеос, кытын ортчытомы пырак даурмес, со инты сярись но тодыны кулэ. Рай сярись верамез шедьтыны луэ Библияысь. Туж шонер луысал со сярись вераны но малпаны. Куке рай сярись вераськомы, музъем, соин чошатыса, вераны луонтэм ляб инты луэ. Музъем вылысь ваньмыз куректонъёсмы но лэсьтоно ужрадъёсмы туж нача-ресь пото, азыпала улонмес син азямы ке пуктйськомы. Христианинлы рае сюрес ожытак усьтйське ни музъем вылысен ик. Солэн со понна вань сюрэм лачмытэз, со улэ аслаз мылкыдыныз, Инмарен тупаса. Куректонъёсын но курадзонъёсын чош со быгатэ шумпотыны но. Со ванышъя капчи, мылкыдаз шумпотон, тусыз пальпотэ.

Но главноез луэ со: Библия христианинлы сопал улонын рай чектэ. Кин ке юаз Джон Квинг Адамслэсь, куке солы вал ини укмыстон нбыль арес, кыче тазалыкез но мылкыдыз шуыса. „Умой, шуыны луоз“, вераз со, „только со корка, кудаз мон улйсько, умой шуымон өвөл ни“. Улоно коркамы висись, ляб ке но ни, асьмемыз кулэмен но оскисен лыдъяны кулэ, зэмос христианъёс ке асьмеос. Иисус Христос дышетйз, рай вань шуыса.

Уно интыосты шедьтыны луоз, но тужгес ик паймытэ Иоаннлэн 14, 2-3 Евангелиысьтыз кылгёс: „Мынам Атаелэн юртаз улйсьёсыз уно; озы ке ой луысал, Мон шуысала тйледлы: Мон мынйсько тйледлы инты дасяны. Мыныса тйледлы инты дасяло но нош ик дорады лыкто, Ас дорам басьтыны, тй но отын мед луоды шуыса, кытын Мон“. Павел Апостол сыче оске вал, рай вань шуыса, соин ик шуэ: „Милям мылкыдмы вань мугорысьтымы кошкыны но Кузё-Инмар доры интыяськыны“ (2 Кор. 5, 8).

Кыче пöртэмесь христианинлэн но агностиклэн Боб Ингерсоллэн малпангёссы, кудйз вынызлэн шайгу вылаз шуиз: „Улон со пырак даурёсын улйсь жужыт гурезь йылгёс вискы кыскем бöлет. Асьмеос кулэ өвөл учкыны со бöлет сёры. Кесяськиськомы, нош асьмелы вазе шуккиськем куарамы гинэ“.

Павел Апостол огпол гинэ өз вералля: „Асьмеос тодйськом“, „асьмеос оскиськом“, „асьмелэн вань йыг-йыг валанмы“. Библия вера, Авраам, пе, сыче городэз витем, кудйзлэн лэсьтйсез но художникез вылэм Инмар (Евр. 11, 10).

Уноез адямиос шуо: „Оскиськоды-а тй, рай зэмзэ но вань шуыса?“ Бен! Иисус Христос шуиз: „Мон

мынйсько тйледлы ИНТЫ дасяны“. Библия вера, Енох но Илия инме жутскизы асьсэ мугорынызы одйг дасям интые, со сыће ик оскымон, кызыы оскымон луо Лос-Анжелес, Лондон яке Алжир вань шуыса!

Уноез адямиос юало: „Кинлы бен рай?“ Священной Писаниын верамын өвөл, кытын рай. Бибрад“, „умоез страна“, „кельтэм пыты“, „дан“ шуыса.

Оло, тй но юалоды: „Тодмаломы-а ог-огмес райын?“ Библия уно интыосаз вера, вуоз, пе, быдзым пумиськон вакыт соосын, кин асьмеос дёрысь вазьгес кошкиз.

Куд-огез шуо: „Оскиськоды-а тй, нылпиос утемын луозы шуыса?“ Бен! Библия валэктэ, Кузё-Инмар соосты сьёлыкен уг лыдья, асьсэос соос кыл кутон аресозь ке будэмын өвөл на.

Библия озыы вера, рай луоз ог-огдэ огъя валан но тодымтэ макеосты тодон инты, кудйзлы нокызыы но дышетскыны өм быгатэ музьем вылын.

Исаак Ньютон, пересьемем безаз ини, солэсь визьзэ ушгьясь адямилы шуиз: „Мон зарезь дурын сылйсь пичи пияш, татысь чебер кёлы шедьтйсько, отысь куалем, нош быдзым валанлэн океанэз мон азе пумтэм-йылтэм вёлдйське на“.

Томас Эдисон шуиз огпол: „Мон уг тодйськы миллион люкетсэ но солэсь, мар вань дуннеын“.

Инмарлэн ваньмыз, маиз вань, валэктэмын луозы асьмелы райын гинэ, малы ке шуоно, мар со, кылсярысь, куректон, кайгу но малы ке оскемись дугдон, туж бадзым адзон (трагедия), озыы ик шып улыны быгатон но асьмелы пумозяз тодмо өвөл на.

Уноез адямиос юало: „Мар бен каромы асьмеос райын? Отысь чеберлы шумпотыса но куаныса гинэ

уломы-а?“ Уд! Библия асьмеос отын Инмарлы служить каромы шуыса гожтэ. Асьмеос отын ужаломы Инмар понна. Асьмеос уно дырмеос быдтомы Сое данъянлы. Библия шуэ: „Номыр но каремез уз ни луы; но Инмарлэн но Пиезлэн престолзы луозы, нош Солэн рабъёсыз ужалозы Сола“ (Откр. 22, 3). Со луоз шумпотон вакыт, Кузё-Инмарлы служить карон но Сое данъян вакыт!

Библия дышетэ, адями, ас мугорызлэсь люкиськем бераз, Инмар азе султэ. Самой со вакыт, куке адями кулэ, со нырысь ик Христосэн пумиське. Соку солэн лулыз улземзэ вите, мугорыныз нош ик огазе луон понна.

Уноез адямиос юало: „Кызы улзыны быгатозы ватэм яке сутэм мугоръёс?“ Учёнойёс доказать каризы ни, но кыче химической веществоос музъем выльсь уг быро. Инмар нырысь ик мугорез кылдытэ, собере, кулэм бераз, ваньзэ химической люкетъёссэ огинэ люка но, мугор нош ик улзе, лулын ёош луон понна. Но выль мугормы сыче ик воштйськоз, кызы воштйськиз Христослэн мугорыз. Асьмеос ум ни тодэ, мар со синву, йыр висён, курадзон, вось луон, кулон.

Тани кыче суред адзиське котьку дауръёсысь кык дуннеослэн улоньсытызы. Адамлэн котькудйз пиез улоз сояз яке таяз дуннеын. Нокин но ноку уз тоды, кыче улон со дуннеын, но Библиын уно гинэ со сярсь мар но со верам интыосыз, соосъя валаны луэ, огез дунне куректон но курадзон луэ, мукетыз – югытэн но данэн пачылмем дунне луэ шуыса.

Ми али эскеримы адямилэсь улон дуннеоссэ. Выл-ласянь учкыса, соос сэрттыны-пертчаны луонтэм

кадь. Но со озьы өвөл. Асьмеос валамы, ваньзэ сое одйг гинэ кылын герзаны луоно, со – сьöлык. Асьмеос валамы, адямилэн азыпала улонэз Инмартэк оскон-тэм луэ. Но асьме азын сылйсь ужрадъёсты но Инмарлэсь планзэ йырвизьмынымы валан со ваньмыз капчиен усътйськем ужрадъёс өвөл на ай. Адями возьма ке Инмарлэсь юрттэт, со быдэсьяны кулэ куд-ог косэмъёсыз. Та книгалэн мукет главаосыз чäпак со ужпумъёсты эскеронлы сйземын.

Кыкети люкет

УЖПУМЕЗ ЭСКЕРОН

Сизыметй глава

МАЛЫ ЛЫКТЙЗ ХРИСТОС?

„Тйледлы мон нырысь ик сюлмады пы-
 чатыны тырши сое, мае ачим сюлэм
 пыртйм поттй, кызы, Писанилэн вера-
 мезъя, Христос асьмелэн сьöлыкъёсмы
 понна кулйз, кызы Со ватэмын вал но
 кызы Со, Писанилэн верамезъя, куине-
 тй нуналаз улзиз“.

1 Кор. 15, 3-4

Асьмеос валамы, дуннеын самой кышкытэз но
 ваньзэ куашкатйсез луэ сьöлык. Ваньмызлэн сюл-
 маськонлэн мугез, ваньмызлэн лек ужъёслэн кутс-
 конзы, котькуд адымилэн кышканэз одйг вакчи
 кылын герзэмын – сьöлыкен. Со адымилэсь пуштрос-
 сэ быдэсак сöрыса куштйз. Со куашкатйз адымилэсь
 улонзэ. Со адымилэсь умой сямзэ быдтйз. Со адымиез
 вуттйз убирлэн капканаз.

Ваньмыз астэ умойтэм возёнъёс, ваньмыз висёнъ-
 ёс, ваньмыз куашкатонъёс, ваньмыз ожмаськонъёс
 сьöлык бордысь пото. Сьöлык – йырвизылэн сураське-
 мезлэн но сюлэмлэн сöриськемезлэн мугез. Библия
 сьöлык сярсысь гожтэ, со, пе, туж секыт но палась ви-
 сён, кудйз кулэ каре кема но умой йöнатэмез. Сьöлы-
 кез чöшатыны луоз ваньзэ куашкатйсь сйлтöлын,

вулканэн, шузимем адямиен, йыртэмасен, бурсйсь левен. Музьем вылэ сьӧлык вуэ чилектэм тыл кадь, гильотиналэн пуртэз кадь, сьӧлык со кулонэ вуттэм сьӧд чер. Сьӧлык со ас сюрес вылысьтыд пазясь бад-зым тудву.

Сьӧлыкен йырин адямиослэн преступлениосынызы саптамын чебер шурьёс, ыркыт тӧлын шокась омыр, нуналлэн югытэз, улонлэн котькуд вамышез сӧремын кӧш шӧмын, котькытысь пумита-лод чӧм-тылон интыосты, котькудйз путешествие ву пыдэсысь адзйськисьтэм из гурезен пумиськыны дась. Сьӧлык куашкатэ шудэз, сура визьмез, поттэ куректон но висӧн синвуэз, кылыныз кузьма бархат, нош сӧтэ урдэг, эрик кузьмало шуэ но рабствое вуттэ, чечыен удо шуэ но ыме кузял пот понэ, буртчинэн дйсяны дасяське но зустыриен бинялтэ.

Адямиос уно даурьёс чӧже вамышъяло ни духовной пеймыт сюрестй, сое пеймыт кариз сьӧлык, со пеймытысь потыны пӧртэм амальёс утчало. Адямилы кин ке но кулэ вал со духовной кышкытлыкысь но ма карыны паймем мылкыдысь потыны, кин ке мед быгатысал сое убирлэн пеймыт гуысьтыз поттыны, тюрмалэсь ӧсьёссэ усьтыны. Сютэм сютэмъёсын, ваньзэ тодыны тыршись визьмын, куашкам лулын адямиос лябзизы, пеймыт гуын кытчы ке учкыса но мае ке кылзыса. Нош убир самой со вакытэ Эдэмысь садын вормонзэ пусйыса шулдырьяськиз.

Адями джунглиын улыны кутскем дырысеныз но Египетысь, Грециысь но Римысь цивилизациос дорозь аслыз ачиз юан сӧтылйз: „Кызы та шимес учырысь потано? Кызы мыным умойгес луано? Ма мыным кароно? Кыче сюрестй мыноно? Кызы та лек

висёнэз вормоно? Кыззы дугдытоно ваньзэ куашкатысь тулкымеэ? Усем гуысьтым кыззы потоно? Сыче сюрес вань ке, кыззы сое шедьтоно?

Тй адзиды ни, Библия дышетэ, Инмар со яратйсь шуыса, Инмар адямины мар ке но лэсьтыны кыл сётйз шуыса. Со юрттыны малпа вал адямиез сёллык-лэсь каргамезлэсь. Кыззы бен Со сое лэсьтысал? Самой кутсконысеныз ик адямиез Со алйз вал, Инмарлэсь куштйськыса, убир сёрры ке мынйз, кулоз мугорыныз но, лулыныз но. Аядми, кыззы тодйськомы, ас мылкыд каремезья, Инмарлэсь кылзйськытэк улйз. Озы бере, аядми кулыны кулэ вал, сотэк Инмар ассэ алдаськисен возматысал, бен Со Аслэсьтыз сётэм кылзэ ой быдэстысал ук. Соин ик, куке аядми Инмарлэсь кылзйськемысь дугдйз, со Инмар дорысь уллямын вал. Аядми ас мылкыдызья убирлэсь сюрессэ бырйиз. Инмар аядмилэсь сёллыксэ простить карыны өз быгаты, озы ке ой карысал, Со Ачиз пöяськись луысал, нош Со шуиз вал: „Зечез но уродэз валан писпулэсь емышсэ эн сиы; öд ке кылзйськы, со емышез сиён нуналад ик кулод“ (Бытие 2, 17).

Мукет сюрес но шедьтыны луысал, но аядми ассэ ачиз кулонэ вуттйз. Быдэсак со сöриськис. Со Инмарлы пумит султйз. Уноез Инмар чик но öвöl шуылйзы, тйни кыче соос секыт черенызы синтэм кельтэмын вал.

Но Эдем садын ик ини Инмар валан сётйз вал, Со Ачиз мар ке но кароз шуыса. Убирез Со пыкылйз, нош адямиез алйз: „Тонэн но кышноед куспы лек тылжү поно, озы ик тынад кидысэд вискы но кышноедлэн кидысэз вискы; со тылжү сутоз йырде, нош тон бышкалтыны туртгод быжзэ“ (Бытие 3, 15). Та

кылгъёсысь адзиське инмысь чилектэм тыл. Со вылын адымилэн самой осконэз. Та кылгъёс верало, мар борды кырмиськыны кулэ адыми. Инмар кыл сётйз вал, вуоз, пе, сыгъе нунал, ку лыктоз Утись. Инмар адымилы оскон сётйз. Уно даургъёс но сюрс аргъёс чоже та оскон пиштыса кадъ улйз калыкгъёс азын!

Но со ваньмын өвёл на. Адымилэн уно сюрс аргъёсын историяз вал на сыгъе учыргъёс, куке музъем вылэ инбамысь яркыт тыл вуылйз. Вуж Сйзёнын быдэсак вераське Инмарлэн адымилы зеч улон сйземез, оскыса ке улйз со Утисълэн лыктэмезлы. Соин ик Инмар Ас калыксэ дышетыны кутскиз, адыми, пе, утемын луоз, кин ке со понна ас улонзэ сётйз ке. Адымилэн сьӧлыкез понна но сое утён понна кин ке но бырыны кулэ.

Ойдолэ туж вакчи дырлы нош ик берытскоме рае. Инмар шуиз: „Со нуналэ, куке тон вергъяд сиыны лэзьымтэ емышез, кулод“ (Бытие 2, 17). Адыми со емышез сииз. Сииз но кулйз.

Шуом, Инмар тазы ке шуысал: „Адам, тон янгышад, тон малпамтэ вамыш лэсьтйд. Мон тонэ простить карисько. Эн лэсьты ни озыы ноку но“. Тазы ке верасал, Со пӧяськись луысал. Со святой ой ни луысал. Со ой ни луысал Ас кыл вылаз сылйсь. Соин ик Со Ас кылзэ быдэстыны кулэ вал. Адыми кулыны кулэ вал мугорыныз но, лулыныз но. Солэн сьӧлыкез люкиз сое Инмарлэсь. Соин ик адыми кулэ вал курадзыны но ас сьӧлыкгъёсыз понна „дун“ тырыны. Кыззы тодйськомы, Адам вал ваньмызлэн калыкгъёслэн нырысетй адымизы. Адам сьӧлыкаку, ваньмы асьмеос сьӧлыке пыримы. „Одйг адымиен валче сьӧ-лык пыриз бере быдэс дуннее, нош сьӧлыкен валче кулон но,

со кулон огзэ но адямиез палэнэ өз кельты, малы ке шуоно, ваньзы соос сьӧлыказы“ (Римл. 5, 12).

Самой паймымонэз юан: „Кызыы Инмар, кыл вылаз сылыны быгатйсь Инмар, сьӧлыко адямиез простить каре?“ Тодамы возёме огзэ: простить карон яке, оправдать карон – со луэ“ мылкыдэз янгышлэсь утён“. Но оправдать каронлэн валанэз огшоры простить каронлэсь мургес но паськытгес. Сьӧлыкез быдтоно озыы, со ноку но адями борды медам ни кылы но кычѐ кырсь, сое саптась луыса. Мукет сямен вераса, адями нош ик берыктэмын луыны кулэ сьӧлыктэм вакытаз.

Уно даурѐс чӧже адямиос, ас валамтэенызы, берытскыны тыршылйзы Эдеме, но ноку но малпанзы өз быдэсмылы. Соос отчы мыныны уно сюрес бырйылйзы, но өз пӧрмы. Дышетскыса басьтэм тодэм-валам, конешно, кулэ, но со гинэ адямиез Ин-мар доры уг вутты на. Пӧяськись религиос – соос наркотикѐс выллемесь, соос адямилэсь куашкам пуштроссэ вато, но соос ноку но малпам сюресэ уг вутто. Объединенной Нациослэн Организацизы дуннеез кышкыт ожлэсь утён понна кылдытэмын, асьмеос тау кариськомы солэн котькуд умой вамышез понна, кышкытлыклэсь палэнтэмез понна; нош та Организация ик музъем вылын котьку дырлы но котькытын ик ожмаськонэз быдтысал ке, адями Инмарлы шуыны быгатысал: „Тон милемлы кулэ өвӧл ни. Музъем вылысь ми ожѐсты vormимы но адямилы чеч улон кылдытймы“. Но ваньмыз со планѐс пелляськисьлэн турынкварез выллем гинэ, кудзэ адями верья Быдӟым Врачез витьыса. Асьмелэн историмы шоры учкыса адӟомы, кызыы калыкез огазеяны выризы вал Вавилонской

башня лэстыку вераськон кылъёсты сураса. Мукет дыръя но калыкъёсты огазеяны тыршонъёс номыр но өз сётэ, малы ке шуоно, соос, Инмарлэн юрттэмезлы вазиськытэк, асьсэ коже выризы.

Озы бере, кылдэ юан: „Кызы Инмар быгатоз зэмлыко луыны, кызы Аслаз святой луэмезлэсь палэнскоз но съöлыкоосты утёл?“ Бен котькудйз аядми ас съöлыксэ ачиз тодыны кулэ ук, быдэс дуннеысь калык котькудйз аядми со висёнэн азйз бере.

Бен, аядми со висёнэз ачиз бырийз но ачиз ик черлаз, озы бере, быгатысал-а сое Инмар простить карыны? Öй, öй быгатысал. Но кулэ вал ук аядмиез кызы ке но утыны? Та ужпумез одйг амалэн гинэ сэрттыны-пертчыны луоно вал на: кулэ вал кыче ке съöлыктэм но янгыштэм аядми, кудйз соглаш мед луысал мугорыныз но лулыныз кулыны, ас мылкыдызъя Инмар интые утись кариськыны. Та съöлыктэм аядми ас вылаз басьтыны кулэ вал приговорез, вöсь луонэз но кулонэз. Но кытысь шедботод сыче йöно аядмиез? Музьем вылын сычеос öй вал, шуэ ук Библия: „Малы ке шуоно, ваньзы съöлыказы но Инмарлэн данэзлэсь люкиськызы“ (Римл. 3, 23). Одйг луонлык гинэ кылиз на. Дуннеысь вань съöлыккъёсты Ас вылаз басьтыны быгатысал Инмарлэн Пиез гинэ.

Библия асьмелы Инмарез усьтэ куинь тусын. Но со сыче валан, кудйз асьмелы ноку но пумозяз уз усьтйськы. Библия уг дышеты, куинь инмаръёс вань шуыса, одйг гинэ Инмар вань шуэ со. Но со Одйг Инмарлэн куинь тусыз: Атай Инмар, Инмарлэн Пиез но Инмар Святой Дух.

Святой Троицалэн кыкетй тусыз луэ Инмарлэн Пиез – Иисус Христос. Со Инмарен одйг радын. Со

өвөл Инмарлэн пиосыз пöлысь огез – ОГЕЗ! – со Инмарен одйг лулын герзаськем одйг гинэ Пиез. Со Пырак Даурёслы Инмарлэн Пиез – Святой Троицалэн Кыкетйез адымиез, Со мугоро Инмар, улэп Утись.

Иисус Христослэн кутсконэз өвөл, шуэ Библия. Со ноку но кылдытэмын öй вал. Библия дышетэ, пумтэм-йылтэм кизилиос, пиштйсь планетаос но асьмелэн музъеммы кылдытэмын вал. Иисус Христослэн вордскемез, кудзэ асьмеос пусйиськом Рождество, улонэзлэн кутсконэз öй вал. Солэн кылдэмез озыы ик туж пыдло ватэмын, кызыы асьмеос ноку но ум тодэ Инмарлэсь кылдэмзэ. Библия тазыы гинэ шуэ: „Кутсконаз ик Кыл былэм, Кыл Инмар дорын былэм, Кыл Инмар былэм“ (Иоан. 1, 1).

Библия асьмемыз дышетэ, Со, пе, „адзиськисьтэм Инмарлэн тусыз, кудйз вордскиз мукетъёслэсь азыло; Со кылдытйз ваньзэ, мар вань инмын но музъем вылын, адзиськисез но адзиськымтэез: престолъёс-а, кивалтонъёс-а, начальство-а, власть-а – ваньмыз Соин но Соны кылдытэмын; Со – нырысь ик, Со ванен ваньмыз сылэ“ (Кол. 1, 15-17).

Берпумыз кыл возматэ, Инмар ваньзэ Ас кияз возе шуыса. Мукет сямен вераса, быдэс вселенной миллиард атомъёслы пазыгиськысал, Иисус Христослэн кужмыныз öй ке возиськысал. Та ласянь но Библия шуэ: „Нырысь ик Тон, Кузё-Инмар, кылдытйд музъемез, инбамез но – ваньмыз со Тынад кибервылыд; соос кулозы-бырозы, нош Тон улод; ваньмыз риза сямен вужмоз-сисьмоз, собере дйсьез сямен бинялтод но ваньмыз воштйськоз; нош Тон сыгёе ик, арёсыд но тынад уг йылпумъясько“ (Евр. 1, 10-12).

Иисус Христос Ас сярисьтыз озыы ик шуиз: „Мон –

Алфа но Омега, кутсконэз но пумыз“ (Откр. 1, 8). Солэн огназлэн гинэ властез вал но адямиез Инмарлы берыктыны кужмыз вал. Быгатйз-а Со сое уже кутыны? Сое лэсьтон понна, Со музъем вылэ лыктыны кулэ вал. Со Ассэ слуга интые пуктыны кулэ вал. Со луыны кулэ вал адями кадъ ик. Со Ассэ ултйяны кулэ вал но кулытозяз тэрытйськыса улыны кулэ вал. Со нюръяськыны кулэ вал сьöлыкен. Со пумитаны но вормыны кулэ вал убирез, адямиослэн лузылэсь тушмонзэс. Со кулэ вал пазыгыны жильосыз но мозмытыны кулэ вал со жильыосы дуремтёсыз, нош со понна сётыны кулэ вал туж бадзым дун – Аслэсьтыз улонзэ. Со Ассэ адземпотостэм карыны но адямиос Со бордысь палэнскыны кулэ вал, Со кулэ вал луыны кайгуэз но висёнтьёсты тодйсь мурт. Со Ассэ вунэтэмтёс но Инмарен палэнтэмтёс радэ карыны кулэ вал. Со адямиослэн законтьёсты тйямзы понна быдэсак сöсыртылэмын но соослэн сьöлыктьёссы понна жугылэмын луыны кулэ вал. Со кулэ вал Инмарлэсь но адямиослэсь кусыпсэс тупатыны. Калыктьёслэн историязы Со луыны кулэ вал кусыпез Быдзым Радъясь. Со луыны кулэ вал Кивоштйсь. Со кулыны кулэ вал сьöлыкоос понна. Ваньзэ тае Со лэсьтыны кулэ вал Асмылкыдызъя.

Инмарлы тау каром – ваньмыз со озыи ик луоз! Вылй инбамысен адзиз Со космосэтй лобись музъеммес – шимес тусо, каргам, сьöлыкен азэм, адлы дасям музъеммес. Со адзиз тйледыз но, монэ но, сьöлыктьёс улэ губырскем, сьöлыко жильыосын дурем мугормес. Самой соку Со инбамын, Аслаз улон интыяз, решение кутйз. Туж уно кылчинтёс паймыса но гажаса йыбырттйзы Сола, куке кивалтйсьёслэн Кивалтйсьсы

но вань господаослэн Кузё-Инмарзы, Аслаз Кылыныз дуннеос кылдытыны быгатйсь маке султйз Аслаз вореkjъясь колесницяяз, потйз вылй инбамлэн чиясь капкаетйз но, пеймыт уе, кырзась кизилиос но кылчинъёс Сое данъясь кылъёс вераку, Иудея вадесэ вуыса колесницаысьтыз потйз но, чиясь дйсьёссэ куштыса, адямины пöрмиз!

Малпалэ ай, мынйськомы асьмеос сюрес вылтй но витыымтэ шорысь кузили муچه лёгиськыны шедьтйм. Учкысалмы уллане но шуысалмы кузилиослы: „Туж жалясько, тй вылэ лёгиськи шуыса. Мон куашкатй улон коркадэс. Тй мар карыны паймемын. Мынам туж вераме потэ, тйледыз яратйсько шуыса, улон интыдэс сöреме чик уг поты вал, мынам тйледлы юрттэме потэ“.

Та верамлы тй пумит луоды: „Кулэтэм уж со, лэсьтонтэм уж со, бен кузилиос верамдэс уг валало ук“. Бен, ужпум самой со бордын! Нош кыче умой луысал, кöня ке дырлы мон ачим кузилилы пöрмысал но соослэн кылынызы яратэме сярысь ке верасал!

Тйни самой озьы ик лэсьтйз Христос. Со лыктйз адямиослы Инмарез усьтыны. Со ик вераз, Инмар асьмемыз яратэ но улонмес радъяны тырше. Со ик вераз асьмелы Инмарлэн яратэмез но чидамез сярысь, гагамез сярысь. Со ик асьмелы чектйз дауръёслы улон.

Но со гинэ шат: Иисус Христос мугоро но виро луиз кулон понна. „Со лыктйз асьмелэсь сьöлыкъёсмес басьтыны“ (1 Иоан. 3,5). Христос „Аслэсьтыз лулзэ сётыса, троссэ мозмытон понна лыктйз“ (Матф. 20, 28). Солэн кулонэзлэн вужерез куамын куинь арес луытояз калыкъёс вадестй ветлйз.

Со уе, ку вордскиз Иисус Христос, убир куалектйз. Иисусэз со вордскем бераз ик виыны малпа вал. Куке Ирод вань пичи нылпиосты жугон сярсы указ гожтйз, со вал Христосэз виён сярсы малпам уж.

Музьем вылын вань улытояз Со огпол но өз сьолька. Со вал одйг гинэ адями, кудйз өз сьолька. Со, адямиос азе султуса, вераны быгатэ вал: „Кин тй пöлысь Монэ öрекчаськонын шарас поттоз?“ (Иоан. 8, 46). Тушмон уй но нунал Со сьöрын ветлйз, но сьöлыксэ шедьтыны өз быгаты. Со вал чылкыт.

Иисус Христос лачмыт улйз, кильтыръяськытэк. Со лы кулэ öй вал данъясь кылъёс но, вылтйяськон но. Со вордскиз гидын. Со улйз пичи гинэ Назарет городын. Со вал плотник. Ас котыраз Со кöня ке чорыгасьёсты люказ, собере соос өз ни люкиське Солэсь. Адямиос пöлын Со улйз адями сямен ик. Со өз возьматылы Аслэсьтыз мукетгес но вылйынгес луэмзэ, өз утча чебергес улон. Со Ассэ музьем вылын улйсь мукет адямиос сярсы унолыгес ултйяз.

Но адямиосты Со сыче быгатыса дышетйз, уноез Сое кылзйсьёс амалтэк вераллязы: „Огез но адями тазы өз вераськылы на вал, кызы Таиз Адями“ (Иоан. 7, 46). Котькуд верам кылыз Солэн история ласянь но, наука ласянь но, этика ласянь но шонер вал. Астэ кызы возён ласянь дышетоназ ваньмыз валамон. Солэн дышетыса верам кылыз чылкыт но улонэ кутымон вал соку но, Ачиз улыку, али но, котьку азыланяз но.

Солэн азыланезлы оскыса верам кылъёсыз туж шонересь. Со адзиз унозэ, мар вите азыланяз. Со лы пумитъяськисьёс йöспöртэм юангёсын сураны выризы Сое, но палэнэ кожытыны ноку но өз быгатэ. Туш-

монъёсызлы ответъёсыз валамонэсь но шонересь вал. Солэн верамез бере юанъёс өз ни кылдылэ, валэ-ктэмъёсаз мыдлань малпаськыны мугъёс өз ни кылы-ылэ, верам кылыз йыг-йыг оскымон вал. Со мар верамзэ тодйз но соин ик ноку өз дыректылы Ас кы-лъёсызлэсь. Огшоры калык Сое котьку шумпотыса кылзылйз. Котькуд кылыз туж мур пуштроем вал ке но, Со соосты огшоры валэктыны быгатылйз. Со сыће лөпкытйсь мылкыдын валэктыны быгатылйз соосты, тушмонъёсызлэн, кылзыкузы, вожзы поты-лйз. Огшоры улонлэсь туж мур проблемаоссэ со озыы валэктылйз, Сое кылзйсь сюресчиос амалтэк Со сьö-ры мынылйзы.

Иисус Христос бурмытылйз висисъёсыз, чутйсьё-сыз, лябземъёсыз но синтэмъёсыз. Со визьмаз шуио-сыз но улзйгыяз кулэмъёсыз. Со уллялляз убир-кыл-чинъёсты. Со буйгатылйз урмем инкуазез. Со лапко-мытылйз сильтөлъёсты. Со вайылйз каньыл мылкыд, шумпотон но оскон ваньмызлы, кин Сое кылзылйз.

Со ноку но өз тодылы кышканэз. Со ноку но но-кытчы өз дыртылы. Со өз тодылы шудтэм учыръёсты. Ваньмыз выросъёсыз Солэн лачмытэсь, дыртйсь-тэмесь но малпаса лэсьтэмын вал. Со котькыће учыре Ассэ кияз возыны быгатылйз. Со өз керзегъяськылы но өз сюлэмшугъяськылы Аслаз ужез понна.

Со кышкамтэ тусын сылйз Пилат азын но шуиз: „Вылысен тыныд сётэмын öй ке луысал, Мон вылын тынад но кычө но кужымед öй луысал; соин ик сьö-лык трочес со вылын, кин Монэ тыныд кутыса сөйтйз“ (Моан. 19, 11). Аяз сылйсь кышкам адыми-ослы Со шуиз, кылчинъёслэн быдэс легионзы, пе, Солэн киулаз.

Пу кирос доры Со мынйз йырзэ вылэ урдыва но чик кышкатэк, Со тодэ вал, али быдэсмос тямыв даурёс талэсь азыло Со сярывь верам кылгёс: „Вандыны дасям ыжез сямен Сое нуизы, ыжпиез чышкыку сямен Со куаразэ өз поттылы“ (Исаия 53, 7).

Со мынйз данэн, Аслэсьтыз Кинзэ тодыса, быдэстоно ужезлэсь кулэзэ валаса. Со лыктйз сьöлык адымиосты утыны. Со лыктйз Инмарлэсь вожптон мылкыдзэ сйятыны. Со лыктйз адымиосты убирлэн вузкаронысьтыз басьтыны. Со лыктйз пыраклы убирез вормыны. Со лыктйз, адлы но шайгулы пумит султыны. Ваньзэ тае Со лэсьтыны быгатысал одйг амалэн гинэ. Со азын одйг сюрес гинэ вал.

Солэн кулонэз сярывь верамын вал ини сюрс ар талэсь азыло. Нырысь ик, кызы тодйськомы, – Эдэмлэн садаз; со бере Иисус Христослэн улонэз но кулонэз сярывь верангёс даургёсын кыстйськызы. Авраам Солэсь кулонзэ адйиз ыжпиез вандон пыр. Израильысь калык но Солэсь кулонзэ ыжпи вандон пыр адйиз. Иудейёслэн алтарь вылазы вöсям вир кыстйськыку, сое лыдьяллызы Инмарлэн ыжпиезлэн виреныз, Кин лыктоз но ас вылаз сьöлыкгёсты бастоз. Давид Солэсь кулонзэ адйиз огаз азыпала учкон псалмаз. Исаия пророк аслаз книгаыз быдэс главаос гождяз, кызы Со виемын луоз.

Иисус Христос шуиз, Солэн, пе, Ас улонзэ сётыны кужмыз вань: „Мон гёч ыж возьмась: гёч ыж возьмась ыжгёсыз ионна аслэсьтыз улонзэ понэ“ (Иоан. 10, 11). Эшшо шуиз на: „Кызы кыр дуннеысен Моисей кыез жутэм, озы ик лёутйськемын луыны кулэ Адыми Пи но. Котькин но Сола оскысь медаз быры, нош быронтэм улонэз мед луоз шуыса“ (Иоан.

3, 14-15). Иисус Христос адзиз со киросэз, кудйз жутэмын вал дауръёслы. Солэн вордскемез дырысен вань дауръёсы Со тодйз, кулон нуналэз вуэ ни шуыса. Куке Со Девалэсь вордскиз, пу кирос солэн сюрес вылаз сылэ ни вал. Со адямилэн мугорызлы кельшно кариськиз, кулон понна. Кёкысен кирос дорозь – Солэн улон целез вал кулон.

Со курадзиз озыы, кызыы өз курадзы Со дорозь оgez но адями: факельёсын югдытэм Гефсиманской сад но отын ортчытэм уй, предательлэн чупамез, арестовать карон, первосвященник азын суд, каллен ортчись дыр, римской губернаторлэн дворецез, Иродлэн дворецаз выжон, Иродлэн лек солдатъёсызлэн Сое мыскыллямзы, Пилатлэн Сое утыны тыршемез, священникъёслэн но вожомем калыклэн Сое виыны косыса кесяськемзы, жугон, шимес куараосын кесяськись адямиос, Иерусалимысь Голгофае нуись сюрес, киосаз мертчись кортчогыёс, пыдьёсаз мертчись кортчогыёс, Солэн ымныраз тернлэсь тугоко, кыкнапал ласянь кык разбойникъёслэн ултйяса верамзы: „Мукетъёссэ утиз, нош Ассэ утыны уг быгаты!“ (Матф. 27, 42).

Куд-оgez адямиос юало, малы Христос сыче жог кулйз – куать час куспын гинэ, нош мукетъёсыз кирос борды кортчогамяёс курадзылйзы кык яке куинь нунал. Но Со Голгофае вуытояз курадзытэмын но тужляб вал ини. Сое кема жугизы, соин ик тазалыкез лябжэмын вал. Вунэтыны уг яра мукетсэ: та кулонэз Со бырйиз Ачиз, Со тодэ вал, ку Лулыз потыны кулэ.

Ошиськыса улйз Со гольык ин но музъем вискын. Сое жугизы, ымнырыз быдэсак вир луытозь. Со вылэ сялазы, вожомем адямиослэн дыльдыенызы мугорыз шобырскытозь. Но Солэсь өз кылэ одйг но кайгырон

яке курыськон кылзэ, Солэсь туж курадземзэ валазы огпол гинэ ваземысьтыз. Со шуиз: „Юэме потэ“. Вирыз бызиз но бызиз. Инмар кулыны косйз сьöлыко адымиез яке сое воштйез. Христос луиз сое Воштйсь. Архангел Гавриил но туж уно кылчиньёслэн легионьёссы инбамлэн дуртйз лобазы чилиась мечьёсын. Синмыныз гинэ ке но возьматысал Со соослы вожпонтонзэ, шузимем но вожомем адымиос соку ик адэ сэрпалтэмын луысалзы. Öз, кортчогъёс öз возе Сое, юн возиз Сое яратон, адымиослэн киосынызы думылэм гозыослэсь но юнгес возиз Сое курадзатйсь адымиосты яратон. „Инмар Аслэсьтыз яратэмзэ возьматэ асьме понна Христослэн кулэмез пыр, кукке асьмеос сьöлыкoesь вал на“ (Римл. 5, 8).

Тй понна! Мон понна! Асьмелэсь сьöлыкмес Со Ас мугорыныз кирос вылэ тубтйз. Кин ке шуиз: „Син азяды пунктэ Сое кирос вылын мыкыртэм йырыныз, Инмарлэсь люкиськем но чылкак огназ кылем мылкыдыныз, кудйз Ас сюлмаз басьтйз дуннелэсь сьöлыксэ но тй адзоды, кызы со, дуннелэсь сьöлыксэ Ас вылаз басьтэм мурт, Аслыз номыр но кулэ уг кары, нош Аслэсьтыз ваньзэ кузьманы дась соослы, киньёслэн интыязы Со али кортчогамын. Ми валаськомы со курадзонэз валэктыны быгатымтэмес, сое ми шöдйськомы гинэ, кызы быдэс мугормес басьтэ Солэсь кужымзэ но быдзалазэ гажан мылкыд, кукке кылйськомы Солэсь верамзэ: „Быдэсмиз!“.

Но Иисус Христослэн мугорыслэн курадзонэз зэмос курадзон öй вал на. Уноез адымиос Солэсь азьло но кулылйзы. Уноез адымиос но тазы ик курадзытэмын вал. Иисус Христос понна самой секыт курадзон вал духовной кулон. Сьöлыклен самой пыдэсаз вуыса,

вань куректонэз адзыса, куке Инмар Со палась берытскиз но Аслэсьтыз туссэ ватйз, Со кеськиз: „Инмаре мынам, Инмаре мынам! Малы Тон Монэ кельтйд?..“ Христос та кылъёсыз вераз чылкак огназ кылем бераз калыкъёслэн самой быдзым историзы вакытэ. Та кылъёслэсь луиз югыт, Солэн лулысьтыз югыт асьмелы пиштйз, со югыт асьмемыз мальдытйз, кызы со сярэсь шуэ Кемпбелль: „Одйг син но чиданы өз быгаты со югытэз“. Солэн та кылъёсыз верамын вал, кызы шуиз доктор Морган, „адями мед тодоз сое, кӧнязэ со улоньсь тодыны уг быгаты на“ шуыса.

Адями ноку но өз тоды, уз но тоды, кызы со вал пеймыт гуын. Мон тодйсько огзэ гинэ, Со мынэсьтым съӧлыкме Ас мугорыныз кирос вылэ нуиз.

Со, съӧлыкез тодйсьтэм, асьмелы луыса съӧлыке пыриз, Со пыр асьмемыз Инмар простить кароз шуыса. Кирос вылын Со Ачиз луиз съӧлык. Солэсь Инмар палэнскиз. Съӧлыкез Со Ачиз уг тоды вал бере, Ас вылаз басьтэм курадзонлэн дуныз соин ик туж бадзым, кудзэ асьмеос дунъяны но ум, дыр, быгатэ, бен со курадзытон Сола чакламын ой вал ук. Нош съӧлыкез Ас мугораз басьтыса, Со вылй дунъет кылдытйз шуиськом бере, кудйз Сола чик кулэ но ой вал, кинлы бен малпаса лэсьтйз со дунъетэз Христос?

Адями ноку но уз тоды, кызы кылдйз со туж пеймыт но мур гуын. Тодйсько огзэ гинэ: Со мынэсьтым съӧлыкъёсме Ас мугораз кирос вылэ нуиз. Со сылйз отын, кытын сылыны кулэ вал мон. Со секыт курадзонэз адзыны кулэ вал мон, нош Со сое Ас вылаз басьтйз, соин ик табере мынам мынэме луэ инме но басьтэме луэ сое, мар мыным вуэ, но только мынам өвӧл ук со, ваньмыз со – Солэн. Вуж Сйзёлэн ваньыз

верамъёсыз табере зэмазы. Священникъёслы кулэ уз ни луы арлы огпол Святойёслэн Святой интыязы пыраны. Солэн Ас мылкыдызъя кулоназ адзиськиз зэмос курадзон, кин ке понна астэ сётон, кинэ ке утён но „кызы адымылы огпол кулыны кылдэмын, нош собере суд, озы ик Христос но, огпол Ассэ кулонлы сётыса, мукетъёслэсь съёлыксэс вылие жутйз (Евр. 9, 27-28).

Табере утёнлы кутскон сётэмын бере, котькудйз съёлыко мурт огзэ гинэ валаны но лэсьтыны кулэ – Инмарлэн Пиезлы оскыны, тйни соку со Инмарлэн дуннеяз улоз. „Инмар, дуннеез яратэменыз, Аслэсьтыз Пизэ өз жаля, котькудйз Солы оскись медам быры но солэн быронтэм улонэз мед луоз шуыса“ (Иоан. 3, 16).

Христосэз пу кирос вылэ кортчоганлэсь мон адзисько куинь пуштроссэ: нырысь ик, АДЯМИЛЭН СЪÖ-ЛЫКЕЗЛЭСЬ мурдалазэ эскерон. Эн пыкылэ Христос вакытэ улэм адымиосыз, кинъёс Сое кирос вылэ кортчогазы. Тй но, мон но янгыш. Öz кортчогалэ Сое Римской солдатъёс пу киросэ, муг луиз тйляд съёлыкты, малы Со быръёно луиз собере Аслыз сыче кулон.

Кыкетйез, кирос вылэ кортчогананысь мон адзисько Инмарлэсь котьма ласянь ЯРАТОНЗЭ. Уд ке оскиське Инмарлэн яратонэзлы, учке ай туж мур малпаськыса Голгофаынь кирос шоры – соку тй валалоды Инмарлэсь яратонзэ.

Куинетйез, кортчоган – со ОДИГЕЗ ГИНЭ УТЬЫНЫ СЮРЕС вал. Иисус шуиз: „Мон – сюрес но, зэмлык но, улон но; Атае доры мынозы Мон пыр гинэ“ (Иоан. 14, 6).

Но кычѣ луонлык ѓвѓл сѓѓлыклась мозмыны, ѓд ке вала, Христослѣн со ѓвѓл, со тынад интыед кирос вылын шуыса. Асьмемыз утыны мукет сюрес ке лусыал, со шедьтысал сое. Мукет ласянь, улонмес умятыса яке кычѣ ке мукетыз нравственной улон утысалыз ке асьмемыз, Иисус Христослы кулѣез но ѓй луысал кирос вылѣ сѣтѣськыны. Но асьмемыз Воштѣсьлы кулѣ вал асьмелѣн интыямы султыны. Адямиос уг ярато та сярсы вераськыны, соос уг ярато та сярсы кылзыны, малы ке шуоно, со соосыз ултѣя кадь потѣ.

Уноез адямиос шуо: „Мон утиськыны уг быгаты шат, шонер но быгатыса ке улѣсько, Христослѣс валѣктѣмѣссѣ ке чакласько, Солѣн дышетѣм улонѣзѣя ке улѣсько?“ Котькызы ке но Христослѣн валѣктѣмѣзѣя улѣды, тѣ сѓѓлыко адямиен кылѣды. Тѣ одно ик уллане усѣды, малы ке шуоно, нокинлы но ѓз кылды на вордскем дырысеныз кулытояз Иисус Христослѣн дышетѣмѣзѣя улыны. Тѣ одно ик ку ке но янгышаллямды, законѣз тѣяллямды, ѓд кылзѣськылѣ, сѓѓлыкады. Мар бен карыны малпаськоды со сѓѓлыкеныды? Со лы одѣг гинѣ сюрес – сѓѓлыкѣѣстѣс ваѣно кирос доры но отын проститѣ карон кыл куроно.

Уно арѣѣс талѣс азыло король Карл Пятѣй Ант верпен городыс одѣг купецлѣс пунѣмен бадѣым коньдон куриз. Векселез берыктон дыр вуиз, но самой со дыре король чылкак номыртѣк кылиз но пунѣмзѣ тырыны мѓѣз ѓй вал. Корольлы сѣзбыса, купец туж бадѣым юон ортчѣтѣз. Ваньзы куноос люкаськем бере, сиѣн-юонѣсты жѓк вылѣ пуктылѣмлѣс азыло, купец косѣз король азе тѣркы пуктыны но отчы сюсьтыл жуатыны. Собере, кисыысьтыз вексель поттѣз,

сое сюсьтыл вылын возиз но пеньлы пӧрмытӱз. Соку король утисьсэ ӱгыртӱз но шумпотэм синкылиоссэ ӱшылӱз.

Самой тазыы ик асьмеос Инмар азын пунэме пыремьн. Пунэммес берыктон дыр вуэмын, нош коньдонмы ӧвӧл. Кык сюрс ар талэсь азыло, кирос вылын туж курадӱыса, Христос-Инмар быдтӱз тынэсьтыд но, мынэсьтым но сӧлыкмес, берпум янгышмы ышытозь.

Библия вера: „Ваньмыз сямен законъя чылкытатӱське вирен, вир кисьтӱськытэк простить карон но уг луы“ (Евр. 9, 22). Уноез адямиос шуылӱзы мыным: „Макем кипырмес ук та! Малы милемыз оскытыны выриськоды, вире выем религия вань шуыса?! Мукегӱсыз паймылӱзы но шуылӱзы: „Мон уг валаськы, малы Инмарлы вир кулэ?“ Тазыы верасьӧсыз но вал: „Мон нокызы но уг валаськы, малы мон понна Христослы кулоно вал?“ Асьме вакытэ Христослэн вир кисьтэмез сярись вераськон туннэ нуналлы уг ни тупа шуо, со, пе, вужмиз ини, соин но, лэся, унояз проповедьӧсын та сярись кылпум уг но поттыло ни, озыы ке но со малпан вань ук. Со сярись верамын Библиын. Христианстволэн со самой шорсюлмыз луэ. Христианстволэн мукет религиослэсь аспӧртэмлыкез луэ ӱапак Христослэн курадӱыса сӧтэм вирез. Сотэк асьмеос утемын ум луэ. Вир – со Христослэн кулон пусэз но тусыз.

Библия дышетэ, Иисус асьмемыз утиз Аслаз вирыныз: „Зарниен но азвесен утемын ӧвӧл тӱ та огырбугыр улонлэсь, тӱ утемын Христослэн туж дуно Вирыныз, ыжпилэн сӧлыктэм но чылкыт вирыныз выллем“ (1 Перт 1, 18-19). Асьмеос убирлэн кийсьтыз

гинэ мозмытэмын өвөл, асьмеос мозмытэмын законлэн кийсытыз. Христослэн кулэмез мозмытэ монэ законлэн властез улысь. Закон мыным приговор лэсьтйз, нош Христо быдэсак дун тыриз. Музьем вылысь ваньмыз зарни но азвесь, ваньмыз туж дуно изьёс ой утысалзы монэ. Самой тйни соослэсь быгатымтэзэс быгатйз Иисуслэн кулонэз. Утён со „дунен басытэм“ луэ. Асьмеос дунтэм дунын вузамын вал убирлы, но иисус Христос утиз, „дунэн басытйз“ асьмемыз.

Кыкетйез: вир асьмемыз МАТЭ КАРИЗ Инмары. „Табере, Иисус Христослы азьвыл кыдёкын палэнын уйсьёс, матэ луиды Христослэн Вирызлы“ (Ефес. 2, 13). Куке асьмеос палэнын вал Израильлэн улоньсытыз, палэнын вал жеч улонэз сйзёнлэсь, ой вал осконмы но ас дуннеямы Инмартэк уймы, Иисус Христос асьмемыз Инмарлы матэ кариз. „Озыең, нокыче курлан интызы өвөл ни соослэн, кин Иисус Христосын“ (Римл. 8, 1). Сьольклясь утем адями уз адзы ни Вылй Инмарлэсь Судзэ. Христос со судэз Ас вылаз басытйз ни.

Куинетйез: вир кылдытэ ог-огед куспын ТУПАСА УЛОН. „Соин валче ваньмыныз кусыптэ тупатон, Со пыр, Солэн Виро киросэз пыр, ваньзэ либатон но радъян, музьем вылысьсэ но, инмысьсэ но“ (Кол 1, 20). Та дуннемы ноку но уз тоды тупанэз-радъянэз, өз вала ке со сое Иисус Христослэн кортчогам кирос дораз. Тй ноку но уд валалэ Инмарен дуннеез, визь дуннеез, лул дуннеез, астэ чылкытатон мылкыд дуннеез, өд лыктэ ке тй кортчогам кирос улэ но өд вазиське ке Христослы. Отын гинэ Инмарез умой-умой валан инты.

Нылетйез: вир ОПРАВДАТЬ КАРЕ. „Соин ик, тужгес но та вакытэ, Солэн вирыныз оправдать каремын луимы ке, Со асьмемыз утёз“ (Римл. 5, 9). Та ве-

рам кылъёс адымилэсь Инмар азын луэмзэ мукетгес каро, вошто. Со луэ янгышам понна пунэмзэ берыктонлэсь ортчэмзэ вунэтыса чебер улонэ нырысетйез вамыш. Простить карем съöлыко вунэтыса чебер улонэ нырысетйез вамыш. Простить карем съöлыко адымиез уг яра ёшатыны тюрьмаысь лэзем муртэн, кудйзлы сётэмын öвöл гражданстволэн правоосыз. Иисус Христослэн вирыныз простить карем съöлыко адыми аслэсьтыз правооссэ быдэсак басьтэ. „Кин обвинять кароз на Инмарлэсь адымиоссэ? Инмар соосты оправдать каре. Кин пыкылэ? Христос кулйз, но улзиз. Со ик Инмар понна, Со ик тырше асьме понна“ (Римл. 8, 33-34).

Витетйез: вир ЧЫЛКЫТАТЭ. „Асьмеос ветлйськомы ке югыт азытй, кызы Со ветлэ югыт азетй, ог-огенымы кусып возыны ке быгатйськом, Иисус Христослэн вирез чылкыт каре асьмемыз пöртэм съöлыкъёслэсь“ (1 Иона. 1, 7). Съöлыклен кыче ке люкетызлэсь гинэ уг чылкытаты Со, котькыче съöлыкленэсь быдэсак чылкытатэ. Ку ке алдаськыса верамед-лэсьтэмед, кырось ужед, ултйяськемед, лек малпанэд – ваньмыз соос чылкытало Иисус Христослэн кулэменыз.

Кöня ке ар талэсь азыло Лондонын огаз приёме люкаськызы туж уно тодмо адымиос, соос пöлын вал со вакытэ тодмо проповедник Милан. Одыгез лыктэм кышномурт чебер кырза вал, ачиз ик роялен шудэ, ваньмыз люкаськемъёс паймыса кылзо сое. Кырзанзэ йылпумъям бераз проповедник со доры лыктйз но каньылак вераз: „Кылзй мон тйледыз но малпай, кыче юрттысалды тй Христослэсь ужъёссэ вöлмытыны, асьтэлэсь таланттэс Солы ке сйзысалды. Тодйсь-

коды-а, Со азын тй сыће ик сьёлыко луиськоды, кыће луэ канаваын погыляськись тордос яке горд фрҕонарь улын сыйсь костаськись кышномурт. Но мон шумпотйсько, Иисус Христослэн, Инмарлэн Пиезлэн вирыз чылкыт каре тйледыз котькыће сьёлыктьёслэсь.

Егит кышномурт проповедниклэн та кылъёсызлы чутрак пумит луиз. Но проповедник шуиз: „Сударыня, мон ой малпа вал тйледыз ултйяны. Инмарез курисько, Солэн Лулыз мед валэктоз тйледлы“.

Приём бере ваньмыз гуртазы бертйзы. Егит кышномурт кёлыны выдйз, нош умме усьыны уг быгаты. Солэн син азяз проповедниклэн тусыз, пеляз кылйське солэн куараез. Собере, кык часын уин султыса, кияз карандаш но кагаз басьтыса, синкылиен пыласькыса, со егит кышномурт, кинлэн нимыз вал Шарлотта Эллиот, гождьяны кутскиз аслэсьтыз туж тодмо кылбуръёссэ:

Вань улонэд но пось вирыд,
Кудзэ кисьтйд кирос вылын,
Өтем кылыд, тынад тусыд, –
Христос Атай, ваньмыз мыным.

Кыће мон вань – синтэм, сютэм,
Сюрс сьёлыклэсь люкиськисьтэм,
Оскон вылысь, утён вылысь,
Христос, мон котьку тонэныд.

Но та ваньмыз өвёл на. Асьмеос ум кельтйське Христосэз, Кудйзлэн киостйз но, пыдъестйз но, кёт урдэсьестйз но вир вия. Со кирос вылысь басьтэмын

но коросэ понэмын. Солэн гробницаяз пырон азе бад-
 зым из понэмын, стража пуктэмын. Быдэс суббота
 нуналэз Солэн дышетскисьёсыз куректыса ортчыто.
 Кыкез соос пöлысь Эммаусэ мыныны потйзы ни.
 Ваньзы соос туж кышказы. Зардон азын, Быдзым
 нуналлэн чукнаяз, Мария Магдалина но Саломия
 гробница доры лыктйзы кулэм мугорез миськыны
 шуыса. Лыктйзы но паймизы – гробница буш. Корос
 азын сылэ Кылчин но юа: „Кинэ тй утчаськоды?“
 Соос шуо: „Ми утчаськомы Назаретысь Иисусэз“.
 Соку Кылчин соослы вера сыче шумпотымон иворез,
 кудзэ ноку но өз кылэ на вал дунне вылын уйлсь
 калыктьёс: „со татын өвёл. Со улзиз!“

Та туж бадзым луэм учырын – Инмарлэн утён пла-
 нэзлэн быдэсак пуштросэз. Улзытэк ой луысал сьö-
 лыклэсь утён. Иисус Христос уно пол вералляз Аслаз
 улзöнэз сярись. Огпол Со шуиз: „Кызы Иона кит
 чорыглэн пушказ куинь нунал но куинь уй улэм, озыи
 ик Адыми Пи но музъемлэн сюлмаз куинь нунал но
 куинь уй улоз“ (Матф. 12, 40). Озыи ик, кызы Со
 вераз вал, озыи ик Со улзиз!

Историйсь ортчем учыртьёсты валэктыны юрто
 историлэн аслаз ик валэктыны быгатйсь законтьёсыз.
 Иисус Христосэн луэм учырез валэктон понна но кулэ
 луо сыче оскымон доказательствоос, кудьёссэ лэсь-
 тыны кулэ вал Соин чöш улэм оскымон адзисьёсыз.
 Иисус Христослэсь улземзэ адзисьёс уногес, Юлий
 Цезарьлэн улэмез сярись яке Александр Великий
 куамын куинь аресын кулйз шуыса верасьёслэсь.
 Паймымон, историктьёс сюрс учыртьёсты вералозы, но
 соос, озыи ке но, туж осконтэмесь. Соин ик Иисуслэн
 визьмез поромытйсь улземез сярись учыр историкъ-

ёслы осконтэм мылкыд кылдытэ. Но та оскисьтэм адымиос оскымтэенызы ик жалесь. Соос уг оско Библиялы!

Улзон – со возматэ, Христос Инмар вал шуыса. Со вал Со, Кинэн Со Ассэ лыдяз. Инмар но Христос – одйг Духысь.

Кыкетйез: со возматэ, Инмар умоен лыдяз калыкез утён понна Солэсь кирос вылын кулон планзэ. „Кудйз Ас улонзэ сётйз асьмелэн сьöлыкъёсмы понна но улзиз асьмемыз утён понна“ (Римл. 4, 25).

Куинетйез: калыкъёслы со оскон сётэ зэмлыко суд луонлы.

Нылетйез: со возматэ асьмелэн мугормылэсь но улземзэ. „Христос улзиз кулэмьсь, нырысез кулэмьёс пöлысь“ (1 Кор. 15, 20). Священной Писание дышетэ асьмемыз, христианъёсыз, асьмеос кулйськомы ке, мугормес сие вато, но со мугормы султоз кулэмьёслэн быдзым улзон нуналазы. Соку кулон быдэсак вормемын луоз. Христослэн улжемын валче кулонлэсь таламын виись шиез, нош Христослэн кияз луиз кулонлэн усътонэз. Со шуиз: „Мон нырысетйез но берпуметйез улземъёс пöлысь; кулэмын но вал, нош табере дауръёсын уло, аминь; мон кийн адлэн но кулонлэн усътонзы“ (Откр. 1, 17-18). Христос кыл сётйз: „Мон улийско уго, тй но улоды“ (Иоан. 14, 19).

Витетйез: со возматэ, кулон вормемын шуыса. Кулонлэн властез таламын но тйямын вал, кулонлэсь кышкан быриз. Табере асьмеос вераны быгатйськомы псалмез кырзасен ёш: „Мон мынй ке но кулонлэн вужереныз артэ, уг кышка солэсь, малы ке шуоно, Тон монэным артэ; Тынад осконэд – мынам осконэ“ (Псал. 22, 4).

Христослэн улэменыз валче Апостол Павел туж шумпотыса витиз аслэсьтыз кулонзэ. Со шуиз: „Мы-нам улонэ – Христос, нош кулонэ – шедьтэм маке“ (Фил. 1, 21).

Христос өй ке улэысал, өй луысал азыланезлы оскон. Библия вера, вуоз, пе, сыче нунал, ку асьмеос пумиськомы Улзем Христосэн, соку асьмелэн но мугормы Солэн кадь луоз.

Ваче ымныр пумиськи ке Утисен,
Мар луоз соку монэн?
Мед мугоры кулоз Аяз,
Кин Ачиз кулйз вал ми понна.
Нош инбамын Соин мон пумисько ке нош,
Адзо Солэсь дано быдзым туссэ!

Тямыстй глава

КЫЗЫЫ НО МАР БОРДЫСЕН КУТСКОНО?

„Шуиз: зэм ик верасько тйледлы, өд ке берыктйське, пичи пинальёс кадесь өд ке луэ, Ин Эксэйлыке уд пыре“.

Матф. 18, 3

Асьмеос аджймы, инкуазьлэн аслаз законтьёсыз вань но соос асьмемыз уллане, пудоослэн улоназы кыско шуыса, соос сурало визьмес, лекомыто сяммес, ляб-зыто кужыммес, соин валче асьмеос асьмелэн ик умойтэм лэсьтэм ужмы понна кыл кутано луиськомы.

Инмар святой, Со тодэ кинлэсь кызыы кылзэс юаны. Со уг чида сьöлыкез. Сьöлык люке Инмарен но Солэсь йыркурзэ берыктэ. Адями ыштйз Инмарез котыр ласянь – мораль ласянь но, малпаськон ласянь но, духовной улон ласянь но. Соин ик адями öз ке шедьты Со доры сюресэз, со ноку уз шедьты Инмарез.

Инмар доры берыктйськон сюрес – со огшоры вераськон кыл öвöл. Инмар доры сюресэз тй асьтэос малпаны но лэсьтыны уд быгатэ, малы ке шуоно, адямилэжн малпанэз Инмарлэн малпанэзлэсь туж сюбег, вылаз ик адями мугорын кылдэм валан но малпан Инмарлы тушмон выллем луэ. Тй уд шедьтэ Инмар доры сюрес Сола йыбыртъяса, малы ке шуод,

адями, Инмарен ёошатыса, куалектйсь, кытчы ке дыртйсь, керетйсь. Асьтэдыз котыр ласянь умой карыны тыршиды ке но, Со доры сюрес уд шедьтэ, тй уго саптаськемын ини съёлыкен.

Соин ик йырамы амалтэк таёе юан кылдэ: мар бен мыным кароно? Мар бордысен кутсконо? Мар нырысь ик кароно? Кыёе сюрес нош ик вуттоз Инмар доры? Инмар доры нош ик вуттоз огез гинэ сюрес – со сярыйсь Иисус Христос шуиз: „Ёд ке берыктйське, пичи пинальёс кадь ёд ке луэ, Ин Эксэйлыке уд пыре“ (Матф. 18, 3). Озыен, Иисус Христос доры берыктйськыны луоз, Солы куриськонэн вазиськыса гинэ, озы гинэ ыштэм оскондэ шедьтод. Тйни мар бордысен кутсконо – Солы куронэн вазиськыса!

Вань уно адямиос, кудъёсыз сурало Солы вазиськонэз законъёсты чакланэн. Моисейлэн законэз Библиын сётэмын аспёртэм кылъёсын, солэн малы сйзеез туж валамон верамын. Со сётэмын ёвёл улонысьтымы ваньзэ кырсьсэ быдтон эмъюм выллем. Со кельшегес кырсьсэ возматйсь, кыре поттйсь эмъюмлы, нош кызы со кырсьсэ эмъяно, котькудйз ачиз мед малпаськоз. Библия шуэ: „Но асьмеос тодйськомы, закон мар ке сярыйсь вера ке, со ас пуштросысьтыз потйсьсэ сярыйсь вера, озы бере, сое мыдлантьйсьёс луыны кулэ ёвёл, озы ке ёз луы, быдэс дунне Инмар азын янгыш луоз“ (Римл. 3, 19). Закон шараяз адямилэсь умойтэм лэсьтэмзэ, та пумысен Библия шуэ: „Закон ас бурд улаз уз басьты Со азын съёлыкам мугорез“ (Римл. 3, 20). Законэз гинэ чакласа Инмар доры уд берытскы. Библия шуэ: „Закон бордысен кутске съёлык“ (Римл. 3, 20). Закон со адямилэсь кызы воземзэ возматйсь синучкон. Со пыкылэ, но

Инмар доры уг берыкты. Со косэ, но уг вошты. Со чиньыеныз возьматэ, но уг лйяты-буйгаты. Законьын улон өвөл. Отын кулон гинэ, бен закон ачиз вера ук: „Тон кулыны кулэ“.

Вань адымиос, кудъёсыз шуо, милям религимы, пе, Нагорной проповедь, но өз вордйськы на сыће адыми, кудйз мед улысал Нагорной проповедъя гинэ. Библия шуэ ук, „ваньмыз съольказы но Инмар соосты палэнтйз“ (Римл. 3, 23).

Учке ай асьтэос шоры умойгес, ваньмыз-а тйляд умой лссьтэмын, Инмар доры берытскыны кулэз өвөл ни шуиськоды ке? Мург есэскере сьулэмдэс, со бере гинэ вералоды, берытскон понна религиозной вазиськон мукетъёслы кулэ, нош тйледлы со нокыће пайдэ уз сёты.

Голливудэ огпол проповедь лыдзыны отизы монэ. Тйни соку көнязе ке киноартистыёс валэктыны курыса вазиськызы, мар со религиозной переживаниос. Валэктэм берам, нырысь ик юанзы кылдйз: „Мар со Инмар доры берытскон?“

Көнязе дыр ортчыса, Вашингтонысь политической деятельёсын пумиськоно луиз. Дискуссия бере нош ик сыће юан: „Мар со берытскон?“

Котькуд университетын яке колледжын со ик юан: „Мар со Инмар доры берытскон?“

Та юанлы туж уно, дыр, валэктонъёс, религиысь мукет юанъёслы сярысь. Мар бен со Инмарлы куро-нэн вазиськон но Со доры берытскон? Мар отчы пыре? Кызы сое быдэстоно? Кыће пайда сётоз со? Малы тйледлы, Инмысь Царствое сюрон понна, Инмарлы вазиськыны кулэ?

Берыктйськон кыллэн пуштросэз асьмелы кыће ке

валантэм мае өвөл. Тодйськомы, кылсярысь, кызы купец, аслэсьтыз товарзэ вузан понна, басьясьёслэсь сюлэмзэс ас товарез пала БЕРЫКТЫНЫ тырше. Реклама бордын вырись но тодэ, кызы БЕРЫКТОНО басьяськисьёсты соиз яке таиз товар доры. Асьмеос вераськомы соиз яке таиз политической деятель сярысь, кудйз азьвыл политической учениезлэсь куштйськыса, мукет политической учение выжиз, таиз пала БЕРЫТСКИЗ. Берлөез война вакытэ туж уноез предприятияс ож тйрлык лэсьтонэ выжизы.

Зэм но, берытскон шуэмлэн пуштрөсэз возматэ: „воштйськон „, „малпандэ воштон“, „берлань берытскон“ яке „нош ик лыктон“. Религийн сое умойгес луоз тазы валэктыны: „каяться кариськон“, „өпкелён“, „вильдйськон“ „зеч кыл кылон“, „вералы оскон“, „аслыд ачид осконэз юнматон“.

Тодам лыктэ одйг алкоголиклэн мон доры лыктэмез но шуэмез: „Мистер Г., мон уг оскиськы, верамалды мар ке оскымонэз, шонерез вань шуыса, но мон шөдысал Христостэс, өжытак ке но Со мыным тйляд верамды сямен лэсьтысал ке. Соку мон тй доры лыктысал но вань улонме Сола сётысал“.

Көня ке арня ортчыса, со мыным шуиз, уг, пе, валаськы, мар монэн луэ, но юыны кутскыкуз, пе, сое кин ке дугдытэ кадь. Христос солэн кияз сётйз умойэм сямзэ быдтон ключ. Со берытскиз семьяяз но табере улэ Христос понна. Мукет сямен вераса, улонэз солэн быдэсак воштйськиз, со шедьтйз мукет сюрес, – со БЕРЫТСКИЗ!

Берытсконлэн тусыз туж уно пөртэм. Солэн сюресэз кылдэ адямилэн сямызлэсь, солэн мылкыдызлэсь, котырысьтыз улонлэсь но азьвыл традициослэсь.

Инмарлы берытскон ём дыръя бадёым куректон вакытэ луэ; со дуыны быгатэ, кыће ке йылолэз, узырлыкез, матысь адымиез ыштыку. Пиосмурт яке кышномурт, асьсэлы узырмыны кыл сёто ке, жутйськыны малпало ке общественной улонлэн пагзаётйз яке вань сюлэм пöсьсэс кинэ ке яратыны сйзё – ваньзэ тае ыштонлэсь кышкало, ваньмыз со соослэн азылане улонлы осконзы вал.

Самой со секыт вакытаз, куке адыми ыштэ аслэсьтыз осконзэ, самой соку со вала дунне вылэ огназ кылемзэ. Самой со вакытэ Святой Дух солэн синмысьтыз возъетсэ куштэ но улон шоры чылкыт синмын учкыны луонлык кылдытэ. Со соку адзэ, зэмос кужымез шедьтыны юрттэ Инмар гинэ, Со гинэ кузьманы быгатоз яратонэз но утёнэз.

Инмар доры берытскон луыны быгатэ улонын ваньмыз туж умой дыръя но. Инмарлэн Аслаз жечмылкыдыз гинэ тйледлы валаны юрттоз, тй Инмарен улйськоды шуыса, тйни самой со валан тйледыз вуттоз Инмарлы йыбырттонэ.

Та вакытэ Инмарлы берытскон ём дыръя туж секытэн сётйське, адымилэн мылкыдыз соку кытчы пырон инты уг шедьты. Соку адымилэн мылкыдыз язычниклэн мылкыдызлы кельше, куке пулэсь яке излэсь вöлэм языческой инмарлы осконэз Иисус Христослы осконэ берыктйське.

Инмарлы берыктйськон одно ик уг ортчы чилектэм кадъ жог, одно ик лулэз со туж жог уг югдыты. Вань сыће берыктйськонъёс, кудъёсыз адымилэн сюлмаз кема дыр чоже гыбдаса улзö, адыми пушкын кужмо нюръяськон нуо. Уноез адымиос кема малпаськем беразы гинэ Инмар пала берыктйсько. Та дыртытэк но

малпаськыса берыктйськон мургес луэ, со Инмарен ваньзэ умой-умой эскериз но кенешиз, шуыны луоз.

Соин ик берыктйськон, одйг ласянь, туж жог ортче, бадзым куректон яке шумпотон вамен, куке Инмарлэн яратонэз чилектэм кадь пиштэ; мукет ласянь, берыктйськон кузь малпаськон сюресэз ортче, соку гинэ адями пеймытэз югытлэсь люкись гожез вамыштэ, кулонэз но даурёсын улонэз валаны кутске.

Но таиз но берытскон одно огкадь сюресэз уг ортчы. Мынам кышное, кылсярысь, уг ни тоды со нуналэз но со часэз, ку со христианской сюрес вылэ султйз вал, но со тодэ, сыће вакытэз солэн вал, куке христианство выжон гожез вамыштйз. Уноез егит адямиос, кинёс христианской семьяосын будйзы но христианской воспитаниез тодо, соос улонзэс Христослы сыће-сыће дыре сётйзы шуыса уг ик верасько... Мукетёсыз нош зэм но умой тодо, ку соос Инмарлы оскыны кутскизы. Выль Сйзёнын берытскон ласянь шуэмын, со, пе, зэмзэ но кылдэ витыымтэ шорысь, кыће ке паймымон учыр бере.

Уно аръёс ёже берытскон но религиозной опыт психология ласянь эскеремын ой вал, но берло кызь вить аръёсы психологёс уно гинэ исследованиос ортчытйзы Инмар доры берытсконъя. Соос возматом, берытскон со христианинлэн гинэ переживаниез өвёл, сыће мылкыд луыны быгатэ котькуд религие пырисен, нош эшшо но паськытгес ке учконо, сыће мылкыд кылдэ религиен герзаськымтэ адямиосын но. Исследовательёс-психологёс таёе огъя кылэ вуизы: берытскон, пе, ортче куинь стадиез. Нырысез аслыд ачид осконтэмез но олань-талань, озыы но тазыы малпаськыны кутсконэз; кыкетйез – со осконтэм мал-

паськонлэн берпум гож дораз вуон; куинетйез – капчияк луон, мылкыдлэн шумпотонэз но мае ке кема утчам бере шедьтэмлы паймон.

Старбек шуэ, берытскон, пе, кык ласянь луыны бугатэ. Нырысез, аслэсьтыд сьöлыктэ туж ке шöдйськод, мукетыз – аслад улонэдлэн кельшымтэез но чылкыт улон но духовной просвещение понна нюрьяськон.

Берытсконлэн психологической исследованиосызлы кулэезъя дуньет сётэмын öвöл на. Асьмелы соослэсь палэнскыны уг яра. Соос унозэ валантэмзэ усьтыны быгатозы асьме азе, но только кöняез ке гинэ психологёс валэктыны басьтйсько библейской берытсконэз, со огшоры гинэ переживание öвöл, со Инмарен герзаськем переживание шуыса.

Нош умой-умой ке чаклано, библейской берытскон ортче огез бöрссы огзэ куинь сюресэз – кыкез соос пöлысь активной луо, куинетйез пассивной. Активной берытсконэ пыро ас сьöлыктэ валаса куректон но оскон. Сьöлыктэ валаса куректон луэ берытсконлэн нырысь вамышез, азьвыл улонысь кошконлэн кутсконэз. Оскон возматэ берытсконлэсь малэсьтэмзэ, Инмар пала берытскемез. Куинетйэз – пассивной сюресэз адями вамыштэ ни выльмем, Инмар пала пыраклы берытскем безаз.

Инмысь Царствое пырон понна, шуиз Христос, тйледлы берытскыны кулэ. Мон уг вераськы сое – сое вера Иисус Христос. Адямилэн верамез öвöл со – Инмарлэн верамез! Иисус Христос шуиз: „Öд берытске ке, öд ке луэ нылпиос кадь, уд пырелэ Инэксэйлыке!“ (Матф. 18, 3).

Зэмос берытскон быдэсак басьтэ ВИЗЬМЕЗ но,

МАЛПАНЭЗ но, КУЖЫМЕЗ но. Сюрсьёсын адымиос визьмынызы берытскемын Инмар доры. Соос быдэсак оско Библиялы. Соос оско Христослы но, нош Со доры быдэсак берытскемын өвөл на.

Иоаннлэн Евангелиезлэн кыкетй главаяз гожтэмын, кызы суюсын адымиос Иисус Христос сёры вамыштйзы, Солэн дышетэмезлы оскыса. Текстын шуэмын, уоез оскизы Со, но Иисус Христос Ассэ быдэсак өз сётылы, Со тодэ вал уго сёобраз мынйсьёслэсь мылкыдзэс. Малы бен Со өз оскы соослы? Малы ке шуоно, Со тодйз, соос суюмынызы өз, визьмынызы гинэ оскизы Со.

Визьмын но суюмын осконлэн пёртэмлыксы бадзым. Суюмын оскон – со быдэсак берытскон, со лулэз утён луэ. Асьмелэн визьмы но малпанмы быдэсак воштйськемын но Христосэз аслад каремын луыны кулэ.

Вань туж уно адымиос, кудьёсыз шөдо мылкыдзылэсь бугырьяськемзэс но сое Христос доры берытскемен лыдъяло, нош со сыче берытскем чик но өвөл на. Иисус Христос быдэсак берытскемез кулэ каре, нош тйляд улонды уг ке тупа тйляд чаклам опытэныды, тй соку ик валаны кулэ, опыты шонер өвөл шуыса! Бен, бен, тй пушкын быдэсак ма ке но воштйськон луыны кулэ. Лыктйды ке тй Христос доры, соку уго со воштйськон герзаське яратонэз но адзонтэм каронэн: тй адзонтэм кароды сёлыкез но яратоды зэмлыкез. Ваньмыз тйляд малпангёсты воштйськозы. Христослы осконды пьдэстэм луоз. Сое яратон мылкыдэз номырин уд чошаты.

Но тйляд Христослы кыл вылын гинэ осконды но шөдонья опыты-со туж өжыт на. Быдэсак воштйсь-

кыны кулэ мылкыддылэн кужымез! Тй доры лыктыны кулэ Христослы быдэсак оскон но Со съоры мынон мылкыд. Инмарлэн кужымез быдэсак вормыны кулэ тйляд мылкыддылэсь кужымзэ. „Мон“ шуонды кортчогамын луыны кулэ кирос борды. Ваньмыз тйляд Инмарлэн мылкыдызлы тупамын луыны кулэ.

Инмар доры берытскон дыръяды тй сылйськоды ке кирос азын, Святой Дух валаны юрттэ съолыкъястэс. Со вуттэ тйлесътыд оскондэс Христос доры, бен со тй понна кулйз ук, нош тй Со лы сьолэмдэс усьтыны кулэ, Со отчы мед пыроз шуыса. Тйни самой со дыре Святой Дух паймымон уж лэсьтэ но тй нравственной пуштростыя чылкак мукет адями луиськоды. Инмарлэн Лулызлэн кыче ке люкетэз тй пушкы пыре но тй Инмарлэн улонэныз улыны кутскиськоды. Иисус Христос Святой Дух пыр тйляд но сьолмады каръяське.

Инмаре берытскон, Со доры выжон туж огшоры ортче, пичи нылпи но сое лэсьтыны быгатоз, но со дыре ик Инмарен чош луон туж мур каръяське сьолэме; калыкъяслэн историзы чоже ини богословъяс валаны тыршо со мурдалалэсь кылдон мугзэ но со кылдонэ пыриськыны выро, но уг пörмы! Ачиз Инмар со берытсконэз сыче огшоры кариз, соин ик „со сьоресэтй мынйсьёс, быгатонлыксы, опытсы ке но өвöl, уг йыромо“ (Исаил 35, 8). Нокинлы но инмысь Эксэйлыке сьорес пытсамын өвöl, самой со сьоресэз валаны быгатымтэенымы. Узыр-а, куанер-а, визьмо-а, огшорыгес-а – ваньмыз Инмар доры выжыны, берытскыны быгатоз.

Вакчияк вераса, Инмар пала берытскон, Инмар доры выжон – со луэ „воштйськон“. Адями берытскиз ке, озьы ик со яратоз кинэ ке яке мае ке, кызьы яра-

тйз вал азьвыл, но али шөдйськоз ини со яратонлэн мугез. Берытскем адыми азьвыл яратоно макеезлэсь куштйськыны но быгатоз. Со гажано эшгёсыз дорысь кошкыны, палэнскыны но быгатоз, соос номыре уродзэ ке но өз лэсьтэ, малы ке шуоно, со шедьтоз ас мылкыдызъя, Инмар доры берытскем выль эшгёссэ.

Инмар доры берытскем адыми чем дыръя яратыны кутске сое, кинэ аджонтэм каре вал азьвыл, яке аджонтэм каре сое, кинэ яратйз вал. Инмар ласянь воштйськон луоз солэн сюлмаз но. Шуом, азьвыл улэ ке вал со Инмар сярись огшоры гинэ малпаса, солэсь кышкаса но аджонтэм карыса, али со Солы оскыны кутске, Сое со гажа, вань сүлэмзэ сётэ Солы тыршон понна. Солэн кышканэз но мукет луэ – сьöлыкклэсь кышкан но Инмарлэсь прощение курон, гажанэз но солэн воштйське, со Солы тау каре но гажа, озы бере, со ассэ быдэсак сйзе Инмарлы. Берытскемезлэсь азьло адыми улэ ас мугорзэ но лулзэ утён понна гинэ. Астэ культура ласянь жутон, уногес коньдон поттон – тйни мар вал нырысь интыын. Нош али христианской улон солы нырысетй интыын луэ, со табере Христос понна гинэ улэ. Мукет сямен вераса, адымилэн улонэз быдэсак воштйське умой пала.

Лос-Анжелесэ арня ортчыса вуэм безаз, нылаш малпа вал, солэн шулдыр улонэз нош ик кутскоз шуыса, но со аджиз, егит пияш синмаськем киноактрисалы, нош нылашлы сое вераны уг дйсьты.

Табере тани нылаш тодмотэм городын чылкак огназ кылиз, ваньмыз плангёсыз куашказы, вылтйськон мылкыдыз бугыртэмын, азыпала осконэз куашкатэмын. Солэн семьяез Инмарлы оскись öй вал, соин ик али, мылкыдыз самой секыт вакытэ, со өз

тоды, кинлы вазиськоно буйгатйсь кыл понна но, кенешон понна но, юрттон понна но.

Тодмотэм урамъестй ас секыт мылкыдыныз вамышъякуз, со милям „палаточной черкмы“ доры вуиз, кытын ми проповедъёс ортчыгъяськомы вал. Бӧрысь со вераз, кема, пе, сылй, пыроно-а ӧвӧл-а шуыса, собере, пе, пыри но богослужение бырытозь пуки. Їуказезяж жыт со нош ик лыктйз, собере арня Ӈоже жытлы быдӇ ветлйз, нуналлы быдӇ шӇдыны кутскиз, кызыы сьулмысьтыз кошке куректон, собере ИнмарлӇсь куаразӇ кылйз но утгыны курыса Солы вазиськиз.

Иисус Христослы оскон пыр солӇн сьулмысьтыз ултйян но яратонзӇ палӇнтон мылкыд тӇлзйзы, тйни соку гинӇ со адзйз, ыштӇм яратонӇз солӇн вылӇм быдзйым но узыр яратонӇ выжонлӇн нырысь вамышез гинӇ. Нью-Йоркысь азьвыл ужаз бертонлӇсь кепыранӇз ортчиз, куашкам улонӇз нош ик улзйз кадь, нош Нью-Йорке бертӇм бераз выль улонӇз эшшо но сяськаяськиз. Азьвыл со ас улонзӇ уин ужась клубъёсын гинӇ шулдыртӇ ке вал, табере со Инмар понна тыршыны Ӈдзяз. Азьвыл вань быгатонлыкӇез карьералы гинӇ сйземын ке вал, табере со егитъёслы туж усто маде библейской веросьӇсты. СолӇн финансовой быгатонлыкъёсыз табере ИнмарлӇн ужезлы сйземын вал, нош черкысь пастор вера, солӇн юрттӇменыз, пе, богослужение унолы умяз. Со табере ассӇ Ӈз ни лыдзьялля куштӇмын но кулӇтӇм шуыса, со котьку кулӇ вал солӇн черкезлӇн кудйзлы ке членӇзлы. Нош самой главноез, табере со Ӈй вал ни огназ, со тодӇ, соин артӇ Иисус Христос, Со котьку сое буйгатоз, утӇз но азьпала нуоз.

Ваньмыз со луиз Инмар доры берытскеменыз, кулӇтӇм шулдыръяськонъӇслӇсь но куректыса яратонлӇсь

куштїськеменыз, кудъёсыз сое ултїяса возизы. Аслаз
Кузё-Инмарезлы но Утисезлы Иисус Христослы ва-
зиськем бераз, Со пала берытскем бераз, со воштїсь-
киз! Со шедьтїз Инмарен дуннеез.

Укмысэти глава

ӨПКЕЛЁН

„Тйледлы верасько: инмын одйг өбкелись сьолько мурт ионна, укмыстон укмыс шонер улйсьёс сярись, кудъёсызлэн өбкелёнын кулэяськонзы өвёл, бадзымгес шумпотон луоз“.

Лук. 15, 7

Асьмеос адзымы, Иисус Христос Ас палаз берыктэмез кулэ каре шуыса. Озыы ик адзымы но валамы, берытсконлэн луэ куинь „пагзаез“ – өпкелён, оскон но выльдйськон. Чылкак оскыса вераны уг луы, огзы бёрсыы огзы-а соос мыно, но ог вакытгес ортчо шуыны луэ. Конешно, переживаниос дырря соос сярись уд малпаськы ук, но соослэсь ваньзэс нокин но палэнтыны уз быгаты.

Өпкелён кылэз одйг кылын вераны ке луысал, мон бырйысал КУШТЙСЬКОН кылэз. „Марлэсь куштйськон?“ – юалоды тй. Ответ сётыны луоз одйг кылын ик: „сьольклэсь“. Библия дышетэ, кызы асьмеос адзымы ни, сьольк – со законэз тйян луэ. Сьольк – со Инмарлэсь авторитетсэ тйян но, Солы сётэм кыллэсь куштйськон. Сьольк – со леклэн пуштросэз, кудйз лыктйз Эдем садэ но, Адамез но Еваез усыкмытыса, сьольке-быронэ вуттйз. Райын та улйе усён луэм бере,

леклэн адэз вань адямиосты сӧриз, ваньзы сьӧлыказы, со дырысь одйг адями но сьӧлыктэмез ӧвӧл. Сьӧлык сураз-пожаз Инмарен кусыпмес, со бордысь ик потэ ог-огмылэн кусыпмылэн сӧриськемез, нош тужгес но умойтэмез – адями чѐм дыръя ассэ ачиз валамысь дугдйз.

Асьмеос ноку но ум быгатэ, дыр, тупатыны кусыпмес Инмарен, яке ог-огенымы, яке асьмемын асьмеос, ӧм ке малпалэ быдтыны сое, кудзэ адӟонтэм каре Инмар. Асьмелы шуэмын, сьӧлык сярысь валанэз гинэ палэнтоно ӧвӧл, палэнсконо асьсэлэсь сьӧлыкась-ёслэсь, туж уно сьӧлыкъёслэсь. Асьмеос палэнскыны кулэ дуннелэсь, мугормызлэсь, убирлэсь. Та ласянь луыны кулэ ӧвӧл кычѐ ке могоанъёс, лэсьтоно-а ӧвӧл-а шуыса „вузкаронъёс“, олань-талань шонаськонъёс яке дйсьтымтэос. Христос куре быдэсак палэнсконлэсь.

Но та валанэ нош ик сурастьке яратонлэн принципез, малы ке шуоно, тй быдэсак, чӧгем кадь, яратйды ке Иисус Христосэз, тй мылкыд уд ни каре ас вылады басьтыны сое, мае Со палэнтэ но адӟонтэм каре. Тй улонысьтымы вань сьӧлыкъёслэсь быдэсак куштйськоно луоды, быдэсак Соны оскыны ке кутскиды. Соин ик ӧпкелён но оскон ог-огзы борды кутйськыса мыно. Тй ӧпкелёнэз быдэсак валаны уд быгатэ осконтэк, осконэз но уд валалэ ӧпкелӧнтэк.

ӦПКЕЛӦН кылэз, жальяса верано луэ, асьме вакытэ черкъёсысь кафедраосын гинэ верало на. Та кыллэсь пуштроссэ умой-умой тодйсь но ӧвӧл ни. Нош Иисус Христослэн нырысетй проповедез шуэ: „Ӧпкеле, матэ вуиз Ин Эксэйлык“ (Матф. 4, 17). Озыы вазиз Атай Инмар Аслаз Пиез пыр. Иисус Христос асьме доры лыктйз валась но яратйсь сюлэмын, но Со соку

ик вераз янгышмы но сьӧлыкмы сярись. Адямиосты Со ӧтиз ас сьӧлыксы понна ӧпкельыны но Инмарлы оскисьтэмьӧслэсь палэнскыны. Со шуиз, ӧпкельыны кулэ Солэн яратэмезлэсь, мусо каремезлэсь но простить каремезлэсь азылогес. Иисус Христос пумит луйлӧйз умойтэм ужьӧсты ватонлэсь. Со шуылӧйз, кулэ, пе, нырысь ик астэ ачид пыкылыны сьӧлыкьӧсыд понна но палэнскыны соослэсь. Со шуиз, нырысь, пе, кусыпӧӧстэс тупатэ, собере гинэ Мон верало тӧледлы Инмарлэн яратонэз сярись.

Огпол Иисус Христос доры лыктӧллям адямиос но вераллям Сола галилеяньӧс сярись, киньӧслэсь вирзэс Пилат вием адямиоссылэн виренызы сурам, солэн легионьӧсыз Иудеяысь восстаниез зӧбыкузы. Озы ик вераллям Сола Силоамской башня сярись, кытын быриллям туж уно адямиос. Но Иисус Христос соосья луймтэ. Со шуэм: „Тазы курадземзы понна тӧ малпаськоды-а, таосыз Галилея муртьӧс сьӧлыкоексгес вал мукет Галилея адямнослэсь шуыса? Ӗвӧл, шуисько мон, но ӧд ке ӧпкеле, ваньды тазы ик быроды“ (Лук. 13, 2-3). Мукет сямен вераса, Иисус Христос шуиз, кызы кулоды тӧ – виемын-а луоды, вӧсь луйса-а яке аресады вуыса-а кулоды, тӧледыз вите одӧй секыт аджон, ӧд ке ӧпкеле Инмарлы. Ӗпкелемлэсь азыло оскон уг луы. Конешно, оскон дорозь чылкак ӧд вуэ на ке но, Инмар тӧледыз яратэмысь уз дугды, озы ке но ӧпкелӧн сюрес усьтэ Инмарлэн тӧледлы жӧггес матэ луонэзлы.

Асьмеос тодӧськомы, лулэз утӧн Инмарлэн гажан мылкыдыныз герзаськемын. Валамы ни, ваньмыз секыт яке зӧч лэсьтэм ужьӧс, йылольӧс ӧз уте на огзэ но лулэз. Библия шуэ, огез но, пе, адями Инмар азын

законэн утемын өвөл на. Библия дышетэ, „оскись адыми гинэ улоз“ (Римл. 1, 17). Утиськон, простить карон но быдэсак чылкыт луон Иисус Христослэн Аслэсьтыз улонзэ сётонэн герзэмын. Нош Иисус Христослэсь котькуд адымилэн сьöлыкез понна Аслэсьтыз улонзэ сөтйиз шуыса валаны кулэ, Нырысь ик, аслад сьöлыкед понна өпкельыны но Христосэз быдэсак аслыд карыны.

Пророк Иона өпкелемзэ вераз Ниневиын но быдэс Ниневия өпкелиз.

Пророк Иезекиль өпкелемез вераса шуиз: „Соин ик Мон тйледыз, Израильын улйсьёсыз, судить каро котькуддылэн лэсьтэм ужды понна, шуэ Кузё Инмар; өпкеле, куштйськелэ ваньмызлэсь умойтэм уждылэсь, медам люкетэ соос азыланяз“ (Иезек. 18, 30).

Иоанн Пылатйсь өпкелён сярись быдзым косоназ шуиз: „Өпкеле, матэ вуиз Ин Эксэйлык“.

Выль Сйзёнын өпкелён пумиськылэ сизыымдон пол. Иисус Христос шуиз: „Öд өпкеле ке, ваньды тазы ик быроды“ (Лук. 13, 3). Троица нуналэ Петр аслаз проповедяз шуиз: „Өпкеле, котькудды вöсяське Иисус Христос понна, сьöлыктэс простить мед кароз шуыса“ (Дея. 2, 38). Апостол Павел но со сярись ик вераз аслаз проповедяз: „Иудейёслы но Елминъёслы ивортйсько Инмар азын өпкелёнэз но Иисус Христос Господьлы осконэз“ (Деян. 20, 21). Библия шуэ, Инмар, пе, дышетэ өпкельыны: „Инмар туннэ ваньмызлы адымиослы косэ котькытын өпкельыны“ (Деян. 17, 30). Со – косон. Со чурыт верам приказ. Инмар шуэ: „Öд ке өпкеле – кулоды!“. Нош тй өпкелиды-а ни? Оскиськоды-а асьтэос та кыллы?

Мар бен валаз ачиз Христос та кылэз веракуз?

Малы та кыл туж ёем верамын Библиын? Туала словарез усьтыса тй тододы, өпкелён со мае ке жаляса верам яке астэ ачид пыкылыса верам мылкыд. Но греческой яке еврей кылъёсын, кудзэ вералляз Христос, та кыллэн пуштросэз туж мур. Отын лэсьтэм съёлык понна жылян сярись гинэ вераськон уг мыны. Библейской кыл „өпкелён“ возматэ „воштйськон“, „берыктйськон“ шуэмез. Озыен, та валанысь адзиськомы ни кужымез но мар ке лэсьтэмез. Та кыл возматэ адями пушкын ортчись революциез. Куке Библия асьмемыз өте съёлыкъёсмы понна өпкельыны, со возматэ съёлыклэсь быдэсак палэнскыны, берытскыны но съёлыклэсь но соин герзэм мукет уждьёслэсь мукет пала кошкыны.

Иисус Христос пегась пияш сярись притчазэ веракуз, ёапак „өпкелён“ кыллэсь пуштросэз усьтыны малпаз вал. Куке пегась пияш лэсьтэм вамышъёсыз понна өпкелиз, со өз пукы интыяз йырзэ ошыса, номыр лэсьтытэк. Со өз сылы парсьёс пöлын номыр но лэсьтытэк. Со султйз но кошкиз! Кошкиз мукет пала, кытысь бертйз вал. Со шедьтйз атайзэ но со азын өпкелиз, собере ини солы дасям кузьымзэ басьтйз.

Туала христианъёс туж унозэ ыштйзы, Билиялэсь өпкелён сярись верамзэ умой-умой валамтэенызы. Соос малпало, өпкелён со съёлыкъёстэ тодад вайыса, йырде ошыса сылон но шуон: „Ах, кыёе мон умойтэм лэсьтй!“ – нош улонэд мынэ сыёе ик сюрестй, кыёе вал со азьвыл.

Өпкелён возматэ „воштйськонэз, марлэсь ке берыктйськонэз, виль сюрестй мынонэз“. Лэсьтэм ужед понна кайгырон – со өпкелён өвёл на. Иуда пыкылйз ассэ, лэсьтэм ужез сярись туж жаляз, но со өз өпке-

лыы. Ас поннад гинэ кайгырон со туж өжыт на. Өвөл сыҕе курадзытон мугордэ вось карон понна, өвөл сыҕе проговор визьдэ чылкытатон понна, кудьёсыз кельшысалзы Вылй Инмарлы. Асьмелэсь сьöлыкмес Ас вылаз кирос вылын басьтйз Иисус Христос.

Өпкелён сярыйс ке верасько, мон син азам уг пук-тйськы вашкалаослэсь бөрдыса пукон скамьязэс. Уно-зэ адямиосты азьвыл косо вылэм сьöлыксэс быдтон понна кöня ке дыр чөже бөрдыса пукыны но, траур возем выллем, астэ утыны дасяны. Одйг адями шуиз мыным, со уе, пе, куке со шедьтэм Христосэз, мынэм огаз духовной собрание. Алтарь азын пудес вылаз сылыкуз, со доры лыктэм оgez вöсяськись кышномурт но, пельпумаз йötскыса, верам: „Нюръяськы, братэ! Инмарез шедьтыны малпаськод ке, тон азыланыз но молитва пыр нюръяськыны кулэ!“ Кöня ке дыр ортчы-са, со доры лыктэм черкын ужась но шуэм: „Брат, мозмытйськы!“ Собрере мукетыз кышномурт лыктэм но шуэм: „Со уе, куке мон шедьтй Инмарез, туж яркыт тыл ымнырам пиштйз но амалтэк кымин пограй“. Та адями берло вераз на мыным, олокызыы но, пе, тырши нюръяськыны но, сьöлыкклэсь мозмытйськыны но, нош сыҕе яркыт тылэз адзыны өз кылды.

Оgez туж интеллигентной христианской ужась шуиз мыным, Инмарлы вазиськон дыръям, пе, пастор алекъяськись луыны косйз, кесяськыса, чыжаськыса, пе, ötёно Инмарез ас дорад. Пасторлэн озыы косэмез та адямины Инмарен пумиськыны люкетэм.

Куд-ог религиозной собраниосын зэм но туж алекъясько. Нош со люкетэ гинэ Инмарез утчаны. Зэмос библейской өпкелён огазея ВИЗЬМЕЗ но, КУЖЫ-МЕЗ но, АСТЭ ВАЛАНЭЗ но.

Нырысь интыын луыны кулэ ас сьӧлыктэ ВАЛАН.
Библия гожтэ:

„Малы ке шуоно, ваньзы сьӧлыказы но Инмарлэсь данъямзэ ыштӱзы“ (Римл. 3, 23). Куке пророк Исаия валаз ас сьӧлыкӧссэ, со вераз: „Шуи мон соку: куректон мыным! Быриз улонэ! Бен мон саптаськемын ук“ (Исаия 6, 5). Иов, аслэсьтыз сьӧлыко луэмзэ тодэм бераз, шуиз: „Соин ик мон ваньмызлэсь куштӱськисько но ӧпкелисько“ (Иов 42, 6). Куке Петр валаз сьӧлыко луэмзэ, со шуиз: „Мон сьӧлыко адями“ (Лук. 5, 8). Павел, ас сьӧлыкӧссэ валам бераз, ассэ нырысь сьӧлыкоос пӧлы пыртӱз (1 Тим. 1, 15).

Таӹе валанэ вуттэ Святой Дух. Зэм но, ӧпкелён уз лыкты на тӱ доры, Святой Дух ӧз югдыты ке сюлэмдэс но визьдэс. Святой Дух тӱ доры лыктыны быгатоз анайдылэн молитваез пыр, пасторлэн проповедез пыр, радиолэн христианской передачаез пыр, черклэн гырлы жугемез яке яратоно адямилэн кулэмез пыр – ваньмыз соос вуттозы куке но одно ик вуоно сюрес вылады. Озыы ке но милям куд-ог собраниосысьтымы мон адзӱлӱ сыӹе адямиосты, кинӧс дырекъяло сьӧлыкӧссы понна, нош малы ке уг ӧпкелё. Бен, луоз тодыса улыны, сьӧлыкед вань шуыса, бен, тон сьӧлыкаськем адями, соин валче синкылиостэ но кисьтыны быгатод, нош ӧпкелён йырад но уз лыкты.

Кыкетӱез, ӧпкелёнэ пыро мылкыдын бугырӱаськись туж уно МАЛПАНӢЁС. Апостол Павел шуэ: „Инмар понна куректон одно ик кылдытэ утиськыны ӧтись ӧпкелёнэз“ (2 Кор. 7, 10). Уноез адямиос серем пыргес учко малпаськонлы, куд-огез критикӧс но уг оско Инмар пала берыктӱськонлы, со понна мылкыдэз туж уно кисьтонлы. Бен, куд-ог дырӱя мылкыдэз

кисьтонын кильтыръяськон шӧмыз но вань, но сое зэмос осконэн одйг радэ уд пукты ук.

Доктор В. И. Зенгстер, тодмо британской методист, аслаз книгаяз шуэ: „Вождэс эн вае, чӧктон ке сӧтй: адями, кудйз шумпотыса кесяське футболэн шудйсьёс шоры учкыса но вожзэ поттэ сьӧлыко адямилэсь бӧрдэмзэ адзыса, солэн бӧрдэмез, пе, мултэс алекъяськон, сыӧе адямиез мон уг гажаськы“.

Огез проповедник пыкылйз храмын ужась туж тодмо ужасез, Джон Веслеез, аслад проповедяд, пе, мылкыддэ туж кисьтйськод.

Куинетйез, ӧпкелӧнэ пыре адямилэн КУЖЫМЕЗ. Астэ ачид кияд кутыса гинэ валаломы ӧпкелӧнлэсь мурдалазэ. Сьӧлыклэсь палэнскон понна луыны кулэ дйсьтон, со дйсьтонэз сюлэм пыртйд поттыса гинэ сьӧлыктэ валалод но солэсь куштйськон мылкыдыд кылдоз, Инмар доры вамыштод, соку тынад воштйськоз ваньмыз – улон шоры учконэд но, малпанэд но.

Инмарлэн Лулыз гинэ асьмелы дйсьтон сӧтыны быгатоз, соку гинэ асьмеос ӧпкелӧнэз валалом. Со валан мукетгес луоз пичи ныллэн сярысь, кудйз, пе, тазы вӧсяське: „Кузё-Инмаре, тыршы монэ умойгес карыны, но чылкак умой эн кары, только сыӧе гинэ умой кар, монэ медам ни жуге!“

Милям Америкаямы сюосын адямиос, киньёслэн нимьёссы гоштэмын церковной книгаосы. Соос черке ветло, ку соослы ветлыны умойгес. Соос висьяло черклы коньдонзэс но солэсь ужзэ азинтыны юртто. Служба бере соос пасторлэсь кизэ кутыло но умой проповедез понна тау каро. Соос вераськыны быгато зэмос христианской кылын, соос Священной Писанийсь туж бадзым люкетъёссэ вераны тодо, но соос

уг тодо, мар со зэмос өпкелён. Соос мур пычамын өвөл на зэмос христианской осконэ. Соос Инмарлы вазисько но Солы вöсясько секыт учыре сюрькузы гинэ, нош мукет дыръя Инмар сярэсь уг но малпало. Библия дышетэ, аядми лыктэ ке Иисус Христос доры, со быдэсак воштйське, солэн ужез но мукетгес луэ.

Священной Писанийын одйг кылбурез но өвөл, кытын верамын мед луысал, тй христианин бере, улэ, кызы улэмды потэ. Куке Иисус Христос аядмилэн сюлмаз пыре, Со косэ, мед луоз солэн сюлмаз Кузё-Инмар но Дышетйсь. Со куре быдэсак сётйськыны. Тйлесьтыд визьдэс но Солы сётйськемез кулэ каре. Со косэ, тйляд мугорды но Солы мед сётйськоз, Солы Огназлы гинэ. Со кулэ каре таланттэс но быгатонлыктэс. Со косэ, ваньмыз тйляд ужды Сое данъянлы пörмытэмын луыны кулэ.

Туж уноез туалала христианьёс черке ветлэмысь дугдозы холодильник басытон понна. Сюрсьёсын христиан нергеос коньдонзэс но дйсь-арбериоссэс лыдъяло Христослэн дышетэмезлэсь выльегес пуктыса. Асьмеос дыр шедьтйськомы кинолы, футболэз учкыны, нош Инмарлы дырмы уг ни кылы. Асьмеос коньдон люканы быгатйськомы выль коркалы яке телевизорлы, нош черклы членской сборе коньдонмы уг ни кылы. Узырлык зйбе Инмарлы осконэз.

Кулэ луыны воштйськон! Асьмеос чиньыенымы возьматйськомы вашкала улоньсь язычникёс но идолъёслы вöсяськисьёс шоры, нош асьмелэн идолъёсмы али лэсьтэмын ук алюминийлэсь но анданлэсь.

Иисус Христос со арбериосын Ачиз кивалтыны куре. Со куре, тй мед сётоды Солы общественной семейной но ужен герзам улондэс. Со котьма ласянь

нырысетй интыын луыны кулэ, малпаськиськоды-а тй, вераськиськоды-а, нош озы луыны быгатоз, тй зэмзэ но өпкелиды ке, вань ужпумъёсья Инмарлы вазиськиды ке.

Христос асьмемыз утён вылысь вераз вал. Со уз лэзы асьмемыз Аслаз Ин Эксэйлыказ, дырыз дыръя өм куштйське ке съöлык ваись улонлэсь. Эн дугдэ жыны сюрес вылады. Эн шуэлэ: „Мон куд-ог съöлык-ктьёсмыслэсь куштйсько но выль съöлыке пыро. Мон жыны улонме Христослы сёто, нош жынызэ кызы кареме потэ, озы лэсьто“. Иисус Христос быдэсак сётйськемез кулэ каре, нош озы лэсьтэмды пöрмиз ке, шудды кияды луоз. Но эн вите жыны наградаез жыны улонды понна! Инмар жыны уж уг лэсьтылы! Со кулэ каре быдэсак сётйськемез но быдэсак воштйськемез. Нош съöлыклэсь куштйськы-са быдэсак сётйськоды ке асьтэдыз Христослы, тй, озыен, бадзым вамыш лэсьтйды Инмарен чош улонэ.

Дасэти глава

ОСКОН

„Тыршеменыды оскон пыр тй утемын, но со тйляд өвөл, со Инмарлэн кузьыме: ужлэсь со кылдэмын шуыса нокин но медам ушъяськы“.

Ефес. 2, 8-9

Табере асьмеос Инмарен дуннее выль вамыш лэсьтыны быгатйськомы. Тй али дась ини азьвыл улондылэсь но сьöлыкъёстылэсь куштйськыны. Тй малпады, улонады сыче воштйськон одно ик луоз. Инмарлэсь палэнэ тй уд ни кошкиське, тыршиськоды Солэн яратонэзлы, гажанэзлы но утёныэзлы матэгес кариськыны. Тй бырйиды ни асьтэлэсь суюестэс. Тй öпкелиды; тй бырйиды шонер сюрес, секыт ке но луиз со. Тй бырйиды со сюресэз, кудйз вылэ султйз вал ини Моисей куинь но жыны сюрс ар талэсь азьло, куке со Египетысь солы луоно престоллэсь куштйськиз но сое воштйз Инмарлы тыршонэн!

Моисейлы ньыльдон арес вал со быдзым сюрес вылэ султыкуз, куке со валаз, оскон но зэмлык жудыса улонэн но секыт аджонъёсын ёош унолы умойгес луо узырлыкклэсь но данлэсь, соосын артэ өвөл ке Инмарлэн яратонэз. Историын туж öжыт адямиос тае секыт сюрес вылэ султылйзы.

Моисей вал культурной, бадžым дышетскем, туж тодмо но ваньмыныз гажано адями. Со вал фараонлэн нылызлэн пиез, со дышемын вал данлы, узыр но чебер улонлы, ачиз со номыр но уг лэсьты вал. Со кийн вал ини, шуыны луоз, со вакытэ самой кужмо но синмаськымон страналэн – Египетлэн – тронэз.

Озы ке но Библия шуэ, „Моисей, осконэн будыса, фараонлэн нылызлэн пиез шуонлэсь куштйськиз но Инмарлэн калыкеныз čош курадžыны соглаш луиз; со палэнскиз одйг дырлы гинэ чаклам сьöлыко улонлэсь; Христос сярись веранэз, Египетлэн зарниосыз сярись, лядяз самой бадžым узырлыкен; со учкиз азылане. Эксэйлэн вожпотонэзлэсь кышкатэк, Инмарлы оскеменыз валче, со кошкиз Египетысь; адžиськисьтэм Инмарез адžыса, вылды, ас малпанэз вылын со чурит сылйз“ (Евр. 11, 24-27).

Эн вунэтэ, со „куштйськиз“ но „кельтйз“ – тйни öпкелёнлэн зэмос пуштросэз. Со сяна, Библиын шуэмын, ваньзэ сое со „осконлы“ берыктйз. Со ик вань мукетыз вамыш: оскон. Моисей аслэстыз вамышсэ öз лэсьты мылкыдыз алекъяськыку; уноез психологёс валэктыны ке но тыршо, мылкыд бугыръяськон, пе, кулэ религиозной переживаниос дыръя. Солэн сюрес быръёнэз герзаськемын öй вал куректтонэн яке жудыса улонэн. Со ляб сямно но куанер адями öй вал. Моисей Инмарлэсь сюрессэ öз бырйы умой улонэзлы пунэмзэ тырон понна, кудйзлэсь со быдэсак палэнтэмын вал, со та сюрес вылэ öз султы, солы улыны мöзмыт вал яке та улон шоры учкыса мылкыдыз куашказ. Со та сюрес вылэ öз султы кыче ке паймымон яке чебер улонэз утчаса.

Огез но та мугёс Моисей борды öз „лякиське“,

мукетъёс, Инмарез шедьтон понна, олоқыче но амаль-ёс утчало ке но. Сое нокин но өз косы куштйськыны зеч улонэзлэсь. Сое со лэсьтйз ас мылкыдызъя. Зэм, Моисей ой вал ляб сямо но, капчи визьем но, пичи дырысеныз тупатэм порядокъя улйсь аядями но. Со ой вал ассэ данъямез яратйсь аядями. Со уг пыры вал религиез мыскыллясь аядмиос пёлы, кудъёсыз бёрысь өпкелё но утиськыны курисько. Моисей улйз озы, кудйз сярэсь мукетъёс уйвöтын но өз адзылэ; озы ке но, самой чебер, быдэ вуэм аресаз со узырлыклясь, данлэсь палэнскиз но Инмарлы оскон сюрес бырйиз.

Шуо ке, Инмар доры, пе, сюрес быръё только осконзэс ыштэмъёс, висисъёс, өлексюс, религиысь буйган утчасъёс, мон соку ик тодам ваисько Моисеез.

Мыным шуд усиз суюсын, сюрсъясын калыкъёсын пумиськылыны религия ужпумъясья. Мон валай, пиосмуртъёс яке кышномуртъёс Иисус Христослэсь куштйсько ке, соос уг лэсьто сое христианство умой-тэм шуыса, соос палэнско кыл кутонлэсь, малы ке шуоно, христианской улон кыл кутэмез кулэ каре. Самой со ик уго тйни вылй визьзы интые – соослэн ляб сюлэмзы – асьсэ куспы но Христос куспы султэ. Соослэн уг поты пидесъяськемзы, соос понна ваньзэ мед лэсьтоз Христос.

Моисей туж мур эскериз осконлэн сюресэзлэсь куронъяссэ но косонъяссэ. Со валаз, Инмарез зэмзэ но яратыны малпад ке, сётоно луод ваньзэ, мар дуно луэ аядмиослы. Выводъясь лэсьтыны со өз дыртылы. Со өз лэсьтылы малпаськымтэ йылпумъянъясь, кудъясьыз чем дыръя луыло алекъяськон вакытэ. Со тодйз, макем секыт ас вылад басытэм уж, соин ик быръем сюрес вылаз султйз баджым визьмыныз мур малпась-

кем бераз гинэ. Солэн быръем сюресэз ог минутэ бугырском мылкыдызлэн бервылыз ой вал. Вераез со мае ке эскерон понна гинэ өз бырйы. Солэн со сүлэмаз кема нуллэм осконэз, со осконэз өз куашкаты пумиськылысь секыт учырйёс, курадзонъёс но сютэм улон. Со ваньзэ радъяса вамышъяз, берлань берытскыны луонлык медам ни луы шуыса. Сыче йыг-йыг оскон со доры вуиз ньыльдон аресаз, собере со быръем сюрес вылысьтыз өз ни кошкылы, нокыче шуг-секытйёс шоры учкытэк, ассэ быдэсак сйизиз Инмарлы но Солэсь косонъёссэ быдэсьяны.

Кыче пөртэмлыксы Моисейлэн но Гамалиэль тодмо географлэн решениоссылэн, ведь таиз географ, улонысь кошкон аяз шуиз вал: „Мон уг дйсьтйськы Виль Сйзёнэз лыдзыны мылкыды бугыръяськемлэсь но осконлэсь куштйськемлэсь кышкамысьтым, аслым умойтэм улон сюрес бырйиськем но Инмарез вузась чотын луиськем шуо кожаса, бен Со зэмзэ ик туж огшоры но чылкыт улон сюресэз ортчиз ук!“

Нош Моисейлэн таچه кышканэз ой вал. Тйледлы но кемарлэсь кышканы, чылкыт сүлэмыныды берыктйськоды ке Христос пала али но котькулы. Эн вазиське Солы та выллем кылйёсын: „Мон көня ке дырлы христианствоез эскеро. Мынам со пөрмиз ке, азьланьто христианствоетй мынон сюресме, нош өз ке, мынам луоз на дыры мукет улон сюрес бырйыны“. Христос доры лыктйды ке, мышкады кылем выжйёс сутэмын луыны кулэ, мукет сямен вераса, тй вунэтыны кулэ берлань кошкон сюрестэс.

Уно даурйёс талэсь азьло, куке Римлэн кужымез кышкатыса возиз быдэс дуннеез, Цезарьлэн воинъёсыз Британиез киултыны мынйзы. Соослэн корабль-

ёссы инвисын адзисьскизы гинэ но, сюрсьёсын англо-саксонецъёс ас шаерзэс утыны жутйськизы. Но марта? Люкаськемъёс учко но ас синъёссылы уг оско; ярдуре васькем тушмонъёс асьсэлэсь ик корабльёссэс сутыны одъязы. Корабльёс жуаса бырем бере, тодмо вал ини; берлань кошкыны сюрес пытсамын. Асьсэлы оскон мылкыдзы бадзймен ик вормизы та музъеме лыктэмъёс! Веранэз өвёл, Темза шур дурысь пичигес гинэ Лондон гурт бёрысь быдэс дуннеен кивалтйсь столица луиз.

Самой тазыы ик Христос но косэ ас кужымедлы оскись но басьтйськем уждэ пумозяз вуттыны быгатйсь луыны. „Нокудйз но геры вылэ кизэ понэм но берланяз утчаськись мурт Инмар Эксэйлыклы оскиськымон уг луы“ (Лук. 9, 62).

Моисей, ас улонзэ воштон дыр вуэм бере, сыче сюрес бырйиз, кудйз али но туж унозэ паймытэ ни. Солэн визьмыз ваньзэ малпаз-лэсьтйз, кызыы умой луоно. Со котькуд вамышсэ лыдъяз, быдэс улонзэ син азяз пуктйз, умойзэ уродэзлэсь люкиз но соку гинэ быдэсак Инмарлы сётйськиз.

Нырысь со учкиз аслаз улонэз шоры – яркыт, узыр, юонэн но сиёнэн, шулдырьяськонэн пачылмем эксэй семьялэн улонэз. Со та улонлы дышемын вал ини. Ныльдон ар та сюрестй мыныса, со валаз: та сюрес вуттоз быронэ гинэ, солэн пумыз – адын.

Собере Моисей учкиз мукет сюрес шоры – таиз сюжет но туж секыт. Со адзиз курадзонэз, ултйянэз, мыскыллянэз но куашкам мылкыдэз. Со адзиз ваньзэ сое витись секытэз, куректонэз но сюлмаськонэз, нош оскон пыр со адзиз на вормонэз но ноку кысйсьтэм улонэз.

Мур малпаськыны быгатӱсьтэм но ӱжыт опытан адыми аслыз нырысьсэ сюресэз бырӱысал, конешно. Египет уго со вакытэ дуннеын самой кужмоез государство вал. Солэн Нил шур куяз туж удалтӱсь музьемьёсыз узырмытыса возизы та шаерез. Солэсь армизэ нокин но ӱз вормылы, солэн школаосаз дышетскем адымиос самой визьмоосыз вал.

Ваньмы ик асьмеос сыӱе уно сӱтыны ум быгатэ Инмарлы, кӱня сӱтӱз Моисей. Соин ӱошатскыны кин ке быгатоз меда... Туж ӱжытэз валалоз, мар со шумпотон но мылкыдэз лӱпкытон, Священной Писание но гожтэ ук, сьӱлыкын но шуд вань, со туж вакчи дырлы ке но. Сыӱе мылкыдэз лӱпкытӱсь шуд ортче ке, лыктэ секыт сайкиськон, кудзэ макмырен гинэ ӱошатыны луоз.

Инмарез бырӱыса, Моисей секыт сюрес шедьтӱз, но со дыре ик аслыз но бадӱым кузьым ваиз. Моисей улон вакытэ туж бадӱымесь узырлыкӱёс сярысь уг верасько на вал, соосты люкась ӱй вал на соку, кӱня ке дасоосын адымиос сяна. Соос пӱлын луиз Моисей но – дуннеысь одӱгез самой узыр адыми.

Асьме вакытэ туж узыр адымиос уно. 1923 арын дуннеысь самой узыр адымиос люкаськызы Чикагоысь одӱгаз нимо-дано отеле. Со вал кужымез но узырлыкез возьматӱсь юри малпам ужрад. Одӱг жӱк сьӱры пуксизы дуннеысь самой кужмо андан ӱыжатӱсь компанилэн президентэз, ю-нянен вузкарьсь самой кужмо трестлэн президентэз, Нью-Йоркысь биржалэн председателез, США-лэн президентэзлэн кабинетаз ужась, Международной банклэн президентэз, Уол-стритысь самой кужмо ужась но эшшо кык мурт, кудӱёсыз киязы возизы дуннеысь кужмо

монополиосты. Ваньзылэн та тямьс адямиослэн киязы США-лэн казначействоезлэсь уногес коньдон люкамын вал! Ку но кызы соос сьҕе узырмизы шуыса тодмо вал котькуд школьниклы. Соослэсь уноез адзем кырылйзы, уноезлэн соос кадь ик узыр луэмзы потэ вал. Бен соос зэм но Америкалэн промышленность но коньдон ужпумьёсья корольёссы вал уго.

1923 арын соослэн улон-вылонзы сярись гожъязы ваньмыз сямен газетъёс но журналъёс, соослы вожъяськылйзы, соосын эшъяськыны тыршылйзы. Но 1923 арын соослэн улон-вылонзы жыныез гинэ кыре потэмын вал, книгалэн мукет главаосыз ватэмын на вал.

Та тямес адямиос, одйг жок сьорын пукись та узыртьёс соку бырйыны кулэ вал асьсэлы улон сюрес, кызы ас дыраз луиз вал Моисей но. Таосыз но Моисей сямен ик та дыре сюрес вожын сылйзы – оgez яркыт но узыр улонэ кельтэ, мукетыз курадзонэ нуэ. Но, кин тодэ, таосыз малпаськизы меда Моисей сямен ик, кыкетй сюрес сярись. Ӧз, дыр, малы ке шуоно, соос кыкетй сюресэз ӧз вamyштэ, соин ик табере асьмелы тодмо соослэн улонзы сярись книга-лэн берпум главаосыз. Асьмеос со главаосты лыдзйса но Моисейлэсь улонэ чошатыса тодомы, кудйз улон сюрес умойгес.

Чарльз Шваб, андан чыжатйсь компанилэн президентэз, берло аръёссэ пунэмаськыса улйз но кулйз кураськись радэ вуыса. Артур Каттен, ю-нянен вузкарьсь, кунгож сьорын туж зудыса улйз но отын ик кулйз. Ричард Витней, Нью-Йоркысь биржалэн президентэз, Синг-Синг государственной тюрьмаын уно дырзэ ортчытйз. Альберт Пауль, кабинетлэн членэз, тюрьмаысь вазыгес мозмытэмын вал, гуртаз мед кулоз

шуыса. Джесси Ливермур, Уол-стритэз ас кияз во-
зись, Леон Фразер, Международной банклэн прези-
дентэз но Ивар Крейгер, дуннеысь самой кужмо
монополилэн кивалтйез – асьсэды асьсэос быдтйзы!

Ваньзылэн та адымиослэн вал туж уно коньдонзы,
узырлыксы, кивалтоно властьсы, данзы, соос вал
бадзым дышетскем адымиос но интеллигентъёс, но
соослэн ой вал одйгез, кудйз улонлы сюрес возматэ но
со улонлэсь пуштроссэ узырмытэ. Соослэн ой вал хри-
стианстволэн дышетонысьтыз со сямзы, кудйз адымиоз
зэмос адыми каре, сое выльдэ. Соослэн ой вал осконзы!
Та адымиос дышемын ой вал оскыны, кӧня ке осказы
ик, дыр, кин тодэ, но соос осконлэн сюрестйз мыныны
пумит луизы. Кыӵе умоен йылпумъяськысал улонзы,
оскысалзы ке Христослы!

Эн вунэтэ, ОСКОНЭЗ ванен Моисей куштйськиз
Египетысь узырлыкезлэсь. Солэн осконэз солы аслыз
валаны юрттйз, музъем вылын секыт ке но луиз солэн
улонэз, – собере со басьтоз вылй кузьым – пырак дыр-
лы улон!

Каттен но Шваб выллем адымиос Моисеез шузиен
лыдъяллязы, дыр. Соос шуо вал, дыр: „Инмысь юез
кутытозь, пислэгез киям возэ“. Соослэн шуэмзы луэ
вал: „Учкы ай, тодйськод-а, маид вань тынад Египе-
тын. Тон узырлыкеныд но властеныд. Кут кияд карта
но быдэс дунне Египет азе пыдесъяськоз. Тон ваньзэ
векчиесь государствоосты пазыгыны быгатйськод,
тонэн нокин но чошатскыны уз ни быгаты. Тон вань-
зэ адымиосты vormод, ваньзэ озыы лэсьтод, кызы
мыльд потэ“. Тйни кызы шуысалзы соос Моисейлы,
малы ке шуоно, соос асьсэос озыы лэсьтылйзы но
озыы узырмылйзы. Соос серем карылйзы на со адыми-

ез, кин оске Инмарлы но Иисус Христослы. Соос пумит вазысалзы сыҗе адымылы: „Оскон – со огшоры малпам уж“.

Библия дышетэ, ОСКОН – Инмар доры нуись одйг гинэ сюрес. „Осконтэк Инмар доры ноку но уд вуы, соин ик Со доры лыктйсь мед оскоз, Со вань шуыса. Сое утчасьлы ваньмыз лыктэ“ (Евр. 11, 6). Библия дышетэ на озьы ик: Инмарлы оскон сяна, номыр но кулэ өвёл. „ОСКОНТЭК Инмар тонэ уз вала“.

Быдэс дуннеысь адымиос асьсэды курадзыто, дйся-ло пёртмаськытйсь олокыҗе но дйсьёс, вандыло мугорзэс, соослы кулэ луись арбериослэсь куштйсько, уно дырзэс вöсяськыса ортчыто, соосты Инмар мед кылоз шуыса. Ваньмыз со умой, дыр, но самой кулэез, мар лэсьтыны асьмеос быгатомы, Инмар мед кылоз шуыса, – Соны ОСКОНО.

Мон ас эше доры мыно но туж уно чебер кылгёс верало солы, нош бöрысь солы ик шуо, тыныд уг оскиськы. Конешно, чебер кылгёсме кулэ-а вал вераны? Мон сое дынъяй, табере ултйян понна-а?

Самой умоез, Инмар мед кылоз шуыса, – Солэн Кылызлы оскон. Со шуиз вал: „Оске Мыным, Мон Атай бордын, нот Атай Мон бордын шуыса; озьы ке өвёл, ужгёсыя Мыным оске“ (Иоан. 14, 11).

Библия валэктэ, ОСКОН одно ик кулэ шуыса. „Ярам, – шуоды тй, – оскон кулэ ке, мар бен со оскон? Кыҗе солэн пуштросэз? Кызы сое тодоно? Кызы мыным тодоно, осконэ шонер шуыса? Кöня осконэн мыным улоно?“

Сылэ ай! Огкутскемен та мында юангёс сётъяно өвёл. Мон валэктыны тыршо радызъя. Библия дышетэ, асьмеос утиськыны быгатом оскон пыр гинэ.

„Соос шуизы: ОСКЫ Иисус Христос Инмарлы но утиськод ачид но, быдэс юртэд но(Деян. 16, 31).

„Нош ваньмыз, кингёс Сое кабыл басътйллям, Солэн нимызлы оскисьёслы, Инмар нылпиос луыны кужым сётэм“ (Иоан. 1,12).

„Ваньмызлы, ма понна тй утиськыны өд быгатэ Моисейлэн законэныз, утиськод котькудйз Сола оскись“ (Деян. 13, 39).

„Нош кин өз лэсьты, но ОСКИЗ Сола, кин уте умойтэм лэсьтйсез, оскон быдэс улоназ пыча“ (Римл. 4, 5).

„Озыен, оскон пыр утиськыса, асьмеос Инмарен кусып тупатйськомы асьмелэн Инмармы Иисус Христос пыр“ (Римл. 5, 1).

„Ми бырон понна олань-талань тэтчасьёс өвёл, ми лулмес утён понна ОСКИСЬЁС „(Евр. 10, 39).

„ОСКОНДЫ пыр тй утемын, но со тйляд данды өвёл, со Инмарлэн кузьымез“ (Ефес. 2, 8).

Зэм но-а асьмеос утемын ОСКОН пыр? Өвёл, асьмеос утиськиськомы оскон пыр Инмарлэн зеченыз. Оскон со Инмарлэн зечез доры сюрес выллем луэ. Асьмеос кимес жутйськомы кадь Со доры, нош Со зеч мылкыдзэ кузьма асьмелы. Еврейёслы П. 1 ыстоназ лыдзйськомы: „Оскон со – мае витиськод, солэн быдэсемебез но адзымтэдэ витён“. Веймут та кыльёсыз валамонгес берыктйз: „Оскон – со мар малпаськод, сое витён, адзымтэ мадэ ке адзем потон, кинлы ке, марлы ке сётйськон. Оскон – со сётйськонлэн вылй падзаез“.

Мон ноку но ой вал Уй полюсын, озыы ке но оскисько, со вань шуыса. Малы мон оскисько, со вань шуыса? Со сярись мыным веразы. Со сярись лыдзи учебникъёсысь но адзи географической атласъёсысь,

оскисько со адымиослы, кин вераз но кин со сярись книгаос гождяз, мон солы ваньмызлы оскисько.

Библия шуэ: „Оскон – со кылэмлэсь, нош кылэм – со Инмарлэн Кылызлэсь“ (Римл. 10, 17). Асьмеос оскиськомы, мар вераз Инмар утён сярись. Оскиськомы нокыче юаньестэк. „Моисей адзымтэзэ адзонлы юн оскиз“ (Евр. 11, 27).

Та верам кылысь уг яра валаны, асьмеос кыче ноку вылымтэзэ, кыче ке шимес ужез адзыны турттйськом шуыса. Иисус Христос шуиз, асьмеос, пе, котьку луыны кулэ ождытак нылпи сямо, кызы нылпиос оско анай-атайзылы, асьмеос но Инмарлы озы ик оскыны кулэ.

Син азяды пуктэ ай, кызы мон сюрес вылтй мынй часаз виттон миля жоглыкен но вуи жужыт гурезь выжые. Кулэ луоз-а мыным машинаме чутрак дугдытыны но гурезь йылэ тубыса, азыпала сюрес вань на-а шуыса учкыны. Уг, мон озы уг лэсьты. Мон оско со адымылы, кин вералоз, гурезь сюрес сьорын вань на шуыса. Мон сыче жоглыкен ик азылане мыно, гурезь сьорысь сюресэз уг ке но адзиськы. Мон оско, со сюрес вань шуыса. Самой озы ик луэ утиськон понна Христослы оскон!

Сьольк понна өпкельыку сямен ик, осконлэн куинь валанэз вань. Нырасез: луыны кулэ Инмарлэсь верамзэ ВАЛАН. Соин ик лыдзыны дышетсконо Библиез. Умой тодоно Библиялэсь лулэз утён сярись дышетэмзэ. Ожыт уз луы, тодйды ке, тй сьолько но тй понна Христос улонзэ сётйз. Ожыт уз луы, тодйды ке, Иоаннлэн 3, 16 Евангелияз шуэмын: „Инмар сокем яратйз дуннеез, Аслэсьтыз огназ вордйськем Пизэ сётйз, котькудйз но Солы оскись мурт медаз быры, солэн быронтэм улонэз мед луоз шуыса“.

Уноез Инмарлы оскись луизы, Со сярись туж өжыт тодыса но. Конешно, Инмар сярись уногес тодыса ик умой луоз, соин ик асьтэдыз угён сярись малпась-коды ке, одно ик лыдэе Библиез!

Куд-огез адямиос шуозы: „Уноезэ гожтэмзэ мон Библиысь уг валаськы, соин ик лыдэыса уг курадэись-кы сое“. Умойтэм вераськон со. Библиын уно валантэм интыосыз. Мон, конешно, ноку но пумозяз уг тоды, мар со пумтэм-йылтэм дунне. Мон уноезэ уг валаськы телевизийн но, озьы ке но телевизоре азын пукисько. Мон солы оскисько.

Но Инмар быгатымтэзэ лэсьтыны уг косы. Со уг косы, Солы вазиськыкузы, тодымтэ интые тэтчыны. Христослы оскыны капчи, Библиез валаны кутскем бере. Соку ик ваньзэ өд валалэ ке но, тодэлэ, со Инмарлэн кылгёсыз. Нырысь ик, марлэсь палэнтыны турттэ убир – тйляд визьмады пычатыны тырше, Инмарлэн верам кылыз шонер өвёл шуыса. Соин ик тй Инмарлэн кылыз шонер-а өвёл-а шуыса малпаськыны ке кутскиды, тодэлэ – тй кышкыт сюрес вылын. Тйледлы ноку но вунэтыны уг яра, тй сёлыко шуыса. Иисус Христослэн кулэмез, Сое ватон но улземез – Евангелилэн быдэсак пуштросэз. Инмарлы осконэ выжонлы тае тодэм но өжыт өвёл.

Кыкетйез, оскон туж мур герзаськемын **МЫЛ-КЫДЫН**. Библия шуэ: „Визьлэн кутсконэз – Инмарлэсь кепыран“ (Притчаос 1, 7). Апостол Павел шуиз: „Христослэн яратонэз быдэсак басьтэ асьмемыз“ (2 Кор. 5, 14). Мылкыдмес улонысьтымы ноказыны но уд палэнты. Огез но адями уз шуы: „Ойдолэ куштйськомы мылкыдмылэсь“. Люкыны уг луы мылкыдмылэсь мурдалазэ куректонлэсь но, шумпотонлэсь но.

Кыче улон луоз мылкыдтэк. Син азяды пунктэ ай кыче ке семьяез, кудйз улэ сюлэм косэмезья но кулэезья гинэ. Малпалэ ай, мар луысал мынам кышноеным, шуысал ке мон солы: „Уг яратйськы тонэ, но кышно-яськыны малпасько“.

Инмарлы оскыку, мылкыд уно пöртэм сямен вошьяське. Куд-огез адымиос асьсэды лачмыт возё, нош вань туж алекьяськисьёсыз но. Соосызлэн но, таосызлэн но мылкыдзы Инмарлы осконэн герзэмын.

Ожмаськон мыныку, Черчиль, Британиысь калык-лы вазиськылыкуз, öтылйз малпанэн но **МЫЛКЫ-ДЫН** улыны. Тодэм ваисько на, мон сое огпол кылзй Глазгоысь Айбрукс-паркын. Со монэ малпаськытйсь кариз, нош со дыре ик паймытйз, мон дась вал султыны но ура кесяськыны, флагез сэзьяса! Куинетйез но самой главноез – оскон ас кужыменыз зйбе **СЭЗЬЛЫ-КЕЗ**. Одйг адыми пушкын куинь адыми улэ кожалод: визь, мылкыд но сэзьлык. Визь шуэ, Евангелие туж радьяса гожтэмын. Оскон сэзьлык вылэ зйбе но шуэ: „Мон кышкасько судлэсь“. Соку сэзьлык судья луыса уже пырьське. Со гинэ чурыт кылзэ вераны быгатэ. Адыми туж визьмоез но вань, туж бугырьяськись мыл-кыдоез но вань, но самой сыче адымиос ик чем дырья Христослы уг оско. „Лэсьтэм ужъёстэк оскон – со буш оскон“ (Иак. 2, 20).

Кöня ке ар талэсь азыло мон кылй сыче адыми сярись, кудйз тачкаез донгыса нуэм Ниагарской водопад вамен кыскем канат вылтй. Сюрсьёсын люкаськемъёс со адымиез кичабонъёсын пумиталлям. Тачкае со понэм кык центнер сюен мешокез но водопад вамен кык пол олань-талань нуллэм. Собере со люкаськемъёслы вазиськыса юам: „Оскиськоды-а, та тачкаен

мон куддэс ке тй пöлысь со пала но та пала поттылыны быгато шуыса?“

Люкаськемгёс нош ик кизэс чабиллям, та адямилы оскемзэс возматыса. Нош одйгез люкаськемгёс пöлысь ваньмызлэсь кужмо, пе, кесяське, оскисько шуыса. Соку акробат со кесяськись шоры возматэм но шуэм: „Пукселэ, тйляд черодды!“ Адзысалды ке, кыче кышкам та адями! Кесяськыкуз, со, оло, зэмзэ но оскиз вал, дыр, но зэмзэ ке верано, со өз оскы, адямиез сыче кышкыт интыетй поттылыны луоз шуыса, соин ик тачкае өз пуксьы.

Озы ик Иисус Христосэн но. Туж уно адямиос Солю оскиськом шуо. Но соос огзы но тачкае өз пуксьылэ. Соос ноку но быдэсак Иисус Христосэн ой вал.

Уноез юалозы: „Ярам бен, нош кыче мертэтэн мертано со осконзэ?“ Ииус Христос шуиз, осконды „горчица тысен“ чошаз ке но тырмоз.

Мукетгёс юало: „Кыче луыны кулэ оскон?“ Ужпум со бордын өвёл, көня но кыче луыны кулэ оскон. Осконлэн пуштроез одйг. Самой главноез – кинлы ОСКИСЬКОД. Марлы тй оскиськоды? Тйляд осконды Иисус Христос луыны кулэ.

Билия вера, оскон ассэ куинь ласянь возматэ шуыса. Со ассэ возматэ дышетоньсь – кызы со дышетоз оскыны. Со ассэ возматэ астэ быдэсак со ужлы сётэмысь – кызы матэ вуиськод Инмар доры черке ветлыса. Со ассэ возматэ моральсь – кыче улонэн уйлськод, кызы астэ возиськод, кингёсын чош уйлськод; ваньмыз та сярсь верамын луоз мукет главаосын.

Библия озы ик дышетэ, оскон уг йылпумьяськы на Христослы матэ луэменыды но Со утёз шуыса малпанэныды гинэ. Оскон пумен паськыта, кужмоя но

муроме. Нырысь со ляб луэ, нош Библиез лыдзёмъяды, черке ветлэмъяды, вöсяськемъяды, христианской улонады Инмарлэсь ваньзэ шöдэмъяды со оскон пумен кужмоя. Сьöлыктэс быдтон понна öпкелем берады, Инмарез сюлмады пыртэм берады тй быдэсак оскыны кулэ Со тйледыз нуэ, юнматэ но уте шуыса. Тй соку уногес тододы но валалоды, Иисус Христослы оскыны луэ зудыкуды но, куректыкуды но, висьыкуды но шуыса. Тй соку вераны быгатйськоды Павел апостолэн чöш: „Табере мон уг улйськы, но монэн улэ Христос. Мугорыным гинэ öвöл, Инмарлэн Пиезлы осконэн улйсько, Кин монэ яратйз но Кин Ассэ Ачиз курадзйтйз мон понна“ (Гал. 2, 20).

Куке тй шедьтйды Иисус Христослы та утись но шумпоттытйсь осконэз, тй эшшо одйг вамыш лэсьтоды Инмарен чöш дуннее сюрес.

Дас одйгетй глава

ВЫЛЬДЙСЬКОН

„Кин выльысен өз ке вордйськы, Инмар
Эксэйлыкез адзыны уз быгаты“

Иоан. 3, 3

Гуртады лыктыса, тйледын синмысь синме учкыса вераськеме луысал ке, одно ик шуысалды, дыр: „Мыным умойтэм: вераськонмылэсь радзэ ыштй. Мон Инмарлэсь законъёссэ тйяй. Мон уль Солэсь дышетэмъёссэ чаклатэк. Мон тырши ас тодэмъям улыны, но сыче улонэ өз пөрмы. Ваньзэ, мае адзи но чидай, мыным валано луиз бёрысь гинэ секыт куректонъёс но малпанъёс пыр. Ма гинэ лэсьтысал, дыр, али, выльысь вордйськон понна! Кызы гинэ ой тыршысал, мукет улон сюрестй мынон понна!“

Та выллем кылъёсын малпаськыны кутскиды бере, бадъым сюлмаськонэн сюлэмды вырзиз бере, мон тйледлы зеч ивор верало: Иисус Христос шуиз, тй быгатоде выльысь вордйськыны! Тйледлы луонлык кылдоз улондэс озы выльдыны, кызы малпаськоды. Тй пыраклы люкиськоды сёлыко но асьтэдыз тодыса гинэ акыльтымон улондылэсь, выльмем, сёлыктылэсь гылтэм адями луыны быгатоде.

Туж ке но пожамын азьвыл улонды, туж ке но секыт алиез улонды, туж ке но осконтэм азьланез

улонды, – мылкыддэс эн куашкатэ, умоезлы оскон вань. Вань шонер, туж оскымон сюрес – но со сюрес одйг гинэ. Тйледлы бырйыны луонлык сётйське. Тй, со сюрес вылэ султыса, куштйськыны быгатоды умойтэм, азыпала осконтэм улондылэсь.

Но кылыны быгатоды азьвыл улонады ик, нош ик асьтэлы асьтэос адзонтэм луыса, нош ик огпөртэм куректонгёсын но сюлмаськонгёсын, керетонгёсын но умойтэм малпаськонгёсын. Озы медам ни луы шуыса, тй али ик малпаськыны кулэ асьтэдыз выльдон сярэсь, кудзэ лэсьтыны кыл сётэ Иисус Христос.

Соку тйляд амалтэк мукет юанды кылдоз: „Нош кызы мон выльысь вордйсько? Кызы мон воштйсько? Кызы мон выль улон сюрес вылэ султыны быгато?“

Самой таће юанэн вазиськиз вал Никодим Иисус Христослы кык сюрс ар талэсь азьло Палестиналэн инбам улаз. Вильдйськон – со кутскон, но астэ умой возыны одъян гинэ өвөл. Кызы валады ини, Библия шуэ, нырысьсэ, пе, тй вордйськиды та дунне вылын улыны, нош духовной пуштросты вордйськиз сёллыкын. Библия дышетэ, тй пе, „асьтэлэн сёллыкгёсыныды но йыружгёсыныды кулэмын“ (Ефес. 2, 1).

Библия дышетэ, тйляд сёллыко но кулэм улондылэн өвөл нокыче но улзйтйсь кужымеэ. Сёллыкын вордскеменыды, тй уд быгатйське шонер улон лэсьтыны. Уноез адямиос тыршо туж чакласькыса, умойтэм ужгёс медам лэсьтэ шуыса улыны, духовной вильдйськонтэк, но соослэн со уг пөрмы. Кулэм шойысь улон уг ни кылды. Библия дышетэ, „лэсьтэм сёллык вордэ кулон“ (Иак. 1, 15). Асьмеос ваньмы духовно кулэмын.

Тйляд нырысь вордйськем сьолько лулды Инмарлы служить карыны уз быгаты. Библия дышетэ: „Адямилэн лулыз валаны уз быгаты Инмарлэсь Духсэ, малы ке шуоно, со сярэсь малпаськыны кулэ духовной луыса гинэ“ (1 Кор. 2, 14). Вордйськем лулынымы гинэ улыса, асьмеос, зэмзэ ке верано, Инмарен тушмонъёс луиськомы. Асьмеос ум сётйськиське Инмарлэн законъёсызлы, сётйськыны но ум быгатйське, кызы верамын Римлянъёслы 8, 7 посланиын.

Библия дышетэ, асьмелэн вордйськем лулмы быдэсак сörиськемын. „Пыдпыдэсысен йыртышкозь солэн таза интыез өвёл; кырсь, миськымтэ интыын, небзйтйсь арбериен зырамтэен, урзём висёнъёс алямын“ (Исаия 1, 6). „Адямилэн сюләмыз пöяськыны яратйсь но соин ик со сörиськемын“ (Мер. 17, 9). Со сörиськен кылдэ кышномуртлэн но пиосмуртлэн ёош кöланзы бордысь.

Библия озы дышетэ, асьмелэн кылдэм лулмы – астэ ачид гинэ яратон лул. Со выльдйськыны уг быгаты. Библия дышетэ, куке асьмеос выльйысь кужымлэн юрттэменыз выльысь вордйськиськомы, ас мугорысьтымы куштйськомы „сисьмем Адамез“, асьмеос сое ум тыршиське асьмемын ёош выльдыны. Со „сисьмем адыми“, выльдйськем но азинскем интые, киросэ кортёогамын луыны кулэ. Иисус Христос шуиз: „Тусьтылэсь, тэркылэсь педпалзэ сузяськоды, со дыре ик, пушсы тырмемын лушкаськонэн но умойтэм улонэн“ (Матф. 23, 25).

Библия асьмемыз озы ик дышетэ, выльысь вордйськонмес сюлмынымы өм ке шödэлэ, ум быгатэ Инмар Эксэйлыке пырыны. Иисус Христос та кылъёс вöзы вадьсаса выллем шуиз на: „Тй выльйысен вор-

дйськыны кулэ“ (Иоан. 3, 7). Та верам кылын өвөл номыр валантэмез но, котыръямез но. Кинлэн Инмысь Эксэйлыке пыремез потэ, вордйськыны кулэ выльйисен.

Та утиськон аслэсьтыд нырысь кылдэмдэ утён өвөл, та утиськон астэ ачид вылысь кылдытон луэ, кудзэ Инмар зэмос святой улонэн гинэ адже. Вьль-дйськон со – ас лулдэ-мугордэ, сьулэмдэ воштон өвөл, выльйисен вордйськон со чылкак мукет луон, со кыкетйез вордйськон луэ.

Адямилэн ляб мугораз Инмарлы номыр но кельшымонэз өвөл. Отын өвөл таза интыез. Ляб мугорыныд Христос сьёры уд мыны. „Тй сое уд лэсьтйське, мар лэсьтэмды потэ“ (Гал. 5, 17). Мугорынызы гинэ уйсьёс Инмарлы уг тупало. „Одйг дырдыысь виялоз-а кёш яке ческыт ву? Уз кисьма, братъёсы мынам, смоковницаын маслина яке виноград модосын смоква; озыы ик одйг ошмес уз сёты кузьыт но ческыт ву“ (Иак. 3, 11-12).

Ляб адямиос Римлянъёслы ыстонын тазыы возматэмын: „Нылонзы соослэн – усътэм корос; кылынызы пöясько; ымдуразы аспидъёслэн ядзы; веран кылазы туж уно лекез но вöсь карисез. Пыдъёссы шаплыесь вир кисьтон интые; сюрес вылазы куашкатон но шимес уж; соос уг тодо чеч улонэз. Öвөл соослэн синмазы Инмарлэсь кышкан“ (Римл. 3, 13-18).

Кызы тупатыны быгатоды тй яке вьльдыны, яке воштыны сьче нылонэз, кылэз, ымдуръёсыз но синъёсыз? Со ноку уз пöрмы. Иисус Христос тодйз со сярись но соин ик шуиз: „Тйледлы вордйськоз выльйисен“. Библия мукет азын вера: „Быгатоз-а Ефиолиянин ас кузэ воштыны яке барс-ас пужызэ?“ (Иер.

13, 23). Римлянтьёслы 7, 18 посланиын но шуэмын: „Тодйсько, уг улы мон бордын, мон пушкын номыр но умоез“. Библия вера озыы ик: „Тыршелэ ваньмыныз радызъя но святой луыса улыны, сотэк нокин но Кузё-Инмарез уз адзы“ (Евр. 12, 14).

Выльысь вордйськыса шедьтэм улон ачиз уг лыкты. Адымилэн улонэзлэн өвөл сыче святой кутсконэз, кудйныз Инмарлэн Эксэйлыказ пырыны луысал. Выльысь вордйськыса гинэ со святой кутсконэз шедьтыны луэ. Инмарлэн улонэныз улон понна, котьма ласянь Инмар дорозь жутйськыны быгатоно.

Выль улонэз шедьтон азвесь кондонлы кельше. Со коньдонлэн кык палыз вань: азь палыз но мыдлань палыз. Выль улонэз шедьтонлэн но вань кык палыз: Инмарлэн улонэныз улон но адымилэн улонэныз улон. Асьмеос адымилэсь улон палзэ адзимы ни Инмарез утчан, Со доры вамыштон главаын, отысь ик тодймы, мар асьмелы кароно. Табере эскеромы, мар лэсьтэ но кызы лэсьтэ Инмар.

Выльдйськон со быдэсак Святой Духлэн ужез. Асьтэос тй выльысь вордйськон понна номыр но карыны уд быгатэ. Библия вера: „Нош ваньмыз, кинъёс Сое кабыл басьтйллям, Солэн нимызлы оскисьёслы Инмар нылпиос луыны кужым сётэм. Кудтьёсыз вирлэсь өвөл, мугор кулэ каремлэсь өвөл, пиосмурт кулэ каремлэсь өвөл, но Инмарлэсь вордйськиллям“ (Иоан. 1, 12-13). Мукет сямен вераса, тй выльысь уд вордйськыске мугоро но вирось луыса; тй уд вордйськыске анай-атайлэсь.

Тй одно ик христианин но уд луэ. Анайды но атайды христианъёс луыны быгатозы, но тй одно ик уд.

Священной Писаниын шуэмын, тй уд вордйське

мугордылэн мылпотэмезъя, мукет сямен вераса, асьтэос тй номыр но карыны уд быгатэ. Тй кулэмын. Кулэм муртлэн өвөл улонэз, соин ик со номыр карыны уг быгаты.

Тй уд вордйське адямилэн куремезъя но мылпотэмезъя. Со вордйськон нылпилэн вордйськонэзлы уг кельшы. Куд-огез кыче ке черке ветлыса, кыче ке религиозной обрядэз быдэсьяса яке Выль аре Инмарлы оскыны кыл сётыса, выльысен вордйським ни кожало. Ваньмыз со шонер, ваньмыз со умой, но со выльысен вордйськон өвөл на.

Иисус Христос шуиз, асьмелы, пе, „выльысен вордйськыны кулэ“. „Кулэ“ – со косэм кыл өвөл. Со асьмелы мар ке но лэсьтэмын луоз, шуэмез возматэ. Адями ас понназ уг вордйськы. Солы „кулэ“ вордйськыны. Выль вордйськон асьмелэсь уг юа, со ас понназ лэсьтйське. Мукет сямен вераса, выльысь вордйськон – со Инмарлэн ужез – асьмемыз вордйськытэ Инмар.

Никодим ноказыы но өз вала, кызы со кык пол вордйськоз. Паймеменыз, со кык пол юаз: „Кызы?“

Кыкетй вордйськон валантэм ке но, со осконтэм уг луы. Асьмеос чем дыръя ум валаське, „кызы“ ваньмыз луэ электрической токэн, но тодйськомы, со коркамес югдытэ шуыса, телевизор учкыны но радио кылзыны юрттэ шуыса. Асьмеос ум тодйське, кызы така ыж гонзэ будэтэ, но тодйськомы, ваньмыз со будэ но, шунтэ но. Асьмеос инкуазьлэсь унозэ улонзэ ум тодйське, но тодйськомы, сояз яке таяз минутэ сьöлыкмес быдтыны курыса öпкелимы ке, Иисус Христослы оскыны курыса вазиськимы ке, асьмеос вордйськомы выльысь.

Вылйысь вордйськон со Инмарлэн улонэзлэн адымилэн лулыныз огазеяськон, герзаськон. Инмарлэн оглюкетэзлэн адымилэн лулаз пычан асьмемыз Инмарлэн нылпиезлы пörмытэ. Инмар шокче соку асьмелы Ас шоканзэ. Ас шоканзэ Святой Дух пыр асьмелэн сюлмамы пыртэ Иисус Христос, тйни со дырысен асьмеос котькулы герзамын луиськомы Инмарен. Вылйысь вордйськись мурт улоз со мында ик, кöня улоз Инмар, тйляд уго табере лулды одйг.

Вылйысен вордйськиды ке, пöртэм воштйськонъёсты луозы. Нырысь ик, со вордйськон тйледлы юртоз АДЗЫНЫ но ВАЛАНЫ. Инмарлэн кылыз вера: „Инмар, пеймытэз югытэн пиштыны косыса, югдытйз тйлесьтыд сюлэмдэс, соин валче югдытыны косйз тйледыз Иисус Христос пыр Инмарлэн данэныз“ (2 Кор. 4, 6). Мукет азын шуэмын на: „Тйлесьтыд синдэс серем кариськоды вал, ноку но валантэм шуыса, табере солы ик оскиськоды. Воштйськыны öдья ваньмыз тйляд осконды. Инмар тйляд малпаськондылэн шорсюлмыз луыны кутске. Асьтэлы гинэ осконды, асьтэдыз гинэ тодыса улонды куашказ.

Кыкетйез, тйляд СЮЛМАДЫ мынэ воштйськон. Библия вера: „Мон тйледлы сёто тйледлы мугордылы тупась сюлэм“ (Иезек. 36, 26). Инмар шуэ: „Законме поно Мон пушкады но сюлэм вылады гошто сое“ (Иер. 31, 33).

Тйляд ужды шоры учконды но табере öжытак воштйськоз. Тй табере Инмарез яратйськоды бере, ваньзэ Соин герзаськемез яратыны кутскоды. Тй табере улонысь самой быдзымзэ но чеберзэ гинэ яратйськоды. Тй адзонтэм кариськоды ваньзэ умойтэмзэ. Табере тй мукет сямен учкиськоды тйледыз

котыртйсь улон шоры. Тйляд сюлэмды жалянэн пачылме, кин секытэн, курадзйса улэ.

Куинетйез, тйляд **МЫЛКЫДДЫ** но тодмантэм воштйське. Уждэс кызыы лэсьтыны малпанды но воштйськоз, малы ке шуод, воштйськиз со борды кутскон мылкыдды. Библия вера: „Дуннелэн Инмарез выльдоз тйледыз умой кутскем ужын, Солэсь косэмзэ быдэстонын, сое быдэстыку тй асьтэос воштйсь

Инмарлэсь басьтэм воштйськонды Солэн кужымез киулын ик улэ. Мылкыдды табере Солэсь косэмьёссэ гинэ быдэсьяны дась. Тй быдэс улондэс Солы гинэ сйзыны дась. Табере Со сётоз выль мылкыд, выль малпан. Тй табере Инмарез гинэ данъяны дась. Тй яратоды дырдэс молитваын ортчтыны. Воштйськиз тйляд быдэсак улонды. Азьвыл номырлы но уд оскиське ке вал, уд валаське ке вал, кытысь кылдэ сьöлык, соин ик Инмарлы уд оскиське ке вал, тебер тй Солы оскем гинэ öвöл, данъяськоды Сое Ассэ но, Солэсь Кылзэ но.

Азьло сыче дырды но вал, куке улонады валтйсь инты басьтэ вал вылтйяскон. Тй улйды асьтэдыз гажаса но котькинэ вормыны быгатэмдылы шумпотыса; табере со йылолды воштйськиз. Вал сыче дырды но, куке тй котырысьтыды улонэз но калыкез адзонтэм кариды; тйледыз зйбыса возиз вожъяськон, көт пöсь мылкыд. Табере со мылкыдъёсыд но воштйськизы.

Вал сыче дырды, куке тй капчиен пöяськиды. Малпанады, веранады вал туж уно осконтэмез, пöечиез. Ваньмыз табере воштйськиз. Вал сыче дырды, куке яратйды мугорез. Воштйськиз таچه мылкыдды но. Табере тй вордйськиды вылйысен. Кин тодэ, оло, сюрылоды на та выллем четлыкъёсы, кудъёссэ пук-

тылэ убир асьме азе, но тй соку ик жалялоды, озыы луиды шуыса, өпкелёды сьöлыкты понна, тй уго табере выльысь вордйськемын.

Вань парсь но ыжпи сярсысь вашкала мадён. Одйг фермер ас корказ парсез ваем. Миськем сое, пьд гижыоссэ чиясь луытоязызы волятэм, духиен зырам, чыртыяз лента думем но тёр шоры пуктэм. Парсь, пе, чебереныз паймытэ. Фермер доры куное лыктэмьёс пöлын со самой синмаськымонэз куно луыны кулэ вал кадь. Со сыће чебер миськемын но чебер зыно. Кöня ке дырлы со зэм но вань люкаськемьёслэн син аязызы улйз. Но тани öс усьтйськиз. Парсь соку ик бызьыса потйз но син азяз сюрем дэри вуэ чумбыльсікиз. Малы? Сюлмыныз со уго сыће ик парсь кылиз. Солэн пуштросэз öз воштйськы. Вылтусыз чиясь луиз, пуштросэз сыће ик кырсь.

Табере ыжпиез басьтом. Пыртэлэ сое корка но поттэ азбаре. Со ваньмызлэсь дэри вуослэсь палэнэ кошкоз. Малы? Малы ке шуод, пуштросэзъя со зэм но ыжпи.

Тй быгатоды адямиез но, чебер дйсьяса, черкысь нырысь радэ султытыны. Со святой выллем адзиськоз. Со одйг вакытэ матысь эшгёссэ паймытоз, но мукет нуналаз, уже мыныса яке дораз бертыса, со сыће ик адями луоз, кыће вал. Малы? Малы ке шуод, солэн пуштросэз öз воштйськы. Со öз вордйськы вылйен.

Но самой со вакыт, куке тй выльмиды, куке тй вылйысь вордйськиды, куке тй басьтоды Кузё-Инмарлэсь виль пуштросэ, тй сьöлыкклэсь утемын луоды. Сьöлыкклэсь утён – со Инмарлэн ужез. Сьöлыкклэсь утыса, Кузё-Инмар улйе усем адямиез умой радэ вут-

тэ, солэн сьӧлыкъёсыз быремын өвӧл на ке но. Инмар тӱледыз Ас аяз пуктэ, ноку сьӧлыкаськымтэ мурт сямен.

Апостол Павел шуэ: „Кин янгыше уськытоз Инмарлэсь быръемъёссэ? Инмар соосты сьӧлыкысь поттӱз“ (Римл. 8, 33). Тӱляд сьӧлыкты быдтэмын. Инмар вань сьӧлыкъестэс зарезь пӱдэсэ сэрпалтӱз (Мих. 7, 19), „куштӱз мынэсьтым вань сьӧлыкъёсме Аслаз мугор сьӧраз“ (Исаил 38, 17). Ваньмыз сьӧлык чӱшешмын. Тӱ Инмар азын пунэмаськем мурт кадь сӱлӱськоды, но тӱляд сьӧлыкты куштэмын но тӱ Инмарен утемын. Татчыозь тӱ Соин тушмонъёс вал ук. Библия вера: „Милемлы ӧжыт на та, озьы ке но ушъяськиськом Инмаренымы милям Кузё-Инмармы Иисус Христос пыр, Кинлэн жеченыз али ми утӱнэз адӱимы“ (Римл. 5, 11). Табере тӱ Инмарлэн семьяяз кутэмын, табере тӱ Инмарлэн нылпиез. „Со бырӱиз тӱледыз Аслыз нылпи карыны Иисус Христос пыр, Аслаз Мылкыдызлэн косэмез пыр“ (Ефес. 1, 5). Табере тӱ Инбамысь семьяе пыриськоды, Тӱляд вирсэрады эксӱйлэн вирез. Тӱ эксӱёслэн Эксӱйзылэн нылпиез. Тӱляд синъёсады пишто выль тылгизыиос, тӱляд вамышты лӧптэмын, ымнырады пальпотон ворекъя. Эшъёсты но адӱо ни тӱлесьтыд воштӱськемдэс. Тӱ вордӱськиды вылӱйсен.

Вылӱйсен вордӱськем берады ик воштӱськоз тӱляд визь-валанды но. Нырысь ик, тӱ мукет сямен учкыны кутскоды сьӧлык шоры. Тӱ дышоды сьӧлыкез адӱонтэм карыны, кызыы сое Инмар адӱонтэм каре. Тӱ вожпотонэн учкоды сьӧлык шоры.

Тексасысь Хоустон городысь огез адями милям собраниямы выльысь вордӱськон басьтӱз. Со аракы

вузан магазин возе вал. Ъуказеяз ик магазинлэн ос бордаз „пытсамын“ ялон ошемын вал.

Көнә ке ар талэсь азьло мыным веразы одйг адями сярысь, кудйз евангелизация мыныку выльысь вордйськон басьтэм. Сое быдэс город тордос шуыса тодэ вал. Солэн нимыз ик „Пересь Джон“ вал. Ъуказеяз ъукна сое кыче те тодмоез пумитам но шуэм: „Зечбур, пересь Джон“.

– Кинэн тй вераськиськоды? – шуэм со. – Мон пересь Джон овол ни. Мон табере „Егит Джон“.

Солэн улонэз быдэсак воштйськиз.

Кыкетйез, тй выльысь вордйськемдэс валалоды соку гинэ, куке тй шододы Инмар доры кыстйськемдэс. „Ми Сое валамы шуыса тодомы соку, куке Солэсь курон-косоньёссэ быдэсьяны кутскимы“ (1 Иоан. 2, 3).

Куинетйез, тй люкемын луоды каньыллыклясь. Библия вера: „Уд яратйське ке каньыллыкез, уд яратйське созэ но, мар отын; кин яратэ каньыллыкез, солэн овол Атайзэ но яратонэз“ (1 Иоан. 2, 15).

Нылетйез, тйляд сюлмады матысь адямиостэс яраком, кулонысь улзонэ выжим, малы ке шуод, яратйськом братъёсмес; братсэ яратйсьтэм мурт кулэмын луэ“ (1 Иоан. 3, 14).

Витетйез, асьмеос ум ни сьолыкалэ. Библия шуэ: „Ми тодйськом, котькудйз Инмарлэсь вордйськемез, уг сьолыка“ (1 Иоан. 5, 18). Ми ум ни герзаське сьолыко ужъёсын.

Тексасын верало одйг адями сярысь, кудйз ъукналы быдэ кабаклэн ос вадьсаз валзэ думылэ вылэм. Огпол кабаклэн кузёез адзем, со доры пырась адямилен валэз, пе, думемын черклэн ос вадьсаз. Ураметй вамышгьясь валлэсь кузёзэ кабаклэн кузёез юам:

„Малы тон туннэ валдэ черклэн өсэз вадьсы думид?“
Соиз шуэм: „Толон жыт монэ вöсяськон собраниын
выльысь вордйськонэ кутйзы, табере валэлэсь сылон
интызэ воштоно луоз“.

Тйни мар со выльысь вордскон. Тйни мар со оско-
нэ выжон. Со возматэ: тй асьтэлэсь интыдэс вош-
тйськоды.

Дас кыкетй глава

УТИСЬКОНЛЫ ОСКОН

„Тае гожтй мон тйледлы, Инмарлэн
 Пиезлы оскисьёслы, мед тододы, тй, Ин-
 марлэн Пиезлы оскыса, быронтэм улон
 басьтоды“.

1 Иоан. 5, 13

Арнялы быдэ мон басьяско туж уно гожтэтъёс.
 Уноез гожъясьёс шуо, соослэн, пе, христианской
 улонлы осконзы өвёл. Нош уноез гожъясьёс зэмос
 оскисьёс луо, но соос но Христослы осконлэсь бадзым
 шумпотон уг басьто, өвёл соослэн осконзы но, малы
 ке шуоно, соос өз валалэ на христианинлэнь улонэз-
 лэсь пуштроссэ.

Соин та главамес сйзёмы со сярысь вераськонлы,
 мар луиз асьмемын. Асьмеос валамы ни, мар со өпке-
 лён, мар со оскон но мар со выльйысен вордйськон.
 Табере кылиз на таёе юанмы: кызы мон оском, вань-
 мыз та монэн луиз шуыса? Уноез адямиос, кинъёсын
 мон вераськи, өпкелизы, оскизы, выльйысен вордски-
 зы, но соослы асьсэлэн воштйськонзылэн осконзы уг
 тырмы. Эскероме эшшо огпол сое, малы асьмеос
 дышимы, мае тодймы-валамы.

Нырысь ик: христианин яке оскон сюрес вылэ али
 гинэ султйсь мурт ортче бадзым но секыт малпаськон

сюресэз: со сюрес кузь но кема луылэ, нош куд-ог дыръя туж жог ортчче. Но сояз но таяз но учыре выльысь вордйськон йылпумъяське мар лэсьтэмдэ сайкыт валанэн яке оскись луэмдэс асьтэос но тодытэк, нош мылкыдды капчи луэмен.

Верало соку ик, бõрысь валамтэос медам луэ шуыса: тй христианинэ уд пыриське, кытын ке дышетсконэз йылпумъяса. Кõня ке ар талэсь азьло туж тодмо проповедник шуиз: „Ми христианской мылкыдо будэтыны но со сюрес вылэ тодыса пуктыны кулэ егитъёсыз, соослэн медам ни луы осконтэм мылкыдзы, куке соку ми оскисьтэмъёс вал шуыса“.. Религиозной воспитаниея философилэн бадзымез люкетэз чапак та ужпумлы сйезмын, но куд-огез та религиозной дышетсконэз ортчыкузы мур өз валалэ, луоз, мар со выльысь вордйськон.

Асьме даурлэн кутсконаз быдзым ученой профессор Стербак валэктйз, Инмарлы вõсяськон удысын ужасьёс котьку сямен пумиськыло сыңе адямиосын, кудъёсыз выльысь вордйськызы туж мур малпаськонэз ортчытэмзы бере. Та ученой ик шуиз, со адямиос, пе, кинъёслэн выльысь вордйськон сярысь малпанзы туж сайкыт, будэмын сыңе интыын, кытын туж ляб пунктэмын вал христианской воспитание.

Та кылъёс религиозной воспитаниез пыкылон вылысь верамын өвõл, но со дыре ик религиилы дышетоньсь куд-ог тырмымтэосыз сярысь веран, куке зэмос малпаськон воштэмын луэ выльысь вордйськонэ капчияк выжонэн.

Иисус Христос вакытэ тужгес но оскисьёс пõлысь огезлы Иисус шуиз: „Кин выльысь өз ке вордйськы, со уз адзы Инмар Эксэйлыкез“ (Иоан. 3, 3). Никодим

аслэсьтыз духовной выльдйськонзэ воштыны ой быгатысал религиез мур тодэменыз, озыи ик асьмеос но та ласянь азыланьтйськыны ом быгатэ. Йёспөртэм личинка быдэ вуытозяз ас улонзэ коконын ортчытэ. Туж каллен ке но будэ со, вуэ сыче дыр, куке коконысь лобже туж чебер бубыли. Солэн коконын каллен будонэз кулэ туннэ чебер луыса лобзонэзлы. Азвыл шушез но йёспөртэмез пыраклы вунэ, туннэ нуналэд чебер улонэн ке воштйське.

Сюосын, сюрсьёсын оскисьёс уг тодо нуналзэс но чассэс, ку соос Христосэз валазы. Но соослэн улонзы но осконзы возматэ, валаса-а валатэк-а соос лыктйзы Христос доры. Тодазы ваёзы оло уз соос валанзылэсь ку воштйськемзэ, но вал соослэн нуналзы, ку вамыштйзы кулонлэсь угись гожез но потйзы сайкыт улонэ.

Котькуд адямилэн вань, дыр, религиозной мылкыдызлы осконтэм дырыз но, паймон дырыз но. Куке Моисей Инмарлэн кийсьтыз Сйзёнэз басьтыны тубиз Синай гурезе, сое витись еврейёс көня ке дырлы Моисеез син азысьтызы ыштйзы. Собере соос, ма карыны паймыса, куспазы вераськыны өдъязы: „Та адямиен, Моисеен, кудйз ваиз асьмемыз Египет музьем вылысь, мар луиз меда?“ (Исход. 32, 1). Тазы вераськемзы возматэ, соослэн Инмарлэсь палэскемзы кылдэмын оскымтэзылэсь.

Осконзэс ыштэм муртёс туж чем пумиськыло, соослэн бадзым куректонзы герзэмын религиозной малпаськонэз мыдлань валаменызы.

Куинь сюлэсь уно пол пумиськылэ Выль Сйзёнын, „оскон“ кыл адямиез утёнэн валче. Еврейёслы посланиын шузмын: „Инмар доры мынйсь мурт мед оскоз,

Со вань шуыса, мукетъёсызлы но утчасьёслы озыы ик мед вералоз“. Со верам чуръёсын ик таће кылъёс вань: „Осконтэк Инмаре уд пырыськы“ (Евр. 11, 6).

Христианство кыстйськемъёс пöлысь уноезлэн туалала адымиослэн духовной малпаськонзы секытэн сөтйське кык валанъёсты огазе сурамен: ОСКОНЭЗ но ШÖДОНЭЗ.

Оскон герзамын луэ маин ке но, мукет сямен вераса, асьмеос оскиськомы ке, малы ке но оскиськомы. Со „мар ке но“ верамез мон ФАКТ кылэн воштысал. Соин ик мон тйледлы куинь кыл верало, тй со кылъёсты интыенызы эн вошъялэ. Та куинь кылъёс тйледыз вуттозы осконтэмысь осконэ: ФАКТ, ОСКОН но ШÖДОН. Та куинь кылъёсты сураса ке верады яке мукет кылъёс ке утчады, бöрысь тйляд малпанды но сураськоз, осконды но лябомоз, соку уд ни шуэ: „Мон тодйсько, Кинлы оскисько!“ (2 Тим. 1, 12).

Нош тй сьöлыкклэсь утемын ке, тй утемын Иисус Христослэн Зеч Иворезлы осконэн, самой со сярсы верамын Святой Гожтэмын. Та верам кыл тйледлы, оло, уз но кельшы, тй шуоды, тазы верам кыл кемалась тодмо ни, мар ке выльзэ верано ни. Но мукетыз кыл öвöл. Библия шуэ: „Мон тйледлы верай ни вал, ачим но солы оски вал, Христос кулйз асьмелэн сьöлыкъёсмы понна, Со ватэмын вал но, Святой гожтэмын верамъя, куинетй нуналаз улзиз“ (1 Кор. 15, 3-4). Библия шуэ, асьмеос утемын луомы, та вылэм учырлы оскимы ке. Христослэн ужез – со факт, Сое кортçоган – со факт, Солэн коросэз – со факт, Солэн улземез – со факт.

„Мар ке“ öвöл ке, солы уд оскы. Зеч ивор öз кылды адымиос солы оскемен. Корос буш öз луы, кöня ке

адямиос солы оскемен. Факт котьку азыпалан сылїз осконлэсь. Тї ноказыы но оскыны уд быгатэ, азяды факт өз ке луы.

Библия уг өты тыледыз оскыны осконтэмезлы, со өте оскыны исторической фактёслы, кудьёсыз исторической событиослэн азыпалазы сыло. Библия оскыны өте, кин аслэсьтыз лулзэ сїзыны малпа Иисуслы но Со съоры мыныны дасяське, Христослэн съолькоос понна лэсьтэм ужез котькуд адямилы кулэ шуыса. Пыраклы утиськон понна Солы оскон – озьыен, фактлы оскон.

ОСКОН – та ог-огзы бөрсы сылїсь кылгёс пöлысь кыкетїез кыл луэ. Валамон, оскыны уг луы солы, мар өвöл. Оскон кулэ каре кыче ке арбериез, солэсь пуштроссэ но мар пумысен оскемез. Христианской вералэн осконэзлэн пуштросэз луэ Иисус Христос. Оскон со Иисус Христослэн косэмгёсыныз оглаш луэмлэсь бадзымгес. Оскон герзаськемын тынад кужмыныд, астэ ачид вормон сямыныд. Со герзамын лэсьтоно ужлэн быдэсмонэзлы оскон мылкыдын. Зэмос оскон – со ачиз улон. Оскон но ужтэк пукон – со кулон. Зэмос оскон – со Христослэсь косэмгёссэ быдэсьян. Оскон – со, съолькгёстэ валаса, Христослы вазиськон. Асьмелы инкуазен сётэм вить шөдонгёсын ум валалэ асьмеос Христосэз, Сое валаломы Инмарлэн сётэм куатетї шөдонэныз – осконэн.

ШӨДОН – куинь кылгёс пöлысь куинетїез. Мон тодїсько, уноез осконтэм мылкыдгёс кылдо соку, куке адямиос витё вылїысен вордїськон азязы туж секыт малпаськонэз яке куректонэз, нош соос малы ке öй вал.

Тагё адямиослэн тодэмзы потэ, осконтэм мылкыд-

лэсь утиськон понна мар ёктэ асьмелы Библия. Тй кылйды Ёеч Ивор сярысь, тй валады асьтэлэсь сьёлыко луэмдэс но Утисьты мед луоз шуыса, тй адзиськодды улондылэсь куашкамзэ, тй ваньзэ эскериды ни асьтэды утён но выльдон понна, нош ваньмыз со тыршемды нокыёе пайда өз сёты. Таёе куашкам мылкыдды дыръя тй вазиськиды Христослы утён кыл курыса. Тй оскиськодды, Со тйледыз утёз шуыса. Со шуиз: „Мон доры лыктйсь муртэ улляса уг лэзы“ (Иоан. 6, 37), нош озы ик: „Кинлэн сюэз куасьме, лыкты Мон доры но ю“ (Иоан. 7, 37).

„Кыёе мур малпаськонъёс вите асьмемыз“, – малпай мон, Выль Сйзёнэз лыдзем берам, собере валай, Выль Сйзёнын вераськон мынэ одйг малпаськон сярысь гинэ. Вань одйг гинэ тйледыз витись малпан, вань одйг гинэ шөдон – со осконэз шөдон. Оскон со сыёе ик шөдон, мылкыд лопыръяськон-бугыръяськон, кыёе луо мукетъёсыз, кылсярысь, вожан, мөзмон, яратон, но уноез вите на эшшо кыёе ке мукет шөдонэз, со мургес куректон ваись мед луоз, малпало, дыр, кудйз бере вераны луонтэм капчи но сайкыт луод. Библия дышетэ, адями утемын өвёл валанэн но малпанэн, – „адями утемын осконэн“. Адями утемын Христослэн кирос вылын лэсьтэм ужэзлы осконэныз, со уз луы утемын выльысен вордйськон понна туж мур куректон утчанэныз.

Но тй, оло, мыным пумит луоды: „Нош ма кароно шөдонэн? Утёнлы осконэн шөдонлы инты висьямын өвёл шат?“ Веранэз өвёл, утиськонлы осконын шөдонлэн аслаз интыез вань, но со шөдон гинэ уз уты асьмемыз. Котыкыёе мур мед луоз шөдонмы, котыкыёе мур малпаськонэ яке куректонэ мед усёмы,

утиськонэ со одйгез гинэ вамыш луэ, но асьсэ коже соослэн асьмемыз утыны нокыче луонлыксы но, кужымзы но өвөл!

Куке мон валало Христослэсь монэ, сьöлыко муртэ, öжыт ке но яратэмзэ, мон ачим но соку ик Христосэз яратэмме возматэ – яратон котьку герзэмын шöдонэн. Но Христосэз яратон огшоры яратон öвөл, со ваньмызлэсь шöдонгёслэсь вылийын сылэ. Со яратон монэн асэным герзэмын öвөл. Библия дышетэ: „Яратонын кышканэз öвөл, нош зэмос яратон яратйсь-ёслэн осконзы сыче мур луэ, со мылкыд амалтэк жутэ соосты кышканлэсь вылийе.

Куке мон валало, Иисус Христос Аслаз кулонэныз кулонэз но сьöлыкез вормоз шуыса, мынам кышканэ төлзоз. Библия вера, „кызьы нылпиос герзэмын лулму-горен но вирен, озьы ик Со но герзэськиз лулмугорен но вирен, собере Аслаз кулонэныз палэнтйз кулон дуннеез, яке убирез; утиз соосты, кингёс, кулонлэсь кышкаса, быдэс улонзэс рабствоын ортчйтйзы“ (Евр. 2, 14-15). Веранэз öвөл, кышкан – ачиз но шöдон ук, соин ик кышканэз вормон, тужгес но кулон азын, адямилэн улоназ бадзым вормон луэ. Но нош ик верасько, асьмемыз уг уты кышканэз вормон, асьмемыз уте оскон, нош кышканэз вормон – со осконлэн кутсконэз, Христос доры вуонлэн нырысь вамышез.

Аслэсьтыд янгыштэ валан – со туж мур малпаськон. Инмарлэсь законгёссэ тйяса лэсьтэм янгышез согыны туж секыт, со быдзым куректонэ вуттэ. Малы ке-а куд-ог преступникгёс асьсэос властгёс кие сётйсько, малы ке шуод, лэсьтэм сьöd ужзы сярись малпаськон кужмогес луэ тюрмалэсь.

Библия дышетэ, Иисус Христос асьмелэсь визьмес

чылкыт каре шуыса. Библиын шуэмын: „Вандэм пудоослэн вöсям вирзы сьöлыкоослы юрттэ ке выльдйськыны, веранэз ик öвöl ини, кызыы выльдэ сьöлыктэм Христослэн вируыз кулэтэм ужен вырись-ёслэсь мылкыдзэс чылкытатыны но соосты улэп но зэмос Инмар пала берыктыны!“ (Евр. 9, 13-14).

Сьöd уж лэсьтэмедлэсь куректыса мылкыддэ чылкытатон – со мур малпаськон шуыса верамы ини. Но мылкыддэ чылкытатон – со утиськон öвöl на. Зэмос утиськон – со Христослы оскон, нош чылкытатэм йырвизь – со Инмарез валанэ сюреслэн нырысь вамышез луэ.

Шумпотон – со шöдон. Мылкыдлэн каньыллыкез – со шöдон. Мукетъёссэ яратон – со шöдон. Кулэмъёсты жалян – со но шöдон.

Кин ке шуоз, дыр: „Мон оскисько Евангелиын верам исторической фактёслы, но со осконэн мон утемын öвöl на“. Озыы верась одно луоз, малы ке шуоно, утись осконлэн аслаз пöртэмлыкез вань: утись оскон со сьöе оскон, кудйз кулэ каре кылзйськись луыса улонэз, со сьöе оскон, кудйз вае чылкак выль улон. Куд-огезлэн зэмзэ но пöрме кылзйськись луыса улэмез, но Христослы зэмос оскисьёслэн, Со соослы утиськыны юрттйз шуыса зэмос валасьёслэн мылкыдзы кылдэ со осконлэсь пуштроссэ узыргес карон кужымлэсь. Сьöе кужымлэсь, кудйз кылдытэ пöяськытэк улон но Инмарлэсь косэмзэ чик пумитьяськытэк быдэсьян.

Вунэтэлэ визьдылы оскондэс, вунэтэлэ историлы оскондэс, öжыт ке но вань ке со тйляд. Сётэ асьтэдыз быдэсак Христос кие, Со тйледыз мед утёз шуыса но, Инмарлэн Кылызъя тй соку луоды Солэн нылпиез.

„Нош ваньмыз, кинъёс Сое кабыл басьтйллям, Солэн нимызлы оскисьёслы, Инмар нылпиос луыны кужым сётэм, кудъёсыз вирлэсь өвёл, но Инмарлэсь вордйськиллям“ (Иоан. 1, 12-13).

Куинетй люкетэз

МАР ПÖРМИЗ

Дас куинетй глава

ХРИСТИАНИНЛЭН ТУШМОНЪЁСЫЗ

„Милям керетонмы уг поты вир но лул-мугор бордысь, со потэ кивалтйсьёслы, властьёслы пумит луэммы бордысь, пеймыт дуннеен кивалтйсьёслы пумит луэммы бордысь, инбамысь кышкыт духъёслы пумит луэммы бордысь“.

Ефес. 6, 12

Табере тй валады, выльйысен вордйськиды, Инмарез сюлэмады пыртйды, сьöлыкклесь утемын но Инмарлэн нылпиез луиды шуыса. Нош азыланяз мар? Ваньмыз-а та? Бен тиледлы, ваньзэ тае ортчон понна, одйг вамыш гинэ кулэ вылэм ук! Мукетыз вамыш öвöл ни шат? „Бен мынам ваньмыз сюлмаськонъёсы быризы шат?“ – одно ик юалоды тй.

Бен, бен , тй али гинэ кутскиды ай христианской улондэс. Тй али гинэ вордскиды выль каньыллыке – духовной каньыллыке. Тй котырын ваньмыз выль. Зэмзэ ке верано, духовной улон ласянь тй кельшиськоды на пичи пиналлы. Тйледлы кулэ на нуныян, яратон, сюлмаськон, сюдон. Тйледыз кулэ утыны. Тйни одйгез мугез, малы Иисус Христос черк кылдытйз. Тй öд быгатысалды христианской улонын

огнады улыны. Тйледлы одно ик кулэ юрттэт но эшлык.

Тй асьтэос но шөдйды ни, дыр, тушмонъёс вань шуыса. Кышкыт, лек тушмонъёсты, кинъёс пөртэм амалъёсын христианской улонады тйледыз вормыны тыршо. Соос уг верало ку лыктонзэс. Кин тодэ, оло, соос тй вöзын вал ини осконэ выжемды бере ик: соос тйледыз жутказы, дыр, сьöлыко уже яке тй шөдйды мылкыддылэсь секыт луэмзэ Инмарлы оскись луэменныды. Конешно, сюлмады Христосэн луон сярись умой-умой малпаськем берады, тйляд мылкыдды туж сайкыт луиз, тйледлы усьтйськиз паймымон дунне. Но вунэтыны уг яра мукетсэ: улонын ваньмыз сайкыт но чебер гинэ уг луы, тй пумиськиськоды шуг-секытьёсын, валантэм юанъёсын, тйледыз, оло, кыскылозы юмшанэ, азэм адямиос доры.

Библия дышетэ, асьмелэн, пе, вань куинь тушмонъёсмы, кудъёсыз асьмемын нюръясько быдэс улытозямы. Асьмеос та учырлы дась луыны кулэ, тй чакласькыса улыны кулэ.

Ваелэ матысенгес учкоме асьмемын нюръяськись куинь тушмонъёсты. Ваелэ соослэсь ымнырзэс усьтоме, кинзэс но кыче амалъёсын нюръяськемзэс тодон понна.

Нырысь ик – шайтан. Асьмеос адзимы ни, шайтан туж кужмо шуыса, со Инмарлы пумитъяське но Солэн нылпиосызлэсь визьзэс сына. Асьмеос озыы ик адзимы ни Христослэсь сое кирос вылын vormемзэ, озыы ке но шайтанлэн кужмыз вань на адямиосты сьöд уже кыскыны. Библия шайтанлэсь сьöче ужзэ „лушканы“ кылын вера (Матф. 13, 19), ассэ сое „периськем адями“ пыр возматэ (Лук. 4, 33), со „адями

виись“, „өрекчаськись, өрекчаськонлэн атаез“ (Иоан. 8, 44), „тйляд тушмонды, котькинэ нбылыны дась маке“ (1 Петр. 5, 8), „со асьмелэсь братъёсмес вузась“, со „вашкала кый“ (Откр. 12, 9-10).

Христосэн чөш луыны йыг-йыг вамыш лэсьтэмды бере, шайтанлы бадзым ыштон ваиды. Со вожомын, кытчы пырон инты уг шедьты. Самой та дырысен кутскиз со тйлесьтыд визьдэс сынаны но сьöлыке кыскыны. Но эн кышкэлэ. Со уз быгаты таланы тйлесьтыд утиськондэс, со уз быгаты таланы оскондэс но вормондэс. Со ваньзэ лэсьтоз, мед öпкелёды шуыса. Тй солы пумит вераны кыл но уд шедьтэ, со уго тйледыз вормыны зеч дасяськиз.

Асьтэды эскерон кутскиз солэн нырысь визь сынан бордысеныз ик. Эн вунэтэ, тйледлы оскиськыны уг яра асьтэлэн гинэ быгатонлыктылы; со тйляд төлсяська кадь сэзъяське на. Мукет дыръя тй доры шайтан лыктыку, тй асьтэдыз кужмоен лыдъялоды ни. Самой со бордысен ик кутскоз со: ушъялоз, паймытйськоз, солэн жуткась кылъёсыз тйледлы ческыт потыны кутскозы. Куиньметй пумиськыкуды сюлмады вожпотон кенжыны выроз. Со тыршоз, мукет адямиос сярись тй умойтэм кылъёс мед вералоды шуыса, вожъяськон, лекъяськон мылкыдзэс бугыръялоз. Со кыскоз тйледыз пöяськонэ, тйледлы кельшисьтэм муртэ ушъянэ. Пöяськон – ваньмыз сьöлыкъёс пöлысь самой умойтэмез, та сьöлык лэсьтйське верам кыл пыр но, ужын но, малпанэн но. Мукет муртэ умойтэм учыре вуттыны тыршон – со пöяськон луэ. Шайтан ваньзэ лэсьтыны тыршоз, тй пöяськись мед луоды шуыса. Со тйледыз ас вылаз ужатоз на, тй мукетъёссэ умойтэм сюресэ мед кыскоды шуыса. Öд

ке чаклаське, тй зэмзэ но шайтанлы юрттйсь луоды. Со туж кужмо, визьмо, кескич, пөечи но гылыт. Со нимамын „со даурысь инмар“ (2 Кор. 4, 4), „та дун-нелэн эксэез“ (Иоан. 12, 31), „омырын кузёяськись князь“ (Ефес. 2, 2) шуыса.

Тй шуоды: „Нош кыззы мыным сое вормоно? Мар карыны быгато мон? Кыће сюрестй мыноно? Кинлэсь кылзоно?“

„Тй борды лякиськиз адямилэн визь сынанэз; Инмар уз лэззы мултэссэ визьдэс сынатыны, нош визьдэс сынакузы эскероз, тйледлы секыт медам луы шуыса“ (1 Кор. 10, 13).

Та кылъёс пыр Инмар шуэ: тйляд со визь сынанысь палэнскыны луонлыкты вань на. Тодады возе: шайтанлэн визь сынанэз уг возьматы на, тынад Инмарен улонэд шонер өвөл шуыса. Со возьматэ, Инмарен улонэд умой ортче. Визез сынан – со съöлык өвөл. Тодады возе созэ но: Инмар ноку но Аслаз нылпиосызлэсь визьзэс уг сына. Со ноку но Аслэсьтыз нылпиоссэ оскемысь уг дыгдыты. Ваньмыз оскымтэос но визь туганъёс шайтанлэсь пото. Эн вунэтэ, шайтан гинэ визез туга, нош тйледыз со уз быгаты визь туганэ пыриськытыны. Эн вунэтэ мукетсэ но: шайтанэз огпол vormиз ни вал Иисус Христос. Оскиsez вормыны солэн кужмыз уг ни тырмы, оскись адями, уго, быдэсак сөтйськиз Инмар кие но Солэсь косэмъёссэ быдэсья.

Библия асьмемыз дышетэ шайтанлы пумит султыны, нош со дыре ик шуэ, со, пе, пегъоз тй дорысь (Иак. 4, 7). Но солэсь азьло шуэмын вал: „Кылдйськелэ Инмарлэсь...“ Быдэсак сөтйськиды ке Инмарлы, шайтанлы одно ик пумит сылыны быгатоды, Библия но шуэ, соку, пе, со тй дорысь пегъоз. Шайтан

дырекъялоз, тй вöсяськыны öдъяды ке. Со вормемын луоз, тй сое Святой гожтэмысь кылъёсын пезыгытъяды ке.

Кыкетйез асьмелэн тушмонмы – каньыллык. Таиз тушмон сьöлыке кыске асьмемыз котьма ласянь, кылсярысь: умойтэм эшъёс пыр, капчи, шулдыръяськыса улон пыр, кильтро дйськут пыр, кыл вöлдон пыр, лэсьтоно ужъёс пыр.

Выльдйськем берады жоген валалоды, шулдыръяськонды мукет сюресэтй мыныны öдяз шуыса. Уноез оскисьтэмъёс шуо, христианство, пе, созэ, тазэ уг лэзы, палэнэ вамыштыны лэзисьтэм уно пöртэм правилоосыз вань. Таçe вераськон но шайтан бордысь потэмын. Христианской улон со „озы-тазы эн лэсьты“ шуыса косон öвöл, со ужаса улыны öтөн. Христослэн уезлы быдэсак асьтэдыз сётэмен, со уез вань сюлмынтыды яратыса быдэсьямен, тйляд дырлы уг ни кылы мукет шулдыръяськонъёслы.

Шуом, али гинэ ческыт нуназаям берам, кин ке мыным нош ик чектйз мар ке мукетсэ сиыны. Валамон ини, мон шуо: „Тау, кöты тыр“ Оскисьтэмъёслэсь улонзэс, жаляса верано луэ, христианъёс чем дыръя мыдланьгес валало. Та верамме öжытак валэктоно луоз, малы ке шуоно, та валан самой секытэз, кудйныз пумиськылэ Христослэн сюрес вылаз алигес гинэ султэм мурт.

Доктор Гриффит Томас шуиз: „Улонамы туж уно гылыт сюресъёс, кудъёсыз сьöлыко уг каро на, мургес ке уд вамыштйськы со улонэ. „Мургес вамыштон“ кыл ачиз валан кылдытэ, кин ке яке мар ке одно сьöлыке вуттыны тыршоз шуыса. Шулдыръяськыса улон – со ачиз сьöлык öвöл на, нош гольтыръяськыса-

мынчыръяськыса, юыса-калгыса шулдыръяськон – таиз ини сьӧлык, таиз ини самой со „мургес вамыштон“. Тазы ик чӧшатыса вераны луоз книга лыдӓон, дйсь нуллон, эшъяськон сярсы но, кудъёсыз улонын туж кулэ, нош „мургес ке вамыштйськод“, соос но сьӧлыке вутто. Малы ке-а Иисус Христос шуиз, кулэ арбериос сярсы сюлмаськон чӧм дыръя соге сюлэммылы-мылкыдмылы кулэ луись духовной улонэз. Коньдон асьмелы кулэ семьямес сюдыны, но туж уно коньдонэз яратйсь луыны капчи, соку со коньдон духовной улонмес согыны кутске. Озыен, каньыл улон – со узырлыко, шулдыръяськыса улонэз гинэ уг возьматы, со уг люкиськы классъёслы яке сословиослы, яке таиз каньыл улон, соиз ӧвӧл шуонлы. Каньыл улон, каньыллык – со дух, тон котырысь улон, адяилэн яке быдэс обществолэн огъя, котыр ласянь улонзы, соин ик со каньыллыкез туж чакласа, котьку эскерыса улоно, малы ке шуод, солэн туж-туж уно чылкыт сюресъёсыз.

Библия дышетэ: „Эн яратэ каньыллыкез, эн яратэ сое но, мар вань каньыллыкын“ (1 Иоан. 2, 15). Библия озы ик тодамы вайытэ, „каньыллык лыктэ но кошке, нош Инмарлэсь ужзэ быдэсьян – пыраклы“ (1 Иоан. 2, 17).

Но куд-ог дыръя каньыллык шоры тазы учкон асьмемыз умойтэм учыре но вуттоз. Уноез егит адямиос мон доры лыкто но юало: „Шонер-а мон лэсьтйсько?“ яке „Сьӧлык уг вайы-а та мыным?“ Нош сю пӧлысь укмыстонэзлы та выллем юанъёслы валэктыны луысал молитваысь таӓе кылъёсын: „Мар лэсьтэмме возьма меда Иисус?“ Яке молитваяды таӓе юан но сӓтэмды луоз: „Куреме луоз-а Тынэсьтыд, Инмаре, та ужез

лэсьтыны?“ Тужгес но юрттоз таиз юан: „Мар малпалса меда Христос мынам шулдыръяськеме, шутэтскон дырме ортчытэме сярысь, книгаосы сярысь, эшгёсы сярысь, телевизорысь таиз передача сярысь?“ Асьмелы уг яра чигнаны яке олань-талань берганы та юангёсты сётыкумы. Асьмеос син азямы пуктыны кулэ сое гинэ, кызы учкысал та юан шоры Иисус Христос, чик пумитьяськытэк.

Но со чик уг возматы, асьмеос асьмемыз калык пöлын вылтйяськыса возыны кулэ шуыса. Со сюрес асьмемыз ик вуттоз духовной каньыллыклен гылыт сюресаз. Туннэ улонын самой та чылкыт сюрес вылын сылйсьёс туж уно уго: ог ласянь соос христианство пырыськемын, мукет ласянь каньыл улонлен визыл öраз пыласко, уд но вала, зэмос оскись-а со, яке сёлыко-а. Но озы луыны кулэ öвöл.

Христианин жомыт азын кизили кадъ пиштыны кулэ. Со котьма ласянь таза луыны кулэ. Со мед висьяськоз каньыл мылкыдыныз, ассэ лад-лад возыны быгатэменыз, культураеныз, но со дыре ик олань-талань шонаськисьтэм сяменыз, со мед тодоз, мае лэсьтоно, мае лэсьтыны уг яра. Со быгатоз серекьяны но, шулдыръяськыны но, шумпотыны но, только уг яра солы оскисьтэм адямиосын одйг радьн луыны.

Библия вера, „ваньмыз, мар осконлы уг тупа, сёлык“ (Римл. 14, 23). Отын ик верамын, оскымтэ ужзэ лэсьтйсь муртэ пыкылыны кулэ, со ужез лэсьтэмез понна. Мукет сямен та кылгёсты тазы валано: эн басьтйськы со уж борды, кудзэ уд валаськы. Лэсьтоно ужды пумозяз валамон ке öвöл, со тйледыз сюлэм-шугьяськытэ ке, со борды эн басьтйське.

Куинетй тушмонды, кудйныз тй пумиськиды соку

ик, кукe выльйисен вордйськиды – со лулмугорлэн мылпотонэз. Лулмугор – со тйляд мугордылэн пушлясьнянь ассэ лек возёнэз. Осконэ пыриськем берады но азьвыл малпанъёсты, мылпотонъёсты быдэсак мугордэс басьтылоз на. Тй паймоды, малы соос вань на шуыса. Но библия дышетэ, тйляд лек сямо вуж йылольёсты тй пушкын улэ на, самой со йылольёс кыско съёлыке, мукет сямен вераса, тй пушкыны улэ предатель. Съёлыкаськон мылкыд котьку вань, солэсь кылзйськыса уллане усёно ке. Но эн вунэтэ: тй султйды нюръяськон сюрес вылэ! Табере тй пушкын кык инкуазь, кык кужым, куспазы соос туж юн нюръясько но котькудзылэн вормисе потэмез потэ.

Библия дышетэ, „лулмугор пумит султэ духлы, нош дух – лулмугорлы“ (Гал. 5, 17). Со возьматэ: тон „ачид“ нюръяськиськод Христослэн улонэныз. Асьмелэн ляб мугормы но визьмы уг кельшо Инмарлы, солэн мылкыдызлы уг тупало. Соос тупатэмын яке воштэмын уз луэ. Тау карон Иисус Христослы, асьме понна но асьмемын ёш кулэмез понна. Та ляб мугормы но визьмы соку гинэ олань-талань кылямысь дугдозы, кукe тй „асьтэдыз лыдъялоды съёлыке пыронлы кулэмен, Иисус Христос Кузё-Инмармы понна улэпен“ (Римл. 6, 11). Нош таёе валанэ вуттэ оскон гинэ.

Озы ке но, тй туж умой валаны кулэ, кёняз кулэ но кёняз кулэ өвёл, мукет сямен вераса, кудйз законъя лэсьтэмын, кудйз законлэсь ортчемын. Мултэссэ лэсьтон-басьтон – самой со ик луэ лулмугорлэн мылпотэмез, нош мукет ласянь со ик зёч ужез но лэсьтэ.

Доктор Томас шуэ: „Мултэссэ лэсьтон-басьтон“ шуэм мае ке туж-туж лэсьтэм потонэз возьматэ, со лэсьтэм потон одно ик съёлык сюресэ уг вутты, малы

ке шуод, улонамы вань сием потон но, со мылпотонэз быдэстыса, асьмеос сьӧлыке ум пыриське. Сьӧлык луэ соку гинэ, куке мултэссэ сийськом но юиськом. Сием потон – инкуазьлэн кылдытэм мылпотонэз, мултэссэ сиськон – таиз ини сьӧлыклэн куронэз. Юэм потон – инкуазьлэн кылдытэм мылпотонэз, мултэссэ юон – сьӧлыклэн куронэз. Азьтэмьяськон – со но сьӧлыклэн куронэз. Кышнояськон – Инмарлэн мылкыдызлы тупась ужрад, со герзэмын адямилэн инкуазеныз но обществолы кулэеныз, соин ик сьӧлыкен уг лыдъяськы. Нош азыса улон – со сьӧлык, Инмарлы пумит мугорлэн, визьлэн, сьӧлэмлэн чылкытсылы пумит лулмугорлы эрик сётон. Нош кызы сьӧлыкен уд лыдъя вожомыса кинлы ке пунэмзэ берыктонэз, адямиез чурит кылын вӧсь каронэз. Соин ик асьмеос висъяны, люкыны быгатыны кулэ, кычӧез мылпотон сьӧлыктэм, кычӧез сьӧлыко. Лулмугорлэн сьӧлык лэсьтӧсь ужез унолы кышкытгес, малы ке шуоно, адями со сьӧлыксэ валаса лэсьтэ, отын янгыш ӧвӧл шайтан но, дунне но, аслаз сьӧлмыз но, со, ассэ ачиз кияз кутытэк, мугорызлэсь гинэ кылзӧйське“.

Апостол Павел шуиз, уг, пе, оскиськы аслаз лулмугорызлы. Эшшо со шуиз на: „Лулмугорды сярис сьӧлмыськыса, эн кылзэ солэсь куронӧссэ“ (Римл. 13, 14). Мукет верам кылыз но вань: „Мон зӧйбыны тыршисько лулмугорме“ (1 Кор. 9, 27). Соин ик асьмеос быдэсак Инмар кийн луыны кулэ но лулмугормылэсь куронӧссэ вормыны быгатыны кулэ.

Озьыен, асьмелэн куинь тушмонӧсмы вань: шайтан, каньыллык но лулмугор. Соослэсь кызы мозмон понна, христианӧслэн вань одӧг кылын валанзы: ПАЛЭНТОН. Та ласянь котькудӧй адями йыг-йыг

луыны кулэ: нокыче олань-талань кыстаськонъёс, нокыче малпаськонъёс – со сьöлыко ужъёсты но вамышъёсты улонысьтыд палэнтонно но тйни! Соку гинэ, зэмос христианин ке тон, vormисе потйськод. Шайтанэз ке басьтоно, солы пумит Инмарлэсь косэмъёссэ быдэсьянэз гинэ пуктыны быгатомы. Каньыллык ласянь Библия шуэ: „Каньыллыкез вормон – со асьмелэн вормонмы, со асьмелэн осконмы“ (1 Иоан. 5, 4). Лулмутор ласянь но Библиялэн верамез вань: „Кылзэлэ сүлэмдэс, соку тй мылпотондылэсь мултэссэ уд ортчэ“ (Гал. 5, 16).

Али вераммы тй пöлысь сычеослы шумпотон ивор, кин сьöлыке кыскись мылпотонэн нюръяськыса vormисен потйз. Тйледлы сыче умойтэм мылпотонэн огнадылы нюръяськыны уг яра. Римлянъёслы 8, 13 ыстоназ Библия дышетэ, тй, пе, ДУХЕН виыса быдтйськоды лулмутордылэсь мылпотонзэ. Тодады возе Иисус Христослэсь сётэм кылзэ, куке Со асьмемыз ноку но уз палэнты, уз кушты шуиз. Эн вунэтэ, Иисус Христос асьмелы кылзэ сётйз: та музъеммылэсь люкиськемез бере, Со ыстоз Мукетсэ – Троицалэсь Куинетй муртсэ – Святой Духез, кудзэ нимаськомы на Буйгатйсь шуыса, нош пуштроез солэн „Котыкыче дырын юрттйсь“ – „пумтэм дауръёс чоже тйледын валче улоз“ (Иоан. 14, 16). Иисус Христос шуиз: „Тйледыз сирота уг кельты; тй доры лыкто“ (Иоан. 14, 18).

Святой Дух асьмелэн улонамы табере самой бадзымез кужым. Вуж Сйзёнлэн вакытэз Инмар-Атайлэн вакытэз вал. Иисус Христослэн музъем вылын улон вакытэз Инмар-Пилэн улон вакытэз вал. Иисус Христослэн Инме жутйськемез бере витьтон нунал ортчыса, апостольёс вылэ лэзиськиз Святой Дух, со нунал

Пятидесятница шуиське. Али асьмеос ульськомы самой со вакытэ, святой Дух лэзиськем бере, Пятидесятница бере, Инмарлэн-Святой Духлэн вакытаз.

Библия вера, куке тй Иисус Христослэн луиды, куке тй Сое асьмелы Утисен кариды, со дырысен Святой Дух тйляд сюлмады каръяськиз. Тйляд мугорды тй пушкын „Святой Духлы улыны храм“ луиз (1 Кор. 6, 19). Апостол утись мылкыдын шуылйз, адями пушкын Христослэн Духез өвөл ке, со Солэн адямиез но уг ни луы.

Тй, оло, шуоды: „Но Со мынам сюлмаам вань шуыса, мон уг шөдйськы“.

Сыче мылкыддэс палэнтэ! Шөдйськоды-а, уд-а сюлмады Святой Духлэсь ваньзэ-өвөлзэ, но мылкыдын гинэ улыны уг луы. Солэсь ваньзэ тй факт карыса улэ. Со улэ тй пушкын тйледыз данъяны, лөпкытыны, тй Христосэн шуыса возматон вылысь, тй вераны мед быгатоуды, ульськоды шудо, дано, Христосэз данъясь улонэн шуыса.

Библия косэ: „Тырмелэ Духен!“ (Ефес. 5, 18). Духен тырмиды ке, Духлэсь пайдазэ сётыны кутскоды, кудйзлэн пуштросэз: „Яратон, шумпотон, тупаса улон; чидан, дэлет, жаляса юрттон, оскон, астэ востэм возён, астэ ачид умойтэм мылпотонлэсь кутон“ (Гал. 5, 22-23). Святой Духен пачылмон тйляд мылкыддыя уг лэсьтйськы. Со косон. Со косонэз быдэстон – адями азын сылйсь ужпум, со косонэз одно ик быдэсьяно.

Кызы бен тодод, тон Святой Духен тырмемын шуыса? Кыче дырысен Соин ёош улон кутске? Шөдйське-а со кыче ке паймымон, мур малпаськонъёс пыр? Уг. Куке тй быдэсак чылкыт луиды сьöлыктьёслэсь но быдэсак сётйськиды Христослы но

Соя улыны кутскиды, соку тйляд оскемды луэ ни, Святой Духен тырмиды шуыса. Со возматэ, тй табере быдэсак Солэн. Сюлмады номыр но мултэсэз өвёл ни, Со сяна. Христосэ пырон – со сётйськон – быдэсак, кыл вератэк, берлань берыктйськон сярись малпатэк: „Озьеен, Инмарлэн зечлыкеныз курисько тйледыз, братъёсы, сётэ мугордэс чик жалятэк улэп, святой дано ужлы – Инмарез сюлмады возён ужлы“ (Римл. 12, 1).

Инмарлы сётйськем, Духен тырмем христианин гинэ каньыллыкен, лулмугорен но шайтанлэн кужыменыз нюръяськонын вормисе потоз. „Малы ке шуоно, асьмелэн жугиськон-керетонмы өвёл вирлы но лулмугорлы пумит, өвёл начальствоылы но властьёслы пумит, өвёл туалы сьось улонэн кивалтйсьёслы пумит“ (Ефес. 6, 12). Со – духовной ожмаськон. Тй уд быгатэ нюръяськыны куинь тушмонъёсын огшоры пычал тйрлыкэн. Соку гинэ вормисе потомы, куке Святой Духлы мугораы пырыны луонлык сётомы но отын Со асьмемыз утыса нюръяськыны кутскоз. Номыре но эн ватэ Иисус Христослэсь. Сётэлэ Соы быдэсак Кузё луыны но быдэс улытозядылы Дышетйсь луыны. Со шуиз: „Тй Монэ Дышетйсь, Кузё-Инмар шуыса нимаськоды, шонер вераськоды, зэмзэ но, Мон со“ (Иоан. 13, 13).

Пичи пинал, огпол туж дуно вазаен шудыкуз, кизэ отчы туйнам но поттэмез, пе, уг ни луы. Атаез юрттыны вырем но быгатымтэ. Анай-атаез сёрыны малпало вылэм ини вазаез, но атаез соку шуэм: „Пие, тыршы эшшо огпол кидэ поттыны. Чиньыостэ шонерак кар – тани тазы, мон сямен ик, собере кыскы кидэ“.

Анай-атайзэ могак паймытыса, пияш шуэм: „Уг,

уг, папа, чиньыосме мон уг шонерты, шонертй ке, коньдонме уськыто“.

Тй, оло, мыняк потоды, но асьмеос пöлысь уно сюрсьёсыз та пичи пияшлы кельшо, – асьмеос туж сюлмаськиськомы, со коньдонэз кийсьтымы лэзён-тэм понна, соин ик ум малпаське чылкытлыкмы сярысь. Туж курисько: куштэлэ сюлмады лякиськем коньдондэс. Йыбырттэ Инмарлы. Сётэлэ Солы луонлык тйляд улонэныды кивалтыны.

Христослы быдэсак сётйськем но асьтэдыз Солы сйзем берады но эн вунэтэ: Инмар басьтйз сое, мар тй Солы вайды. Татын нош ик оскон кулэ. „Мон доры лыктйсь муртэ улляса уг лэзбы“ (Иоан. 6, 37). Тй лыктйды Со доры, нош Со öз улля тйледыз. Самой та бере, куке тй быдэсак Солэн луиды, куке тй Духен тырмиды, тйляд котькулэсь но уно кужымды будйз.

Святой Духен тырмем адыми Инмарлэсь гинэ кышка, мукетызлэсь со номырлэсь но уг кышка. Та адымилэн, ассэ Христосэн луэмзэ возыматон понна, кылдэ ноку адзылымтэ кужымез но аслыз осконэз. Тйледлы Апостольёслэн Деяниоссы книгаез лыдзыны кылдйз ке, отысь шедьтоды „котькыче секытэз вормон“ веранэз. Со веран уно пол пумиськылэ апостольёс сярысь кылпум поттылыку.

Но тйляд оскон кужымды гинэ уз кылды, тй адзоды солэсь емышсэ но. Эн вунэтэ толькы, Духлэн емышез Духлэсь ик потэ. Тй асьтэос уд кылдытйське со емышез. Со вылй кужымен кылдытэм емыш, малы ке шуоно, кылдйз но со вылй кужымлэн тыршеменыз. Улонады яратон кылдоз Иисус Христослэн быдзым курон-косонэз пыр. Со вера: „Яратэ огдэс огды, кызы Мон тйледыз яратй, та луэ Мынам курон-

косонэ“. Тй асьтэлэсь матындэс, лул-гажандэс огшоры гинэ уд яратэ, яратыны кутскоды Христосэн герзэм выль яратонэн, мукет выжы калыкысь потэмзэ но, воспитание шоры но, политика шоры учкемзэ но лыдэ басьтытэк. Куректон, куспад керетон но вожъяськон – ваньмыз төлзозы, кылдоз огъя ог-огдэ валан но яратон.

Собере лыктоз шумпотон но. Оскисьлэн шумпотонэз мургес. Котькыче шуг-секытьёс дыръя но тйляд мылкыдды капчи луоз но ымнырады шунды чилялоз. Уноез христианёс мözмыт тусо ветло, со чик уг тупа Инмарез данъянлы. Оскись адямиен пумиськыку валано, зэмзэ ик-а со луэ вормись, Духен тырмем, Инмарлы гинэ йыбырттэм христианин. Зэмос христианин керзегъяськись, котырысьтыз калыклэсь мылкыдзэ сörись луыны кулэ öвöl, со луыны кулэ сайкыт, со вöзын котьку капчи мед луоз. Библия шуэ: „Кузё-Инмар азын шумпотон – со тйледлы йыг-йыг слон“ (Неем. 8, 10).

Тйляд улонады луоз каньыллык. Апостол Павел шуэ: „Асьмедыз котькытын зйбо, но асьмелы öвöl зоскыт; милям улонмы чидантэм, но ми чидаськом; милемыз улляло, но огнамы кельтэмын öвöl; жокатэмын, но ум кулйське“ (2 Кор. 4, 8-9). Асьмеос эшшо но эшшо эскерыны быгатйськомы на Духлэсь емыштьёссэ: чиданэз, öлексюслы юрттонэз, осконэз, астэ сабырлы возёнэз, лулмугоредлэсь умойтэм куронэз вормонэз, собере адзысалмы на, кызыы та емыштьёс кисьмало соослэн улоназы, кин зэмзэ но сётйськиз Христослы, тырмиз Инмарлэн Духеныз.

Вормон соку тйляд кияды! Дыртэлэ со доры! Со выльйисен вордйськемдылэн зечез. Тйляд нокиче муг-

ды өвөл вормонтэк кылыны. Тй улыны быга-
тйськоды жутскем мылкыдын но туж чебер. Самой
умоез – ваньмыз тйледлы. Улон тй понна – зэмос
улон, тй котькуд ыштэм частэс жалялоды, тй шум-
потыса пумиталоды котькуд чукнаез, шумпотоды
котькуд нунал понна, со нош ик Христослы сйземын
вал шуыса. Соин валче тйледлы номыр но кышкыт
өвөл, со тйляд зэмос Утисьты.

Дас ньылетй глава

КЫЗЫ ХРИСТИАНИН УЛЫНЫ КУЛЭ

„Адямиослы озы лэсьтэ, кызы асьтэлы
лэсьтэмзэс кулэ кариськоды“

Лук. 6, 31

Мар гинэ уд кариське тй: шудйськоды-а, машина-дэс-а нуиськоды, пирог-а пыжиськоды – котькытын радзэ чакланы кулэ, уждэс умой йылпумъямды ке потэ.

Христианской улон огинтыяз уг сылы, со азинске но муроме шуыса дышетэ Библия. Вылйысен вордйсьыкса, тй вордйськиськоды духовной каньыллыке. Тй кылиськоды семьяяды покчиез нылпи выллем. Инмарлэн малпам ужез – тй мед будоды быдэ вуытозяды но Христосэн йыг-йыг йёно адями мед луоды. Умой ой луысал, тй котькулы пичи нылпи кадь кылысалды ке, духовной карлик кадь кылысалды ке, – инкуазь но, Ачиз Инмар но талы пумит. Петрлэн 2-тй 3, 18 посланияз Библия вера, тй будыны кулэ шуыса. Со возматэ, тйляд тодон-валанды азинске, тй выльзэ но выльзэ утчаськоды, соин валче асьтэос азинскиськоды, будйськоды.

Умой-умой будон понна, вунэтоно өвёл духовной тазалыкез утёнъя правилоосты. Нырысь ик, тйледлы

нуналлы быдэ лыдзџоно Библиез. Тйляд духовной улондылы сиџн кулэ. Кыче сиџн? Духовой сиџн. Кытысь шедьтоно со духовной сиџнэз? Библиысь, Инмарлэн Кылысьтыз. Библия усътэ Христосэз, нош Христос тйляд сютэм лулдылы но мае ке утчась сьулэмдылы – нянь но дун ву выллем. Нуналлы быдэ асьтэдыз џд сюдэ ке духовной сиџнэн, тй туж жог начармоды но улыны кужымды уз ни тырмы. Библия шуэ: „Али вордйськем нуныос кадь тй яратоды чылкыт верам йџлэз, асьтэдыз утџн но будон понна“ (1 Петр. 2, 2). Лыдзелэ Библиез, пумозяз валаны тырше сое, мапаське, визьмады возе. Христианин азын пумиськылысь шуг-секытьџс пџлысь укмыстон вить процентэз кылдэ Библиез тырмыт тодымтэ но лыдзымтэ бордысь.

Сьулэмдэс буйгатон понна гинэ эн лыдзџе Библиялэсь главаоссэ. Инмарлэсь Кылзэ пычатэ сьулмады. Дыртыса но уно лыдзџемдылэн пайдаез туж џжыт луоз. Лыдзелэ пичиен, но мур малпаськыса. Мылкыдды медам куашка, куд-ог интыоссэ џд валалэ шуыса. Нырысь лыдзелэ Библиялэсь самой валамон интыоссэ. Пичи нуныез но сйльын сюдыны уд кутскиське ук, нырысь ик йџл сџтйськоды.

Мон кутскысал Евангелиез лыдзџыны Иоанн бордысен. Лыдзџыны кутскиды ке, Святой Дух улзџытоз тйледыз но валаны юрттоз лыдзџемдылэсь пуштроссэ. Со юрттоз тйледлы шуг кыльџесты валаны но секыт интыоссэ сџрттыны-пертчыны. Лыдзџемдылэн пуштросэз ваньмыз џз ке но кылы йырвизьмады, эн куректэ, лыдзџондэс эн куштэ! Ачиз лыдзџон тйлесытыд визьдэс сайкоз, ачиз со сьулэмдэс буйгатоз. Тазы нуналлы быдэ лыдзџондылы номыр но медам люкеты.

Кыкетйез: тыршелэ молитвалэсь пуштроссэ туж жеч тодыны. Табере тйляд вань ини Инмысь Атайды. Со кылэ но молитвады пумитэ вазиське. Иисус Христос шуиз: „Оскыса вöсяськыкуды, мае гинэ уд cure, ваньзэ басьтоды“ (Матф. 21, 22). Со ик шуиз на: „Мынам нимыным, мае куриды ке, Мон лэсьто“ (Иоан. 14, 14). Котькудйз адыми, кудйзлэн улонэз дунъямын черк понна но Ин Эксэй понна, молитвалэн адымиез вал. Вöсяськыны дыры öвöл ноку но эн шуэ. Вöсяськисьтэм христианин – ляб христианин. Иисус Христос уно часьёссэ вöсяськыса ортчыгъяз. Куд-ог дыръя Со быдэс уез ортчыгъяз жужыт гурезь йылын Инмар-Атаеныз огазе луыса. Со лы молитва кулэ ке вал, асьмелы кöня меда кулэ со!

Тйляд молитвады нырысь чутйсь но луоз, оло. Тй со молитваез нырысь вераны но уд быгатэ на. Но тй пушкын улйсь Святой Дух юрттоз тйледлы но азинтоз тйледыз. Котькудйз верам молитвады кылэмын луоз. Куд-ог дыръя со лы „уг яра“ шуэмын но луоз, куд-ог дыръя „öжытак вить“ шуэмын луоз, озьы-а, тазы-а, но ответ басьтоды.

Ваньмаз вазиськонъёсады луыны кулэ одйг курон: „Мед луоз Тынад косонэд!“ „Каньыл кариськы Кузё-Инмарен, соку Со быдэстоз сёлэмыдлэсь куронзэ“ (Псал. 36, 4). Но Кузё-Инмарен каньыл луонлэсь азыло тйляд малпанды быдэсмыны кулэ. Инмар котьку лэсьтэ сое, мар сёлэмзыя Солэн нылпиосызлы.

Эн вунэтэ, тй вöсяськыны быгатйськоды котьку но котькытын. Посуда-а миськиськоды, канава-а гудйськоды, контораын-а ужаськоды, магазинэ-а, спортивной площадкае-а лыктйды – котькытын вöсяськиды ке но Инмар тйледыз кылоз!

Тыршелэ асьтэлы молитваос асьтэос радъяны. Библиез дышетэмен ёош молитва юрттэ Христосэн улонэз яркыт но мургес карыны. Библия дышетэ: „Дугдылытэк вöсяське“ (1 Фес. 5, 17). Нуналлэсь көня ке чассэ молитвалы сйзиды ке, быдэс нуналды молитваен тырмытэмын луоз. Ъукна сайкам берады пыдесьяськыса көня ке кыл молитва верамды тырмыт уз луы. Нунал ёоже но дырдэс висъяны тырше молитвалы но со пыр Инмарен вераськыны.

Шайтан котькыёе амальёсын тыршоз вöсяськонэдлы люкетыны. Я нылпи бöрдыны кутскоз, я телефон жингыртоз, я кин ке öсэ йыгаськоз – тйледлы уно люкетйсьёс луозы, но эн вунэтэ вöсяськондэс! Мылкыдды медам куашка: ёоген тй валалоды, молитваен та часьёсты улонады самой дуноез вал шуыса. Тй со дырез чидатэк витыны кутскоды. Нуналлы быдэ вöсяськон тйледыз чылкак мукет кароз, тйляд улонады со пыёалоз ёукна мисьтаськон, сиськон выллем, öд ке вöсяське, тйледлы мар ке но уг тырмы кожалоды. Нуналлы быдэ молитваен вöсяськытэк тй уд валалэ Инмарен валче луэмдэс, нош Со тй доры Ачиз лыктыны тырше.

Куинетйез: котьку оскиське Святой Духлы. Эн вунэтэ, Христос тйледын улэ Святой Дух вамен. Тйляд мугорды табере Пресвятой Троицалэн куинетй Лулэзлы улон инты луиз. Эн куре Сое лэсьтыны озьы, кызы лэсьтыны косьськоды эштэс. Куре Сое лыктыны но ваньзэ лэсьтыны. Куре Сое Ас кияз басьтыны ваньзэ, мар вань улонады. Вералэ Сола, кыёе тй ляб, катытэммын, осконтэм. Палэнэ кариське но вералэ ваньзэ малпаньёстэс, нош Со собере самой кулэзэ но умойзэ со малпаньёслэсь Ачиз быръёз.

Христианской улонады тйледлы секыт луоз на ваньзэ чакласа улыны – но Со тйледлы юрттоз. Но Со лы чик капчи уз луы тйледыз палэнэ кошконлэсь утыны, тй уго асьтэос пумитьяськиськоды на. Сётйське Со лы но буйгатске сюлмады Инмарен. Валантэм мылкыдды медам луы шуыса, быдэсак оскиське Со лы. Йырэдэс эн тйялэ, кызы но мар кароно соиз яке таиз пумысен – сётэ луонлык Со лы Аслыз ваньзэ тй понна лэсьтыны. Эн малпаське чюказе нунал сярись – чюказе нуналэн но Со Инмарез. Самой кутсконэзлэсь Со адже ини пумзэ. Эн сюлмаське улонады чыры-пыры кулэ арбериос но лэсьтоно ужъёс сярись – ваньмыз понна Со Ачиз сюлмаськоз. Зэмос христианинлэн өвөл чыры-пыры сюлмаськонэз, куректонэз но умойтэм малпаськонэз. Святой Духлы быдэсак оскиськыса, тй шөдоды, кызы төлзе куректонды, кинлы ке вожъяськонды. Вань сюлмаськонъёс тй бордысь төлзэ но тй луиськоды эрико.

Нылетйез: вис карытэк ветлэ черке. Джон Веслей шуиз огпол: „Библия религия сярись огназ номыр но уг тоды“. Христианство – со огазеясь религия. Христосэн чөш луон возматэ яратонэз, шонер улонэз, осконэз. Нош ваньзэ сое лэсьтыны луэ калык пöлын но соин чөш гинэ. Сыче интыез тй шедьтоды черкын гинэ.

Черк со Христослэн музейем вылын лэсьтэм юртэз. Со сыче инты, кытын асьмеос Инмарлы йыбырттйськом, дышеткиськом Солэн Кылызлэсь, огазеяськиськом мукетъёсыныз оскисьёсын. Библия черк сярись шуэ, со пе, „святой калык“, „Инмарлэн калыкез“, „Инмарлэн лэсьтэм юртэз“, „Кузё-Инмарен святой храм“, „Инмарлэн улон интыез“, „Христослэн мугорыз“ (1 Петр. 2, 9-10; Ефес. 2, 21-22 но мукет).

Номырин но уд вошты черке ветлонэз. Тй зэмос оскись ке, уз луы та выллем вераськонды: куазь кезьыт яке пось, зоре яке лымыя. Ваньмыз со умойтэм вераськон. Уноез малпало, арня чукна гуртамы, пе, кылёмы но гуртамы гинэ вöсьяскомы. Осконзэ тазыы сюбегатйсь адыми Инмарлы быдэсак йыбырттэмзэ уг возьматы, со вунэтэ, Инмар кылдытйз мугорзэ но, визьзэ но шуыса.

Уноез малпало, гуртамы, пе, кылёмы но проповедез радио пыр кылзомы, со, пе, черке ветлэмез воштоз. Но со шонер öвöл. Черке тй проповедез кылзон понна гинэ уд мынйське. Черке тй мынйськоды Инмарлы йыбырттыны но калыкен чöш Сола служить карыны. Тй уд луэ шудо, уд луэ зэмос христианин, черклэн оскымон адымиез öд ке луэ. Черкын тй шедьтоды служить карон понна асьтэлы инты. Асьмеос утемын служить карон понна. Шудо христианин со тыршись христианин.

Витетйез: луэ адйсь христианин. Вылй верам нбыль куроньёсты шонер быдэсьяды ке, витетйез ачиз быдэсьяськоз, кызыы вия мултэс ву посуда вылтй.

Табере тй эксэйёслэн Эксэйзылэн ыстэм яке ужзэ быдэсьяны пуктэм адымиез луиды. Тй табере вылйе жутыны кулэ странамылэсь флагзэ посольствомы азын. Шуом, мукет странае ужаны ыстэм посолмы посольство йылысь флагмес басьтыны косйз, татысь калыклы со флаг уг кельшы шуыса. Мар луоз соку? Со посолэз соку ик ужысьтыз уллялозы. Странаемес возьматйсь но данъясь öвöл со!

Тй соглаш öвöл, тйляд флагды мед возьяськоз коркады вадьсын яке конторады, общежитиды вадьсын

шуыса, тодэлэ, тй Христослэн ыстэм адямиез уд луиське! Тй йыг-йыг сылыны кулэ ас интыяды, ваньмыз мед тодозы, тй зэмос христианин шуыса. Тй Христослы адзись интыын луыны кулэ.

Асьмеос адзись луиськомы кык ласянь: улонэнымы но верам кылынымы; соосты нимаз-нимаз люкыны уг луы. Христосэн огинэ луэм берады, Инмар тйледлы ужпум пунктэ – Солэсь утись ужзэ но Солэсь котьмалэсь кужмо луэмзэ адзись кариськыны.

Иисус Христос шуиз: „Озы, котькудзэ но, кин Монэ тодэмзэ калык азын ватытэк вераз ке, сое тодэмме Мон но Инмысь Атае азын ватытэк верало“ (Матф. 10, 32). Апостолгёслэн 28, 23 Деяниосазы возматэмын паймымон суред: Апостол Павел, Римын стражалэн киулаз улыкуз, со доры туж уно ветлйсь адямиослы чукнаысен жытозь Христос но Инмар-Атай сярись но Соослэн дышетэмзы сярись вералляз. Котькудмы сярись озы ик нуналлы быдэ вераны кулэ вал, дыр: „Тани кизись кизыны потйз“ (Матф. 13, 3).

Гожтэт нуллйсьлэн өвөл аслаз эрикез. Солэн ужез – кинлэн ке адресэзъя гожтэт нуон. со уж та адямилы уг но кельшы, дыр. Оло, со гожтэтэн чош кинлы ке куректон, секыт ивор вае, но гожтэтэз солы усьтыны уг яра. Солэн ужез – гожтэтэз адресъя вуттоно.

Асьмелэн, христиангёслэн, Инмарлэн Кылыз вань. Быдзым Кузё-Инмармы шуиз асьмелы: „Мынэ, нуэ та иворез кулйсь дуннелы!“ Куд-огез та кылгёсты кылымтэ улэ аналско. Куд-огез Инмарлэсь зеч иворзэ вошгяло но асьсэлэсь ватсало. Куд-огез Солэсь кылгёссэ куяло, куд-огез валэктыны выре, Кузё-Инмарлэн верамез, пе, гожтэмен уг тупа. Мукетгёсыз шуо, Со

Ачиз, пе, өз гождя, нош ваньзэ сое гождязы, пе, огшоры адямиос, кудъёсыз верам Кылызлэсь пушт-россэ өз но валалэ.

Тодады вайтэме потэ, Апостол Павел уно сү аръёс талэсь азыло өтиз вал Инмарлэн Кылызъя улыны. Эн вунэтэ, асьмеос кидыс кизыны кулэ. Куд-огез кидысьёс зэм но усёзы изъёс вылэ, мукетъёсыз будытэк ик пашмозы, нош асьмелэн ужмы – кизён но кизён. Асьмелы киземысь дугдыны уг яра, музъем удалтйсьтэм шуыса.

Тани асьмеос киямы сюсьтыл возиськомы. Со мед югдытоз! Котырысьтыды пеймыт дуннеын со сюсьтыл туж пичи но дырекъясь тыл, но со югдытыны кулэ, сое кысыны уг яра!

Асьмеос трубачъёс. Шимес жугиськонын но пычальёслэн ыбылйськон куараоссы пушкын трубадылэн куараез, оло, уз но кылйськы, но тй трубадэс шудыса, вераны кулэ кышкыт ивор сярысь, утыны кулэ секыт учыре шедем адямиосты.

Асьмеос тылскиськомы. Ог-огдэ адзонтэм карон но астэ ачид гинэ тодыса улон кезыт дуннеын со тылскем туж ляб шуныт сётйсь маке, но асьмелы сое кысыны уг яра, со тылскем мед жуалоз.

Асьмеос молотэн йыггетйськом. Со йыггетон, оло, кидэс жадьытэ, но йыггетэмысь дугдоно өвёл.

Асьмеос киямы кутйськомы палаш. Огпол, кык пол шуккеммы омырез гинэ, оло, вандоз, тушмонэз вормон сярысь осконмы но, оло, куашкалоз, но асьмеос палашмес лэчыт возыны кулэ, малы ке шуоно, со „Духлэн палашез“.

Асьмелэн сютэм улийсьёслы вань няньмы. Но уноез адямиос мукет сиёнэн көтсэс тыро, дыр, но асьмелы

со духовной сиёнмес дугдылытэк сётъяно, адымиослэн духсы тыро мед луоз.

Асьмелэн юэм потйсь муртлы вумы но вань. Соослы асьмеос шуыны кулэ: „Кинлэн юэмез потэ, лыкты но ю!“

Асьмеос чик дугдылытэк, жадёнэз валатэк вёлдыны но валэктыны кулэ Солэсь Кылзэ!

Иисус Христос шуиз, уноез кизем кидысмы зеч музъем вылэ усёзы но будозы, умой емыш сётозы. Сюлмады но верам кылады кенжытэм тыл куд-огезлэсь кынмем мылкыдзэ шунтоз но Христос доры вуттоз. Асьмелэн йыггетйсь молотмы кинлэсь ке чурыт сюлэмзэ тэшкатоз, Христослы йыбырттытоз. Палашмы сьёлыкен азгынмем мугордэс коралоз но вылтйяськон но асьтэдыз гинэ яратйсь мылкыддэс быдтоз, сюлмады сюрес усьтоз Инмарлэн Духезлы карьяськыны. Кин ке но сютэм мурт улонлэсь Няньзэ верьялоз, кин ке улэп вуэн сюзэ юзматоз.

Адыми лулъясты кырмыны дышетске! Самой бадзымез шуд но шумпотон – кинэ ке Христос дорозь вуттон. Мыным уно сюрс адымиосты Христослэн утён сярись валаназ вуттыны шуд усиз. Мон али но асме туж шудоем лыдьясько, куке адзисько, кызы адыми киоссэ вёлъя но шуэ: „Мон Христосэн ёош!“ Талэсь но бадзымез узырлык дунне вылын өвёл. Дышетске адымилэсь лулзэ кырмыны! Христосэн адзись мед луоды!

Библия вера: „Визьмо адыми лулэз ас бордаз кыске“ (Притчаос 11, 30). „Визьмоос котьку югдыса улозы, из вылын пиштйсь тыл сямен, соос унозэ зэмлык пала берыктозы, кизилюос сямен, даурьёслы но котькулы“ (Дан. 12, 3).

„Тй – музъемлэн сылалэз“ (Матф. 5, 13). Сылал сюэз куасьтэ. Нош тйляд улонды мукетъёслэсь сюэз куасьтйзы-а ни?

Куатетйез: тйляд улонады яратон мед луоз валтй-сез. Иисус Христос Ас съöraз мынйсьёслы шуиз: „Мынам дышетскисьёсы шуыса тйледыз тодозы соку гинэ, кукке тй ог-огдэс яратыса улоды“. Библиялэн мукет интыысьтыз но шедьтйськомы та выллем ик кылъёсты, кудзэ вераз апостол Иоанн: „Яратоноосы! Яратоме ог-огмес, малы ке шуоно, яратон лыктэ Инмар дорысь, котькудйз яратйсь вордйськемын Инмарлэсь но тодэ Инмарез; кин уг яраты, со уг тоды Инмарез; кин уг яраты, со öз вала Инмарез. Инмар уго со – яратон. Инмарлэн яратонэз асьмелы усътйськиз соин гинэ, кукке со Аслэсьтыз Пизэ асьме доры ыстйз, Со пыр Быдзым Инмарлэсь улонзэ мед басьтомы шуыса. Яратон со бордын öвöl – кызы Сое яратйськомы, та яратонэз мукет ласянь учконо: Со асьмемыз яратэменыз Пизэ асьме доры ыстйз но съöлыктьёсмы понна Сое быронэ вуттйз (1 Иоанн. 4, 7-10).

Инмарлэн Ас нылпиосызлы кузьмам кузьымъёсыз пöлысь самой дуноез – яратон. Святой Духлэн ваньмыз дуно емышгёсыз пöлысь самой дуноез – яратон, со нырысь интыын сылэ.

Библия вера, сюлмазы Христосэн адямиос ог-огзэс яратыны кулэ озыы ик, кызы асьмемыз яратйз Инмар, Аслэсьтыз Пизэ асьмелэн съöлыкмы понна кулыны ыстыса. Библия вера, самой со часэ, кукке асьмеос Христосэн огазе луиськомы, самой соку Со асьмелы кузьма ноку адзйлымытэ но ноку валамтэ яратонзэ, самой со яратонэныз асьмелэн сюлэмамы пычатэ Святой Духез. Асьмеос Христослэн нылпио-

сыз шуыса валан – со ог-огмес яратон. Ваньзэ тае скулмыныды шөдйды ке, тодэлэ, Христосэн тй огазын – шудо улонын!

Сизыметйез: луэ кылзйськись христианин. Кыче ке ужез лэсьтыны малпады ке, нырысь ик тодады вае Христосэз. Со мед луоз тйляд Кузё-Инмарды но Дышетйсьты. Со мед луоз тйляд валтйсьты.

Тямысэтйез: дышетскелэ визь сынанлэсь утиськыны. Кызы верамы вал ини, визь сынан сётэмын инкуазен герзаса. Визь сынан – ачиз со сьöлык öвöл. Но визь сынанлы сөтйськон – со сьöлык. Инмар ноку но визьдэс уз сына. Но Со визь сынан лэсьтэ, тйледыз эскерон понна. Шузи мылпотон – со шайтанлэн ужез. Тодад возь сое. Шузи мылпотонлэсь палэнскон понна, лыдзыны кулэ Евангелиысь огзэ гинэ кылбурез – шайтан соку ик палэнскоз, Инмарлэн Кылыз сое соку ик пешкытоз.

Пустыняын дыръяз, Иисус Христослэсь мылпотонзэ шайтан улзйтйз вал. Но соку Иисус ассэ Ачиз вормиз Инмарлэсь Кылзэ тодаз вайыса. Со куинь пол шуиз: „Озы гожтэмын“.

Шуиды ке тй шайтанлы: „Озы шуиз Кузё-Инмар“, шайтан соку ик пегзоз. Но тй сөтэ на луонлык Иисус Христослы тй пушкыны улйсь Святой Дух пыр тй понна нюръяськыны. Одйг пичи нылаш шуиз: „Шайтанлэсь öсэ йыгаськемзэ кылйсько ке, мон усьтыны ыстйсько Иисус Христосэз“.

Котькудйз адямилэсь визьзэ сынась вань, куд-огезлы со кельше. Малпады ке шырез чужонэн улляны, асьтэос адзоды, со чужонды шоры уг учкы, со учке пегзоно пась шоры. Тйни озы ик тй но палэнтэ синдэс визь сынан бордысь но учкелэ Христос шоры.

Огпол мон офицерлэсь юай, ожмаськыкуз мае со бырйысал – геройлыкез яке йыбырттонэз. Чик мал-паськытэк со шуиз: йыбырттонэз!

Инмарлы кулэ йыбырттон. Нош йыбырттон понна, тодыны кулэ Солэсь косонъёссэ. Озыен, мур тодоно но котьку лыдзоно Библиез. Библия тйледлы компас выллем луыны кулэ. Кылзэ, мар тйледлы вера Инмар.

Укмысэтиез: луэ зэмос христианин!

Кин ке туж умой вераз, „куд-огез христианъёс сыће матын инбамлы, музъем вылын улыны быгатонлык-сы ик өвөл“.

Зэм, Библия сьöлыкклэсь палэнскыны косэ, но со ноку но уг вера мултэсэз сярэсь, ноку но уг косы межалэсь ортчыны. Тй вореkjяны-чиляны кулэ! Тй луыны кулэ жеч мылкыдо, юрттйськись, дйсен но мылкыдын чылкыт. Кильтыръяськон, кыл вöлдон, юмшан тй борды медам лякиське. Доктор Бернхаус шуиз: „Туж чебер печатлам Евангелиез öд ке но лыд-же ярам, нош огшоры печатламзэ киисьтыды эн куялэ“.

Дасэтиез: бакель луэ сыће улонэныды, кудзэ кузь-маз тйледлы Кузё-Инмар. Инмар тйледыз кылдытйз сыћеен, кыће тй вань. Со пуктитйз тйледыз отчы, кытын тй пукиськоды. Соин ик тй Сое данъяны но Сола йыбырттыны кулэ озыы, кыће тй вань, отын, кытын тй али вань. Куд-огез одно мурт кенер шоры учке, отын, пе, турын вожгес жужа. Сыћеос чик юнме шорысь мултэс дырзэс быдто, мукетъёслэсь жечгес кариськон понна, соос уг валало, ки улазы самой со, мар соослы кулэ.

Луэ Апостол Павел кадь, кудйз шуиз: „Мон номыр шоры уг учкиськы, ас улонме но уг дунъяськы“ (Деян.

Ап. 20, 24). Апостол Павел шуиз, со улыны дышемын туж зудыса но, туж узыр но. Тюрьмаын дыръяз но со зэмос христианин вал. Тй но секыт учырѣсы шедды-лоды, но соос медам кышкатэ тйледыз. Дышетске умой амальѣсын нюръяськыны урод сямѣсын но учырѣсын.

Та куронѣс но ѳектонѣс тйледлы туж огшорыесь потозы, оло. Но улонады пыѳатйды ке, асьтэос валалоды соослэсь пайдазэс. Мон соосты эскери уно сюрс адымиослэн улоназы. Мон эскери соосты аслам улонам. Соосты чаклады ке, улонды ѳръяськоз капчиен, шулдыр мылкыдын, тй соку гинэ валалоды зэмос шудо луэмдэс.

Дас витетй глава

ХРИСТИАНИН НО ЧЕРК

„Тй но отын Инмарлэн Духеныз улыны
интыяськиськоды“

Ефес. 2, 22

Адями мукетъёсын ёш улыны кылдэмын, солэн мукетъёсын ёш кышканэз но быре, мылкыдыз но умой луэ. Адямиос, огазын улон понна, одйг кадь мылкыдзэс огазеян понна, кылдытъяло уно пёртэм партиос, союзъёс, кенешъёс, но ой вал на, уз но луы, дыр, сычез огазеясь кужым, кыче луэ Христослэн черкез.

Туж вашкала дауръёсы адямиос огазеяськылйзы ог-огзэс утён понна, бёрысьгес соос дышизы огазын улыны но шулдыръяськыны. Цивилизация азинскемъя, кылдылыны одъязы лушкем обществоос, отчы пыремъёс клятваос сётылйзы но со сётэм кылзэс быдэсьяны тыршизы.

Кылдылйзы расовой но национальной группаос, клубъёс, студенчествоос, жожаос, литературной обществоос, политической партиос, военной организациос – ваньзы соос, туж данъяськымон клубысен кёшкемыт шайкаозь, адямиосты огазеяло кыче ке одйг ужез быдэстыны яке ог-огдэ валан вылысь, одйг выллем улон вылысь.

Но адями ноқытын но мылқыдзэ сыңе өз буйгатылы, кызы со буйгатылїз Христослэн черказ, малы ке шуоно, ваньмыз мукетыз кылдытэмын адямилэн визьмыныз но солы кулэлыкеныз. Со группаос ог-огзылэсь люкиськыса улыны тыршо, соослэн утиськонзы синпöет гинэ, нош черк улэп мугор выллем, солэн кужымез пушкысьтыз потэ, солы педласянь шунтїсь кужым кулэ öвöl. Со ассэ ачиз шунтэ но кыдатэ.

ЧЕРК кыл кылдэмын ЭККЛЕЗИЯ грек кыллэсь, со возматэ „өтем“ яке люкаськем шуэмез. Черк кыл бöрысьгес ини христианстволы гинэ пыңаз, нош со вал кылдэмын христианстволэсь уно даурьёслы азылогес. Быдэс греческой дуннеын та кылын вераллязы эрико город-государство люкаськем вань калыкьёслэсь собранизэс. Нимысьтыз адями – глашатай калыкез люкалляз кыңе ке ужпумез эскерыны. Та кыл ик кутэмын Вуж Сїзёнын (Старый Заветын) Израиль калыклэн „обществоз“ шуыса, солэн членьёсыз лыдьясько вылэм Инмарлэн быръем калыкез чотын. Та кыл озыы ик пумиське Апостольёслэн Деяниязы Стефанлэн Моисей сярысь вераназ, со, пе, „пустыняын собраниын вал“ (Деян. Ап. 8, 38). Христос вордїськемъя нырысетї даурысен „черк“ кыл грекьёслэсь возматылїз демократической обществозэс, нош еврейёслы со Инмарлы оскись общество вал, соин ик солэн членьёсыз Инмарен быръем калык, пе, вал.

ЧЕРК кылэз христианской обществоен герзаса ик вераз Ачиз Христос, куке Со шуиз Петр Апостоллы: „Та из вылэ Мон кылдыто Аслэсьтым Черкме, адлэн калыкез уз вормы сое“ (Матф. 16, 18).

Озыен, Иисус Христос Ачиз кылдытїз черкез.

Иисус – христианинлэн быдэсак улонэз, соин ик черк но быдэсак Со бордысь. „Нокин но мукетыз уз кылдыты ни сое, мар кылдытэмын, нош со кылдытэм – Ачиз Иисус Христос луэ“ (1 Кор. 3, 11). Иисус Христос ассэ ялйз черкез кылдытйсен, черкез лэсьтйсен, соин ик черк Солэн гинэ луэ. Со кыл сётйз ваньмыныз ёош улыны, соосын, кин солэн черкезлэн членэз луэ. Черк со кыће ке организация өвөл, со ачиз сыће организм, кудйз нокуд ласянь но уг кельшы дунне вылысь мукетёсызлы: Ачиз Инмар улэ огшоры калыкен ёош, кинёс Солэн черкезлэн членёсыз луо но Со соослэн визьмазы улэ.

Выль Сйзён (Новый Завет) дышетэ, улонын зэмос черк одйг гинэ, но со пушкын луыны быгатозы туж уно интыосысь черкёс яке общинаос. Со интыосысь черкёс осконзья туж пёртэмесь луэмын, соос пазяськемын общинаосы но группаосы. Со пёртэм черкёсты радьяны луысал национальной но богословской пёртэмлыкёссыя яке членёсызлэн духовной улонзья. Но Выль Сйзён дышетэ, Христослэсь Черксэ быдзым лэсьтонын ог-огдэ валамтэос но луылозы, соосты раскол шуо, озы ке но асьмелэн ваньмылэн Одйг гинэ Кузё-Инмармы, огаз гимнын озы ик шуэмын: „Черклэн кылдонэз Христос, Соин со сылэ“.

Иисус Христос – быдзым дуннелэн черкезлэн яке вселенской черклэн йырыз. Соин ик черклэн ужез Со бордысь потыны кулэ, бен Со луэ ук духовной улонмылы кутскон сётйсь.

Асьме электрификация вакытэ черкез туж каньыл телефон станциен ёошатыны. Кытчы гинэ уг кыстйсько телефон езёс, нош соослэн станциязы одйг. Чугун сюрес системаез но черкен ёошатыны луэ:

солэн центральной станциез приказъёс сётъя, вань поездъёслэн ветлонэнызы кивалтэ. Армиын одйг кивалтйсь генерал войскоослы приказ сётъя. Солэсь приказзэ быдэсьясъёс котькудзы асьсэ сяменызы косъясъко, дыр, но генераллэн приказэзлэн пуштро-сэз уг воштйськы.

Черк ласянь ке учконо, Иисус Христос солэн вож-дез интыын. Солэн приказэзъя кылдйз аслаз черклэн улонэз, соин ик черклэн кужымез но Иисус потэ, соин ик котькуд черклэн группаез туж шонер быдэ-сьяны кулэ Солэсь косонъёссэ. Кыззы генерал вите солэсь приказъёссэ жеч но дырыз дыръя мед быдэ-сьялозы шуыса, озы ик Иисус Христос но котькуд черклэсь вите Солэн дышетэмаз улэмзэ.

Черкез уно пыкылйзы солэн улоназ уно керетонъёс вал шуыса, өвёл, пе, солэн членъёсылэн ог-огзэс валанзы. Но со шонер өвёл. Приказъёсты пöртэм сямен быдэсьясъёс ке но вань, со уг возмататы на вождылэсь шузи луэмзэ но приказъёс сётъяны быгатымтэзэ.

Иисус сярсы пöртэм дышетэмъёсты умойгес эскериды ке, соку ик син шорады йöтоз, кыче соос пуш-тросся но, история ласянь но огвыллемесь. Соос пöртэм луыны быгато обрядъёсья, соос ог-огенызы споръяськозы богословской ужпумъёсья, но ваньзы ик соос данъяло Иисус Христосэз, кудйз аядмиослэн сьöлыкъёссы понна кирос вылын кулйз – озы бере, та факт быдэс дунноысь калык понна туж кулэ луэ.

Табере, куке тй Иисусэз асьтэлэн кариды, тйляд Со Утисьты луиз но Со вылэ оскиды вань мылкыддэс, тй луиды быдйым вселенской черклэн членэз. Тй пыри-ды оскисьёслэн семьяязы. Табере тй – Христослэн мугорыслэн оглюкетэз. Табере тй быдэсак кылзйсь-

кыса улыны кулэ Христослэсь, нош Солэсь кылзйсь-киды ке, тй Солэсь косэмьёссэ быдэсьялоды но Солаоскисьёсын огазе кариськоды. „Ум куштэлэ асьмелэсь братьёсмес, кызы йылолзы вань куд-огезлэн“ (Евр. 10, 25).

Кин ке шуиз: „Христослэн мугорызлэн оглюкетэз луон со кыче ке интыгысь черклэн членэз луон, малы ке шуоно, черк Солэн мугорыз ук“.

Али асьмеос ум вераське быдзым вселенской черк сярсысь, вераськомы интыгысь черк сярсысь, тйляд приходысьтыды черк сярсысь, кытысь тй адзоды туж уно тырмымтэоссэ. Но асьмелы вунэтыны уг яра огзэ: адямиос пöлын ваньмыз чылкыт öвöл, соин ик Инмарез данъян понна кылдытэм учреждениослэн но туж уно на тырмымтэоссы. Иисус Христос огназ гинэ котьма ласянь чылкыт Адями вал. Нош ваньмы асьмеос – сьöлыктьёсмы понна öпкелемтьёс гинэ, Солэсь адзем карыны ке но выриськомы; со дыре ик черк но синзэ пытсаны выре, аслэсьтыз умой интыоссэ гинэ мед адзозы шуыса, синзэс пыта членёссызлэсь но.

Черкез кылдытыкуз, Иисус Христос малпаз вал, Со сьöры мынйсьёс черк котыре мед люкаськозы но палэнэ медам кожылэ шуыса. Асьтэлэсь сюрестэс бырйыку, тй тодматсконо кожалоды соиныз яке таиныз черкен но общинаен, яке мыноды сояз, кудйзлы тй матын, со сярсысь вераллязы вал анайды но атайды, мукетъёсыз мöйы муртъёс. Кыче ке черке пырон – со лöпшаса лэсьтэм вамыш öвöл. Черк тйледлы бадзым юрттэт сётэ духовной улондэс узырмытыны но, тужгес ик, луонлык вае мукетъёслы служить карыны. Озы бере, молитва пыр тй бырйыны кулэ созэ чер-

кез, кудйз тйледлы бадзымгес пайда сётоз Инмарлы служить карыны.

Кин ке азьчиныызэ выллане жўтыса пыкылыны кутскоз, дыр, малы пўртэм черкѣс кылдо, ваньзы соос одйг Инмарлы служить каро бере шуыса. Соослы мынам тазыы валэктэме потэ: асьмеос ваньмы адямиос, но учке ай, кыѣе пўртэмесь ваньмы – вылтусмыя но, сяммыя но, кулэясъконтѣсмыя но.

Куд-огѣсызлы Инмарен огазеяскыны умой потэ туж чебер черкын тодмо обрядѣс дырѣя, куд-огез Инмарез шедьтэ огшоры улонын. Огезлы кулэ яркыт суред, мукетызлы сыѣе суред кулэ өвөл. Но ужпум со бордын өвөл, кыѣе обряд кельше адямилы, ужпум мылкыд бордын, кыѣе солэн мурлыкез Инмар доры вуон понна, соин ик котькудйз адями сояз черке яке общинае мыныны кулэ, кудйз тупа солэн мылкыдызлы.

Оскыны ик шуг, улыны бырѣем квартираяды тй мыноды сое учкытэк шуыса. Но уноез христианѣс, мазэ-созэ валатэк, огазеясько соослы матысь черкен, нош соослэн мылкыдызлы таиз черк уг тупа шуыса валам беразы, мукетаз выжо, собере куиньметйяз, нылетйяз. Таѣе олань-талань выронѣс пайда уг сёто Инмарлэн данэзлы но, асьсэлы но та адямиослы.

Пўртэм черкѣслэн асьсэлэн историзы, традициоссы, йылолѣссы, обрядѣс ортчытъянзы; соин ик котькудйз христианин аслыз черк бырйыны кулэ мылкыдызъя, со мур мед оскоз, таиз черкез лэсьтыса гинэ со аслыз духовной улон шедьтоз, таиз гинэ черк солэсь кулэясъконтѣссэ быдэстоз, таиз черк пыр гинэ со мукетѣслы пайда сётыны быгатоз.

Эн янгышалэ только, кудйзлы ке проповедниклы гинэ оскиськыса. Проповедникѣс вошѣясько, нош

черкен кусыпты озьы ик кылёз. Соин ик асьтэлэн черктылы но отысь Христослы осконды туж мур луыны кулэ. Умой черк кылдэ соку гинэ, куке солэн членёсыз валало, соосты герза Иисус Христосэз яратонзы но Солэн сюрестйз мынонзы шуыса.

Зэмос христианин черке ассэ умой ласянь гинэ но Христослы туж умой служить каремзэ возматыны уг мыны. Черк адымилы каньыллык сётэ, солэсь духовной улонзэ жутэ. Озьы ке но зэмос христианин та понна гинэ уг ветлы черке. Со татчы лыктэ аслэсьтыз молитваоссэ мукетъёслэн молитваосынызы огазеяны, со лыктэ ас куаразэ мукетъёсын огазеяны, кинъёс ваньзы чөш Кузё-Инмарез данъяло, со лыктэ Иисус Христос пыр утиськон сюрес утчаны. Со лыктэ мукетъёсын чөш Инмарлы йыбырттыны, Солэн яратэмезлы но утемезлы тау карон кыл вераны.

Христианской обществолэн – черклэн яке общиналэн – пуштросэз луэ нырысь ик: **ИНМАР АЗЕ ЙЫБЫРТТЫСА, СОЕ ДАНЪЯН**. Асьмеос черке проповедь кылзон понна гинэ ум мынйське, асьмеос черке мынйськомы Инмарлы йыбырттон понна. Асьмеос Солы йыбырттыны кулэ визьмынымы но сюлмынымы. Обрядъёс, кырзанъёс, молитваос – ваньмыз соос юрто Инмарез данъяны, со данъян луэ адымилэн берпуметйез ас аяз пунктэм ужез. Асьмелэн йыбырттыса данъянмы Сое данъясьёс пöлысь самой дуноез луэ. Христианской уж но, адымиосты черке кыскон но, Библиез лыдзон но мукет туж уно умой ужъёс Инмарлы йыбырттонэз воштыны уг быгато. Инмарез данъятэк уз пöрмы зэмос шудо христианской улонды. Инмарлэн самой бадзым куронэз – Солы йыбырттон но Сое данъян.

Кыкетйез: ЧЕРК КЫЛДЭМЫН ОГАЗЕЯСЬКОН ПОННА. Рай сярысь малпаськон кутске Инмарлы оскисьёслэн огазеяськемзы бордысен. Тй зэмос христианин ке, тй чидатэк возъмалоды оскисьёсын пумиськондэс. Азвыл аръёсы общественной улонлэн бадзым люкетэз черк котыре огазеяськемын вал. Черклэн ваньмыз ужез азинскыны кулэ Иисус Христосэн валтэ-мезъя Инмарез данъян понна, но асьмеос, христианъёс луиськомы бере, ог-огмес утыны кулэ. Асьмеос ог-огмес утыны кулэ молитваос пыр но, ог-огмылы юрттыса но. Асьмеос ог-огмы понна кыл кутйськомы.

Апостол Павел черкез ёшатэ мугорен. Киос, шум, „тупаса уло“ ымдуръёсын, син огкылысь ужа пелен ёш, пыдъёс каньылгес вамышьяло киослэн сэзъяськеменызы валче, мугормылэн котькудйз люкетэз быдэсья аслыз кулээ, но со ёш ужаны кулэ мугорлэн мукет люкетъёсыныз.

Христианство – огинын улонлэн религиез. Христосэн ёш луон – со яратон, зэмлыко луон но служить карон, нош соос ваньзы огазын гинэ кжмо луо. Самой сыће огинэ луон черкын гинэ быдэсме. Огазе луыса, асьмеос ог-огмес юнматйськомы. Иисус Христос шуиз: „Уго кытын кык яке куинь ёшен Мынам нимыным люкамын, отын Мон соос пöлын“ (Матф. 18, 20). Иисус Христос дышетйз, асьмеос Инмарлы вöсяскыны но йыбырттыны кулэ, огазе люкаськыса.

Куинетйез: ЧЕРК ЮРТТЭ ОСКОНЭЗ ЮНМАТЫНЫ. Молитваос, аджонъёс, проповедъёс но дышетонъёс пыр асьмелэн осконмы юнмай. Черк юнматоз тйледыз святой осконэн, нош но нош возматоз, макем шонересь луо христианской улонлэн куронъёсыз, кудъёссэ асьмеос эскеримы кылем главаын.

Нылетйез: ЧЕРК – СЛУЖИТЬ КАРИСЬЁСЛЭСЬ КУСЫПСЭС ТУПАТЙСЬ. Асьмеос утемын, служить карон понна. Христианин азын сыло уно сюрс ужпумьёс. Со ужпумьёс быдэсмозы интыысь черкен огазельськыса гинэ. Зэмос христианство ноку но черктэк өз улы. Черк со Христослэн музъем вылысь организациез. Черк, пöртэм тырмымтэосыз, расколъёсыз шоры учкытэк, – со черк ик кыле. Нокыче мукет организация уз вошты сое.

Витетйез: ВАНЬЗЭ УМОЙ ЛЭСЬТЭМДЭС ХРИСТИАНСКОЙ УЖЛЫ КУЗЬМАНЫ ЧЕРК ТЙЛЯД КУСЫП ТУПАТЙСЬТЫ ЛУЭ. Библия дышетэ десятинаез сётон сярысь. Десятина – тйляд доходдылэн дасэти люкетэз, мукет сямен вераса, ужаса басьтэм коньдондылэсь дасэти люкетсэ ти берыктыны кулэ Инмарлы. Со дасятина вöзы ти ватсаны кулэ на Инмарлэн ужаны юрттэмез понна. Курбон сётон – христианлэн умой сямеэ, со сям огшоры улонамы мур пычаны кулэ, со мед луоз тйляд люконтэм ужды. Котькуд вамышмы сьöрын мед ветлоз зеч уж но зеч мылкыд.

Христос шуиз: „Сётыны умойгес, басьтыны сярысь“ (Деян. Ап. 20, 35). Со тодйз, сётон сюдэмеэ мургес шунтэ но мылкыдэз жутэ. Со та мылкыдэз асьмелы тужгес но шумпотыса кузьмаз. Астэ ачид гинэ яратон кышкан бордысь кылдэмын. Нош зэмос христианин кышканэз уг тоды. Иисус Христослэн киосыз курыса мычемын öй вал, Со котьку сётыса киоссэ мычылйз, Со öй вал Ассэ Ачиз яратйсь но аксым.

Сётонэз уг луы мертаны коньдон яке нуллэм дйсь кузьымен. Чем дыргья самой умой кузьым луэ эшъяськон но ог-огдэ валаса улон. Зеч кыл, капчи мылкы-

дын ёчбурьяськон, огназ кылем адямиен ёош ёыттё ортчытон туж бадёым кузьым луоз Ин Эксёйлыклы. Тй Христос понна лул кутылйсь уд луэ, ёд ке дыше кузьмаськыны. Коньдон гинё ёвёл, дырыныды но, талантёныды но тй Христослы служить карыны кулэ.

Десятиналэсь мултэссё сётон кыёе ке правилое яке кинлэн ке косонэзлы медам пёрмы. Со мед луоз тйляд сюлэмдылэн косонэз. Оло, со луоз иськавындылы яке тйледлы юрттйськись пичи пияшлы кузьым. Асьмелэн кузьыммы Инмарез яратёммес возматэ. Асьмеос сётйськомы со туж пичи кузьыммес Солэн быдёым яратонэзлы, кудзё Со кисьтё асьме вылэ, нош асьмеос Солэсь яратонзё азинтйськомы но вёлдйськомы мукетёёс пёлы.

Сётыны быгатон – со искусство. Адямиез асьмеос узыр карыны быгатомы стакан ву сёттыса, но кураськисе кельтомы, яратытэк уно коньдон сётыса. Тйни самой отын эскериське сётйсьлэн зёмос мылкыдыз: со сётё ке, кулэен лыдъяса гинё яратон мылкыдыз интые со соку кузьма урод мылкыдзё. Кузьымлэн дуныз ёвёл, сётёмын ке со вылтйяськыса. Озыы ик солэн дуныз ёвёл, мукетёёслы возматон понна кузьмамын ке со.

Асьмеос сётыны кулэ кинлы ке юрттон вылысь но шумпоттытон вылысь, уг яра кузьмаськыны, асьтёлы пайда сярысь сюлмаськыса. Сётоно капчи мылкыдын, сотэк со пайда интые куректон гинё ваёз. Кузьым сётонлэн шунытёз но гажан мылкыдыз кемалы мед тырмоз, но сыёе дуно кузьым сётыны уз быгатё аксымёёс но кезыт сюлэмоос.

Черклэн кассаяз-а тй сётоды, Утисьлэн Армиязы-а яке Горд Крестё вирдэс-а сётоды – ваньмыз со лэсьтйськыны кулэ Иисус Христослэн нимыныз. Со адями-

ос, кингёс понна ваньзэ тае тй лэсьтйськоды, асьтэос но тодыны кулэ, тй со кузьымдэс Христослы сйзиськоды шуыса. Али туж уно кузьмаськонгёс луо кыче ке пайда, пунэмез сярись малпаса. Христианинлэн кузьымез – номырин чошатонтэм кузьым. Ойщественной яке благотворительной организацилы кузьымады котькудды таچه гожтэт поныны кулэ: „Мон сётйсько тае Иисус Христослэн, мынам Кузё-Инмарелэн, нимыныз“. Соку тй фондэз люкасьёслы валан сётйськоды кин луэмдэс но кык луд кечез кутйськоды: коньдон но сётйськоды, Инмарлэсь зеч иворзэ но улонэ пычатйськоды.

Утиське Инмарез пöяса сёлыко луыны. Библия вера: „Ваелэ ваньзэ десятинадэс огазе люкан юртэ, Мынам коркам мед луоз сиён, та ласянь но эскере Монэ, шуэ Кузё-Инмар Саваоф; уг усьты-а Мон тйледлы ин öсэз, уг кисьты-а тй вылэ мултэсэн бакель каремме?“ (Мал. 3, 10).

Доктор Луис Эванс шуиз: „Евангелие сётйське дунтэк, но, утиськон вузэ возён сосудёсты дасян понна, кулэ коньдон“.

Ачиз кузьым сётон – со сыче ик вöсяськон, Инмарлы йыбырттон но Сое данъян, сыче ик молитва. Быдэс дунне соку ик кылысал Евангелилэсь иворзэ, христиангёс сётйсалзы ке Инмарлы ужамзылэсь кулэ люкетсэ. Инмар кылзэ сётйз, Со ваньзэ зечкын берыктоз шуыса! Тодйськоды-а тй сыче банкез яке финансовой учреждениез, кудйз понэм капиталды понна мед берыктысал сю процентсэ? Инмар шуэ: возматэ Мыным, мар тй лэсьтйды но соку адзоды, мар Мон тйледлы лэсьтйсько. Сётэлэ көня быгатйськоды но соку асьтэос адзоды, кыззы Инмар ваньзэ тйледлы берыктэ.

Куатетийез: ЧЕРК ЕВАНГЕЛИЕЗ ВӖЛМЫТОНЫН ТЫРШЕ. Черк кылзйське таӗе косонлэсь: „Мынэлэ быдэс дунеетй но Евангелие сярысь вералэ, чукынэ соосты, кин оскиз тйледлы“. Черклэн нырысь ик лэсьтоно ужез – кулэм лулӗслы Христос сярысь ӗч иворез веран. Туала дунне черклы вазиське юрттэт курыса. Дунне пачылмемын социальной, моральной но экономической ужрадӗсын. Адямиос быро преступлениослэн тулкымӗссылэсь. Дуннелы кулэ Христос. Черклэн ужез – выись но бырысь сӧлыко адямиосты утӗн.

Иисус Христос шуиз: „Тй кужмо луоды, тйледын луиз ке Святой Дух, соку тй Мынам адӗзисӗсы луоды“ (Деян. Ап. 1, 8). Святой Духлэн кужмыныз асьмеос мукет христианӗсын ӗош огезеяськыны быгатомы калыкез Христосэ вуттыны. Музьем вылысь куатьтон вить процентэз калык кылыны кулэ на Иисус Христослэн Евангелиезлэсь иворзэ. Вань на сюрслэсь уно вераськон кылӗс, кудӗсyz уг тодо на Библиез.

Нырысетй христианской черкын Библия но ӧй вал, семинариос но ӧй вал, озы ик ӧй вал печатной станокӗс, литература но школаос, ӧй вал радио, телевизор, автомобиль но самолет, озы ке но Евангелие туж вакчи дыр куспын вӧлмытэмын вал со вакытысь ваньмаз дуннеосы. Евангелиез вӧлмытонын вал Святой Духлэн кужымеz.

Асьме дыре, куке туж кужмо азинскизы радио, телефон, сюресӗс но соин валче матэ луизы калыкӗслэн кусыпсы, Святой Духлэн кужымеz сярысь вунэтыны ӧдязы. Асьмеос ваньзэ ас кужыменымы лэсьтыны выриськомы, соин ик номырмы уг пӧрмы. Миллионӗсын американецӗс – язычникӗс но идо-

лѣёслы йыбыртгьясьёс луо. Соос йыбыртгьяло эрико алтарьлы, материализмлы но съёлыко ужѣёслы. Тйляд веран кылды гинэ мукетѣёслэн сюлмазы вуттоз Солэсь Кылзэ. Соин ик уже кутэ котькуд талантэз, быгатонлыкёз но ваньзэ мукет луонлыкѣёсты, адямиез Христос доры вуттон понна! Самой та ужез быдэсьяны кулэ черк. Ужан амальёсмы уно пёртэм луыны быгатозы. Евангелие сярысь пёртэм сямен вераны луэ: воспитание но проповедь пыр, миссия но миссионерѣёс пыр, промышленной предприятиосын, тюрьмаосын, радио но телевидение пыр жеч кылын вазиськыса, Евангелилы сйзем фильмѣёс пыр. Пёртэм амальёс ке но со, соосты ми уже кутумы, адямиосты Христос доры вуттон понна.

Но адямиез Христос дорозь вуттон – со ужлэн кутсконэз гинэ. Асьмеос сое черкен огазаяны тыршыны кулэ, мед будоз шумпотон мылкыдын но асьмелэсь Кузё – Инмармес Иисус Христосэз валаса. Черк со Евангелилэн дышетэмезъя жутыны кулэ, отчыозь жутыны кулэ, кытчюзь солы жутсконо, черк ачиз мед юрттоз котькуд адямилы аслэсьтыз сюрессэ шедьтыны.

Самой берпуметйез: **ЧЕРК ВАМЕН АСЬМЕЛЭН ЧЫЛКЫТ СЮЛЭММЫ ТУЖ ПАСЬКЫТ ВӨЛМЫНЫ КУЛЭ.** Асьмеос братѣёсмес зэмос утисьёс луиськомы, сое соку ик адзыны луэ христианскойтэм луись странае мыныса, отын уго христианѣёс пöлын ог-огдэ утён туж öжыт пычамын шуыса соку ик син шоры йötэ. Христосэз асьсэлы каремѣёс туж юн висьясько Сое тодымтэос сярысь.

Котькинлы юрттэт сётыны дась луись самарянин сярысь Иисус Христос огшоры öз вера, солэн вань даурѣёслы кельтэмез потйз калыкѣёслэн визьмазы

яратон но ог-огедлы юрттон сярсы валанэз. Огез но христианин, зэмзэ ке вылй данэн нуллэ та нимез, палэнэ уз кариськы мукетъёсызлэсь жудыса улйсьёслэсь. Куд-огез шунды жужан палась странаосын син шоразы уг йоты курадзись адями но, адямиез ултйян но. Нылпи сютэм кулоз урамын ик олань-талань ветлйсь калык азын, со понна нокин кыл кутйсь өвөл, нокин но со доры уз мыкырскы, кулэм мугорыз доры сяна. Христианин адямилэн секыт учырез шоры ноку но тазы учкыны кулэ өвөл.

Сютэмъёслы, висисьёслы, путсэтын пукисьёслы, зйбетын улйсьёслы юрттыса, асьмеос котьку тодамы возыны кулэ сое, ма вераз Иисус Христос. Со шуиз: кин уг ке кылы но уг ке адзы мукетъёслэсь курадземзэс, со уз но кылы, уз но адзы, уз но вала Ассэ Иисус Христосэз. „Зэм ик тйледлы верасько: тае покчиос пöлысь одйгезлы тй öд лэсьтэ бере, тй сое Мыным öд лэсьтэ“ (Матф. 25, 45).

Асьмеос умой-умой учкыны кулэ котырысьтымы больницаос, нылпи юртъёс, пересьёслы но висисьёслы приютъёс шоры, кудъёсыз усътэмын черкъёслэн кужыменызы. Но куд-ог странаосын, кытчы öз пыча на Христоалэн дышетэмез, висисьёсты учкыны косэмын самой улйе усем адямиослы, кудъёсызлы со висисьёс акылес но адземпотостэм луо.

Черклэн членъёсыз вожомем куаразэс поттыны кулэ, здравоохраненилэсь ляб ужамзэ адзо ке, солэн ляб ужамез семьядылы но, асьсэлы но пырак шуккет уг сёты ке но. Черкъёслэн огазеяськем кужымзы чем дыръя туж быдзым ужлы пöрме, гражданской властёслэн йыртэмамзылы пумит султэ ке, со кужым ик адямилэсь улон-вылонзэ умоятыны юрттэ.. Мед луоз

со уж, шуом, одйг кыче ке законэз кутыны гинэ сйзе-
мын вал яке урамъёсыз чылкытатонлы, но со пайда
сётэ ке – тйни со ик черклэн но солэн членъёсылэн
дано ужзы луэ. Самарянин, юрттйськыны басътйсь-
кыса, өз юа, көня солы тырозы. Самой тазы ик лэсь-
тыны кулэ зэмос христианин аслаз агай-вынъёсылы.

Кызы верамы вал ини та главалэн кутсконаз,
адями аслаз пуштросэзъя валче улыны дышемын.
Адями аслэстыз самой умой ужъёссэ, вылй подви-
гъёссэ, ассэ ачиз кутыны быгатонзэ лэсьтэ общест-
вовын ваньмыныз ёош улыса. Котькудйз гимнаст
упражнениоссэ умойгес лэсьтэ, эшъёсыныз огазын,
огназ солы тырмымтэосыз сярись верась өвёл.

Асьмеос адямиос, соин ик туж уно янгышъёсмы,
соин ик пичи нылпиослы кельшиськомы. Асьмелы
кулэ ог-огмес утён, сотэк мыдлань сюресэ вамышты-
ны шедьтом. Кузь сюрес вакчи потоз, тйляд вань ке
сюресчиды, отчы ик мынэ ке со, кытчы тй но мынйсь-
коды; секыт жутэтты капчи потоз, сое огъя кужымен
ке нуиськод. Тйни сыче ог-огдэ валан но ог-огедлы
юрттон черкын гинэ луэ. Черкын котькудйз оскись
адями аслыз духовной корка но практической ужлы
инты шедьтэ. Иисус Христос тодйз, көня асьмелы,
адямиослы, ужаны кулэ, огазын умой улон но шутэт-
скон понна. Таچه огазын улон инты луэ черк, кытчы
котькудмес өте Иисус Христос.

Дас куатетй глава

ХРИСТИАНИНЛЭН ОБЩЕСТВОЫН УЛОНЭЗЛЭН КУРОНЪЁСЫЗ

„Адямиослы озыы лэсьтэ, кызыы асьтэлы
лэсьтэмзэс кулэ кариськоды“

Лук. 6, 31

Куке тй Христосэн чөш луыны но Библиез пур-поч тодыны малпады, тй вылэ соку ик омырскизы туж уно общественной ужъёс но пöртэм ужрадъёс. Тйляд мылкыдды Христосъя луиз. Тй табере уд лыдъяське ни асьтэдыз Христослэн тушмонэныз. Тйляд сьöлыкъёсты быдтэмын. Тй азе малпаськыны выль луонлыкъёс кылдйзы, тйляд улондылы выль сюрес усьтйськиз. Быдэс каньыллыкты воштйськиз. Табере тй мукетъёс шоры учкиськоды Иисуслэн синмыныз. Вуж валанъёс но умоезлы осконъёс быдэсак воштйськызы. Мыдлань малпанъёсты бырыны кутскизы. Асьтэдыз асьтэос гинэ яратонды, кудйз туж кужмо на вал сямалды, бырыны öдъяз.

Уноез адямиос христианской улонлэсь палэнскыны тыршылйзы, сое мыдлань ласянь гинэ тодэменызы. Соослы шуо вал, христианской улон, пе, пумит мынэ умой но пайдаё улонлы.

Каньыллык улонлэн тазыы верамез нокуд ласянь но уг тупа зэмос христианинлэн малпанэзлы, со ноку

но пумит ой вал шулдыр но пайдаё улонлы. Со только пумит луэ сьёлыко улонлы, кудйз кутске астэ ачид яратонлэсь, уно коньдон быдтонлэсь; сьёе улонын Иисус Христос адымилэн йыраз уг но лыктылы. Христосэз быдэсак асьтэлы карем берады но Солэсь косэмъёссэ быдэсьяны кутскем берады тй валалоды зэмос шулдыр улонэз – тйляд сюлмады каръяськоз Христос. Тйледлы, кин өз вордскы выльйисен, сьёе улон паймымон шулдыр уз поты, нош со, кин нуналлы быдэ Христосэн улэ, со тодэ, шумпотонэз ваньмызлэсь каньыллык улонлэсь выльйын шуыса.

Нуналлы быдэ Христосэн валче улыса, асьмеос зэмос улонэн ульськом. Христианской улон чик уг палэнты кызы улам потэмез. Святой Гожтэм дышетэ, Христос берытскыны быгатоз котьку шуыса, но Со вуытозь асьмелы лэсьтоно уно пөртэм ужано ужмес.

Тани, кылсярысь, нокыёе но умойтэмез ой вал, куке Ной вакытэ адымиос сиизы, юизы но кышнояськылйзы, – но соос сьёлыко уж ноку но өз лэсьтылэ. Сьёлыкен өз лыдъяськылы Лот вакытэ адымиослэн вузкаремзы, басьяськемзы но лэсьтйськемзы, соос пöяськыса быдэсьямын ке ой вал. Ной но Лот дыръя умойтэмез вал со: улоназы самой умоез та ужъёс сяна чик ой вал. Соос, асьсэлы умой карон сярысь сяна, номыр сярысь өз сюлмаськылэ, соос улон интызэс узыр карылйзы, азыланьлы асьсэлы кулэзэ дасязы. Асьсэлы гинэ тыршыса улэменызы, инмарлы дырзы өз ни кылылы. Тйни самой со уг кельшы вал Инмарлы, соин ик асьсэды гинэ тодйсьёсты со наказать кариз.

Кызы верамын вал ини, Библия гожтэмын ой вал музьем вылын улонэз гинэ тодйсь адымиосты данъян понна. Библия азын сыйсь ужпум мукетгес: кань-

ыллык ужъёс шоры мургес пуштросэн учкыны но духовной каньыллыклы уногес дунъет сётыны.

Библия асьме азын сыйсь ужпумъёсты дырыз дыръя но вылй̄ жечлыкен быдэсьяны кулэ шуыса дышетэ. Асьмеос музъем вылэ ыстэмын тыршыны, нош оскись адямиос быдэстоно ужзэс лэсьтыны кулэ туж вылй̄ жечлыкен.

Библия жеч кылын вера кортлэсь, излэсь но пулэсь арбериос лэсьтыны быгатй̄сь Весеиль сярысь (Исх. 35, 30). Иаков но солэн пиосыз пастухъёс вал. Иосиф премьер-министр вал, Даниил государственной деятель вал. Назаретысь Иосиф но Ачиз Иисус плотникъёс вал, нош Солэн куд-ог дышеткисьёсыз чорыгасьёс вал. Асьмеос тодй̄ськомы Эфиопиысь евнух сярысь (гаремез чакласа улон понна улошо карем пиосмурт), тодй̄ськомы буёлъёс вузась Лидия сярысь, палаткаос лэсьтй̄сьёс Павел, Прискиль но Акил сярысь, врач Лука сярысь.

Адямилэн вылй̄ дунъетэз сярысь веракуз, христианство уг палэнты адямилэсь улон шоры котыр лаянь учкемзэ, но со косэ нуналлы быдэ лэсьтоно ужзэ быгатэмезъя но Инмарлэн кивалтэмезъя туж жеч мед лэсьтоз, ассэ ужзэ но сое лэсьтонэз Кузё-Инмар пала мед берыктоз. Озыен, асьмеос адй̄ськомы, Иисус Христос асьмелы сй̄зе та музъем вылын улонамы Аслэсьтыз юрттэтсэ. Со юрттэ асьмелы ужан дыръямы но, шутэтскон дыръямы но.

Со озы ик юрттэ асьме азын сыйсь общественной ужпумъёсын но. Таизлы оскыны ик шуг кадь. Но нунадлы быдэ пумиськылй̄сь ужрадъёс но кызы асьмеос соос шоры учкиськомы, со ужрадъёс Христос пыр потыны кулэ.

Доктор Нельсон Белл огаз христианской журналын гожтэ: „Арня нуналэ тй мынйды ке черке, адымиос МАЛПАЛОЗЫ, тй христианин шуыса. Но кызы луэ адымиен, кинъёс тйледын пумиськыло нуналлы быдэ урамын яке ужды дорын, лавкаын яке мукет интыын? Святой гожтэмлэн верамезъя, өпкелён одно ик луыны кулэ. Зэмос христианинлэн улоназ бадзым инты басытыны кулэ вöсяскон интыосы ветлон но черклэн уезлы юрттон. Но кызы тодмо, асьмелэн ужмы но уно пöртэм векчи, син шоры йöтйсьтэм ужъёсмы – ваньмыз со Христосэн чöш луэммес эскерон. Мае бен адзо нуналлы быдэ тйледын пумиськыльсь адымиос? Шуоды-а соос, нуналлы быдэ пумиськылыса, тй христианин? Яке нырысь пумиськем адыми люкыны быгатоз-а Инмарлы оскисез но Солы оскисьтэмез? Тйни самой со ик луэ ог-огдэ улонын эскерон, нуналлы быдэ эскерон.

Асьмелэн зэмос адыми луэммы котьма бордысь адзйське: мар вераськомы яке мае ум вераське; мар лэсьтйськомы яке мае ум лэсьтйське. Инмарлы оскон сюлэме пыдло ватэмын шуиськомы ке но, зэмос христианин мукетъёслэсь висъяське вераськыны быгатэмезъя но, умой йылольёсызъя но, шутэтскыны быгатэмезъя но, ваньмыныз – ма гинэ умоез вань улоназ. Христос гажаса кылзоз-а вераськеммес? Дунъялоз-а йылолмес? Шутэтсконамы пыриьскыны быгатысал-а со но? Тау карыны валаськомы-а ческыт пöрам сиёнлы? Кызы малпалозы адымиос со сярысь, кин бадзым жöк сёры пуксыны тырше, малпанъёсыз христианинлэн öвöл ке но? Асьмеос котьку но таçe юанъёс сётъяны кулэ, тодэммы ке потэ, зэмос-а христианъёс луиськомы асьмеос“.

Кыҕе асьмелэн пӧртэм калыкъёсын кусыпӧёсмы? Кызыы учкиськомы кышномуртлэн но пиосмуртэн кусыпӧёссы шоры? Кызыы учкиськом уж сётӧсь но уже куриськись шоры? Кызыы учкиськомы мукет инмарлы оскисьёс шоры? Ваньмыз та юанӧёс улонысь кылдэмын, соослы одно ик валэктон утчано, улонэз умой радъян понна.

Дунне шоры учконамы но калыкен ӧош улонамы луыны кулэ таӕе валан: „Адямиослы озыы лэсьтэ, кызыы асьтэлы лэсьтэмзэс кулэ кариськоды“ (Лук. 6, 31).

Уноез адямиос курлало „социальной Евангелиез“, но Иисус Христос дышетӧз, асьмеос, пе, одӧг кыынымы кутӧськыса улыны кулэ выльдӧськон борды, мукет кыынымы матысь муртмылы кезыт вуэн сюмык сётӧны кулэ. Христианӧёс нырысь ик шӧдыны кулэ социальной ужпумӧёсты но социальной улонысь тырмымтэосты. Ваньмаз даурӧёсы черк мукет учреждениослэсь кужмогес тыршиз улонэз умятонлы. Нылпиос секыт ужлэсь законэн палэнтэмын вал. Быдтэмын вал рабство. Кышномуртлэн данэз ӗутэмын вал. Иисус Христослэн дышетэмезъя, уно мукет законӧёс кутэмын вал. Христианин обществоын шедьтыны кулэ аслэсьтыз интызэ, номырлэсь кышкатэк утыны кулэ ваньзэ умойзэ.

Нырысь ик: **ХРИСТИАНИН ЛУЫНЫ КУЛЭ УМОЙ ГРАЖДАНИН.** Библия дышетэ, христианин законэз кылзӧськыса улыны кулэ шуыса. Библия озыы ик дышетэ, аслэсьтыд странадэ яратоно шуыса. Но странаедлы оскымон луыны но сое яратыны гинэ – со ӧжыт на. Улонын уно тырмымтэос вань. Странаедлэн но умойтэм законӧёсыз луыло, кӧня ке адямиос, кивалтӧсь луыса, мукетӧёссэ зӧйбыса возӧ. Библия

шуэ, Инмар, пе, адямиез кин луэмезъя уг люкы. Ваньмыз огкадь луыны кулэ. Асьмеос быдэсьяны кулэ Инмарлэсь косэмъёссэ.

Библия озы ик дышетэ, асьмеос тупаса улыны кулэ кивалтйсь властьёсын. Иисус Христослэсь юазы: „Яра-а, уг-а кесарьлы выт тырыны?“ (Матф. 22, 17). Иисус Христос вань дауръёслы тупатйз выт тырыны. Кивалтонэз но законъёсты быдэсьянзэ радъян понна, кулэ коньдон. Выт тыронлэсь пегась мурт улонын дась сиись но лущкаськись чотын ветлэ. Огез но зэмос христианин выт тыронлэсь уз палэнскы. Иисус Христос Шуиз, асьмеос, пе, „кесарьлэсьсэ кесарьлы сётыны кулэ“ (Марк 12, 17). Асьмеос выт тыронлэсь выльйынгес мед луомы. Законэз чакласа гинэ улон – со ожыт на. Асьмеос ваньзэ лэсьтыны кулэ странамылэн узырлыкез понна. Куд-ог дыръя асьмемыз тазыы тыршеммы понна пыкылозы но, оло. Нош асьмеос ваньзэ шумпотыса лэсьтыны кулэ – Инмарлэн косэмезъя.

Асьмеос адямиез яратйсь луыны но благотворительной организациослэн ужазы пыриськыны кулэ. Асьмеос мед ужаломы пöртэм обществоосын, шумом, асьмелэн черк приходамы яке Красной крестын, яке Юрттэт сётйсь Армиын. Христианъёс синйылтыны кулэ нылпи приютъёсты, больницаосты, пересь юртъёсты, тюрмаосты но уно мукет социальной учреждениосты. Иисус Христос асьмелы вераса кельтйз: „Матысьтэ астэ ачид кадь ик яраты“ (Матф. 22, 39). Син азяды пунктэ ай сыће странаез, кытын нокыће но благотворительной организациос öвöл! Сыће странаын нокинлэн но улэмез öй потысал. Асьмеды кыскоз сыће интые, кытын вань матысь мурттэ яратон. Котькудмы та улонамы асьмелэсь интымес шедьты-

ны кулэ. Кин бадзым но кулэ уж быдэсья, сое асьмеос гажаны кулэ, солы матын кариськыны но юрттыны кулэ. „Котькуд адями выльй властьлы мед пыриськоз; уго ваньмыз власть Инмарен сётэмын, ваньзы соос Инмарен тупатэмын но радъямын“ (Римл. 13, 1).

Кыкетйез: ХРИСТАИНИНЛЭН ЯРАТОНЭЗ „МУКЕТГЕС ЛУЫНЫ КУЛЭ“ (1 Тим. 3, 2). Библия дышетэ, асьмелэн коркамы ваньмызлы усътэмын луыны кулэ шуыса, котькудйз пырись мурт мед шөдоз тй дорын Христослэсь ваньзэ. Инмарлэсь сётэмзэ мукетгёслы но сётоно, соку гинэ Инмар данъялоз тйледыз но, тйлесьтыд коркадэс но.

Куинетйез: АСЬМЕОС ХРИСТИАНГЁС СЯМЕН УЧКЫНЫ КУЛЭ КЫШНОМУРТЛЭН НО ПИОСМУРТЛЭН КУСЫПСЫ ШОРЫ. Библиысь тй уд шедьтэ, валесын яратон сьöлык луэ шуыса, куд-огез Библиез курласьёс озы ке но верало. Валесын яратонлэн сьöлыко интыез но вань, куке со умойтэм сюресэ гылзе. Тйни самой солы пумит луэ Библия. Бен ог-огедлы матын луон нылпи вордон понна кылдэмын ук, соин ик со чылкыт но дано луыны кулэ, вань мылкыдгёс пöлысь самой вунонтэмез луыны кулэ.

Но адями аслаз сьöлыке кыскись сямыныз саптаз, улйе уськытйз кышномуртлэсь но пиосмуртлэсь валче луонзэс. Ог-огдэ яратытэк но гажатэк валесэ выдон – со астэ ачид ултйян, яратонэз саптан. Самой талы пумит чурыт кыл вера Библия!

Вунэтыны уг яра тани мае но: дунне вылын Библия кадь мукет книга öвöл, кудйз тазы, чик номыре ватытэк, пырак вера яратон сярысь. Со серем уг кары, уг ултйя яратонэз, со сое выльйе жутэ. Нош яратонлэсь „кепыранэз“ малпазы асьсэос адямиос.

„Кепыранэз“ вормыны тыршыса, туалa цивилизация валесын ёошен кёлонзээ одно возьматыны тырше умойтэм ласянь, со мугорлы гинэ кулэ шуыса. Нош духовной пуштросээ палэнэ кельтэ, яратонлэсь чеберзэ вунэтыны косэ.

Со бордысь ик уг кылдо меда люокиськонъёс, кышномуртъёслэн но пиосмуртъёслэн ог-огзэс валамтэзы. Кышнояськон – со улонмылэн оглюкетэз, сое асьмеос быдтыны ум ни быгатэ, сотэк быдэсак улон куашкалоз. Умой семья коркаез шунтэ. Умойтэм семья тылпу гомзытэ. Семья кылдытон борды туж малпськыса учкиды ке, улонын тй кадь шудоез уз лу.

Инмарлы оскись адыми вожез потыса но сое ултйям кадь потыса учке, куке газетъёсысь, рекламаысь адже гольык кышноосын суредъёсты, яратон сярысь голькыт гождьямъёсты. Солы возыт сыёе адымиос понна, кинъёс Инмарлэсь улонэз азинтыны сётэм яратонзэ сапталo.

Нылетйез: вылй верамысь валаны луэ, КИН КЕ ЗЭМОС ХРИСТИАНИН МЫЛКЫДЫН УЧКЕ ЯРАТОН ШОРЫ, ОЗЫ ИК СО УЧКЕ СЕМЬЯ ШОРЫ НО. Кышнояськемдылэсь азыло малпаське со духовной кусыпъёс сярысь, кудъёсыз герзалоzy музъем вылын но, инбамын но. Вамышен-вамышен пыриськомы асьмеос валамон улонэ: нырысь яратйськомы анаен атаймес, собере эшъёсмес, нош отйяз ини одйгзэ адымиез, кудйныз улондэс герзалоды. Асьмеос адзимы ни, кыёе секыт со сюрес, выльдйськымтэ адыми уго ас сёлыкеныз йырин яратонлэсь палэннынгес луэ но ваньзэ умойзэ адзонтэм карон мылкыдын улэ.

Уноезлы адымиослы ог-огзэс шедьтыны кылдэ выльдйськемзылэсь азыло, сёлыко дыръязы. Соин ик

паймонзэ өвөл, уноез семьяос куашкало, яратонзы мур өвөлэн, соин валче көня нылпиос умой улонэз адзытэк кылё.

Кышнояськон со – священной кусып, малы ке шуоно, кык адямиос огазеясько ог-огзэс валан но духовной выльдйськон понна. Инмар кышнояськонэз утыны тырше, Со тодэ: пиосмуртлы кулэ юрттйсь, нош кышномуртлы – оскымон адями. Инмарлэн ко-сэмезя тупатэмын кышнояськонлэн нылпи вордон но сое будэтон мугез.

Витетйез: АСЬМЕОС ЗЭМОС ХРИСТИАНЪЁС СЯМЕН УЧКЫНЫ КУЛЭ УЖ ШОРЫ. Библия шуэ: „Ваньзэ, мае лэсьтйськоды, лэсьтэ мылкыддыя, Кузё-Инмарлы лэсьтйсько шуыса; тодэ, ваньмыз со жечен берыктйськоз, малы ке шуоно, тй ваньзэ быдэсьяськоды Кузё-Инмар Христос понна. Нош кин умойтэм лэсьтйз ке, умойтэмен ик басьтоз: Солэн өвөл адями-ез бырйыса учкон сямыз“ (Кол 3, 23-25).

Уж сётйсьёс но уже интыяськисьёс куспын котьку ик Христосы луысал ке, ой луысалзы забастовкаос но. Ой луысалзы ченгешонъёс, кинъёс палан зэмлык шуыса.

Библия тодэ зэмос ужез гинэ, соин ик хрисианин луыны кулэ оскымон но умой ужась адями. Со зэмлыкез утыны кулэ котькытын, аслыз пайда поттон сярись вунэтыса.

Уж сётйсьёс но уже интыяськисьёс но тодыны кулэ, ог-огдэ валан кылдэ духовной выльдйськон бере гинэ шуыса.

Куатетйез: ХРИСТАИНИН ХРИСТОСЛЭН СИН-МЫНЫЗ УЧКЕ РАСОВОЙ УЖПУМ ШОРЫ но умой вала, черк та баджым ужпумез быдэстыны өз быгаты

шуыса. Асьмеос тужгес бадзым саклык висьяны одьямы спортлы, шулдыръяськонлы, политикалы, армиялы, дышетонлы, промышленностьлы. Нош улонын нырысь инты басьтыны кулэ вылэм, дыр, черк. Черк быдэсьяны кулэ вал, дыр, судлэсь но ужзэ, кудйз пумен зйбись кужымлы пөрме ни.

Библия вера, сюлмазы Христосэн адямиос куспазы уг люко кышномурт-а тон, пиосмурт-а, узыр-а тон яке куанер-а. Библия шуэ, асьмеос ваньмы Христосэн чөш. Кирос азын – ваньмы огкадесь.

Сизыметйез: ЗЭМОС ХРИСТИАНИНЛЭН СИН-МЫНЫЗ УЧКОНО ЭКОНОМИЧЕСКОЙ УЖПУМЪЁС ШОРЫ НО. Иисус Христос шуиз, адямилэн улоназ узырлык быдзым инты басьтыны кулэ өвөл. Коньдон, пе, со усто раб, но туж ляб кузё. Узырлык улонин мед луоз, солэн кужмыз но мед луоз, но со адямиез ас улаз медаз зйбы. Узырмыны тыршон адямиез лек каре, зеч малпанъёслэсь палэнтэ.

Кукс Иисус Христосэз куризы кык вынъёс куспын юртэз люконэн валче спортъяськонзэс радьяны, Со мадиз таё верос: улэм-вылэм музъем кутыса возись одйг воргорон. Со егит дыръяз ик узырмыны быгатэм, но малпам на эшшо но эшшо узырмыны, солы туж сюлэмъяз луыны одьям сое данъян, чебер улон. Ачиз со быгатйсь но улон радэз валась адями вал, дыр, тодэ вал, дыр, шырытлыкез но, адями кусыпез но, тыршыса поттэм ваньбурлэсь зечсэ но. Но со пумен нөдйз аслаз узырлык пушказ, мукетъёсты со адзёмысь дугдйз, ассэ ачиз гинэ гажаны одъяз.

Адямиосын кусыпсэ со мертаны одъяз аслаз узырлыкезъя но аслаз мылкыдызъя, чылкак вунэтйз Инмар сярысь.

Но берпум кылзэ вераз Ачиз Инмар. Та адямилэн ас тодэмезъя туж кыдёке азыпала малпам плангёсыз витымтэ шорысь куашказы-со кулйз. Уно кужым быдтыса люкам ваньбурез соку ик тус-тас луиз, нош ачиз со Инмар азе лыктйз буш кийныз, номыр умойзэ лэсьтымтэ буш кийныз.

Зэмос христианин тужгес но валаны кулэ, улонэ асьмеос буш кийн лыктйськомы но буш кийн соин люкиськиськомы шуыса. Асьмемын асьмеос но, узырлыкенымы но асьмеос ум кивалтйське, соин кивалтэ Инмар. Ма гинэ асьмемыз котыртэ, мае гинэ асьмеос адзйськом но асьмелэн узырлыкенымы лыдъяськом – ваньмыз со Инмарлэн сётэмез, тйни самой тае валамысь ке дугдйськомы, асьмеос аксым но кыскыны гинэ вырись сямо адями луиськомы.

Мукетгёслэсь чебер но дуно арберизэс адзйса вожъяськыны ке куткиськомы, асьмеос вунэтйськом, сопал дуннее кошкыкумы, сьёрамы номыр но ум басьтэ шуыса.

Но али вераммы уг возматы, ваньмыз узырлык сьöлык гинэ луэ шуыса. Библиын со сярись гожтэмын öвöл. Библия туж умой возматэ, вань талантмес, быгатонлыкмес сётыны кулэ умой ужлы гинэ. Озыы косэ Инмар. Но уноез адямиос со умой ужез мыдлань валало. Соос шуо, ум тырше узырлык поттыны, Инмар косэ солэсь куштйськыны. Сыче адями тыршемьсь дугдэ но нылпизэ но, ассэ но туж зудыса улонэ вуттэ.

Иисус Христослэн эшшо одйгез паймымон веранэз – талант сярись веранэз вань. Одйг узыр адями кытчы ке кошкон аяз котькуд слугаезлы коньдон сётыса кельтэм, ачиз öвöл дыръя сютэм медам улэ

шуыса. Бертыса та узыр адями адже, пе: оgez слуга сётэм коньдонзэ туж валаса но шыръяса кутэм, мултэссэ люканы но быгатэм. Кузё сое ушъям. Нош азьтэм но радзэ валасьтэм слуга со сётэм коньдонэз ватэм, кулэезъя уже кутыны валамтэ. Таизэ кузё туж юн тышкаськем.

Поттыны тырше коньдон, көня быгатйськоды, Инмарлэн косэмезъя, Солэн косэмезъя ик уже кутэлэ со коньдондэс. Эн вунэтэ дас люкетсэ Кузё-Инмарлы сётыны, сютэм чурьттэс возьматытэк. Библия шуэ, Инмарлы висьяса, тй шонер лэсьтоды.

Тямысэтиез: ЗЭМОС ХРИСТИАНИН ВАЛАНЫ КУЛЭ ВӨЗЫСЬТЫЗ КУРАДЖЫСА НО КУРЕКТЫСА УЛЙСЬЁСТЫ. Соку гинэ соослэн куректонзы тйляд но куректонды луоз. Тй амалтэк пыриськоды соослы юрттйсь обществоослэн ужазы.

Библия вера, огшоры калык Христосэз туж сак кылзйз шуыса. Кытчы гинэ Со өз вуылы, – бурмытъяз висисьёсыз, буйгатылйз куректйсьёсыз но соослы оскон пычатылйз. Зэмос христианин сютмаськыны кулэ больницаос, приютъёс но мукет юрттйсь организациос сярись. Христианин аслаз странаезлэн узырлыкезлэсь люкетсэ висьяны кулэ жудйсь странаослы.

Библияын нокытын но верамын өвёл, асьмеос обществолэсь люкиськыса улыны кулэ шуыса. Со чапак мукет ласянь вера: асьмеос огазеяськыны кулэ соосын, кинъёс юртто шуге-леке вуэмъёслы но висисьёслы.

Иисус Христос шуиз: „Монэ яратйськоды ке, Мынэсьтым курон-косонъёсме быдэсьялэ“ (Иоан. 14, 15). Мукет сямен вераса, „тй Монэ яратйськоды ке, кылзйське Мынэсьтым! Мыным служить каре!“. Иисус

Христос асьмемыз ужмыя эскере, зэм ик-а Сое яратйськомы, мар лэсьтйськомы Со понна. Служить карытэк, уг луы яратыны.

Укмысэтиез: ЗЭМОС ХРИСТИАНИН КОТЬМА ЛАСЯНЬ ГЕРЗАСЬКЕМЫН ЛУЫНЫ КУЛЭ ЭШГЬЁСЫНЫЗ – ХРИСТИАНГЬЁСЫН. Асьмелэн эшгьёсмы – христиангьёсмы – со чылкак мукет адямиос. Асьмеос соосты яратыны кулэ мукет, ДУХОВНОЙ ЯРАТО-НЭН. „Ми тодйськомы, кулонысь улонэ выжим шуыса, малы ке шуоно, ми яратйськомы эшгьёсылэсь улонзэс; эшезлэсь улонзэ яратйсьтэм мурт кулэмын луэ“ (1 Иоан. 3, 14).

Асьмеос яратыны кулэ асьмелэсь тушмонмес. Яратыны кулэ сое, кин уल्या асьмемыз, кин юнме шорысь мыскылля.

Но самой бадзым яратонмы луыны кулэ мукет христиангьёслы. Иисус Христос шуиз: „Яратэлэ огдэс огды, кызыы Мон тйледыз яратй“ (Иоан. 15, 12).

Асьмелы верамын вал ог-огмылы служить карыны кулэ шуыса: „Агай-вынгьёс, яратонэн служить карелэ ог-огдылы“ (Гал. 5, 13).

Библия дышетэ, оскисьёслэн кусыпсы огшоры медам луы, со ог-огдэ гажан гинэ медам луы, со мед луоз ог-огедлэсь адзем карон. Апостол Павел шуиз: „Адзем карымон лу сётэм кыл вылазы сылйсьёслэн улонын, яратоннын, духын, осконнын, чылкытлыкын“ (1 Тим. 4, 12).

Со косон өвөл, со дэмлан! Со валэктон өвөл, со озыы луыны кулэ. Асьмеос луыны кулэ адзем карымон христиангьёс.

Библия озыы ик дышетэ ог-огдэ ПРОЩАТЬ карыны. „Луэ ог-огдылы лачмыт, жалясь, ог-огдэс прощать

карылэ, кыззы Христос-Инмар тйледыз простить кариз“ (Ефес. 4, 32). Иисус Христос шуиз, „адямиослы съёлыкамъёссэс өд ке куштэ, Инмысь Атайды но тйлесътыд съёлыкамъёстэс уз кушты“ (Матф. 6, 15). Со шуиз: „Вёсяськыса сылыкуды, Инмысь Атайды съёлыкамдэс мед куштоз вал шуисъкоды ке, нырысь ик асьтэос куштэлэ, вожпотон муртты вань ке“ (Марк. 11, 25).

Асьмелы, христианъёслы, шуэмын, ог-огмес пыкылыса но тэкшерыса медам улэ, нокуд ласянь но ог-огмылы люкетыны уг яра.

Библия вера, асьмеос ог-огмес чидаса мед уломы. Ог-огмес выльын лыдыяса мед уломы. Мукетъёссэ нырысь интые пуктыса, астэ со бере карыны тыршы.

Зэмос христианин сымен, асьмеос мукетъёслэсь зйбетсэс ас выламы басьтыны кулэ. Но вань сыће ныпъетъёс, кудъёссэ мукетъёс уз ворме, сое котькудйз ачиз гинэ вормыны быгатоз. Тани, кылсярысь, Инмарлэсь Кылзэ быдэсьян. Сое тон понна мукет мурт уз быдэсья. Тынад секыт ныпъетэд – Инмарлы оскись нылпи будэтон, семьядэ шудо карон. Та только тынад ужед. Но вань мукет ныпъетъёс, кудъёссэ ас вылад басьтыны луоно: куректон, шудтэм учыре шедён, оген кылён но мукет. Но со ныпъетъёсыз гинэ малпаса улыны уг яра. Соосты Кузё-Инмар Ас вылаз басьтоз, умойгес вазисъким ке Сола. Только эн вунэтэ матысь адямиостылэсь ныпъетъёссэс ас вылады басьтыны.

Библия вера, асьмеос зэмос оскисьёс ке, ог-огмылы шырытэсь луыны кулэ. Инмар шуэ, зэмос христианин, пе, сюлмаськыны кулэ пал кылем адямиос, сиротаос сярысь, юрттыны кулэ оскисьёс пöлысь зудйсьёслы.

Дасэтиез: ЗЭМОС ХРИСТИАНИН ЛУЫНЫ КУЛЭ
ЛАЧМЫТ СЮЛЭМО, МУР ЯРАТЙСЬ МЫЛКЫДО.
Чем дыръя асьмеос асьмемыз шонере поттыны
выриськомы, мукетсэ сьöлыкoен лыдъяса. Астэ ачид
шонерен лыдьян – со урод öвöл, нош мукетъёссэ
ултйяса шонере поттыны вырон – таиз ини умойтэм.
Со кылдытэ ог-огенызы тупасътэм группаосты. Черке
ветлйсь оскисьёс пöлын но сыче группаос кылдыло.
Соос куспазы керетыны кутскыло кулэтэм ужпум
бордысен, нош со вуттэ бадзым умойтэм уж дорозь.

Бен, асьмеос кулэ нюръяськыны тырмымтэосын,
лек арбериен, но со лекен нюръяськон чем дыръя вут-
тэ сьöлыко муртэ адземпотостэм каронэ. Сыче адями-
ез асьмеос, палэнтэм интые, утыны кулэ.

Дас сизыметй глава

ХРИСТИАНИНЛЭН АЗЫПАЛА УЛОНЭЗ

„Мон тйледлы инты дасяны мынйсько. Нош ку мыно но тйледлы инты дасяло, берен лыкто но тйледыз Ас дорам басьто, кытын Мон, тй но отын мед луоды“.

Иоан. 14, 2-3

Быдэс дунне тодэ, али ваньмы асьмеос туж секыт вапумез ортчиськомы. Уноез шуо, луоз на, пе, эшшо но секытгес. Калыкъёс асьсэлы бырон лэсьто ас кынызы – тазы шуисез но вань. Нош куд-огез адёо ни быдэс цивилизациясь куашкамзэ.

Тужгес но тодмо книгаосын гожтэмын дуннелэн азыпала улонэз сярись. Газетъёс но журналъёс бадёымесь букваосын гожто „Армагедонна“ сярись – дуннелэн пумыз сярись.

Профессор Сорокин шуэ: „Асьмеос улйськомы калыкъёслэн историзылэн самой секыт вакытаз. Ожмаськон, сютэм улон, чума но революция гинэ уг сэзъяло музъемез. Калыкъёслэн улонзы кырыж синучконын кадъ адёиське. Котькытын шимес кризислэн бервылыз адёиське, отчы пумен кыстйсько искусство но наука, философия но религия, йылольёс но законъёс. Кризис пумен куашкатэ социальной,

экономической но политической улонэз, быдэс улонэз но малпаськонэз. Со куашканэз дугдытыны но кычѣ луонлык но өвөл ни кадь“.

Но кычѣ литература азыпала учкыны уг быгаты. Сое, азыпала учконэз, вормыны быгатйз Библия гинэ. Бытие книгаысен кутскыса, Иоаннлэн Откровениосыз дорозь Библия гожъяз адымилэн историезлэн самой секыт учыре вуонэз сярись. Берло арьёсы черкын ужасьёс огпол гинэ өз пыкылэ ни дуннелэн пумыз сярись зулисьёсты, нош со дыре ик черк ачиз табере ъем но ъем тодаз вайылэ Священной гожтэмысь кылъёсты, кытын верамын калыклэн историезлэн кычѣ сюрестй мынонэз сярись.

Черкьёслэн дуннеысь Советсы 1954 арын Ивенстоннын ортчем собранизы эскериз одйг гинэ ужпумез: „Христос – дуннелэн осконэз“. Дуннеысь Совет Библиез дышетонъя комитетъёс кылдытйз, солэн косэмезъя черкьёс тодыны но син аязызы возыны кулэ, кычѣ сюрестй нуэ Инмар асьмелэсь улонмес.

Асьме вакытэ Библиез тодымтэ кышномуртъёсты но пиосмуртъёсты туж капчиен мукет сюрес вылэ кыскозы уно пөртэм пророкьёс, туно-паллёос. Кышкатэм адымиос нуналлы быдэ төлъя-бурья пазяло сюрсьёсын долларьёссэс, азыланьын улонэз тодон понна. Нош озы лэсьтытозь, басьтысалзы ке соос Библиез но лыдзысалзы ке!

Библиез лыдзисьёс умой тодо, кызы гожтэмын калыклэн азыпала улонэз: туалала улонмылэн одно ик пумыз вуыны кулэ, выль улон вордйськыны кулэ Иисус Христос кыкетйзэ лыктэм бере. Библия валэктэ, ноку адзылымтэ ужрад ортчоз соку: Иисус Христосэз Эксэй царство вичать карозы но Со

луоз эхсэйёслэн Эхсэйзы но кивалтйсьёслэн Кузё-Инмарзы.

Мон валасько, та веран пумысен споръяськыны луоз. Та темаез ваньмыз огкадь уг валало. Азьвыл арьёсы пумиськылйзы ни сыће адямиос, кинъёс быдэс странаетй ветлйзы дуннелэн пумызлэсь вуэмзэ вераса, самой соос ик Библиялы осконэз лябомытйзы.

Инмарлы осконлэн кужмымез самой со бордын ик луэ уго, куке Христос, асьме дорысь кошкыкуз, шонерак өз вера, кыће нуналэ но часэ Со кыкетйзэ лыктоз. Озы бере, Сое возмаса, асьмеос духовной улон интымес котьку чылкыт возыны кулэ.

Но асьмелы уг кельшы сыће улон! Асьмеос малпаськомы, мар понна со мында кужыммес понймы, Христослэн лыктэменыз ваньмыз со быдэмын луоно бере? Но ку? Оло, со дырозь сюрс арьёс ортчозы на?

Озы но, дыр. Шонерак вераны ум быгатйське. Кин тодэ, оло, мукет сямен но луоз. Мон вераны уг дйсьтйськы, ку куашкалоз таиз улонмы. Сотэк но ини „уно тодйсьёс“ Христослэн ужелзы бадзым изъян ваизы. Христослэсь кыкетй лыктонзэ „тодйсьёслы“ луыса, христианствооз серем карисьёс но кылдйзы.

Религилэсь историзэ эскерисьёс тодо, көня керетонъёс но жугиськонъёс вал ини, азьпала „учкисьёслы“ луыса. 1843 арын Вильям Миллер шуиз вал, дуннелэн пумыз, пе, луоз кызь одйгетй оштолэзе (март). Уйшор вакытэ, шуиз со, кылйськозы трубаослэн куараоссы, музъем но инбам дйсь сямен биниськозы но самой со вакыт лыктоз Иисус Христос. Вильям Миллерлы оскисьёс огазе люкаськыса, витизы дунне быронэз; быдэс уй сылэм беразы гуртазы бертйзы, возытлэсь ымнырзы чыжектыса.

Соос сыҕе мыскылэ ой вуысалзы, Иисус Христос-лэсь верам Кылзэ ке тодазы вайысалзы. Со шуиз: „Озыен, сак улэлэ, уд тодйське уго, ку бертоз коркалэн кузёез – жыт-а яке уйшор уе-а, атасъёс чоръяны кутскыку-а яке чукна-а. Шөдтэк шорысь лыктыса, изён дыръяды медаз учыра. Нош мае верасько тйледлы, верасько ваньмызлы: сак улэлэ“ (Марк 13, 35-37).

Азыпала улонэз тодэмъяськисьёслы луыса но Инбамлэн кужыменыз улонлэн быронэзлы оскисьтэмъёслы луыса, уноез адямиос Иисуслэсь кыкетй лыктонзэ серем карыны выро.

Вань на мукетыз муг, кудйзлы луыса дуннеысь калык ассэ ачиз буйгатэ, кышкытлык уз луы шуыса. Со „прогресс“ сярысь пöяса дышетон! Прогресс адямилэсь тыршем ужзэ азинтэ. Талы оскисьёс Христослэн кыкетй лыктонэз сярысь пумит уг верасько, но соос шуо, со нуналэ, пе, адями ас кужыменыз чылкытатйськоз но выльдйськоз. Сыҕе муртёс оско, адями, пе, ачиз валалоз ожмаськонъёслэсь кулэтэмзэс, ачиз палэнтоз аксым сямеэ но ассэ ачиз гинэ тодонэз, чидасьтэм луонэз, со ачиз валалоз, братсэ утись луэ шуыса.

Ваньмыз со выжыкыл. Ваньмыз со адямилэн малы ке осконэз гинэ. Самой сыҕеос валало ук, медицина, пе, адямилэсь улонзэ туж унолы кузёмьитйз, но соос вуэто, адямилэн улонэз кулонэн йылпумъяське шуыса.

Соос ушъясько, поездъсын, машинаосын, самолётъёсын ветлйськомы шуыса. Нош омыретй ветлонэз радъяса, уногес быронъёс öм вае шат? Кöня ыштйськомы матысь адямиосмес, прогресслы луыса!

Ушъяськиськомы школаосын, институтъёсын дышетсконэнымы, нош самой со öз-а нуы эшшо но

кыдөкегес Инмар дорысь, өз-а палэнты со дышетон асьмелэн сюлмысьтымы Инмарез?

Ушъяськиськомы туж визьмо адямиосын, соос уго усьтйзы атомлэсь но пуштроссэ. Нош самой со атом кытчы вуттоз, малпаськиськомы-а?

Тйни мар со „прогресс“, тйни марлы оско куд-огез, прогресс утёз та улонмес шуыса.

Прогресс но сыће урод бере, осконмы чик өвёл ни шат? Я бен, куд-огез пала кариськыса, шуом, прогресс дунне быронлэсь утёз. Соку кызы бен асьмеос дасяськыны кулэ Иисулэн кыкетй лыктон часэзлы?

Осконмы Библиын. Священной Гожтэмын Иисулэн кыкетй лыктонэзлы тужгес но дано инты висъямын. Библия бордын ужась бадзым адямиос валазы, кыкетй лыктон сярысь веран котькуд куамын стих бере, пе, сётэмын, Иисус Христокслэн нырысь лыктонэз сярысь котькуд веран бере кыкетй лыктонэз сярысь веран кыл тямьс пол пумиськылэ! Ваньзэ-өвёлзэ таће веранъёс куинь сю дас тямьс пол пумиськыло. Вуж Сйзёнын та тема сэрттэмын-пертчэмын пророкъяслэн гожъямазы, нош Выль Сйзёнын – быдэс посланиосын (1 но 2 Фес) но быдэс главаосын (Матф. 24; Марк 13; Лук. 21).

Быдэс Библиын нош но нош верамын Христокслэн музъем вылэ берытсконэз сярысь. Тани, кылсярысь, Исаяя пророклэн книгаяз верамын: „Тани вуоз Кузё – Инмар тылын, Солэн колесницаез – сільтөл выллем, озы Со Ас вожпотонзэ кисьтоз но бадзым тылын чүшкалоз“.

Иеремия пророклэн книгаяз верамын, Кузё-Инмар лыктэм бере, пе, Иерусалим Кузё-Инмарлэн престолэз луоз но дуннеысь вань калыкъяс отчы ноку адзы-

лымтэ конференцие люкасыкызы пычал тйрлыкез быдтон пумысен. Таҗеез ой вал на Парижын но, Вашингтонын но, Лондонын но!

Иезекиль пророк вера Иерусалим сярсы, кудйз быдэсак тупатъямын луоз, храм сярсы, кудйз выльысь лэсытэмын луоз, страна сярсы, кудйз данэ потоз но сяскаяськоз.

Даниил пророк Иисусэз адзем Судья чотын но музъемлэн эксэез чотын.

Осия пророк вера, Кузё-Инмар музъем вылэ берытскиз ке, Израильысь калык Сое Кузё-Инмарен но Эксэн лыдъялоз.

Иоиль пророк гоштэ, музъем вылысь шимес лулъёс инмысь лыктэмъёслы пумит султозы.

Амос пророк Давидлэн престолэз сярсы вера, кудйз нош ик пуктэмын луоз Иерусалимын.

Авдий пророк чакласькыса улыны өте Кузё-Инмарлэн царствоз кылдыку.

Михей пророк шуэ, ваньмыз ожмаськонъёс, пе, быремын луозы но мечъёс герылы пөрмытэмын луозы.

Наум пророк гоштэ: „Со азын гурезьёс дырекъяло но музъем зурка, кин чидалоз Солэн кужымезлэсь?“

Аввакум пророк Кузё-Инмарез возматэ, кызы Со Аслэсьтыз Царствозэ Ас мертэтэныз мерта, нош гурезьёс дырекъяло Со азын.

Софония пророк выль кырзанзэ вера: „Шумпот, Сионлэн өсэз! Данъяськы, Израиль! Шулдыръяськы но шумпот вань сюлмысьтыд, Иерусалимлэн өсэз! Ас тушмондэ улляд! Израильлэн эксэез Кузё-Инмар тон вöзын!“

Аггей пророк вера, кызы ваньмыз куашка, быдэс кыле Инмарлэнэз гинэ.

Захария пророк вера, кыззы Кузё-Инмар нош ик Елеон гурезе тубе но кыззы со гурезь кык люкетлы пилиське.

Малахия пророк Вуж Сйзён книгаез йылпумъя, Кузё-Инмарлэн берытсконэз сярись вераса. Сое со тазыы возматэ: „Со ваньзэ чүшкась тыл выллем, ваньзэ чылкытатыса, музъемез югдытэ“. Вуж Сйзён быдэсак тырмемын Христослэн кыкетй лыктонэз сярись веранэн.

Былий Сйзёнын Солэн лыктонэз эшпо но яркыт возматэмын. Тани басьтом нбыльзэ ик Евангелистьёсты. Нырысез, Матфей, Иисус Христосэз чошатэ эмеспиен, кудйз егит кышноез доры лыктэм.

Кыкетйез, Марк, Сое корка Утись радын адже, кудйз кема дырлы путешествие кошке но слугаосызлы юртсэ утыны косэ выльысь берытскытояз.

Лукалэн Евангелияз Иисус Христос нимо-дано адямиен чошатэмын, кудйз кыдэмысь музъемёсы кошке но берытскояз слугаоссэ тыршыса улыны, кутскем ужзэ быдэсьяны косэ.

Нылетйез Евангелист – Иоанн Иисус Христослэсь ик кылъёссэ тодаз вае, кудйз шуиз вал: „Мон мынйсько тйледлы инты дасяны, нош ик берытско но тйледыз Ас дорам басьто“.

Римлянъёслы посланиысь адзиськомы, кыззы Со лыктэ но ваньзэ Ас кияз кутэ.

Коринфянъёслы нырысетй посланияз Павел Апостол вера, Кузё-Инмар, пе, лыктоз кулэмъёсты улзытыны; Коринфянъёслы кыкетй посланияз возматэмын асьмелы дасям выль корка, куке музъем вылын улон хижинамы куашкатэмын луоз.

Колоссянъёслы посланиын (3, 4) верамын: „Хрис-

тос вуиз ке, тйляд улонды, асьтэос сямен ик, Солэн даназ пыроз“.

Фессалоникиецёслы нырысетй посланиын (5, 23) Павел Апостол витыны косэ Инмарлэсь Пизэ инбамысь. Фессалоникиецёслы кыкетй посланиын (1, 7) верамын Кузё-Инмар сярсы, кудйз Аслаз святойёсыныз лыктэ.

Тимофейлы посланиын верамын, Кузё-Инмар, пе, дая Сое яратыса витисьёслы зэмлыко кузьым.

Титлы посланиын верамын „чебер улон“ сярсы.

Еврейёслы посланиын шуэмын, Со, пе, сьолькез быдтон понна таяз радэ уз лыкты, Солэн луоз мукет ужьёсыз.

Иаков Апостол вера со нунал сярсы, куке Кузё-Инмар витыымтэ шорысь уин вуоз.

Иоанн Апостол ваньмызлы оскисьёслы быдзым адзонэ вера: „Табере асьмеос Инмарлэн нылпиосыз; но пумозяз өз усьтйськы на ваньмыз луоноез. Тодйськом огзэ гинэ: асьмелы быдэсак усьтйськиз ке Со, Солы кельшыны кутскомы, малы ке шуоно, Со возматскоз озы, кыче вань“ (1 Иоан. 3, 2).

Иуда Апостол вера, „Кузё-Инмар лыктэ туж уно святойёсыныз“. Иоаннлэн Откровения книгаез быдэсак сйземын Иисус Христослэн кыкетй лыктонэзлы.

Иисус Христослэн кыкетй лыктонэз – дуннеын самой шумпотымон ивор. Та секыт но пеймыт улонамы со азыланезлы оскон.

Ку луоз со шумпотымон нунал – нокин но вераны уз быгаты. Апостольёслэн 1, 6-7 Деяниосазы дышетскисьёслэн юанзылы Иисус Христослэн верамез гожтэмын. Солэсь юаллям: „Али, Кузё-Инмар, Израиль царствоез уд-а тон радьяськы? Нош Со шуэм:

тйледлы-а тодоно, ку Атае Аслэсьтыз властьсэ уже кутоз“.

Асьмелы одно ик тодыны кулэ өвёл, ку Со лыктоз. Асьмеос дась луны кулэ Сое пумитаны. Иисус Христос шуиз, инбамысь кылчинъёс но уг тодо со дырез, со дырез тодэ Ачиз Инмар гинэ, кукке Со инбамез усьтоз но трубаослэн шудэмзыя пилем вылысь быдзым кужымен но данэн лыктйсь Адями Пиез адзозы.

Иисус Христос вераз, Со лыктон азын, пе, Инкуазь воштйськоз, соя валаны луоз, Со лыктэ шуыса. Со вераз: „Та быдэсмыны куткем бере, соку шонертыськыса йырдез жутэ, малы ке шуоно, тйляд мозмытсконды матэ вуэ“. Соослы мадён верам: „Смоквану шоры учке: со куар поттыны кутке ке, тае адзыса, гужем матын ини шуыса, асьтэос тодйськоды; озы ик тй но талэсь быдэсмензэ адзиды ке, тодэлэ, Инмар Эксэйлык матын ини шуыса“ (Лук. 21, 28-31).

Кыче бен со тодметъёс, кудъёссэ Иисус Христос чакланы косйз? „Шундын но, толэзын но, кизилиосын но тодметъёс луозы, нош музъем вылын – калыкъёслэн мылкыд куашканзы но абдранзы; зарезь туж шаугетоз, бугыръяськоз; адямиос кышкаса но дунне вылэ шугадзёнъёслэсь вуэмзэс возмаса чоньдылозы, малы ке шуоно, ин кужымъёс вырзозы“ (Лук. 21, 25-26).

Кылчинъёслэн но адямиослэн дырез мертанзы туж пöртэм. Асьмеос улонмес мертаськомы арлыдмыя, гижысь-пиньысь кырмиськыны выриськомы сизыымдон яке тямыстон аресмы борды, нош кык сю, куинь сю, вить сю аръёс асьмелы туж кузь пото. Та аръёс Инмарлы одйг нуналэн чöшало.

Уноез Священной Гожтэмез шонер валасьёс верало, асьмеос улийськомы музъем улонлэн берпум аръё-

саз, асьмеос вуимы быдзым драмалэн берпум актаз, кудйзлэн кутсконэз вал сюрс ар талэсь азьло Едем садын.

Та учёнойёс ик, дунне вылын ортчись ужрадъёсты эскерыса но ёшатывса, туж умой адзо со суредзэ, кудйз сярывса Иисус Христос Ачиз вераз на вал: „Ной улон нуналъёсы кызы луэм, озыв ик луоз Аядми Пилэн лыктонэз но: уго, кызы дуннеез ву нюртон нуналъёс азын, Ной пыжаз пырытозь, сииллям, юиллям, кышнояськиллям, бызиллям, малпаллянтэ но, бадзым ву лыктыса ваньзэс быдтытозь, – озыв ик луоз Аядми Пилэн лыктонэз но; соку кык ёшен бусын луозы: одйгез басьтйськоз, нош мукетыз кельтйськоз; кё дурын кык ёшен пызь изйсьёс: одйгез басьтйськоз, нош мукетыз кельтйськоз. Озыен, сак улэ, малы ке шуоно, уд тодйське, кёнжетй часын тйляд Кузё-Инмарды лыктоз“ (Матф. 24, 37-42).

Но Со лыктоз. Со нуналэз кышкан мылкыдын пумитаны уг яра. Иисус Христос шуиз: „Озыен, сак улэ, малы ке шуоно, уд тодйське, кёнжетй часын тйляд Кузё-Инмарды лыктоз“ (Матф. 24, 42). Та оскыса витён нош но нош вера, асьмеос Кузё-Инмарлы служить карыны кулэ шуыса. Иисус Христос шуиз: „Мон бертытозь, соосты уже кутэ“ (Лук. 19, 13). Христианъёслы та дыр витён но дасяськон дырлы пөрмытэмын луыны кулэ. Иисус Христос шуиз: „Тй но дась луэ, уго Аядми Пи малпамтэ часады лыктоз“ (Лук. 12, 40).

Историмылэн котькуд вамышез возматэ: Солэн ваньмыз тушмонъёсыз пыд аяз йыбырттозы, нош Иисус Христос царствое венчать каремын луоз.

Та быдзым нуналэ пум понэмын луоз ваньмызлы

ожмаськонъёслы но керетонъёслы. Уз ни луэ съ-
лыкъёс но зудыса улонъёс. Со нуналэ бырозы вань
куректонъёс но висёнъёс. Со нуналэ ваньмыз языч-
никъёс христианское выжозы, нокин но Инмар
сярысь тодытэк уз ни улы. Со нуналэ быдэс инкуазь
усьтйськоз аслаз кужмыныз но чебереныз, кыче вал
со кукле но Едем садын. Со нуналэ ваньмыз кыр пöй-
шуръёс но куспазы тупаса улозы, Инмарез яратон
мылкыд вöлмоз быдэс дуннее.

Дас тямьсэти глава

НОШ ТАБЕРЕ – КАНЬЫЛЛЫК

„Йыгмыт мылкыдоосэ возиськод Тон котыр ласянь радъям дуннеын; со уго Тыныд оскиське“.

Исаия 26, 3

Табере тй тодйськоды ни, мар со Инмарез валаса улон. Тодйськоды ни, кыче луоно христианлы. Тй тодйськоды ни каньыллыкын но шудын улонлэсь дунзэ, кудйз понна тй тыроно луиськоды. Мон тодйсько сыче адямиосты, кудъёсыз шумпотыса миллион долларзэс сётысалзы, каньыллыкез шедьтыны быгатысалзы ке. Миллионъёсын адямиос со каньыллыкез утчало, нош матаз вуо но, Христосэн огазеяськон дырзы вуэ гинэ но, шайтан соосты мальдытэ но каньыллыкклэсь палэнтэ, чын съёры ватэ сое но пöя тйледыз. Зеч малпанды быдэсмытэк кыле. Но тй утчам дуннеяды вуиды, табере со тйляд пыраклы. Тй усьтйды улонлэсь пуштрössэ.

Улонын уноез тйледлы валантэм на. Вань на туж уно юанъёс, кудъёсызлы валэктон сётыны туж шуг. Озыы ке но, тй табере каньыллык дуннеын, табере тйляд сюресты вуттоз быдэсак осконэ. Тй асьтэос шöдоды, христианской улонлэн идеалэз уно пöртэм философской валантёслэсь туж вылйын. Чöшатыны

но уг луы материализмез, атеизмез но мукет философской валангъёсыз Иисус Христослэн чектонгъёсыныз.

Доктор Тиссен аслаз „Христианской этика“ ужаз возматэ, маин тй выльынгес луиды, Иисус Христосэз сюлмады пыртыса: нырысь ик – тй Солэн ПИЕЗ луиды. Со дыре, кукке тй Иисусэз асытэлы Утись бырйиды, тй кутэмын вал Инмарлэн семьяяз. Табере тй но Солэн нылпиез. Тй табере огшоры адымиослэсь висъяськиськоды азяды сылйсь мукет ужпумгъёсын. Инмарлэн семьяяз луиды ни бере, тйляд вирсэрэгъетйды бызе Эксэй вир.

Кыкетгъез: тй – НАСЛЕДНИК луиды. Библия дышетэ, кукке тй выльысен вордскиськоды, Христослэн узырлыкез тйледлы кыле. Табере дунне узырлык – ваньмыз тйляд.

Куинетгъез: КАНЬЫЛЛЫК. Каньыллыкез тй шодо-ды соку гинэ, кукке Инмар тйлесыгъд сьолькитэс куштоз, кукке тй Инмарен одйг кыл шедьтоды но кукке каньыллык пычаз тйляд сюлмады, матысь адымиосыныды куспын, нош тужгес ик Инмарен. „Мынам Инмаре шуэ: „Өвөл каньыллыкез лек адымилэн“ (Исаия 57, 21). Но кукке Иисус Христос сюлмамы быдэсак каръяськиз ке, соку асьмеос сьольклэсь быдэсак мозмомы. Соку гинэ сайкыт но чылкыт синмын учкыны быгатомы матысь адымиосмы шоры. „Кукке Кузё-Инмарлы адымилэн сюресэз кулэ луэ ке, соку Со тушмонгъёсыз но адымиен огкылысь каре“ (Притчаос 16, 17).

Нылетгъез: ДУХОВНОЙ УЛОН. Огшоры дыргя адыми быдэсак уг но вала умойтэм улй шуыса, но ачиз сое шөдэ. Инмарлэсь кылзэ тодымтэеныз, со уг быгаты валэктыны умойтэм улэмезлэсь мугзэ. Огшоры

адямиос чѐм дырѝа асьсѐос паймыса верало, кызы соос туж капчиен басьтѝсько сѝлѝмзылы кельшись-тѝм уж борды, уг нюрѝаьско уродѝн-кырсен, адѝо пайда сѝтѝсь ужез гинѝ. Дырын-дырын самой улѝе лѝзиськем адямилѝн но умой радѝ кариськемез потѝ.. Вылѝйсен выльдѝськымтѝ адямиос, умой улыны тыршо ке но, валало, сѝѝлыке выемын шуыса, соин ик тыршо Христосѝз валаны.

Иисус Христос шуиз: „Улонды мед луоз но мултѝсэн мед луоз шуыса, Мон со понна лыктѝ“ (Иоан. 10, 10). Апостол Павел шуиз: „Озыен, кин Христосѝн, со выль адями, ортчемез ортчиз, табере ваньмыз выльмиз“ (2 Кор. 5, 17).

Христосѝн выльдѝськон – со выль идеальѝслы, малпанѝѝслы, осконлы, быгатонлыкѝѝслы вордѝськон, ваньзѝ сое капчиен мед вормоды шуыса Христос, тѝляд Кузѝ-Инмарды но Дышетѝсьты луиз бере, тѝледлы Со сѝтѝз выль улон. Тѝ вордѝськиды вылѝйсен.

Витетѝез: **ДУХОВНОЙ КУСЫПѝѝСЛѝСЬ ШУМ-ПОТОН.** Тѝ христианин луиды бере, тѝ огнады ѝвѝл ни. Оген улон – со самой кышкытѝз, со адямилѝн уло-наз самой бадѝым трагедия. Асьмеос чѐм гинѝ вераськомы уно калык пѝлын оген кылем адямиос сярись. Туж бадѝым городын улѝсь адями ассѝ оген кылемен лыдѝа, бусы сюрестѝ кинѝн ке чѝш мыныкуз сярись. Котькуд адями ассѝ валась эш утча.

Но тѝ валады ни, самой матысь эш – Иисус Христос, Со гинѝ валалоз тѝлесьтыд малпандѝс, Со гинѝ лыктоз нырись юрттѝтѝн. Соин гинѝ тѝ шудо луиськоды.

Куатетѝез: Иисус Христослѝн юрттѝмезѝа, тѝляд **ВЫЛЬ КУЖЫМДЫ** кылдѝ. Адями ас понназ ноку но вормыны уз быгаты Инмарлѝсь ужпумзѝ, сѝлмыныз

Инмарлэсь кыдэкин ке. Моисейлэн законъёсыз луонлык сётйзы адымылы радзэ валаса улыны, но Инмарлэн куремезъя ке улоно, Моисейлэн законъёсыз самой уй пагзаын улэмез возмат. Тй асьтэос туж лябесь, ас кужыменыды, юрттйсьтэк, выльегес жутйськыны. Аслаз улон историз адыми туж уно пөртэм решениос кутылйз, ассэ ачиз кужмоен лыдъян понна, но оgez но со решениос улонэз быдэсак воштыны өз быгатэ. Сюлмад Христосэн выльысь вордйськыса гинэ адыми ас улонзэ но, ассэ но воштыны быгатоз.

Асьмелы тодмо, кызы Савл, Дамаске мыныкуз, Христосэн пумиськыз но Христосэз сюлмаз быдэсак пычатйз, Солэн самой матысь адымиез луиз. Таče воштйськонъёс луыло туннэ нуналын но, ваньмыз со воштйськонъёс сыče ик амалэн ортчыло, кыče амалэн Савл Петрлы берытскиз вал, нош со воштйськон амал – Иисус Христос вамен выльдйськон луэ!

Сизыметйез: христианской улон но астэ ачид чакласа возён вутто **ЗЕЧ МЫЛКЫДЭ**. Сьöлык но умойтэм малпанъёс но куректон мугорез но, лулэз но лябзыто. Аслэсьтыд со тырмымтэостэ шöдыса улон, матысь адымидэ адзонтэм карон, ужедлэн но улонэдлэн пöрмымтэмез – ваньмыз со шöдйськымон муг нервной висёнъёслы. Астэ янгышен но сьöлыкен лыдъян люкетэ адымылы ас ужзэ быдэсьяны, сое висись каре. Малы ке-а Иисус Христос, музейем вылын улыкуз, бурмытон амалъёссэ огазеялляз проповедьёсыныз но дышетонэныз. Духлэн улонэз, мугорлэн тазалыкез но йырвизь ог-огенызы туж юн герзаськемын.

Христианин – азыланезлы оскыны быгатйсь адыми, со тодэ, Инмарлэн косэмезъя улон-вылон одно ик выльдйськоз.

Милям тодэммы потоз та книга сярсысь
мылкыддэс. Гожтэлэ таңе адресья:
426000, Ижевск, ул. Пушкина 217-26

В. Graam, „Peace with God“
© 1962 Russian edition „Licht im Osten“
„Мир с Богом“ на удмуртском языке
Перевод П. Кубашева
© 1995 „Благовестие“, Саранск

22.078

ИНМАРЕН ДУННЕ

Д-р Б. Грэм

Д-р Б. Грэм

**ИНМАРЕН
ДУННЕ**



СВЕТ НА
ВОСТОКЕ

Д-р Б. Грэм

**ИНМАРЕН
ДУННЕ**